





Linnaeus
Spec. 1760

1760
med 144 platen

(Typotius)

1760





SYMBOLA
 varia Diversorum
 PRINCIPUM
 Archiducum Ducum
 Comitum et Marchionum totius
 ITALIAE.

*Cum facili Isagoge D. Anselmi de Boot
 Brugenfis, Sac. Cæs. Majest. Aulae Medici.*



AMSTELÆDAMI,
 apud YSBRANDUM HARING. A.º 1586.

SYMBOLA

Varia diversorum

PRINCIPUM,

Archiducum, Ducum,

Comitum & Marchionum

Totius Italiae.


Cum

FACILI ISAGOGE

D. ANSELMUS de BOOT

Brugensis, Sac. Cæs. Majest.

Aulæ Medici.



ARNHEMIAE,

Apud Viduam JOH. FRID. HAGEN

#.137. Typograph. Ord. Curiae Gelriae,
M. DC. LXXXVI.

SYMPOLA

Chrys. & perforatus

PRINCIPUM

Archiducum Ducum

Comitum & Marchionum

Tormentum

Chrys.

Facillissimae

D. ANSELMI DE WOOT

Trigon. & C. & C.

Trigon. & C. & C.

Trigon. & C. & C.

Trigon. & C. & C.

TRIGON. & C. & C.

Trigon. & C. & C.

Trigon. & C. & C.



HIEROGRAPHIA

pro integro Myſte-
rio.

Cujus Partes ſunt

HIEROGLYPTON
ET
SYMBOLUM,

Id eſt,

PICTURA ET SCRIPTURA.

Sunt autem

Hierographiæ Magnorum
Ducum, Ducum, Principum,
Marchionum, Gubernatorum,
& Præſectuum totius Italiæ.

CCLXXXVIII.

A

I.HIE-

Thomas Mocenigus Venetorum Reipub: Dux 64.



Franciscus Foscari Venetorum Dux Reipub: 65



I. HIEROGRAPHIA DUCUM VENETORUM REIPUBLICÆ.

SIC IMMORTALIS SUM.

LAURUS immortalitatem, quod perpetuò vireat, designat. Dux verò manus, quæ & illam, & sese complectuntur, fidem datam servanti immortalitatem parere ostendunt. Hæc Dux Venerus sibi, quod se fidelem Reip: suæ sciverit, accommodare voluit. Sunt aliæ arbores, quæ hyeme & æstate vigent, sed hanc elegit, quod sacra, & augusta sit, eximiâ formâ, odoreque suavi prædita, ac victorum ornamentum. Divo namque Augusto de cœlo missa fuit: Tyberiusque Imperator tonante cœlo ferrum de lauri frondibus contextum & triumphantes Romanorum duces capiti aptare solebant. Laurus siquidem, Plinio teste, nequis fulmine iciatur, prohibet.

Lauri species duæ sunt, Delphica & Cypria: Delphicâ Reges & Principes victores, Cypriâ Musæ (ut & nunc Poëtæ) Delphis coronabantur, ac sese immortalitati consecrabant.

Fides, fœderaque duabus junctis manibus confirmari & olim & nunc solent. Fides Reip. est fundamentum; hac namque ab heroibus Reipublicæ, cui præsumt datâ servatâque, illos immortales facit, & Rempublicam florentem conservat.

II. HIEROGRAPHIA.

CONSTANTER ET SINCERE.


Palmæ duo rami diademati transversim inserti constantiæ; diadema regium regni, & aurum sinceritatis, sceptrumque erectum Imperii aut Reipublicæ est argumentum. Aprè hæc ad Symbolum; constanter videlicet & sincerè regnum & imperium vel Rempubl. esse administrandam. Palma constantiam designat, quia quo magis deprimitur, eò fortius assurgit. Ut illa non cedit, ita heroes publicam utilitatem privatis commodis præponere, malorumque injurias & maledicta negligere ac contemnere, sincerèque Rempub: administrare debent, memores Virgiliani versus:

Tu ne cede malis, sed contra audentior ito.

Constantia & sinceritas etiam auro indicatur: Nam aurum diro igni toto anno cruciatum ita constanter illius vim perfert, ut nihil illi depereat ponderis, longèque purius & sincerius illud postea eximatur.

Ut itaque in Hierographia aurea corona sceptrum

ptrum erectum sustentat, ita constantia sincera
imperium omne continet. Constantiæ sinceræ
præmium etiam regnum vel imperium est;
quod Alexandri Magni exemplo docetur, qui
res adversas perferens, & contemnens, Cyrum
Persarum Regem vicit, & Monarchiam orbis
adeptus est. Huc respexit Archihierographus
S. Paulus; qui neminem coronari asserit, nisi le-
gitimè certaverit. Affectus enim animi Satanam
& mundanas nugas superari vult, fortio-remq;
illum, qui se, quam qui alios vincit
rectè existimat.





DUCVM VENETORVM.

III. HIEROGRAPHIA.

SIC SEMPER.

Solebant Ægyptorum Reges illas pyramides, quæ inter mundi miracula recensentur, & nunc adhuc superstites conspiciuntur, sepulchris suis, ut apud posteros æterna ipsorum maneret memoria, exstruere. Ingentes quidem, eâque formâ, ut adversus omnes tempestates, tempusque rerum edax quodammodo SIC SEMPER durarent. Hos imitatus Dux Symboli author, monumento firmæque basi obeliscum vel pyramidem imposuit, quam neque ventus validus appictus deicere, neque Sol exurere, aut annorum cursus (quos Sol definit,) exedere possunt. Innuitur itaque, bonam famam ac memoriam Ducis post obitum (quem obeliscus monumento superstructus ostendit) ita constanter SIC SEMPER, ut dum viveret permansuram; manet siquidem post funera virtus. Imo & post funera nomen Ducis solis instar illustre, invitis Zoilis (quos ventus indicat) fore, indicari potest. Verum quid si vir magnus Reipubl. commodo deditus obeliscum, scopum, & metam rerum gerendarum, nempe Reipub. utilitatem esse velit? seque ad hanc contendere; neque Solis æstus, ventique frigora, hoc est, ulla obstacula ita pertimescere ut à cepto desistat? memor Poëtæ,

*Qui cupit optatam cursu contingere metam
Multa tulit fecitque puer, sudavit & alsit.*

Profectò non malè Symbolum cum Hieroglypto hoc modo expositum conveniet.

IV. HIEROGRAPHIA.

VIS CONIVNCTA MAIOR.

Sagitta ad metam directa Scopum vi fulguris adjuncta attingit; VIS enim humana CONIVNCTA cœlesti MAIOR profectò est; ut omnis vis unita fortior dispersâ. Quis enim nescit sagittam ab homine, & fulgur à Jove emitti? Fulguris etiam vim maximam esse non ignorat is, qui fulguris causam & materiam, spiritum esse tenuissimum ab exhalatione calida siccaque prognatum, ac vehementer impulsus, & incensum intelligit. Cum enim hujusmodi exhalatio spiritu igneo turgida, à frigidissimis, densissimisque nubibus intercipitur & concluditur, ac in angustias ita cogitur, ut amplius non possit; tum liberum ac cãpaciorem postulat quæritque locum, & nubes à quibus impeditur ac obseptus est, momento, ut spacium habeat, disfringit; maximumque sonitum, quem tonitru vocant, efficit, vehementique impetu erumpens, & ob motum citissimum, materiamque sulphuream salis, nitrique spiritu commixtam, ignitus, obvia quæque pervadit, diffindit, aut exurit, quod tum spicula ipsi telo, tum ignis appictus indicat. Rectè itaque Dux, numinis vim magnam esse, ac si humanis viribus jungatur majorem fore fulguris imagine, seque viribus suis melius Rempub. cui præest, divina ope accedente, regere posse, ostendit.

Nicolaus Thronus Venetorum Reipub. Dux 68.



Nicolaus Marcellus Venetorum Reipub. Dux 69.

V. HIEROGRAPHIA.

IMMORTALE QVOD OPTO.

Muliercula, aut virgo nuda, nulloque ornata muliebri mundo, retibus vel laqueis insistens, mentem Ducis adumbrat: Ostendit enim quod pericula omnia, quæ à mundo & Satana quotidie imminet, studiosè evitet; animique affectus, & imperus improbos, quibus ita solet mens, aut animus illaqueari, ut nihil heroicum nihilque pium facere possit, superare contendat: Ac ob id se interiturū præmium ex Palma, vel Lauro, quæ cito marcescunt, non optare, sed aliud, quod immortale sit, verum virtutis præmium. Neglectâ enim Lauro ac palmâ cœlum ostentat, ibi videlicet IMMORTALE esse, quod OPTAT. Ibi verum rerum benè gestarum præmium, nempe cum summo ac inexplicabili gaudio vitam æternam: Fœlices profectò illi heroes, qui immortalia, æternaque interituris, ac caducis rebus præferunt, qui vitam ita instituunt, ut immortale, & summum illud bonum consequi possint. Fœlicissimi qui jam Deo uniti summo illo bono fruuntur. Scivit Dux se palmâ laureâque ob virtutes, resque benè gestas dignum, sed vana hujusmodi præmia se prudenter contemnere palam commonstrare voluit: Hunc imitari, & caduca despiciere, cœlestiaque tantum ac divina præmia optare, discamus.

VI. HIEROGRAPHIA.

BONÆ SPEI.

Ex sacris literis desumpta est hæc Hierographia

phia; Cum post aliquot mensium imbres, Arca Noe remissis, & defluxis ex parte aquis, supra montes Armeniæ sisteretur, columbam Noe exploratum emisit, num terræ planities habitabilis foret; illa jamdudum conclusa, liberoque aëri credita veterem antea libertatem, & assuetos cibos quæsiuit; quos cum nequaquam inveniret, arrepto oleæ ramusculo ad Arcam revolavit. Hinc bonam spem concepit Noe, brevi terram habitabilem ut prius fore. Quemadmodum itaque post imbrium undarumque tempestates columba oleæ ramusculum deferens spei signum dedit ipsi Noe; ita Dux hoc Hieroglypto ostendere voluit, neminem fortunæ injuriis laceffitum, nullamque Rempublicam bello conquassatam desperare debere, præsertim fortunâ mitiore pacatioreque sese ostendente: sequitur enim post nubila Phœbus, neque res humanæ perperuo eodem in statu permanent. In rebus itaque adversis nunquam animus dejectendus, sed BONÆ SPEI fortes viri esse debent: tum quod Deus nullum opus tam magnum, aut calamitatem tam ingentem inferre soleat, quam non ferat hominis natura; tum quod adversam fortunam & calamitates sequatur plerunque melior fortuna, Instabilis enim est, & quos depressit, mox elevat.

Columba in Hieroglypto, quia absque bile animal esse putatur, mansueta omnia, adeoque pacem, promittit; quæ BONÆ SPEI est; quod rerum copia ac Reipublicæ fœlicitas pacem sequi soleant.

Petrus Mocenigus Venetorum Reipublicæ Dux 70.



Andreas Vendra Venetorum Reipublicæ Dux 71.

VII. HIEROGRAPHIA:

LÆSÆ LIBERTATIS AFFECTVS.

Vt sanitas cum læditur afficitur, ita libertas; ac ut illi us affectus corpus; ita istius Rempubli-
cam perturbant: Quia enim, ut inquit Juris-
Consultus, res est inæstimabilis libertas, ac teste
Aristotele, potestas vivendi, ut velis; quamque
natura introduxit, nullæque gentes, qui eam ha-
bent, libenter amittunt, hinc fit, ut si perturbetur
& lædatur, multorum tumultuum sit causa, qui
non prius cessant, quam aut pristinum statum ha-
beat, aut pereat. Contingit enim interdum eos,
qui nimium libertati student in servitutem rapi
ab iis, quorum interest nimium libertatem intro-
duci. Nam magna libertas sine aliorum damno
vel injuriâ rarò habetur: Cum enim plebs liber-
tate magnâ fruitur, tum optimates opprimi; cum
optimates, tum plebs; cum verò Reges, tum
optimates, tum plebs, solent. Ostendit itaque
Hieroglypton turri, quæ carceris figuram præ se
fert, servitutem, aut læsam libertatem; undarum-
que fluctus, qui turrim obsident, & alluunt, læsæ
libertatis affectum, tumultum nempe & seditio-
nem populi, ad removendam servitutem, & re-
cuperandam libertatem ortam & institutam;
quasi innuere vellet, Duces Reipubl. operam da-
re debere ne lædant populi libertatem, ac seditio-
num,

num, nec non tumultuum causæ fiant, sed potius ut illam illæsam conservent.

Potest etiam turris inter fluctus constituta mentem Principis indicare, quæ uti à fluctibus concussa sine noxa permanet; ita etiam mens humana, ab omnibus læsæ libertatis affectibus, (quæ fluctibus signantur) agitata, eos contemnit & superat.

VIII. HIEROGRAPHIA.

NVLLI CEDIT.

Decet Heroicum Virum ac Reipublicæ præsidem fortitudo, constantia, & magnanimitas, quæ quercu designantur. Nam quercus cæteras omnes arbores robore, propter ligni durissimi compagem; constantiâ, propter radicum ramorumque multitudinem & crassitiem; ac magnitudine, quod ramos longè latèque diffundat, excelsaque præ cæteris sit, superat. Convenit autem Heroi fortitudo, ut pericula maxima propter honestatem & commune bonum subeat; constantia, ne à benè inceptis desistat, aut ab adversis faciliè perturbetur; magnanimitas, ut existimatione sibi erga populum factâ, eum in officio contineat, ac incepta facilius ad finem deducere possit. Quantum enim possit vir magnanimus ac gravis indicat Virgilius:

*Ac veluti magno in populo cum saepe coorta
est.*

Sedi-

*Seditio, & vitæ animis ignobile vulgus ;
Iamq; faces & saxa volant furor arma mi-
nistrat.*

*Tum pietate gravem, ac meritis si forte vi-
rum quem*

*Conspexere, silent, arrectisque auribus ad-
stant.*

His tribus virtutibus clarus nullus cedat, ne-
que hostibus, neque rebus adversis ; ut quercus,
quæ aëris imbriumque tempestatibus non cedit;
sed pericula quævis magno animo fortique, ac
constanter ferat: ita siquidem laudem apud
suos, ac bonum nomen apud po-
steros consequetur.



Ioannes Mocenigus Venetorum Republicae Dux 72.



Marcus Barbaricus Venetorum Reipublicae Dux 73.

IX. HIEROGRAPHIA.

CVM PATIENTIA.

Quis hîc dexterâs datas & junctas, flammâ-
que flagrantés, ardentis amoris & concordia
vinculum significare, non intelligit; quod nec
ignis, nec adversi quippiam dissolvere debeat?
Amoris siquidem nexu, sacramento pactoque
confirmato vincti, CVM PATIENTIA quæ-
vis potius ferre, quam ut se divelli patiantur, de-
bent. Sed quid serpens in orbem actus, caudam-
que ori insertam habens indicat? Serpens, pru-
dentiam; orbis figura, vinculum illud amoris;
caput, Reipubl. Ducem, quod caudam, id est,
plebem, Reipubl. infimum membrum, ita pru-
denter continere debet, ne vinculum amoris &
concordia, quod inter optimates & plebem,
unius corporis partes, est, rumpatur aut divella-
tur, significat. Ut enim cum caput caudam, vel
aliud ejusdem corporis membrum lædit, etiam
malè habet; quia omnes partes animalis ita har-
monicè consentiunt, ut nulla affici & lædi, quin
omnes patiantur, possit: ita ii, qui Rempubli-
cam regunt, cum plebem opprimunt & exsugunt,
randem & illi, laborante Republica, quasi mani-
bus pedibusque destituti, nullas vires habent, ac
damnum sibi, non plebi (quæ facilius Reipubl.
mutationem fert) intulisse sentiunt.

X. HIEROGRAPHIA.


NON MIHI, DOMINE, SED NOMINI
TVO DA GLORIAM.

Pius & modestus profectò hic Dux, qui quas de hostibus reportavit victorias, non sibi, sed Numini ascribi vult, dum ait: NON MIHI, DOMINE, SED NOMINI TVO DA GLORIAM. Pietatis enim est, quicquid foelicitatis, vel boni in hac vita consequimur, illi accepta ferre, cujus beneficio sumus & vivimus. Modestiae etiam est, partae victoriae gloriam, quam victoriae Author D E U S Opt. Max. sibi, non alteri peperit, non nobis, sed Illi ascribere: victoria enim omnis à D E O est, & Ille dat cui vult. Victoriam autem de hostibus non levem hunc

Ducem reportasse, indicat Hercules, qui omnium animalium regem fortissimum leonem comprimit.



Augustinus Barbaricus Venetorum Reipublicæ Dux 74.



Leonardus Loredanus Venetorum Reipublicæ Dux 75.

XI. HIEROGRAPHIA.

COPIA ME PERDIT.

Quemadmodum plerunque contingit arbores, quæ copiam fructuum ferunt, vel à fructuum onere, vel ab iis qui fructus decerpunt, dirumpi: Ita sæpè magni viri eximiis virtutibus, ac animi dotibus præditi, dum nimis studiosè Reipublicæ curam gerunt, ac virtutum & studiorum suorum fructus publicæ utilitati accommodant (memores sententiæ; Non nobis, sed patriæ nati sumus) vires & animi corporis robur ita frangunt, ut rectè quivis dicere possit, COPIA fructuum meorum ME PERDIT. Nam si nullas animi dotes habuissent, quibus patriâ frui, ac uti potuisset, curis publicis, arduisque negotiis, non fuissent præfecti, sed integri, curisque soluti, beatam (ut inquit Marcus,) domi vitam egissent. Verum non luget neque dolet Dux Augustissimus, se aliis inserviando consumi; sed innuit iis, qui putant Reipub. præfides beatos esse, rebusque suis optimè consulere, potius detrimentum pati.

XII. HIE-

XII. HIEROGRAPHIA.

NASCETVR.

Elephas animal vastissimum, omniumq; quadrupedum maximum res magnas designat. Symbolum verò NASCETVR, proli quam in utero gestat, accommodari debet. Indicatur namque hoc Hieroglypto ac Symbolo, res magnas non ita propere esse expediendas, sed expectata occasione; inquit enim Theognides: *μηδὲν ἄρ᾽ ἄρ᾽ ἐπείθεσθαι*, ne nimis propere. Vt enim elephas, Plinio teste, decenni spacio uterum gerit, tantumque in vita semel, ac pariendi tempus dum veniat, patienter expectat; ita etiam res magnæ quæ geruntur, accelerari & præcipitari non debent, sed expectanda apta rei gerendæ occasio, quæ tandem, uti elephantæ proles, licet diu utero contenta nascetur. Tempus enim occasione gignit & parit.



Adreas Grimanus Venetorum Reipublicæ Dux 76.



Andreas Grithi Venetorum Reipublicæ Dux 77.

XIII. HIEROGRAPHIA.

FESTINALENTE.

Convenit hæc Hierographia cum proximè præcedenti: Columna enim res graves magnasq; quibus Respubl. innititur, ut illa structuræ augustioris fulcrum esse solet, designat: Hanc festinanter & lentè excrescens circumvolvit vinea. Festinanter, quia vix stirps aut arbor tam cito ramos producit, ac vinea; lentè, tum quod aspicienti motus nullus appareat, tum quod tardius botros ferat, & maturet. Prudenter admonentur principes viri, ne cum gravissima negotia ac ex quibus salus Reipubl. dependet tractant, nimis properent, ac inconsultè & immeditatè quippiam aggrediantur aut statuunt: raro enim fœlix eventus hujusmodi consilia sequitur. Lentè itaque festinandum; Sat cito si sat benè; festinatio neque cernit, neque cavet pericula, lenta verò tempus habet, ut noxia observet & evitet.

XIV. HIEROGRAPHIA.

SVSTINET NEC FATISCIT.

Andreas Gritti, cum fœliciter octennii bellum pro Venetis gessisset, ac Patavium contra Maximilianum defendisset, hanc Hierographiam à M. Joan. Cotta Poëta Veronensi inventam auroque insculptam inter amicos, cum jam Dux Venetorum electus esset, clam distribuit. Sustinet autem in hac Hierographia Atlas orbem, universæ nempè naturæ maximam molem, imo & universum ipsum. Inquit Symbolum; Sustinet nec fatiscit, Sed quis universum ipsum sustinere potest? profectò nemo nisi Deus Opt. Max. Quid itaque indicatur? Nihil aliud, quam eos, qui à Deo ad res magnas, aut ut Rempub. regant vocati sunt, labores vocationis suæ ferre constanter debere: Juvabit enim illos divina virtus, ne oneri succumbant aut fatiscant, perfer itaque & obdura, SVSTINE NEC FATISCE,

Deus opem feret & labor compensabitur
vel hîc vel in vita
æterna.

Petrus Landus

Venetorum Reip: Dux 78.



Franciscus Donatus Venetorum Reipublice Dux 79.

XV. HIEROGRAPHIA.

IN OLLIS VENARI.

Principes viri in sylvis, non in ollis venari, hoc est, suis, non alienis laboribus sibi rem, statum & dignitatem comparare debent. Qui enim alienos labores devorant, ac ab aliis præparata, & constituta sibi applicant, ac in proprios usus convertunt, illi milvis, (quorum rapacitas cuivis cognita est,) comparari possunt: Dum enim prædam in aëre milvus quærere deberet, ollam decoctis carnibus plenam (in hoc Hieroglypto) faciliiori compendio invadere conspicitur. Hic acquirendi modus, ut privato nulli convenit, ita nec Principi, nisi Tyrannus haberi velit. Tyranni enim per fas nefasque per vim ad se rapiunt, ac præsentis sorte minimè contenti, Regna ac Respubl. benè constitutas perturbant, invadunt, suisque regnis injustè adjungunt. Princeps iste Petrus Landus, ne talis putetur & habeatur, Tyrannorum, ac illorum, qui in otio degentes, injustè aliorum opes ad se trahunt ac consumunt, imaginem Hieroglypto exhibet. Vitii enim turpitudo exemplo aliquo hominis menti insculpta, ac palam figura oculis objecta, mentem non solum ne peccet firmat & tuetur, verum etiam virtutis studium summoperè placere ostendit.

XVI. HIE-

XVI. HIEROGRAPHIA.

LIBERTAS SVB METV.

Tracta est hæc Hierographia à vulgari fabula: Equus enim quidam freno sessorumque excussus, veloci cursu sylvam (libertate adepta) petulans petiit, ibique in lupos famelicos incidit; à quibus cum dilaniandus sterneretur, nullaque vitæ spes amplius superesset, exclamasse narratur: O me miserum & infelicem! qui clementem meum dominum abundè pabulum mihi suppeditantem gestare nolui, jam luporum visceribus gestabor! Symbolum ait, LIBERTAS SVB METV, & verè; ut enim equo illi absque metu in sylvam excurrenti interitus præsto fuit, ita & Rebuspub. privatisque hominibus, ni prudenter pericula, quæ vel libertatem labefactare aut tollere possunt, observent, ac evitent. Insidiari libertati Rerumpubl. Tyranni solent; quia non se, ut populo & communitati, sed populum, ut illorum libidini & voluptati inserviant, creatos arbitrantur. Libertas itaque quævis cum metu non careat, quin facilè in servitutem commutetur; citius autem ea, quæ in peccandi licentia constituitur, ac vera libertas dici non potest. Est siquidem libertas, teste Cicerone, potestas vivendi ut velis, verum certo tantum modo. Nam Cicero priorem exponens definitionem, inquit ita. Is vivit ut vult, qui recta sequitur, qui gaudet officio, cui

vivendi via considerata atque provisa est, qui legibus quidem non propter metum, sed ea sequitur atque colit, quia id salutarè esse judicat. Qui nihil dicit, nihil facit, nihil cogitat denique, nisi libenter ac liberè: cujus omnia consilia, resque omnes, quas gerit, ab ipso proficiuntur, eodemque referuntur: nec est ulla res, quæ plus apud eum valeat, quam ipsius voluntas atque iudicium, cui etiam fortuna ipsa cedit. Libertate vera quia fruitur Respublica Veneta, cujus caput Dux iste Francisus fuit, ut posteris consulere, ac prudentiæ suæ testimonium relinqueret, admonitos eos voluit; ne libertate, quâ ipso imperante fruuntur, abuterentur, ac tanquam effrenes equi peccandi licentia in vitia ruerent, ac sine metu amittendæ libertatis, nimis securi, vicinis Monarchis prædæ essent. Dum enim libertas peccandi nimia conceditur, ac peccata impunita relinquuntur, bonorum oppressio, ac propter illatas injurias ulciscendi cupido, pristini status mutationem & servitutem faciliè inducunt. Quæcunque itaque florere Respublica diu vult, imprimis operam det, ut viri boni tuto degere, ac vera libertate frui possint; nec non improbi, quantum vis magni, legibus coerceantur, ac delinquentes plectantur.

Marcus Antonias Trivigianus Venetorum Reip: Dux 80.



Franciscus Venerius Venetorum Reipublica Dux 81.

XVII. HIEROGRAPHIA.

SYMVS.

SYMVS inquit Symbolum: Verum dubitant argutuli an simus nec ne; nam præsentis temporis est Symbolum: Tempus autem præsens nullum videtur. Fluit enim perpetuo tempus. Si momentum & ipsum nunc putes, falleris, quia tantum connectit futurum cum præterito, ut linea quæ connectit album lignum nigro, apparens quidem, sed sine ulla latitudine. Esse tamen nos verè scimus, sed ita ut ea, quæ in perpetuo sunt fluxu, ac stabilè nihil habent. Fluxus & inconstans noster iste status horologio Solari, cujus umbra nunquam quiescit, ac clepsydrâ, cujus momenta continuè fluunt nec consistunt, commodè designantur. Verùm Mysta, non solum se nihil esse, (ut præsens tempus nullum dari posse videtur) ostendere, conatur: Sed etiam, se nunc dignitate illustrem, quisnam prius fuerit, ac post hanc vitam futurus sit perpendere. Qua contemplatione nihil utilius est, tum, ne ad majores honores evecti superbiamus, tum etiam, ut imbecillitatis nostræ memores ita vivamus, ut posteris bonum nostrum nomen relinquamus, & vitæ æternæ participes fiamus.

XVIII. HIEROGRAPHIA.

AUDACES IUVAT.

Audaces fortuna juvat timidofque repellit,
 Canit Virgilius; à quo versiculo author Hiero-
 graphiæ Symbolum accepit. Verùm fortunam
 adjicere noluit, quod fortuna temerarios potius,
 quam audaces juvèt. Ac si audaces optatæ rei
 exitus ferè sequatur, id non fortunæ, sed virtuti
 & prudentiæ tribuendum esse: Audaces enim,
 quæ aggredi volunt, prius consultant: Temera-
 rii, absque consilio in quævis pericula sese con-
 jiciunt ac præcipitant. Leo ut est animalium o-
 mnium audacissimus & Rex; ita aptè illius figu-
 râ erecta, ac ad pugnam instituta, audacia signifi-
 catur: quæ principibus viris imprimis convenit;
 tum, ut res magnas, arduas ac periculosas non
 tentent, nisi adhibito prius consilio; tum etiam,
 ut ab inceptis non facilè desistant, sed leonum
 instar magna animi fortitudine audacter & in-
 trepidè iis incumbant, donec ad optatum finem
 perducant. Nihil enim turpius Principi, præ-
 sertim in rebus bellicis, quam quid inconsultè ag-
 gredi, ac tentata frustra cum ignominia relin-
 quere. Rectè itaque Mistra audaces con-
 silium juvare asserit.

Laurentius

Priolus Venetorum Reip. Dux 82.



Hieronimus Priolus Venetorum Reip. Dux 83.

XIX. HIEROGRAPHIA.

NULLA HORA SINE LINEA.

Linearum picturâ nobilis fuit Appelles: Is cum Protogenem pictorem, qui peregrè profectus fuerat, quæreretur, lineam ex colore duxit summæ tenuitatis per tabulam: nolebat enim domesticis nomen suum dare. Reversus Protogenes, ac subtilitatem lineæ contemplatus Appellem quævisse asseruit. Quapropter arrepto penicillo alio colore tenuiorem lineam in illa ipsa duxit, ac præcepit, ut, si rediisset, illi ostenderetur. Reversus Appelles ac vinci erubescens, tertio colore lineas secuit, nullum relinquens amplius subtilitati locum, ac Protogenem hac ratione superavit. Appelles id in ore habere solebat: Nullam diem illi esse sine linea. Cujus sententiæ, Symbolum hoc simile est, viris omnibus, qui Reipublicæ inserviunt ac præficiuntur observatu necessarium. Ut enim Sol, qui inferiora hæc omnia calore & luce regit, generat, producit, ac fovet, nunquam quiescit, ac stylo, quem in horologiis solaribus radiis suis illuminat, singulis momentis umbram facit, & proinde NULLA etiam HORA SINE LINEA elabatur: ita etiam Reipubl. Duces nunquam otiosi esse, sed assiduis exercitiis populi bonum & commodum curare debent. Hoc quia huic Duci semper propositum fuit, diligentiae suæ notam posteris hac Hierographia reliquit.

XX. HIEROGRAPHIA.

PAVLATIM PAVLATIM.

Paulatim incedit, sed securè testudo. Securè propter domicilium ac tegumentum, quod secum perpetuo fert, ita compactum mirabili naturæ artificio, ut eo ab omni periculo rupium, ubi degere solet, defendatur & muniatur. Nam à saxis, sive in illa præcipiteretur testudo, sive ea in illam decidant, neque lædi ipsa, neque tegumentum confringi potest. Ostendit hac Hierographia prudentiam Mystra, quâ in rebus arduis & quæ ad Reipublicæ suæ salutem spectant utitur, PAVLATIM enim difficillima negotia gerit, ac non nisi circumspectè & deliberatè. Hac enim ratione tuto ad optatum finem, etsi paulo tardius, perducuntur. Sat cito, inquit ille, si sat benè: Complures properantes & absque consilio sua conficiunt, verum sæpè illos properantiæ nimiae pœnitet. Si aliqua res celeritate opus habet, res bellica est: Verum ni & illa consilio subitaneo præhabito geratur, multorum exitio properantis stultitia plectitur. Valet enim semper hoc Salustii: Priusquam incipias consulto, at ubi consulueris maturè opus est facto.

Petrus Loredanus Venetorum Reip. Dux 84.



Aloysius Mocenigus Venetorum Reip. Dux 85.

XXI. HIEROGRAPHIA.

NON SVNT TALES AMORES.

Duo Hastarum manipuli vincti concordiam viresque junctas, multorum vincula, amorem significant. Ut enim junctæ hastæ nulla ratione infringi, ne à robustissimo quidem viro, separati facillimè ac à puero possunt. Ita etiam Regna ac Respubl. concordēs nullâ hostium vi subverti possunt. Hanc concordiam conservat amor civium erga se mutuo, quem virtus & bonæ leges familiæque civium studia parere solent. Hic salubatur aut vacillet, & vel propter diversam religionem, aut alias causas, ultroque minuatur aut pereat Respubl. tandem pessum it, ac non diu stare potest, ut multæ etiam optimè institutæ Respubl. suo interitu satis declarant. Id Myta prævidens aliquando (ut nihil in rebus humanis perpetuum) Reipublicæ suæ posse contingere, ait, NON SVNT TALES AMORES hominibus, ut nunquam dissolvi ac infringi possint; ac propterea se dolere casuram aliquando florentissimam Rempublicam.

XXII. HIEROGRAPHIA.

VI PARVA NON INVERTITVR.

Ut elephas animalium vastissimum VI PARVA NON INVERTITVR; ita nec magna
Reg

publ. quæque divitiis opulentiâ ac virtutibus
florat: Hæc enim duo, tanquam columnæ eam,
ne labatur, sustinent. Divitiis enim ea quæ ne-
cessaria ad conservationem Reipubl. sunt, ut con-
föderati, annona, milites, & arma comparantur,
ac incolarum virtute ea quæ comparata sunt in-
optimos usus vertuntur. Virtus autem una non
sufficit. Nam justitia, fides, prudentia, fortitudo
ac temperantia requiruntur. Justitia, ut interpo-
pulum æqualitas Geometrica & Arithmetica
servetur, crimina puniantur, benè de Republica
meritis præmia dentur: Hac enim ratione pax
servatur, & discordia, quæ cives perdere solet,
prohibetur. Fortitudo, ut tum ad invadendos
hostes, tum ad tuendam Rempublicam, ac mole-
stias quasvis ferendas, promptus sit animus. Fi-
des, ut commercia tuto geri, ac quilibet securè
de se, vel suis rebus, quod volet, statuere possit.
Prudentia, ut gerenda quam optimè getantur, &
viranda securissimè vitentur. Ac postremo tem-
perantia, ut malorum, rixarum, tumultuumque
causæ, quæ ex luxu ac ebrietate nasci solent, im-
pediantur. Istis profectò innitens columnis Res-
publica Veneta, (ad quam proculdubio direxit
Aloysius Mocenigus hanc Hierographiam) VI
PARVA NON facilè INVERTETVR. Non
cadet enim (quæ jam aliquot centenis annis flo-
ruit) priusquam virtus exulet, crimina impunita
maneant, ac potentioribus peccandi licentia li-
bera relinquatur, plebsque opprimatur, ac ad se-
ditio-

ditionem compellatur. Quæcunque enim Respublica diu stare vult, nulli rei magis, quam ut probi, tuti injuriâ & damno vivere possint, studere decet. Qui Rempublicam perdi volunt, improbos inducant, qui luxu, intemperantiâ, perfidia ac malis moribus, bonos corrumpant: sic enim brevi illius habebunt exitium. Perpendens itaque Mocenigus Reipublicæ suæ, sibi commissæ, magnitudinem & potentiam, verè VI
PARVA NON facile **INVERTI**
 posse asseruit.



Nicolaus de Ponte Venetorum Reipub. Dux 86.



Pasqualius Zicogna Venetorum Reip. Dux 87.

XXIII. HIEROGRAPHIA.

ALIIS INSERVIENDO CONSUMOR.


Nicolaus de Ponte ad familiæ nomen, dum pontem pro Hieroglypto exhibet, appositè, quod cognomine & re pontis instar sit, alludit: ut enim pons eorum à quibus calcatur pedibus consumitur; ita & ipse Reipublicæ suæ præfectus, dum eos, quos regit curare, ac justitiæ administratione, aliisque muniis publicis inservire cogitur, ALIIS INSERVIENDO CONSUMI verè asserit. Magnum enim onus est, Reipubl. servire absque absoluta & regia potestate, interea tamen omnia ad commodum populi aptare debere. Laude quidem omni dignissimum, cum boni Principis suprema lex salus populi esse debeat, sed quæ multa incommoda & pericula secum trahat. Bellua enim multorum caput est populus, quibus singulis diversa de rebus insunt judicia, & quod uni placet alteri displicet. His omnibus qui ut placeat studet, non parum consumitur, animique & corporis vires fragit. Non mirum itaque bonum hunc Principem officio & vocatione sua strenuè fungentem, ostendere velle, quid lucri & emolumenti oblata illi Ducatus dignitas afferat; nihil videlicet, quam pericula, curas & sollicitudines, quæ vel interitum, vel varias animi, & corporis ægritudines inducunt.

XXIV. HIEROGRAPHIA.

VLTRA NVBILA.

Vt navis tempestate jactata tandem secundo
afflante vento securo esse in statu videtur, ac ci-
conia ad altissima volatum dirigens tandem
etiam ultra nubila delata, neque à pluviis, neque
ventis amplius quicquam perpeti potest; ita Pas-
quasius iste Dux à ciconia nomen familiæ suæ
habens, ciconiæ exemplo egregiè ostendit, se ad
summos quidem honores pervenisse, ac post va-
rios fortunæ insultus, eâ jam satis prospera frui;
verùm nondum plane securum esse; ut casui ci-
ciconia ac vecturâ onusta navis antequam por-
tum attigerit, naufragio ac submergendi pericu-
lo exposita est. Has animi sui angustias & curas
Hieroglypto notat, ac nihil in rebus humanis tu-
tum, neminemq; ante supremum diem quantum-
vis fortuna arrideat, beatum dici posse significat.
Laude propterea non mediocri dignus. Nihil
enim prudentius, quam fortunæ applausus suspec-
tos habere, & ita firmare animum, ut si velum
vertet, noxa non sentiatur. Magnum quid vide-
tur ad honores summos evehi, sed ut honos, ita
onus crescit, & quantum honoris accrescit, tan-
tum libertatis decrescit Sic, qui Rebus publ. præ-
ficiuntur, summum quidem locum summam-
que dignitatem obtinent; verum ingenti adjun-
cto

Cito onere, dum omnibus ac singulis Reip. mem-
 bris regendis occupantur, ac rectè, ut figura in-
 dicat, onerariæ navi similes sunt, quæ, quo am-
 plior, eo plura in se recipit, ac quo plura, eo ob-
 orta tempestate majoribus periculis exponitur,
 ac facilius undis (ni se cito exoneret) obruitur.
 Libertatis jacturam capere illos, qui summa in
 dignitate constituti sunt, notum est: Vix enim
 animum à curis relevare, rebus domesticis, libe-
 risque bene educandis, ac valetudini curandæ
 operam dare, illis licet. Hæc omnia qui nescit
 libertatem minuere, vix sapit. Valeant itaque
 honores tot periculis ac incommodis venales,
 ac mediocritas in rebus omnibus quæra-
 tur, & sufficiat.



Iacobus Foscarinus Venetorum Reipub. Dux. 88.



Marinus Grimani Venetorum Reipublicæ Dux. 89.

XXV. HIEROGRAPHIA.

SOLA MIHI REDOLET.

Fasciculus florum Hieroglypto exhibitus varias & diversas Respublicas in hoc orbe constitutas designat: quæ etiamsi florent, ac opulentiâ, bonis legibus, aliisque ornamentis celebrentur, ac cuius placeant: Tamen ferè semper ea in qua quis natus & educatus est, cæteris gravior, ac acceptior esse solet. Imprimis autem tum, cum in ea non solum commoda vivendi ratio, verum etiam præcipuus dignitatis gradus habetur. Id, quia Jacobo Fossario contigit, quid mirum illi Rempubl. suam tam celebrem, tam bene constitutam, tam antiquam, tam claris viris, omniisque disciplinarum genere ornatissimis, refertam, tam augustis palatiis ornatam, ac denique omnium rerum abundantiam tam affluentem præ cæteris, quas longis parasangis præcellit, redolere & placere: Hunc animi sui affectum, hac Hierographia palam omnibus aperire voluit, eaque ratione, se quodammodo gratum patriæ suæ esse, ostendere. Gratitude enim est agnoscere acceptum beneficium, quod rependi non potest.

XXVI. HIEROGRAPHIA.

SYDERA CORDIS.

Serenissimi istius Principis Symbolum cum Hieroglypto parum convenire, ac Symbolum vix explicari posse, videtur. Quid enim sydera cum leone, & quid cor cum syderibus conveniens habet? Cor profectò nullis syderibus, sed cœlum tantum ornatur. Verùm prudentissimus Princeps abdita animi sui non cuivis fortasse patere voluit, sed iis solummodo, qui occultiori philosophiæ se consecrarunt, ac mysticum Hierographiarum sensum consequi valent. De microcosmi enim syderibus hîc agitur, ac analogia majoris mundi cum minore (homine videlicet, qui microcosmus vocatur) ostenditur. Vt enim in majori mundo Sol suo calore & spiritu omnia fovet, ac syderibus omnibus lucem (Philosophorum omnium sententiâ) tribuit: ita microcosmi Sol (id est cor hominis) caloris omnis, & vitalis facultatis fons, ad cerebrum (microcosmi cœlum) ac principes facultates intellectum & ratiocinationem, suos radios seu spiritus mittit; ut principum facultatum meliores habitus, id est virtutes (quæ microcosmi sunt sydera) illustrentur. Quæ verò sunt sydera, vel virtutes? Hieroglypton indicat, ac præcipuè crux leonis anteriori pede præmonstrata, scopusque aliarum

vir-

virtutum omnium, vera nempe religio. Nam virtutes, ut constantia, fortitudo, liberalitas ac magnanimitas, Leone Sancti Marci Venetorum patroni designantur. Mysticè itaque ostendere Princeps hac Hierographia voluit, veram Christianamque religionem, & virtutes omnes, præcipuè autem animi fortitudinem & constantiam, desideria & sydera cordis sui esse, ac optatam, quam cupit contingere, metam. Augustum merculè propositum. Ut enim nihil majus religione, quàm Deo alligamur; ita nihil optabilius, quàm rationem habere, ac modum virtute comparatum, quo ejus connexu & unione frui liceat.



Ioannes Galeatius Vice Comes Mediolani D. N.
I. Comes Virtutum.



XXVII. HIEROGRAPHIA.

HYMENTIA SICCIS.

Exhibetur hic arboris truncus viridis, cui ignis substratus, & duæ situlæ aquâ plenæ appensæ sunt: Quibus haud dubiè indicare voluit Joan. Galeatius, se omnibus in rebus moderatione uti, & temperantiæ studere, ac animi affectus omnes, præcipuè verò iram & libidinem, quæ igni optimè comparari possunt, ratione, ut aqua ignis vehementiam temperat, compescere. Quod certè animi propositum in viro magno & Principe summopere laudandum est, ac ab antiquis non parum celebratum. Extat apud Livium præclarum Scipionis Africani exemplum; qui Carthagine captâ, virginem captivam elegantissimâ formâ ad se perductam Romanorum hosti & Principi desponsatam, Sponso sanctè servari, ac restitui cum dote jussit. Quâ temperantiæ ac munificentiae famâ magnæ Hispaniæ partis studium & favorem sibi conciliavit, ut inde amica Romano populo fuerit. Julius Cæsar etiam iram comprimere ac ratione extinguere potuisse scribitur, ut nullius rei illum oblivio citius, quam injuriarum (quæ irarum fomites esse solent) caperet. Utiles itaque est omnibus in rebus moderatio.

XXVIII. HIE.

XXVIII. HIEROGRAPHIA.

HYMENTIA SICCIS.

Similis omnino hæc Hierographia præcedenti est. Ob id ab ea ejus interpretatio sumi potest. Ut itaque præcedens moderatione omnibus in rebus opus esse docet, ita hæc. Moderatio autem imprimis illis, qui alios regunt, convenit. Quâ sæpissimè etiam contra sancitas leges, quod æquum est, distribuitur, ac observatur: Est enim æquum aliquid justo majus & correctivum ipsius, propter circumstantias, quæ positum justum immutant. Hinc proverbium: Summum jus summa injuria; dum videlicet nimis strictè observatur, neque pro eorum, quæ incidunt, natura moderatur ac corrigitur: Quid enim si statutum sit, cum, qui noctu gladium gerit, aut sclopeto plumbeas glandes ejaculatur, capite plecti debere: æquumne est peregrinum, qui legem ignorat, ac primum urbem ingrediens in legem peccat, capitis damnari? Nemo sane, nisi mente captus dixerit. Vir enim prudens & æquus, reum venia, ob ignorantiam, cujus causa ipse non fuit, dignum esse, ac id æquitatem postulare, quæ legem ita moderatur, neminemque absque culpa puniri vult, censabit.

*Ioannes Maria Vice-Comes, Mediolani Dux II.
Comes Virtutum*



*Philippus Maria Vice Comes Mediolani Dux
ultimus ex Vice Comitum.*

XXIX. HIEROGRAPHIA.

VEL IN ARA.

Non puto hanc Hierographiam à Galeacio Maria fuisse editam, sed ab alio quodam, si vera sint, quæ Paradinus refert: Scribit enim Galeacium ita libidini fuisse deditum, ut virgines ac honestas matronas vi compreslerit, & violarit: eaque Tyrannide sibi omnium odium ac præcipue eorum; quos lædebat, ita comparasse, ut Andreas quidam Lampaganus ab illo graviter offensus, in ejus mortem sociis nonnullis sibi adjunctis conspirarit. Quia verò Principis majestas postquam sæpius cædem cum sociis proposuisset, illum à cæde facienda terrebat, & prohibebat; ut intrepidus, ac ad facinus perpetrandum audacior esset, jussisse sibi ad vivum in tabella imaginem Principis depingi, ad quam aliquoties in die, ac cum luberet, pugionem adigebat. Tandem cum frequenti & quotidiano adactu jam sibi audacior videretur, sociis acceptis templum, ubi Princeps sciebat ingressum fuisse, ac illum colloqui quasi causa per satelites accedens, pugione subito interfecisse. Hæc profectò historia, si vera est, satis declarat, neque interfectum Galeacium hac Hierographia usum fuisse, neque etiam interfecti filium vel nepotem. Quicunque itaque is fuerit, vel indicare ulciscendi cupiditatem voluit, vel in patriam studium, Mutii Scævola exemplo, qui VEL IN ARA hostem

suum, si sese obrulisset occasio, trucidasset. Gloriosum enim est patriæ hostem trucidare. Hostes patriæ sunt, qui patrias leges, & patriam religionem, extinguere, delere, vel mutare volunt. Pro his pugnandum, dum vires valent, dum deficiunt aut ceciderunt, cedendum potius; satius enim est partem patriæ, quam nullam superesse.

XXX. HIEROGRAPHIA.

BATTI TUTTI SE NON GVASTA.

Imperantis vel consulentis est Symbolum, ait enim: Feri omnes, si non destruis. Obelisci sunt lignei, quos feriri omnes vult Mysta; Erecti enim collocantur, ut dejiciantur à ludentibus. Interdum omnes dejici, ut vincatur, & numerus dejectorum vincenti propositus compleatur, debent; quod ni fiat & unus tantum super sit, amittitur victoria. Obeliscis autem Mysta inimicos, & in necem, vel detrimentum suum confœderatos, intelligi vult. Quos vel non laceffendos, vel omnes opprimendos, utile esse securitatis causa arbitratur. Crudele quidem & parum Christiane consilium (si hoc modo Symbolum interpretari velimus) sed quod in rebus politicis utile & necessarium videtur. Paucorum enim interitu sæpe multorum caveretur, ac Reipublicæ tranquillitas conservatur. Hujusmodi consilium à Turcarum Imperatoribus observatur, ad Tyrannidem enim euecti, fratres, quosque ad regnum
jus

jus habere putant, necari omnes, ut superstites, ac à nullo laceffiti regnent, jubent. Absque tamen periculo hujusmodi animi propositum exequi non licet: Quia multoties, qui inimicos aut hostes suos delere omnes conatur, non potest, vel, quod non omnes norit, vel, quod crudelitate illa hostium amicos sibi hostes faciat, atque hoc modo inimicorum insidiis se exponat, ac in alios constitutam necem in se transferat. Eleganter periculum hoc (si Christianè Symbolum explicare velimus) insinuare Mysta videtur, dum ait; Omnes feriendos, aut rem malè geri; non sufficere enim conatus, ut res bene geratur; Quia si unus superstes manserit, is aliorum necem ulcisci, hostibusque multum negotii facessere poterit: Omnes itaque dejiciendi aut delendi sunt. Verum quia id difficulter & non sine summo periculo fieri potest, quid aliud inferre licet, quam Symbolum obliquè innuere, hostibus parcendum, Deo què soli vindictam relinquendam, Mystæ què propositum pium esse. Christianus enim fuit, proinde nihil æquè Christianum piumque Principem magis decet, quam hostes non lædere vel laceffere.





*Franciscus
Mediolani*

*I Sfortia,
Dux III.*





I. HIEROGRAPHIA DUCUM MEDIOLANENSIIUM.

QVIETVM NEMO IMPVNE LACESSET.

FRANCISCUS Sfortia Dux Mediolanensis, cum Ducatus possessionem ad se hæreditario jure per uxorem Blancam Vicecomitissam devolutam, accepisset, ac turpulentum Reipubl. statum armis ac vi compescuisset, munitionemque firmissimam Portam Joviam appellatam, tumultuum impediendorum, ac securitatis gratiâ extruxisset, militaribus insignibus venaticum canem clunibus insidentem, ac anterioribus pedibus insistentem, sub pinoque quiescentem appingi curavit, adjecto Symbolo: *QVIETVM NEMO IMPVNE LACESSET.* Quo proculdubio indicare voluit, se neminem laceßere vel le verum laceßitum, promptum ad defendendum ac offendendum fore. Quod re ipsa Jovio recte præstitit, cum Renatum Regem Provinciæ, bello ad se imminentem, armis compesceret. Boni enim Principis indoles est, neminem offendere, neminique vim aut injuriam inferre; verum in offendentes aut laceßentes graviter sævire.

II. HIEROGRAPHIA.

QUIETVM NEMO IMPVNE LACESSET.

Differt hæc Hierographia à priore Hieroglypho, non Symbolo. Nam hic canis inquietus, ac larrans in truncum arboris impetum facit, quem deicere conatur. Inquit Myſta; QUIETVM NON IMPVNE LACESSET. Truncus, se qui quietus est, ac neminem laceſſit, statumque suum ſatis firmum; ac cane, hoſtes ſuos notari vult. Hos non ſolum fruſtra in ſe impetum facturos, verum etiam defatigatos ſibi ipsis nocituros, ac non impunitos manſuros Symbolo declarat. Vt enim nimio larratu defatigatur & læditur canis; ita etiam, quicumque potentem & quietum Principem oppugnat, oppugnando ſuas atterit vires, ac tandem iis dejectis, proſtratisque, facile vincitur, ac ſtultitiæ temeritatisque ſuæ pœnas luit. Prudentiæ itaque eſt, quietos non laceſſere, neque irritare crabrones, ne laceſſiri damnum inferant, ac laceſſentes ſui mali ipſimet cauſæ ſint.



III. HIE-

Galeatus Maria Sfortia Mediolani Dux V. Mar. Arconze.



*Bona de Sabaudia Galeatii Marice uxor, Ducissa
Mediolani.*

III. HIEROGRAPHIA.

ME TRAHIT ALTUS HONOS.

Quicumque honorariam construit, id est, omnia sua eo dirigit, ut summos honores consequi possit, is facillè honores nanciscitur, ac iis attollitur. Dirigit is; qui virtutibus operam dat, omnibusque prodesse studet, supremumque numen colit, amat, sibi que uniri cupit. Id approbat aurea illa Salvatoris sententia: *Primum quaerite Regnum Dei, & cetera adjicientur vobis.* Tanta enim virtutis, ac pietatis vis est, ut eam honor tanquam umbra sequatur, ac vitium fugiat. Non mirum itaque Mystam, qui mentem suam cœlestium rerum desiderio teneri innuit, (ut cœlestis globâ & stellæ docent,) Symbolo asserere, ME TRAHIT ALTUS HONOS. Agnoscit enim divini amoris vim, quâ ad perpetuos æternosque honores trahitur. Verum hi raro appetuntur, quod post hanc vitam tantum spes sit, eos consequi posse; omnes enim potius mundanis honoribus consequendis operam navant, quia ob oculos versantur & in quotidiano sunt usu. Sed melior sanctiorque hujus Principis sententia Christiano homini servanda est; quia cœlestia terrenis, ac æterna interituris præfert.

IV. HIEROGRAPHIA.

SOLA FACTA, SOLVM DEVM SEQVOR.

Plinio narrante Phœnix Arabiæ avis est: Vnus in toto orbe, aquilæ magnitudine, auri fulgore circa colla, cæruleam roseis caudam, pennis distinguen-

stinguentibus, cristisque faciem, caputque plumeo apice cohonestante, vivere annis sexcentis creditur, ac senescens castra thurisque furculis construere nidum, replere odoribus, ac superbè mori. Ex ossibus deinde, & cineribus potius, nasci primo ceu vermiculum, inde fieri pullum, & tandem adolescere. Vnicam hanc avem Principissa Bona SOLA FACTA ob mariti obitum, imitari voluit, ac propterea se SOLVM DEVM SEQVI ad supremum usque diem Phœnicis exemplo potius velle, quam secundas nuptias celebrare, clarè Symbolo significat. Laudatur ob idem propositum Annia Romana, quæ cum hortaretur, ut vidua juvenis formosæque, iterum nuberet, respondit, se nolle. Quia si bonum conjugem, ut primum habere contigisset, perpetuâ, si eum mitteret, molestiâ victuram. Quod si contra in malum incidisset virum, nimium gravè habituram illud malum, quod nulla necessitate cogente sibi ipsa peperisset. Valeria etiam Romana major Messalorum fratrum soror celebratur; quod cum similiter hortaretur, ut secundo nubere, responderit; Servium qui ejus vir fuerat, etsi aliis mortuus videretur, apud se tamen adhuc vivere. Non parvam itaque continentiae, & pudicitiae laudem meretur hæc Principissa, quod viduâ facta, nullum alium sponsum, quam Deum velit, qui interire nunquam, ac perpetua fœlicitate eam beare potest.

*Ludovicus Galeatius Sfortia, Galeaty filius
Mediolani Dux VI.*



Ludovicus Morus Sfortia Mediolani Dux VII.

V. HIEROGRAPHIA.

ESTE DVCEs.

Ducum officium & munus est, gregarios milites in hostem ducere, ac factis industriam, fortitudinem, & peritiam rei militaris ostendere, ut sibi auctoritatem & obedientiam erga milites pariant, iisque animum ad invadendum hostem multo alacriorem faciant. Vbi enim conspiciunt Ducem periculis se primum exponere, hostes aliquot sternere, ac coronas militares aliquot mereri, pudet propriæ ignaviæ, ac præcipites in hostes ruunt, vel vincere, vel mori cupientes. Fas est itaque, Duces (ut Lancea in hostes præmitti solet) tum industriâ, tum rei militaris peritiâ, rerumque gestarum gloriâ (quæ coronis tribus notantur) cæteris militibus præcellere, ac rebus factisque, veros Duces esse, docere. Hac enim ratione milites honoris & gloriæ cupidos, ac ad quævis audenda in trepidos faciunt. Dum enim gloriæ consequendæ studio inflammantur & tenentur, ac mentem præmiorum accipiendorum spe erectam habent, ultro citroque sese in omnis generis discrimina præcipitant, ac præclarè rebus gestis, coronas militares consequuntur, & ad majores dignitates promoventur, tandemque exercituum Duces creantur. Rectè itaque Mystra suos monet, ut DVCEs ESSE studeant, ac honorem & gloriam sibi tanquam scopum proponant.

VL. HIEROGRAPHIA.

SECVRITAS ALTERA.

Canis plebis ingenium optimè refert. Vt enim canis mendicitate vivit, blandiendoque sibi victum quæritat, aliosque canes & homines ab heri culina latratu, & morsu abigere, & arcere, dum se præferri animadvertit, conatur; ita etiam plebs: Potentiorum enim amicitias adulando commodi causa venatur, quas si consequi cum fructu non potest, ac se despici, commodaque omnia ad præcipuos deferri, & ab iis cum luxu consumi, percipit, suæ paupertatis pertæsa, ac magnatum foelicitati invidens, latratu ac injuriis magnatum famam lacerat, ac morsu armisque illos ac totam Rempublicam (ni compescatur) perturbat. Compescitur autem viri alicujus præstantis & gravis oratione, legibus, pœnisque. Oratione etsi primus fervor plebis obtundatur; non tamen securus redditur Reipubl. status, nisi legum vis adhibeatur, ac seditionum capita carceribus includantur, iisque amplius nocendi occasio præcidatur. Tum enim SECVRITAS ALTERA, & vera Reipub. constituitur, quæ pravos, legibus pœnisque ad officia & tranquillitatem Reipubl. servandam cogit. Vbi libertas plebi nimia indulgetur, ibi viri boni servi, non liberi sunt, & ab illis securitas exulat.

Maximilianus Sfortia Mediolani Dux VIII.



Franciscus II. Sfortia Mediolani Dux IX. et ultimus.

VII. HIEROGRAPHIA.

BREVIS VITA MAGNANIMORVM.

Maximilianus Sfortia Mediolani Dux, hac Hierographia se ad res magnas gerendas animum quidem habere demonstrat; verum se animi desiderium explere non posse propter vitæ brevitatem: Ait enim *MAGNANIMORVM VITAM BREVEM*, ac Hieroglypto ostendit formicam, rem magnam, nempe cœlum petere. Magnanimum herculè animalculum, quod pro corporis magnitudine majores vires habet, quam quodvis animal, cujusque vires excedit animus, quo, etiamsi brevissimæ sit vitæ, multa conatur: Rempublicam enim instituit diligentiam, curâ ac labore, dum domicilia & horrea exstruit, tantos interdum terræ acervos ejicit, ut vix quis credere possit, à tam exiguo animalculo assiduus laboribus tantum acervum congeri posse. Vt itaque tanti animi animalculo animus est ad cœlum repere, ac priusquam eo pervenire possit vita deficiat; ita dolendum, multos egregios viros, qui magna animo concipiunt, ut humano generi profint, è vita tolli, priusquam animi concepta ad optatum finem perducere possint.

VIII. HIEROGRAPHIA.

SALVS ET VICTORIA NOSTRA.

Conspiciuntur hîc oleæ duo rami diademati inserti Oleæ rami pacem, diadema Regnum vel Rempubicam. Symbolum reliqua exprimit: Ait enim SALVS ET VICTORIA NOSTRA, intellige, pax est in Regno vel Republica. Quia omne bellum quietis pacisque recuperandæ causa fit, quæ finis & scopus belli esse debet, nec non etiam victoriæ. Nam victoriâ obtentâ pax restituitur, salusque Reipublicæ. Hinc rectè Cicero; *Dulce est nomen pacis, res verò ipsa tum jucunda, tum salutaris.* Et Silius Italicus;

Pax optima rerum,

Quas homini novisse datum est, pax una triumphis

Innumeris potior, pax custodire salutem

Et cives aquare potens.



Franciscus II. Sfortia Mediolani Dux IX. et ultimus



*Christierna Christierni Regis Daniæ filia Francisci
II. Ducis uxor.*

IX. HIEROGRAPHIA.

Mit der Zeit.

Id est:

TEMPORE.

Tres in hac Hierographia viduntur rupes, ex singulis singulæ enascuntur Palmæ. Media rupes, ut & palma cæteris procerior, adjunctæ à lateribus rupes minores sunt. Germanicè Symbolum additur; *Mit der Zeit*, hoc est TEMPORE, quasi innuere veller, tempore minores palmas fore æquales majori, quæ jam excrevit: Videlicet palmam majorem quæ victoriam adeptam significat, jam esse constantem; reliquas verò speratas & imminentes mediæ similes, & constantes rupium instar fore. Admonet etiam Symbolum authorem non diffidere sibi, quin tandem progressu temporis de inimicis sit reportaturus victoriam: Tantum patienter expectandum, donec palmæ excrecant, id est, tempus victoriæ occasionem maturam faciat.

X. HIE:


X. HIEROGRAPHIA.

ACCIPIO NULLAS SORDIDA
TVRRIS AVES.

Inter Hierographias , quæ hoc volumine continentur , inepta hæc nihil egregium continere videtur ; Loquitur enim Turris , seque sordidam appellat , ait siquidem ; ACCIPIO NULLAS SORDIDA TVRRIS AVES. At quid hæc ? nisi fortè ironicè Catharina (à detractoribus sordida appellata) se sordidam , quæ mundissima fuit , vocet , ac se nullas aves , id est , nullos leves & inconstantes moribusque incompósitos homines , qui aliis malo exemplo sunt , ac ad vitia trahunt , in aulam suam admittere , indicare velit.



*Amadeus VI. Com: Sabaudia. Dux Cablasy et
Augustae Praetoriae Princ: eps Nola.*



*Amadeus VII. Dux Sabaudia I. Cablasy et Augustae
Praetoriae Princ: eps Nola.*



I. HIEROGRAPHIA DUCUM SABAUDIÆ.

FORTITVDO EIVS RHODVM TENVIT.

SO C I E T A S annunciationis Beatæ Virginis Sab Amadeo quinto Sabaudia Duce instituta fuit, hujus societatis Hieroglyptos , torques ex aureo funiculo his literis. F.E.R.T. insertis, fuit, quibus Symbolum exprimitur FORTITVDO EIVS RHODVM TENVIT. Refertur autem Symbolum ad Amadeum primum Ducem Sabaudia, qui equites Rodienses à Tyrannide infidelium liberavit. Amadeus quintus cum societatem institueret, elegit socios quatuordecim præcipuos suos nobiles. Amadeum Comitem Genevensem, Antonium Dominum de Gava-zeu, Hugonem de Callon, Dominum de Arley, Amadeum de Geneva, Joannem Vienensem, Admiraliū Franciæ, Guillelmum de Granzon, Guillelmum de Calamon, Ronlandum de Veyfsy, Stephanum Bastard de Labaume, Gasparum de Moneur, Barleum de Foras, Themardum de Menchon, Amadeum Bornard, ac Richardum Musard Anglum quorum singulis torquem aureum literis prædictis insertis, in memoriam primi Ducis, dono dedit.

II. HIE-

II. HIEROGRAPHIA.

DVCTORE DEO.

Amadeus iste Sabaudia Dux, se ad Pontificatum DEO DVCTORE pervenisse ostendere voluit. Baculo enim, quo solent peregrinantes uti, cursum vitæ suæ, quæ nihil aliud, quàm vera est peregrinatio, demonstrat. Baculum sustinet manus è nubibus porrecta, nempe Deus, qui peregrinantem ducit, vitamque ejus dirigit. Pileus autem baculo appensus Pontificatum, quem DEO DVCTORE consecutus est, adumbrat. Monemur hîc, ut nos, vitamque nostram DEO commendemus, benè semper speremus, neque præter modum solliciti simus: Quia ad vitam necessaria Pater noster cœlestis nobis abundè semper suppeditabit: Ait enim Salvator; *Primum querite Regnum DEI, & iustitiam ejus, & omnia adjicientur vobis.*

III. HIE-

*Ludovicus Dux Sabaudie II Cablashi et Aug: Prætorie
Princ. Pedemonty.*



*Amadeus VIII. Dux Sabaudie III. Cabl. et Aug:
Prætorie. Princeps Pedemonty.*

III. HIEROGRAPHIA.

TRACTA MAGIS FERIVNT.

Obscurior hæc videtur Hierographia, verùm elegans est; nam figuræ explent, quod Symbolo deest: Air enim Symbolum; TRACTA MAGIS FERIVNT (supple) quam fracta, aut decidentia: Arcus enim depingitur, cujus chorda aut funis fractus, ac sagittæ fractæ, & decedentes apparent. Hierographiam hanc veram esse quilibet intelligit; verùm quo tendat author, difficile divinatu est, fortè hostium minas non ferire, ut gladium aut telum intelligit.

Non semper feriet, cuicumque minabitur anus.

Propterea minas levesque injurias negligendas ac contemnendas esse: Magni enim hoc animi esse indicium, si quis ab exiguis non facile commoveatur, sed tum primùm, cum honor, aut vita periclitatur, hoc est, cum verè feritur. Hujus animi, leo præ cæteris generosum animal, exemplum est: Vulneratus enim, observatione mirâ percussorem novit, & in quantalibet multitudine appetit: Eum verò qui telum quidem miseric, sed tamen non vulnerarit correptum, rotatumque sternit, non vulnerat.

IV. HIEROGRAPHIA.

I ACTÆ CRESCIMVS.

Exhibet hîc Myſta projectiles ollas artificiali igne repletas duas, quæ in hoſtes, aut obſeſſas urbes ad incendia excitanda, projiciuntur : Hæ, quia flammam & ignem continent, ac is jactus, vento agitatus, aut in materiam combuſtibilem incidens, facilè excreſcit, rectè Symbolo adaptatur. Quo author Hierographiæ, ignis inſtar, ſi variis fortunæ procellis agiteretur, aut jacteretur, ſe majorem indies futurum arbitratur. Viros enim fortes non dejicit fortuna, ſed exercet; ut ubi injurias paulatim remiſerint, creſcant, ac malorum perpeſſorum memores, majori ſtudio & conatu animo fuiſſe infracto oſtendant, nullamque calamitatem metuere, quam non forti animo ferre, & ſuperare poſſint.



*Philibertus II. Dux Sabaudiae III. Cab: et Augustae
Prætoriae Princ: Pedemonty.*



Carolus Dux Sabaudiae V. Cab: et Augustae Prætoriae Princ: Pedemonty.

V. HIEROGRAPHIA.

PRÆSTANTIOR ANIMVS.

Quia proprium aquilæ est Solem posse innoxie inspicere, propterea pullos implumes subinde cogit (ut inquit Plinius) Solis radios intueri, & si conniventes animadvertit, præcipitat è nido, velut adulterinos & degeneres. Intuetur hic quidem Solem aquila; verum iter sursum institutum relinquit, ac deorsum tendit, non quod Solis radios non ferat visus, sed quod corporis vires, ut Solem petat, non sufficient. Hæc eleganter Heros iste Symbolo suo accommodavit; Ostendere enim voluit, se omnibus animi & corporis viribus ad res magnas & sublimes tendere; verum ad propositam metam & scopum pervenire non posse corporis, non animi defectu, quem præstantiorem & indefessum animadvertit. Is, etsi absque corpore nihil præstare, ac corpus ad nutum regere non possit, tamen subinde ejus vires auget.

*Omnia deficiunt, animus tamen omnia vincit,
Ille etiam vires corpus habere facit.*

Non tamen vires illæ animi appetitui, qui infinitus est, ac satiari non potest, comparari possunt: Consolatur itaque se, quod animus promptus fuerit, etsi corpus imbecille.

VI. HIE-

NATVRA MAIORA FACIT.

In confesso est, NATVRAM MAIORA FACERE quam artem. Si quis dubitet, contempletur in figura Oceanum, ejusque fluxum & refluxum; Æthnæ ignitas evomitiones, quæ interdum ingentia saxa ad aliquot miliaria eji- ciunt; nubium resolutiones & imbres, quæ jugi- ter subinde universam Provinciam per aliquot dies perfundunt, inebriantque. Certè hæc nun- quam ab arte fieri posse, quivis percipiet. Vt autē in his natura arti præpollet, ita etiam in iis, quæ homini insunt. Fundamentum enim omnium artium & virtutum natura esse debet. Nisi enim quis aptus sit ad artes aut virtutes, raro artifex aut probus evadet. Educatio multum quidem po- test, sed materiam tantum, figuli instar, à natura suppeditatam efformat; quæ si inepta fuerit, nihil inde effinget. Hinc est, quod nonnullis videan- tur innatæ artes & probitas; aliis è contra neque educatione, neque præmiis aut pœnis artes vel virtutes inseri possint. Vt autem quis illustris fieri possit & clarus, educationi succedere debet fortuna, quæ efformatum educatione. ornet, & laude, divitiis, honoribus & aliis fortunæ donis depingat. Quo author Symboli respicit; qui, etsi bene educatus, fortunâque accedente ad magna promotus sit, præcipuam ramen fœlicitatis par- tem à natura, quæ majora facit quam educatio & fortuna, se obtinuisse, insinuare videtur.

*Carolus Ioannes Amadeus Dux Sabt Cabl: et Augustæ
Prætorie VI. Princ Pedem:*



*Philippus Comes Baugiaci et Brixiae. tum Dux
Sabaudiae VII. Prin: Pedem:*

VII. HIEROGRAPHIA.

HÆRENT SVB CORDE SAGITTÆ.

Non videtur respondere Symbolum Hieroglypto obiter intuenti: Verùm si quis diligenter perpendere velit, eleganter convenit. Nam hic nomine sagittæ telum non intelligitur, sed quod instar sagittæ procul pelli, ac ferire potest. Proinde tormentum bellicum è terra prominens exhibetur, cujus pars (illa nempe quæ globum, aut id, quod ejaculari debet, continet) sub terra latitat. Ut itaque sub terra hæret, seu latitat jaculum; ita etiam magnanimus iste Princeps indicare voluit, se quidem habere sagittas, aut rationes, quibus ulcisci injuriam, ac iram explere possit; verùm sub corde hæreere, quod iram comprimat, rectaque ratione frenet: Heroicum enim est, non solum hostes externos, sed etiam internos, nempe pravos animi affectus domare, & vincere. Inter hos homini rationali nullus irâ turpior est. Ira enim ratione caret, & furoris est initium. Hinc rectè Ovidius:

*Vince animos, iramque tuam, qui cetera
vincis.*


Verùm ut ira absque ratione belluina est; ita quæ loco & tempore fit, ac ratione regitur, utilis est & necessaria, tum ad regendos subditos, tum

ad compescendos hostes. Hæc sagittas sub corde latentes habet tamdiu, donec occasio offeratur; idque necessarium est Principibus, ne temerè & impunè ab hostibus vexentur.

VIII. HIEROGRAPHIA.

FORTITVDO EIVS RHODVM TENVIT.

Reperitur hîc Hierographia Amadei sexti Ducis Sabaudia; nisi quod hîc serpens caudam ori infertam habens addatur. Serpens prudentiam, Vinculum concordiam sociorum, & literæ Symbolum explicant. Qui causam Hierographiæ intelligere cupit, legat quæ ad Hierographiam primam præcedentem scripta sunt.



*Philibertus Dux Sabaudia, Cablassu et Aug:
Prætor VIII. Princ. Pedemont.*



*Carolus III. Dux Sabaudia IX. Cab:
et Augusta Prætorie Princ. Pedemont.*

IX. HIEROGRAPHIA.

INFESTVS INFESTIS.

Elephas hoc habet peculiare, ut cum ovium gregem obvium habet, non solum non offendat, sed proboscide, quâ manus loco utitur, hinc illic oviculas amoveat, ut sibi viam faciat, easque non lædat. Generosus iste Elephantis animus causam præbuit Hierographiæ, quæ Elephantem sibi viam per gregem facientem, ne oviculas conterat, adjecto Symbolo INFESTVS INFESTIS, demonstrat. Vult autem author intelligi, se injuriam aut vim inferentibus infestum, quietis verò & benignis mitem fore. Quæ certè virtus etiam si quemlibet deceat, nulli tamen magis, quàm Principi, convenit. Hâc enim amatur à populo, suoque loco dignus censetur, quod bonos tueatur, eosque præmiis ac honoribus ornet, malos verò puniat, & à Republica tanquam aliis infestos abigat. Qui Princeps subditorum facultatibus inhiant, ac minima data occasione ad se trahunt, omnibus se exosos faciunt, & non durabile regnum habent: Execrabile enim vulgò videtur, eum qui immensas habet divitias, non solum tenacem esse, sed innocentes, aut vix pœnam meritos spoliare.

X. HIEROGRAPHIA.

FIDE ET CONSILIO.

Elegans hæc est Hierographia & vera, quæ orbem fide contineri, & consilio regi, ostendit. Manus enim junctæ fidem, & angues consilium vel prudentiam designant. Quantum valeat in Republ. & consiliis fides, sciunt Politici omnes. Fides enim commercia firmat, sine quibus nulla Respubl. florere aut stare potest. Fides laborantem ac egentem Rempubl. nutrit & alit. Hanc si Principes vel exercituum Duces amittunt, præcipites ruunt, neque amplius se vel exercitum tenere aut sustentare, deficientibus facultatibus, possunt. Ut autem in istis necessaria fides, ita etiam in consiliis, quæ propalari non expedit, ac ad tuendam Rempublicam, hostesque arcendos debellandosve, instituuntur. Hæc enim qui contra fidem silentii datam deregat, hostique revelat, proditoris supplicium meretur.

Si quis Theologicè fidei vocabulum explicare velit, convenit optimè Symbolum Hieroglypho. FIDE enim, hoc est religione, ET CONSILIO, id est, legibus, quæ Jurisprudentum consilio statuuntur. hunc orbem regi certum est.

Beatrix Emanuelis Regiæ Portugalie filia Ca-
roli Ducis *uxor.*



Emanuel Phil- *bertus Dux*
Sabaud: Cab: et Augus: Prætor: XPrin: Ped

XI. HIEROGRAPHIA.

CONSTAT, id est, ISTIS.

Hierographia hæc inventa primo fuit à Joanna Arragonensi, quam Romæ præsul quidam senex deperibat, cum autem ab ea repulsam pateretur, neque libidinem explere posset, amore in rabiem verso, prohibuit ne ædes suas egrederetur. Verum illa mandato neglecto clam se Româ proripuit, ac Hierographiam hanc amicis in signum evicti periculi & victoriæ exhibuit. Exhibet autem leonem clunibus insidentem, pavidum, ac à tribus facibus, quæ manu virgineâ continentur territum. Leo, qui (ut inquit Plinius) senex primum hominem adoritur, senem procum indicat; faces autem, quibus terretur leo, vel senex procius, pudicitia, generositas & prudentia sunt, quæ decus muliebri conservant. Pudiciâ infamia arcetur, generositate insidiantes repelluntur, ac prudentiâ pericula caventur. ISTIS itaque tribus rectè se ferociam proci illudere gloriabatur. Cur autem hæc Beatrix eâdem Hierographia usa sit nescitur. Forte Theologicè Leone Satanam designat, quem tribus facibus, spe, fide & charitate domavit, ut diadema cœlesti consequi posset: Vix enim credibile est, forminam politicè hæc intelligi velle; nempe religione, justitia, & armis, tanquam facibus, diadema seu Regnum contra Leonem, id est hostem, servari.

XII. HIE.

HIEROGRAPHIA
XII. HIEROGRAPHIA.
INSTAR OMNIVM.

Quid sibi velit Emanuel Philibertus Dux Sabaudia hoc Symbolo, **INSTAR OMNIVM**, difficilis est conjectura; præsertim, quòd ex Hieroglypto explicari, aut suppleri Symbolū non possit: Nam corona ex lauri frondibus cum baccis exhibetur, ac in superiori parte rosa ex unionibus, qui gemmam circumstant, conspicitur. Nisi forte Princeps, quemadmodum gemma ista pretio, dignitate, elegantia & pulchritudine **INSTAR OMNIVM** unionum sit; ita etiam se **INSTAR OMNIVM** suorum subditorum esse innuat. Princeps enim caput est Reip. & sicut à capite non solum motus omnium membrorum, sed etiam sensus provenit; ita à Principe salus & foelicitas populi proficiscitur; ut recte Princeps se **INSTAR OMNIVM**, à quo salus & foelicitas omnium dependet, dicere possit: Sed fortassis corona hæc, quæ Ducib. Romanorum triumphantibus dabatur, ex lauri foliis, huic Duci **INSTAR OMNIVM** aliarum est: Solebat enim dari Obsidionalis Duci obsidionem passo; Civilis, civem liberanti; Muralis, primo murum scandenti; Castrensis, castra occupanti & Navalis, primo navem insilienti: Sed Triumphalis tantum Duci totius exercitus, qui victoriam obtinisset: Ut enim ille caput militum omnium & exercitus est, ita & corona ipsi data **INSTAR** aliarum **OMNIVM** esse debet. Principes itaque rectius majora, eaque, quæ cætera comprehendunt, quam viliora petunt.

Emanuel Philibertus Dux Sabaudiae Cabl. et Augus:
Prætoriae X. Princ. Pedemon. Comes Asti:
Nizæ in Provincia et
Genève, March. Ital.
et Zevce etc.



XIII. HIEROGRAPHIA.

RECONDVNTVR NON RETVN-
DVNTVR.

Palo arma imposita cernuntur, inquit Symbolum, RECONDVNTVR NON RETVNDVNTVR: Retundi enim, aut negligi ne pacis quidem tempore debent. Opinione siquidem citius sæpe bella oriuntur, ac incauti & sine armis faciliè superantur. Prudentes Principes tempore pacis cogitant de bello, ac ita omnia parant, ut orto bello extemplo parati necessariis omnibus sint. Exemplum prudentiæ præbet Respubl. Veneta, quæ à multis annis armamentarium celeberrimum totius Europæ in promptu, omni armorum genere instructum habet. Verùm non solum armis prudens Princeps pacis tempore sibi prospicere debet, sed etiam thesauris, pecuniis, opibus ac viris, qui bella gerere possint; hæc enim nervum belli dicuntur vulgo constituere. Loca etiam, quæ ingressum Provinciæ prohibere hosti possunt, tempore pacis muniri vallis, fossis, aquisque debent. Hæc enim qui differt donec bellum oriatur, sibi & tempus defuturum ut rectè exstruat, seque curis expensisque nimis impeditum, id exequi non posse, sentiet.

XIV. HIEROGRAPHIA.

SPOLIATIS ARMA SUPERSVNT.

Hieroglypton proximè præcedenti simile est. Palo siquidem arma sunt imposita, Gnome verò differt, ait enim SPOLIATIS ARMA SUPERSVNT. Sed quo pacto spoliatis omnibus rebus arma superesse possunt? Supersunt sanè, quia *furor arma ministrat*. Imo ira, vindictæque cupido cudunt & offerunt arma. Ostendere itaque hac Hierographia Princeps voluit, nemini uim esse inferendam, victosque non esse terendos planeque opprimendos, sed sic regendos, ut sibi parci purent: Si enim victi omnibus exuantur rebus, animi angustia, egestas, dolor acceptæ ignominiae, ac desiderium recuperandæ libertatis cogunt, ut pristinam libertatem quærant, & quævis tentent potius, quam ut miserrimè vivant. Ob id Principes semper metuere debent, oppressis rationem non defuturam, quâ se liberent. Satiùs itaque indulgere victis suarum rerum usum, quam penitus spoliare; ne ARMA, ut se ulciscantur, SUPERSENT. Innuitur etiam hac Hierographia, potius debellandos, quam spoliandos adversarios: Spoliati enim & non debellati data occasione vindictam illatæ injuriæ, ut diximus, instituunt. Sic Romani, qui ad furculas Gaudinas omnibus rebus spoliati, ac sub jugum missi erant, paulo post injuriam acceptam ulsi sunt.

XV. HIE-

Emanuel Philibertus Dux Sabaudie cum uxore Margaretha.



*Carolus Emanuel Dux Sabaudie Cablassy et
Aug. Præf. XI. Princ. Pedem.*

XV. HIEROGRAPHIA.


QVIS DICERE LAVDES.

QVIS DICERE LAVDES, inquit Symbolum, supple, Margaritæ potest? Margaritæ autem uniones vocantur, ex quibus constat corona, alluditque ad nomen uxoris Princeps Emanuel. Sed unde laudari potest Margaretha? A fide, spe, charitate, pietate & religione, hæc enim crux illa indicat. Deinde à mundicie, simplicitate, pulchritudine eximia, quæ ab unionibus aut margaritis indicantur. A regia majestate, quam corona ostendit, & ab elegantia, morumque comitate ac mansuetudine, quâ hæc Ducissa ornata fuit. QVIS itaque DICERE LAVDES meæ Margarethæ potest? ait Maritus. Verum & hoc modo intelligi Hierographia potest; QVIS DICERE LAVDES Margarethæ potest? quæ sincero puroque amore suum amat colitque maritum, ac semper cordi inclusum conservat; Aut, quæ sinceritate puritateque cordis (quam uniones designant) crucem Domini Salvatoris, ejusque nomen & memoriam in pectore gerit? Hebraicè enim EL DEUM significat. Consecravit itaque uxori hanc Hierographiam, ejusque virtutem propalare voluit.

XVI. HIEROGRAPHIA.

NEC DEGENERO.

Vt arbores quædam fructiferæ inter alios fructus interdum insipidos, exsuccos, esuique inutiles ferunt; ita etiam parentes optimi aut prudentissimi ineptos, pravosque filios, genitoribus sæpius prorsus dissimiles. Proinde hac Hierographia Carolus Dux ostendit, se à parentibus rerum gestarum gloriâ claris progenitum ab iis non degenerare, sed animo, moribus, ac virtute illis tam similem, quam avicula ovo exclusa progenitori suo; Hunc Principes, qui parentes omnibus Virtutibus ornatos habuerunt, imitari debent, ac parentum vestigia sequi, ne degenerent, ac indigni parentibus suis ab alieno exclusi ovo videantur.



Carolus Emanuel Dux Sabaudia. Cablasij et



Augustae Prae

toriae Princ:



IN
VIRTU
TE TV
A
N

Ped: Com: Asti. Nizae et Gen: March: Italiae etc.

XVII. HIEROGRAPHIA.

PRÆMIO ET POENA.


Conspicitur hic palmæ & oleæ ramus diademati transversim immissus, uterque victoriæ signum est. De palma non dubitatur, sed de olea, quâ tamen, Plinio teste, Athenienses victores coronabantur. Alias pacis signum est. Verum ad Symboli explicationem parum refert, num pax aut victoria significetur. Nam diadema regium, (quod Regnum vel Rempublicam designat,) sive id victoriâ partum sit, sive alio jure Principi advenerit; ut conservetur & floreat, PRÆMIO & POENA opus habet: Præmia enim invitant incitantque hominem ad virtutem, poenæ deterrent à vitiis. Si enim, teste Cicerone, in Republica nec rectè factis præmia essent ulla, nec supplicia peccatis, neque domus, neque Respub. stare potest. Nam boni & Remp. juvantes, si desit præmium, eam negligunt, ac perire sinunt. Mali, si impunè scelera committi posse animadvertunt, tandem ea, quibus salus Reipubl. innititur, aggrediuntur. Quos itaque ipsa natura retinere in officio non potest, ii magnitudine poenæ maleficio submovendi sunt. Sicuti in corpore, si quid ejusmodi est quod reliquo corpori noceat, uri aut levari patimur, ut membrorum aliquid potius, quàm totum corpus intereat; sic in Reip. corpore, ut totum salvum sit, quicquid est pestiferum amputari debet.

XVIII. HIE-

XVIII. HIEROGRAPHIA.

IN VIRTUTE TVA. N.

Hierographia hæc nomini suo convenit: Sacra enim est, ac victoriam omnem numini adscribendam esse docet: Quid enim aliud designatur, quam hæc oratio? O crux IN VIRTUTE TVA ΝΙΚΑ'Ω, id est vinco, ac in victoriæ signum Lauream coronam consequar. Crucis enim signo non solum Sathanas ejusque machinationes coërcentur; sed etiam hostes superantur, ut multis authoribus comprobari potest. Nicephorus enim Constantinum Magnum, bellum contra Byzantinos gerentem, & jam bis victum, in cœlo crucem stellis formaram, hac inscriptione, IN HOC SIGNO VINCES, vidisse asserit: ac postridie, pugnâ initâ, victoriam obtinuisse. Piè itaque veneratur hic Dux crucem, non propter figuram, sed propter eum, qui illi affixus nos salvos fecit, ac virtute sua nobis victoriam contra Sathanam, mundum & carnem præbuit.



Alexander Medices Florentiae Dux Primus.



L HIEROGRAPHIA MAGNORUM DUCUM HETRURIAE.

NON BVELVO SIN VINCER,

Id est,

NON RECEDO NISI VINCAM.

ALEXANDER iste cum Margaretham Austriacam Imperatoris filiam duxisset in uxorem, ac Thusciam æquissimè regeret, seque optima corporis constitutione præditum animadverteret, voluit rebus bellicis se clarum reddere, ac gloriæ causâ, pro parte Imperatoris se quodvis periculum subire, imo vel vincere vel occumbere velle, narrabat. Ad hunc scopum cum Hierographiam quæreret, nulla hac aptior visa fuit; Rhinoceros enim ad pugnam adnatis armis instructum animal Elephantem aggredi solet, ventremque tanquam cæteris partibus molliorem cornu, quod in fronte vel tergo habet, petit, eo animo, ut non decedat à pugna, nisi Elephantem prostraverit & interfecerit. Ob id convenit Symbolo Hieroglypton, NON BVELVO SIN VINCER, hoc est, non recedo nisi vincam, Rhinoceros enim (ut ait Poëta) *nunquam victus ab hoste recedit.*

II. HIEROGRAPHIA.

PREMITVR NON OPPRIMITVR.

Vt Sol planetarum omnium maximus, & anima quasi totius orbis, tanto fulgore præditus, ut ubique præsens luce sua radiisque esse videatur, nihilominus tamen objecto Lunæ corpore radios per aliquot temporis momenta mittere non potest: ita magnorum virorum animi & studia fortunæ injuriis & calamitatibus sic interdum premuntur, ut vix videantur posse emergere. Tandē tamen, ut Sol decedente Luna pristinam faciem recuperat, suosque radios quoquo versum diffundit; ita etiam constantium Heroum animi ab infortuniis ac calamitatibus liberati, veterem exercendæ virtutis magnarumque gerendarum rerum consuetudinem recuperant; ut verè NON OPPRESSOS, sed PRESSOS tantum fuisse, dicere possint. Hoc Symbolum etiam pulchrè veritati accommodari potest: Veritas enim una est, ut Sol; duplicia & multiplicia sunt veritati contraria. Vt autem Sol nunquam OPPRIMI potest, sed tantum PREMI, cum videlicet Luna illi opponitur ac impedit, ne ipsius radii ad nos pertingant; ita nec Veritas, quæ etsi aliquando prematur & cæletur, tempus tandem in lucem profert, cujus filia esse dicitur.


*Margaretta Austriaca Caroli V Imp. filia. Alex. Adri
Medices Duc. Etor uxor.*



III. HIEROGRAPHIA.

CVM PVDORE LÆTA FOECVN-
DITAS.

Fœminæ lætari fœcunditate solent, sed quo pacto illis pudori possit esse fœcunditas, ut Symbolum explicat, non intelligo: Nisi fortè dùm uterum gerunt, aut prolem ad latera habent, ob memoriam sacrificii Dæ Veneri præstiti, dum soboli comparandæ operam navarunt, verecundiâ afficiantur. Verùm istius si pudet, nimis probæ sunt, quod peccatum in re honesta & necessaria vereri videantur. Sed nonnullis mulieribus indoles & in probitatem propensio sæpe tanta est, ut cohiberi non possint, ac ea, quæ peccatis similia sunt, suspecta habeant. Excusetur itaque pudor istius Margaretæ, quæ læta fœcunditate, ut pavo pullos sub alis, ita sobolem magna charitate tuetur & fovet.



IV. HIEROGRAPHIA.

CVM PVDORE LÆTA FOECVN-
DITAS.

Non differt hæc Hierographia à priore, nisi quod hic pavo erecta & in orbem expansâ stet caudâ, ac sub illo pulli Pavone utitur, quod reliquas aves pennarum pulchritudine admirabili superet, & fœcunda sit avis; utpote, quæ duodecim excludat ova, studioseque conservet, ne mas reperiatur, ac incubandi desiderio frangat. Habet expansas plumas, ut pulchritudinem regiamque majestatem designet, quam tamen cum pudicitia ac humilitate sustinet. Pudicitia nihil aliud est, quam pudoris incurrendi metus, aut evitandi studium. Pavo pudoris index, quia cum pedes intuetur, verecundiâ afficitur, ac plumas demittit. Pia itaque hæc Margareta se fœcundam magnæque dignitate præditam agnoscit, nec propterea se lascivire aut superbire, sed dona divina cum summa humilitate suscipere, pudicitiaque servare, rectè hac Glyphe ostendit. Est itaque huic Margarethæ concordia formæ atque pudicitæ; quæ aliàs raro conveniunt: Nam ut inquit Juvenalis;

Lis est cum forma magna pudicitæ.

*Cosimus Medices Magnus Dux Etrurię primus
Eques Aurei Velleris.*



V. HIEROGRAPHIA.

VNO AVVLSO NON DEFICIT ALTER.

Hierographia hæc facilis est illi, qui scit Alexandrum Ducum à Mediceæ familiæ inimicis interfectum fuisse, Cosmumque ei successisse, qui Principatum adeptus hanc Glyphen edidit, ut hostes familiæ, Alexandro extincto, ejusdem prosapiæ non deesset, neque defuturos successores ad Remp. regendam, intelligerent. Habuit enim Cosmus tunc temporis numerosam sobolem filiosque Reipubl. regendæ idoneos. Palma autem arbor præ cæteris electa est, quod sit victoriæ signum; à qua, ut VNO ramo AVVLSO NON DEFICIT ALTER, ita neque ex pluribus alicujus Principatus hæredibus, uno ab hostibus interfecto vel extincto, alter deficit, qui hostes punire aut vincere possit.

VI. HIEROGRAPHIA.

DVABVS.

Vt duæ anchoræ naves, ne à procellis marinis conquassentur ac rumpantur, securas reddunt; ita leges & arma Reipubl. ne à turbis aut seditionibus perturbetur aut subvertatur: Lex enim, tanquam anima Reipubl. totum corpus, ne morbosum, valetudinarium, ac malè affectum reddatur, conservat. Ad salutem enim civium, civita-

tumque incolumitatem, vitamque hominum quietam ac beatam, conditæ sunt leges, ut inquit Cicero; *Vbi leges non sunt, ibi probi improborum libidini expositi miseram trahunt vitam, ut apud Barbaros, inter quos potentiores legibus soluti ceteros opprimunt.* Præcipuus itaque scopus est legum, suos incolumes conservare, ac nihil nisi salutem, atque utilitatem Reipubl. proponere, ut ait Ovidius;

Inde data leges, ne fortior omnia posset.

Verum non juvant leges, si arma & ministri, qui illas exequantur, desint. Armis enim improbi, & qui in legem peccant, aut Rempub. perturbare student coercendi sunt & plectendi: Præstat enim nullam condere legem, quam non tueri. Dum enim latæ non servantur, & legislatoris & legum auctoritas diminuitur, ac improborum peccandi audacia crescit, bonorumque vita majoribus periculis exponitur; Quoque severiores sunt leges, atrociusque improbi puniuntur, eo securior, tutior atque beatior bonorum vita redditur. Nihil enim est, cur metuat probus severissimam legem; in quam peccandi non est animus, aut si peccet, se supplicio dignum judicet.



*Cosimus Medices Magnus Dux Etruriae F. Mag.
Magister Equestris ordinis 15. Stephani.*



VII. HIEROGRAPHIA.

FESTINA LENTE.

LENTE procedit testudo, sed securè. Lentè, ob onus & impedimentum; nam domicilium adnatum secum ferr. Securè, quod domicilium scuti instar sit, quo interruptum præcipitia, si decidat vel faxis obruatur, tuto ire & commorari mirâ naturæ providentiâ potest. Ut autem festinare videatur, velum appictum est venti afflatu turgidum: Nam testudinis moram lentumque processum insulæ mari innatantis gravitas ostendit. Sæpius repetitur Symbolum hoc in libro, ac eum, qui res arduas & magnas foelici cum successu gerere vult, neque festinanter & consultè, sed lentè ac expectata occasione facere debere, docet. Primùm enim quid agendum sit; deinde an fieri possit, cogitandum; tum demùm quomodo fieri possit consultandum; ac postremo rationes, machinæ, aut instrumenta ad rem gerendam idonea quærenda sunt: Hæc enim si quis diligenter perpenderit ac in promptu habuerit, occasionemque rei gerendæ idoneam respondere animadvertit, non cunctetur amplius (elapsa enim semel occasio raro remeat) sed circumspicte lentèque festinet: Percipiet enim, se desideratum, optatumque rerum suarum exitum ac finem consequuturum.

VIII. HIEROGRAPHIA.

FIDEM FATI VIRTUTE SEQUE-
MVR.

Antiqui Capricornum ita pingere solebant, ut terræ globum remumque anterioribus pedibus, ac dorso cornu copiae contineret. Quâ figurâ nummum sculpi iussit Augustus Cæsar, qui Capricornum in Horoscopo, vel pro ascendente habuit; Etsi verò Astrologorum judicia vana sint, vanaque plerumque promittant, quod ex necessariis causis quinam contingentes effectus fieri debeant, præsciri velint: Nihilominus tamen, quia Dux eundem Horoscopum cum Cæsare Augusto, ac Carolo Quinto Imp. habuit, eoque die, quo Augustus victoriam contra M. Antonium ad promontorium Attiacum obtinuit, eo etiam ipso ille ad montem Murtanum Florentinos vicit, ejusdemque fere cum Augusto ætatis fuit; non videtur ineptè usus hac Hierographia, quâ Astrologicis vaticiniis, neque probatis, neque contemptis, se Horoscopi & FATI FIDEM ejusque promissa VIRTUTE sua, non Cœli SEQVI, & obtinere velle ostendit. Major enim laus est propria virtute, quam aliena res magnas consequi.

Cosimus Medicus Magnus Dux Hetrurie Primus.



IX. HIEROGRAPHIA.

DEI VIRTUS EST NOBIS.

Pii & foelices illi sunt, qui in foelicitate, rerumque affluentia constituti Deum colunt ac venerantur : beneficiique ab eo accepti memores, quicquid boni, vel beatitudinis adipiscuntur, illi ascribunt. Hac pietate Cosmum Principem fuisse insignem fidem facit, quod post trucidati fratris funera, ad imperium, coronâ designatum, invitis sicariis euectus, crucis (id est) numinis vim sibi familiæque suæ Mediceæ, (quam aliquot globuli Hieroglypto inserti notant) adfuisse Hierographiâ testetur & agnoscat. Hac enim non solum gratias numini, à quo imperium accepit, dicit : verum etiam hostes bonâ causa destitutos, numinis metu, (quod à sua stare parte asserit) à vi injuriisque inferendis deterret. Arduum enim est contra stimulum calcitrare, ac contra eos, quos divina tuetur virtus, quid machinari, vel moliri.



X. HIE.

X. HIEROGRAPHIA.

INTEGER VITÆ SCELERISQUE
PVRS.

Venationis Dea Diana, arcu pharetraque instructa, serpentem calcans pedibus, ac capricornum manibus tenens, conspicitur. Exhibetur Capricornus, quia (ut præcedenti Hierographia notavimus) in Ducis horoscopo constituitur; qui fortassis propter alias constellationes violenti quippiam Duci portendit. Verum quia animus prudens ab astris non regitur, fataque evitare & fugere potest; propterea Diana cum serpente (id est prudenter) incedens, Capricornum (id est fatum) venatione captum manu detinet, ne libertatem ad virtutem tendentis animi impedire & illudere possit. Hæc procul dubio Dux sibi applicare voluit; ac significare, se, licet INTEGER VITÆ SCELERISQUE PVRS sit, fati minus non metuere, sed ratione & prudentia vitam ita instituere ac dirigere, ut quasi captum suoque arbitrio subjectum habeat: Sapiens enim dominabitur astris, vitæque integritas hominem ad foelicem optatumque finem deducere solet. Qui enim benè vixit, benè etiam mori solet.

Cosimus Medicus Magnus Dux Etruriae Primus



XI. HIEROGRAPHIA.

TVSCORVM ET LIGVRVM SECV-
RITATI.

SYLVA RENASCENS.

Elba Insula in mari Tyrrheno sita non procul à Plumbino Thusciz promontorio Hieroglypton constituit. Huic ascriptum est, SYLVA RENASCENS. Fuit siquidem hæc Insula sylvis referta, ac præcipuè circa eam partem, ubi Cosmopolis civitas exstructa apparet. Hanc quia Thusciz Dux à fundamentis ædificavit ac egregiè munivit, facti illius memoriam posteris relinquere voluit. Eleganter SYLVAM RENASCENTEM appellat, non arboribus, sed propugnaculis ac hominibus, qui non solum se, ac ipsam Insulam, sed etiam Thuscos ac vicinos Ligures adversus externos hostes defendere, ac securos reddere possunt: Eo enim loco sita est, ut ipsi Thusciz propugnaculi vice sit, ac invadentes Thusciam à tergo sit.

XII. HIEROGRAPHIA.

SUPERABO.

Vt adamas fortitudine, patientiâ & fulgore, reliquas gemmas superat; ita etiam Cosmus iste Magnus Hetruriz Dux significare voluit tribus annulis adamantibus ornatis, se operam dare, ut alios omnes Principes fortitudine, patientiâ ac valore, hoc est, virtute, possit superare. Dignum
certè

certè tanto Principi propositum : Fortitudo enim virum magnum imprimis decet , cujus munera præcipua sunt mortis dolorisque contemptio : Robustus enim animus & excelsus omni est liber curâ & angore , cum & mortem contemnit , & ad dolores ita paratus est , ut meminerit , maximos luctus morte finire ; parvos multa habere intervalla requietis ; mediocrium nos esse dominos , ut , si tolerabiles sint , feramus : sin minus , æquo animo è vita , cum ea non placeant , tanquam ex theatro exeamus . Patientia enim fortitudini tam similis est , quàm adamas adamanti : Viro enim forti adversa patienter ferre , utilis est . Cujusvis enim doloris remedium est patientia ; feras ideoquin & non culpes , quod vitari non potest . Valor , seu existimatio ob virtutes animique dotes sequi hominem solet : Ea siquidem natura est virtutis , ut quemvis in sui admirationem trahat , magni fiat & colatur . Porro annuli adamantibus ornati se mutuo complectuntur , ac virtutes has ita junctas indicant , ut separari non possint . Adamantis verò fortitudo , quâ omnes lapides & gemmas terere potest , ac patientia , quâ igni ac ferro resistit , dignitasque , quâ reliquas gemmas valore & æstimatione superat , cuius nota est ; Ita ut rectè obscura hæc Hierographia hoc modo explicari possit .

Cosimus Medices Magnus Dux Etrurię Primus.



XIII. HIEROGRAPHIA.

FESTINA LENTE.

Jam aliquoties Symbolum istud quotidianum reperitur, **FESTINA LENTE**, verum alia sculptura; hic enim Delphinus circa anchoram & remum repens aut natans cernitur. Delphinus, Plinio teste, velocissimum omnium animalium est, ocyor volucre, ocyor relo, ac nisi multum infra rostrum os illi foret medio fære in ventre, nullus piscium celeritatem ejus evaderet. Festinationis itaque index Delphinus, eumque **LENTE FESTINARE** docet circa anchoram revolutio, quæ celeritatem lentam facit, & remus, qui remoram, aut si mavis moram indicat. Diximus antea prudentes eos esse Principes, qui **FESTINANTER & LENTE** negotia magna gerunt, hoc est, qui mediocritatem servant, oblatas occasiones non negligunt, ac nihil sine consilio aggrediuntur. Nam in rebus magnis memoriaque dignis consilia primum, deinde acta, postea eventus spectantur.



XIV. HIEROGRAPHIA.

HETRVRIA PACATA.

Quid præstiterit Magnus Dux Cosmus HETRVRIA PACATA hac Hierographia ostendit: Ferociam enim leonum, hoc est potentum, luporum, (intellige) improborum, quique turbatâ Republ. bonorum opes consumunt & perdunt, compressit, illorumque loco cornu copiae, id est, rerum omnium affluentiam & copiam induxit: Hæc enim pacem sequi solent. Tempore siquidem belli truces ac inquieti plerumque res gerunt, turbasque augent & promonent. Rapaces, fraudulentum ac avari, luporum instar, in turbis prædam venantur, omniaque; sursum deorsum commovent, ne desit rapinæ occasio: Ita, ut boni, quod se à turbis excludant, illis contemptui ac prædæ sint. Rectè itaque Hierographiâ significatur, PACATA HETRVRIA, leones & lupos domitos, ac omnium rerum abundantiam (quam cornu copiae designat) pacis beneficio introductam esse.

XVI. HIE-

*Leonora de Toledo Magna Ducissa
Hetruſie Cosimi uxor.*



*Franciscus Medicus Magnus Dux
Hetruſie ſecundus.*

XV. HIEROGRAPHIA.

FAMAM SERVARE MEMENTO.

Nulla est virtus, quin viro maximè conveniat illique ornamento sit: Fœmina ab alia virtute quàm pudicitia vix laudatur. Hanc vnicam si conservet, jam omnibus virtutibus ornata videtur. Hac si careat, cæteræ omnes virtutes, ut affabilitas, mansuetudo, comitas, ac parsimonia, quæ mulieres ornant, ita sordescunt & corrumpuntur, ut potius dedecori & vitio, quam decori sint. Quo enim affabilior impudica, eo sceleratior, ac ad decipiendos viros protervior, instructior, aptiorque judicatur; atque ita etiam de aliis virtutibus censendum. Verum non sufficit mulierem esse pudicam, sed & ita vivere debet, ut honesta habeatur & putetur, hoc est, FAMAM SERVARE debet, omnesque occasiones fugere, quibus suspicio impuditiæ niducitur. Puditiæ veræ exemplum morte sua exhibuit Lucretia Romana Collatini uxor, quæ à Tarquinio superbo compressa pectus pugione, ne sceleris conscia fuisse crederetur, transfodit. Hanc pro exemplari & virtutis stimulo Leonora Cosmi uxor proposuit, ac, si non morte, vita pudica imitata est.

XVI. HIEROGRAPHIA.

PROSPERO MOTV.

Quis dubitat, quin Myſta hîc ſibi gratuletur, quod triremis ſua ſuorumque ope contra fluctus & procellas (ſpectant enim vexilla puppim') ad optatum properet portum: Hoc eſt, quod ea quæ animo concepit, ac diligentia laboreque ad exitum ſœlicem ducere ſtudet, inviris malevolis malaque fortuna PROSPERO MOTV ad finem optatum tendant. Vt triremis eorum quos continet diligentia & labore, contra ventum & fluctus marinos, ſatis proſperè deſideratum ſæpe portum adipiſcitur; ita Heroes diligentia ac ſtudio non ſolum virtutem conſequi, ac difficillima quæque ad optatum finem perducere poſſunt; ſed etiam contra inimicorum & invidorum conatum ad Principatus dignitatem PROSPERO paulatim MOTV evehi. Diligentia enim ac ſtudio virtutis habitus comparatur; omniaque impedimenta & obſtacula, quæ virtutis habitum ac ne quis ad ſumma pervenire poſſit, prohibent, removentur & ſuperantur.

*Franciscus Medicus Magnus. Dux
Hetruriae. II etc Eques Auri Velleris.*



XVII. HIEROGRAPHIA.

LÆDENTEM LÆDO.

Magnanimi bonique Principis est, non solum neminem lædere, sed eos defendere, qui propter ætatem, defectum rationis, ignorantiam, aut aliam causam se defendere contra improborum injurias & fraudes non possunt; ut sunt impuberes, ætate minores, viduæ, mente capti, surdi, muti, cæci, rustici ac exteri. Hi enim omnes pupillis comparandi sunt, ac à lege & Rege, nisi Barbarus haberi velit, defendi debent. Barbari siquidem pupillos, viduas, rusticos ac reliquos, qui se ipsos tueri non possunt, fraudibus, dolis, ac vi bonis spoliant & in servitutem morte quavis deteriorem redigunt: Hos boni & magnanimi Principes, ne in se numinis iram concitent, non imitantur; sed potius Ducem hunc Franciscum, qui LÆDENTEM tantum LÆDIT, ut Rusticus vel Taxus arbor. Hæ enim folia ita spinis horrida habent, ut ramum aut folium ab illis illæsus nemo decerpere possit. Magnanimum itaque non solum hujus Ducis est propositum, quod cum tantum lædere velit, à quo læditur, sed etiam necessarium, ut authoritas ac majestas ipsius non labefactetur, sed conservetur.

XVIII. HIEROGRAPHIA.
AMAT VICTORIA CVRAM.

Myſta muſtelam in arenam profert, quæ, cum procul odore Buſonem ſentit, rutæ ramuſculum quærit, eoque arrepto munita Buſoni obviam it, ac odore herbæ, quæ venenis omnibus medetur, enecat, alias halitu Buſonis interitura, tanta enim inter hæc animalia eſt antipathia. Voluit Hieroglypto Myſta ſignificare, non ſolum prudentia contra eos, qui vel ſtatum vel perſonam ſuam ledere vellent, ſeſe defendere velle; ſed etiam cura ac diligentia inimicorum ſuorum technas & machinationes facilè muſtelæ inſtar eludere, vincereque poſſe. Vix proſecto aliud quid majorem curam & diligentiam requirit, quam victoria, ſive quis inimicos & hoſtes, ſive pravos improbosque animi affectus, ac vitia ſuperare contendat; neque enim minor laus eſt internos, quam externos hoſtes vincere. Interni ſiquidem perpetuò nobis inſidiantur, & incautum feriunt, ut ira ac libido, quæ niſi ſumma cura diligentiaque coërceantur, facilè rationis imperium contemnunt. Imprimis autem cavendum, ne vitia in conſuetudinem veniant, ſummaque cura & ſtudio virtutes, quæ illis opponuntur, aſſiduè ita exercendæ ſunt, ut in habitum tranſeant: Hac enim ratione victoria & diligentia obtinetur. Ad externos autem ſuperandos hoſtes non minus curam, quam diligentiam deſiderari, norunt belli Duces.

*Blanca Capella Magna Ducissa
Hetrurię Francisci uxor.*

AV DE ET FIET



GARRULA ET VADE



*Ioanna Imp: Ferdinandi filia
Francisci Magni Ducis uxor*

XIX. HIEROGRAPHIA.

GARRULA ET VADE.

Non dubium, quin hæc Hierographia in garrulos & detrectatores aptata fuerit, qui nempe verborum copiâ sapientiæ opinionem apud indoctiores & leviores homines venantur, aut bonorum hominum famam lacerant & ex alienis vitiis laudem quærunt. Vtrumque certè vitium execrandum, aulisque Principum tamen nimis familiare. Ibi enim illi, qui audaci quadam dicitate alios superant, prudentiores doctioresque judicantur & habentur; quique aliorum vitia recensent ac carpunt, virtutem amare & habere putantur. Ægre profectò sapientes & boni viri tale iudicium, cum vitium pro virtute habetur, ferunt. Sapientes loquacitatem odio habent, pauca loquuntur & necessaria tantum, potiusque silent. Tacendo enim raro peccatur, loquendo sæpissimè: hinc Horatius:

Sed tacitus pasci si posset corvus, haberet

Plus dapus, & rixa multo minùs invidiaque.

Boni aliorum vitia regunt, ne, si propalent, invidiæ notam sibi inurant. Garrulos itaque & detrectatores Joannam Imperatoris Ferdinandi filiam ac Francisci uxorem odio persecutam fuisse, ac à se abegisse, facile tum Symbolo, tum Galeritâ aviculâ manifestum fit. Galerita enim nubibus volatu inhærens, totos dies æstate garrir, ac Symbolum, ut absoluto inutili garritu decedat & vadat, præcipit.

XX. HIEROGRAPHIA.

AVDE ET FIET.

In hac Hierographia una Venus unusque amor aut cupido apparet. Platoni duæ sunt Veneres & geminus amor : Vna & antiqua & sine matre Venus cœlo nata , quæ cœlestis Venus nuncupatur : Altera junior est Jove & Dionâ progenita, quam vulgarem communemque vocamus. Amore eadem ratione alius cœlestis, alius vulgaris ; nunquam enim absque Venere amor est. Cœlestis amoris officium est, æterna & summum illud bonum amare, ut haberi possit. Habetur autem ab iis, qui omnes animi vires, ut id consequi possint, intendunt. Vulgaris amoris officium est terrena, caduca & mortalia amare ac desiderare ; quæ varii generis, alia enim honesta, alia inhonesta sunt. Inter honesta censentur artes, scientiæ & similia , quæ tum propter se ac ipsum honestum, tum propter utile amantur & expetuntur. Inter inhonesta sunt voluptates, quarum amor turpis habetur. Hanc Hierographiam cum Symbolo sive quis velit cœlesti Veneri aut amori, sive terreno applicare, perinde est. Quicquid enim amat ac expetit humanus animus, id facile sibi confidat, aptisque rationibus aggredi audeat sciatque , consequitur : *Labor enim improbus omnia vincit, ac audaces fortuna iuvat.* Id profecto docent Sancti Viri & Martyres,

qui divino amore pleni extrema quævis passi sunt , ut summum illud bonum consequerentur. Id etiam artifices manifestum faciunt, cum ad artes aut scientias summa cupidine impulsæ nocte dieque sudant, ut summam illius cognitionem adipiscantur. Amor difficultates & pericula omnia Veneris suasu contemnit. Verenti enim obstacula non datur ad metam aditus. Propterea inquit Symbolum , AVDE ET FIET, hoc est, si quid ames, aude ; fiet enim, ut re amata potiaris. In Veneris amoribus præ cæteris audaciam raro audentem fallere, cuius notum est. Ad hos non dubium est quin Blanca respexerit, sibi que ipsi gratuletur hac Hierographia , quod audaciam felici successu sibi profuisse cognoverit. Alios itaque exhortatur, ac compotes optatis fore, si pareant, promittit ; cum inquit, AVDE ET FIET. Fuit illa nobilis & patritia Venera, ex illustrissima prognata familia, eximia pulchritudine prædita ac altera Venus, quæ Franciscum Ducem in sui traxit amorem , ac ita Cupidinis jaculis ferit, ut saucius nullam, nisi ab hac , cuius iussu jaculum immissum fuerat , medelam acciperet ; quam illa tandem illi perpetua vitæ consuetudine obrulit, Sacramento firmavit ac servavit, donec concordem animum infœlici ac simili fato simul redderent. Hoc audaciæ ultimum fuit præmium.

*Ferdinandus Medices Magnus Dux: Etruriae tertius
Magnus Mag: Equestris ordinis S. Stef: Eques aur: vel:*



XXI. HIEROGRAPHIA.

PISA, IN VETVSTÆ MAIESTATIS MEMORIAM.

PISA olim Respublica libera fuit, multa que bella cum Florentinis tuendæ libertatis causa gessit. Cum libera esset monetam cudit, postea cum à Florentinis subacta fuisset, hoc jus illi ademptum fuit: Id iterum restituit Ferdinandus Medices ad Ducatum evectus, atque **IN VETVSTÆ MAJESTATIS MEMORIAM**, restitutionis beneficium hoc nummo agnoscere voluit.

XXII. HIEROGRAPHIA.

MAIESTATE TANTVM.

Inter omnes Hierographias vix alia boni Principis officium melius explicare videtur: Cernitur enim hîc Rex apum in examinis medio forma egregia, duplo cæteris major, in fronte macula ac diademate candicans. Huic omnes parent apes, maiestateque tantum illius reguntur, non aculeo, quo carere, aut non uti constat. Mira omnium circa eum obedientia. Cum procedit, una est totum examen, circaque cum conglobatur, cingit, protegit, cerni non patitur. Reliquo tempore cum apes in labore sunt, ipse opera

opera intus circuit similis exhortanti, solus immunis. Ut itaque apud Imperator suos maiestate tantum, non aculeo regit; ita bonum Principem decet, potius benignitate, affabilitate, comitate, aliisque virtutibus suos ad obedientiam allicere & regere, quam severitate, minis ac verberibus ad nutum cogere; hoc enim Tyrannorum est, qui nunquam durabile regnum habent. Quia enim multos sævitia lædunt, ac nemo injurias illatas prorsus obliviscitur, oblata minima ulciscendi occasione de statu dejiciuntur. Vnde hinc Seneca:


*Victima haud ulla amplius
Potest, magisque opima mactari Iovi,
Quam rex iniquus.*

Id contigit Tarquinio Superbo Romanorum Regi ac Tyranno postremo, ob vim Lucretiæ ac injuriam Collatino ejus marito illatam. Studeant itaque Principes, ut clementia, non sævitia regant; amentur, non metuantur. Qui metuuntur enim multos metuant necesse est.

*Qui sceptrâ duro sævus imperio regit,
Timet timentes, metus in authorem redit;*

Ac nusquam tuti aut securi sibi videntur. Qui amantur verò sine custodibus & armis tuti sunt.

*Nicolaus III. March: Estens, et Ferrarie Dux. Modene Parme.
Regy Forliet Rom.*



*Leonell March: Esten. et Ferrarie Dux. Modene
Regy Forliet Rom: fil: Nicolai.*



I. HIEROGRAPHIA DU- CUM FERRARIÆ.

IN FIDE ET IVSTITIA FORTI-
TVDO.

INTER gladium & clavem consistit columna fluctibus impetita. Gladius justitiæ, quod eo fontes plectantur; clavis fidei, quod huic thesauri credantur; ac columna, quæ undarum fluctus sustinet, fortitudinis argumentum est: Ait Symbolum, IN FIDE ET IVSTITIA FORTITVDO, (supple) ad ferenda adversa continetur. Rectè equidem; fides enim & justitia non solum fortitudinem, sed omnes alias in se complectitur virtutes. Fides autem hîc non solum pro confidentia; sed etiam pro vera religione accipi potest. Hanc fortitudinem in se continere tot docent Martyres, qui pro ea tuenda quævis tormenta ferendo sanguinem magnâ constantiâ animique fortitudine profuderunt. Vera enim fortitudo est, omnium rerum terribilissimum, mortem nempe, ac immensos cruciatus, quibus illa infertur, non metuere. Justitia non minus fortitudinem continet; sive enim justus tueri justitiam contra improbos, sive eam exequi & fontes punire velit, fortitudine opus habet; ut quasi leo confidens absque terrore, (ut inquit Salamon

in Proverb.) quod iustitiæ munus exigit, faciat. Hac si destituatur virtute, justus esse non potest, Aptè itaque Mysta IN FIDE ET JUSTITIA fortitudinem esse ait, easque sibi colendas, tanquam Reipubl. bases, & sine quibus nulla Resp. nullumque Regnum stare potest, proponit.

II. HIEROGRAPHIA.

NIL AM LVS.

Hinnulus Solem intuetur, ac NIL inquit esse AMABILVS. Verè profectò, cum nihil augustius, utiliùs, admirabiliùs ac propterea amabiliùs in toto hoc universo Sole sensibus appareat: Luce enim, splendore, ac radiis totum orbem illustrat, complectitur, ac coloribus ornat: Calore movet, generat, fovet, nutrit ac conservat cuncta; ut rectè mundi anima vitæque fons à multis dicatur. Sine illo horrent frigore cuncta, gelascit aqua, intereunt vegetabilia, extinguuntur animalia, quiescunt omnia, ac tenebris obruta esse videntur. Admirabilis est magnitudine; plus centies enim terræ globo demonstratur major. Admirabilis motu; singulis enim horæ minutis proprio motu plura quam decem miliaria Germanica percurrere à Geometris ostenditur. Admirabilis splendore; quod à terra pluribus, quàm nongenties mille milliaribus distans, non solum tam procul omnia illuminet, sed etiam obstacula
omnia

omnia, ut nubes, ac angulos quosvis abditos, minima data rimula penetret. Admirabilis etiam calore, quia tam procul distans ita omnia æstate calefacit, ut interdum offendar. Hujus lucem & calorem nullæ faces, nullus ignis, etiam si ingens urbs aut tota Provincia conflagraret, imitari potest. Non mirum est itaque, animantibus Sole, à quo omne beneficium habent, NIL esse AMABILIVS. Verùm Myſta hoc Sole, quem Hieroglypton exhibet, alium notat, cujus intuitu NIL AMABILIVS esse asserit: Videlicet conspicui Solis patrem & creatorem Deum ipsum. Qui tot intervallis hunc superat, quot lux ipsas tenebras, ac pictor imaginem. Hunc intueri summa fœlicitas, summumque bonum ac supremum beatitudinis culmen, immensum, ineffabile, omnemque sensum superans est.



*Borsus Dux Modene Regy et Ferrarie I Marchio Estensis
Comes Rouigy. Fil. Nicolai.*



III. HIEROGRAPHIA.

NEC IGNE NEC FERRO.

Primus iste Ferrariæ Dux constantiam sibi proponit colendam, virtutem sanè Principe dignam, imprimisque convenientem. Id Adamas gemmâ indicat, quæ ab igne consumi nullo tempore potest, ac malleum, ut vulgi opinio est, perfert, neque ab eo disfringitur. Quæ opinio etsi falsa sit, tamen quia vulgò vera habetur, rectè inseruit Symbolo. Ignem innoxie ac constanter ferre notissimum est Spagiris, si enim infecta fuerit, ex stibio per se Mercuriali præparatâ lymphâ, ac Phœbeo inclusa Thalamo, illique immersa, Vulcanoque ignita, nitorem eximium concipit, ac artificem dicit. Ut itaque Adamas ignem, quo nihil vehementius est, constanter perfert, ac igne purior, & sincerior redditur; ita Principes Viri, cum res magnas & arduas aggrediuntur, constanti animo illas gerere, nullisque rebus adversis perturbari, aut frangi debent; sed contra ut illustriores fiant, audentius ire. Cavendum tamen à pertinacia, quæ constantiam fronte mentitur; verum vitiis inseruit, ut constantia virtutibus. Multi specie illius decepti, non laudem, sed vituperium sibi pepererunt.

IV. HIEROGRAPHIA.


UTRUM QVE.

Difficile divinatorum quid sibi primus Marchio Estensis hæc Hierographia proposuerit. Verisimile est, quia poculum aureum fructuum copia repletum apparet; se utrumque, videlicet divitias rerumque copiam, statui suo procurare voluisse. His enim majora nemo à Principe suo optare potest. Rerum copia hominum industria & artificio comparatur, quæ divitias pariunt; utriusque verò parens, pax & Reipubl. tranquillitas est, cujus studiosissimus Princeps esse debet. Qui enim bellis delectatur, ac pacem, quam posset habere, negligit, sibi nihil commodi parit, subditisque quietem ac securitatem omnem aufert, illorumque necem procurat, regnumque flagitiis replet. Belli enim tempore silent leges, ac milites dominantur, qui Reip. fundamenta deturbant. Nam ut inquit ille:

Nulla fides pietasque viris, qui castra sequuntur.



Hercules I. Dux Ferrariae Modena et Regii II. Marchio



ΟΥΤΩΣ ΑΠΑΝΤΑ, id est, SIC OMNIA.

Muitis modis explicari hæc Hierographia potest, quod admodum simplex sit Hieroglypton & Symbolon. Verum sequens figura satis docet Principem temporis potius, quàm alterius rei rationem habuisse: Hinc Spheram pro Glyphe, ac *ὅυτως ἀπαντα*, id est, sic omnia, pro Symbolo exhibet. Significat itaque, ut terræ globus spheræ mundanæ alligatus est, ac à cœlo ejusque motu & revolutione quævis justis temporum interval-
lis perpeti debet, nunc æstatem, nunc hyemem: SIC OMNIA similiter temporis esse subjecta, ac se patienter tempore inservire, ut ex voto omnia succedant, velle. Utile profectò Principibus propositum, qui si dissimulare, hoc est, temporis inservire non possunt, inepti ad imperia putantur. Hinc proverbium: *Qui nescit dissimulare, nescit regnare*. Ego eos qui dissimulare coguntur, regnare non posse, judico. Princeps prudens ita rerum suarum statum componit, ut dissimulatione opus sit nulla. Præterea tempestivè bonis legibus improbos ac rebelles ita compescit, ac coercet, ut nihil magni amplius tentare audeant; aut, si tentent, ruant & pereant, priusquam qui efficiant. Quid hîc dissimulatione opus est, si leviter tentent, ac pœna delicti præ foribus sit? At quid dissimulatio? Verum fuit iste primus Dux Ferrariæ, huic parere difficilè fuit libero populo, hîc temporis aliquid dare debuit necessariò, ut imperium novitium paulatim stabiliret.

VI. HIEROGRAPHIA.

ΟΥΤΩΣ ΑΠΑΝΤΑ, id est, SIC OMNIA.

Hujus Hierographiæ Symbolon à priori non differt: Glyphe plura continet. Cernitur enim hîc mulier nudum pectus comprimens, catenis alligata rupi, ac horologium intuens, quod capsulæ inclusum, eminente foris inquietis trutina, rupi impositum est, adjecta desuper sphaera. Mulier hæc patientia est, ferens ferenda ac tempore liberationem sperans. Multis enim Sphaera spem notat, ac omnibus horologium tempus designat. Ut itaque rupes ista omnes cœli & temporis morus & vicissitudines fert; *ὅτι τὰς ἀπαντὰς*, id est, SIC OMNIA, etiam quæ servitutis speciem præ se ferunt, illi qui novum imperium adeptus est, ferenda fortiter sunt, donec occasione (temporis filia) oblata, eo quo cupit, omnia perduxerit: Prudentiæ enim est tempori aliquid propter majus bonum dare, ac virtute adversa omnia ferre. Quæ quo facilius feruntur, eo minorem adferunt molestiam. Hoc enim proprium patientiæ est, quod onus incumbens minùs grave faciat, ac eo sublato augeatur voluptas:

Quod fuit durum pati, meminisse dulce est: inquit Seneca. Et Ecclesiastes: *Vsque ad tempus sustinebit patiens.* Vix à fortitudine differt hæc virtus, nisi quod fortitudo magis agendo, quam patiando, celebretur.

VII. HIE-

VII. HIEROGRAPHIA.

SIC REPVGNANT.

Circumvolutos, ac se mutuo complectentes angues urit ignis, ut nexum dissolvat & conjunctos separet, aut necet; repugnant illi, ignisque injuriam perferunt, neque se divelli patiuntur. Magnum profecto amicitiae ac concordiae testimonium. Vri itaque potius mortem ferre, quam solvi malunt; ita boni & sapientes (qui serpentibus notantur) ubi amicitiam inierint, concordi animo eam arctè custodire debent, iisque repugnare & obsistere, qui concordiam, vel amicitiam dissolvere conantur; ac quidvis potius pati, quam ut vinculum, quo juncti sunt, solvatur. Talis amicitia secundas res splendidiores facit, & adversas partiens communicansque, leviores: Sine ea nullo modo firmam & perpetuam jucunditatem vitae possidere possumus, ac vita insidiarum & metus plena est. Veræ amicitiae exemplum exhibuit Pylades & Orestes, teste Manilio, cum ait;

*Idcirco nihil ex semet natura creavit
Pectore amicitia majus, nec rarius unquam.
Unus erat Pylades, unus qui mallet Orestes
Ipse mori: Lis una fuit per secula mortis:
Alter quod raperet fatum, non cederet alter;
Et duo qui potuere sequi vix noxia poenis:*
Opta-

Alphonfus I Dux Ferrariae, Modenae et Regi III. Marchio



Estensis Comes

Rouigü Princeps



Carpi, Caen, Bayeux et Falaise, Dñs : Comasce et Rom.

*Optavitque reum sponsor non posse reverti,
Sponsoremq; reus timuit ne solveret ipsum.*
Verùm hujusmodi amicitia rara admodum est,
cum nunc commodi causa amicitiae fiant, quæ
veræ non sunt, ac causa deficiente pereant. Hinc
Ovidius :


*Donec eris fœlix, multos numerabis amicos;
Tempora si fuerint nubila, solus eris.*

VIII. HIEROGRAPHIA.


DE FORTI DULCEDO.

Ex Sacris Literis desumptum est Symbolum:
Cum enim Sampson interfecisset leonem, ac post
aliquod tempus ad locum, ubi interemptus fue-
rat, rediisset, examen apum ex capite leonis evo-
lans conspexit, exemptisque favis mel comedit,
ac ænigma domum reversus, DE FORTI
DULCEDO, convivis suis, stipulata mulcta si
non solverent, proposuit explicandum. Qui tan-
dem à Sampsonis conjuge edocti, leonem for-
tem, & mel dulcedinem in ipsius inventam ca-
pite fuisse, exposuerunt, mulctamque ita in Sam-
psonem rejecerunt. Vir hîc sedens militari habi-
tu fortitudinis index esse potest; Symbolo signi-
ficat Myſta, se virosque fortes in periculis con-
stantes patientesque magnum solatium fortitu-
dinis & patientiæ habere, ac calamitates quasvis
à D E O immiſſas non ſolùm non dolere; ſed ut
jucundas, dulces & gratas percipere: Quod ſci-
licet

licet hac ratione à Deo probati, atque in hac vita à peccatis expiari, ut per ignem aurum, fœlicitatis perpetuæ compotes fiant, ac patientiæ fortitudinisque lauream, immortale nempe & summum illud bonum, consequantur. Nemo enim, inquit Hierographus Paulus, id consequitur, nisi qui legitimè certaverit, ac fortitudinis exempla ediderit; hoc est, qui mundum, carnem ac Sathanam debellaverit, ac illorum stratagemata illuserit. Quod ad reliqua Hieroglypti attinet, Mysta non exhibet hîc leonis, sed vituli caput, quod gentilitiis suæ familiæ scutis appingi solebat. Refert itaque seipsum vituli capite; ac ut ex vitulo veris initio exenterato, ac cera denuo obstructo, putrefactaque carne, apes mellis & dulcedinis parentes procreantur; ita ex se suaque familia omne bonum aliis, suisque gloriam ac honorem proventuram, spondet & promittit.



Alphonſus I. Dux Ferrariae Modenae et Regiū III.



Marchio Eſtenſis, Comes Rouigü Princeps Carpi etc

IX. HIEROGRAPHIA.

LOCO ET TEMPORE.

Alphonsus Primus Ferrariæ Dux strenuus, mirandaque animi generositate, ac constantiâ præditus fuisse prædicatur. Is in celebri prope Ravenam pugna usus fuisse dicitur globo metallico pyrio pulvere ita artificiosè constructo, ut LOCO ET TEMPORE in hostes immissus in partes dissilierit, magnamque hostium stragem ediderit. Ob foelicem machinæ successum, partamque illius beneficio victoriam memoriæ causâ, Glyphen ipsius globi igniti absque Symbolo edidisse amicis traditur. Quod tamen postea ab Ariosto Latine, LOCO ET TEMPORE, adjectum dicitur.

X. HIEROGRAPHIA.

A LIEV ET TEMPS,

Id est,

LOCO ET TEMPORE.

Eadem planè Hierographia, quæ superior, nisi quod Gallicè Symbolum exprimat, *à lieu & temps*, hoc est; *loco & tempore*. Admonemur verò ut omnia LOCO ET TEMPORE faciamus. Ut enim hujusmodi igniti globi, si tardius,


G.

dius,

dius, quàm oportet, ejaculentur, non hostes, sed ipsum emittentem interficere possunt; ac si citius, quàm opus fuerit, rumpantur, inutiles fiunt; ita nisi in rebus agendis quis tempus ac locum, id est, occasionem diligenter observet, sæpè optato exitu frustrabitur. Loci & temporis etiam magna cura in civili conversatione & officii habenda est, quæ si ritè observentur, prudentiæ & sapientiæ indices sunt, virumq; multis ornatum virtutibus commonstrant. Qui enim quando oportet & ubi oportet fert terribilia, fortis est: Qui ubi & quando oportet re vel verbis jucundus est, is affabilis & comis est. Ita ut loci temporisque circumstantia sæpe res ineptas ac inutiles aptas & utiles faciat. Hoc Medicis imprimis notum est, qui occasionem volucrum esse sciunt, & sæpè pharmaca optima non apto tempore data, aut non apto loco applicata, venena fieri, ac ægrum occidere. Id novit Ovidius, dum canit:

*Temporibus medicina valet, data tempore
profunt.*

Et data non apto tempore vina nocent.



*Alphonfus I. Dux Ferrariae, Modenae et Regii III.
Marchio Estensis, etc.*



XI. HIEROGRAPHIA.

IN HOC SIGNO VINCES.

Thau literæ signum in Hebræorum sacris liberationis fuisse indicium ex nono Ezechielis patet, ubi ait; *Signa Thau super frontes virorum gementium & dolentium.* Et paulo post, *Omnes super quem videris Thau ne occidas.* Hoc signo etiam usi fuerunt in Hieroglyphicis Ægyptii, alligato ei funiculo quem manus tenebat, ut in obelisco Romæ ad portam Collinam sculptura illius ostendit. Glyphe illa mysterium liberationis humanæ continet, ut lingua Cimmerica (teste Goropio Becano) aliarum parens, admirabili modo explicat: Thau enim funem significat, & si veritas nomen Vat habebis, id est apprehende; ita ut primæ linguæ, nempe Cimmericæ, architectus Deus admoneat solâ illius nomenclaturâ, tale signum apprehendendum, huicque soli innotendum esse: Hoc enim verum nostrum esse crucem, id est, scipionem, unde crucis nomen deductum est; cum in nullo alio signo victoria, salus, aut requies esse possit. Per hoc enim signum salvi facti sumus, dum filium æterni patris pro nobis sanguinem ignominiosè effundentem sustineat. Non fuit quidem apud Romanos turpius, aut crudelius supplicium cruce; sed jam non ignominia, sed plenissimæ gloriæ & victoriæ signum est, ut rectè Mysta admoneat, **IN HOC SIGNO nos VINCERE omnia posse.**

XII. HIE.

XII. HIEROGRAPHIA.

IN TE QVI SPERAT NON CON-
FUNDITVR.

Vera hæc, (ut præcedens est Hierographia, cum sacra tractet,) Hieroglyphe peccatorem exhibet, qui crucem supplex amplectitur, ac mentem ad eum, qui cruci affixus, spineâ coronâ coronatus flagellisque cæsus fuit, dirigit, ac in eo spem omnem, ne confundatur, æternisque crucietur ignibus ac tormentis, ponit: Hic enim fuit, qui cum perditum primorum parentum peccato essemus, nos sanguine suo à peccatis abluit & redemit: Huic fidere, hunc amare & in hoc sperare debemus, ne confundamur. Debet enim fide ac charitate hæc spes munita esse: Sine fide enim impossibile est placere Deo, quod qui illâ caret, fundamento salutis careat. Charitas non solum erga Deum, sed etiam proximum adesse, ut universa delicta operiat, ac Deus in nobis maneat, debet. Qui his instructus spem in Salvatore habuerit, neque hîc, neque in futurum confundetur, sed omnia ex optato habebit. Nam qui sperat in Domino salvabitur, salvatione autem nihil majus.

Hercules II. Dux Ferrariae. Modenae. Regii et Chartres IIII.
Marchio Eftenfis. Princeps Carpi. Comes Ronigii et
Gisors. Dñs Comasci. Montargii Car signan
Frignani et Romanice.



XIII. HIEROGRAPHIA.

PERFICIT ET CONFICIT.

Apud veteres Ægyptios Saturnus in Hieroglyphicis pingebatur dextra manu serpentem circa collum continere, caudamque faucibus devorare: Quâ figurâ anni circuitum, tempus, ætatem ac immortalitatem significabant. Idque ideo, Cyrillo auctore, quod in longitudinem serpens porrigatur, tacitèque serpat absque strepitu, multisque spiris abundet, quibus annorum dierumque series tacitè præterlabentes egregiè designantur. Hieroglypto Symbolum optimè accommodatum est, PERFICIT ET CONFICIT, (subintellige) omnia, videlicet tempus: Nihil enim manu factum est, quod tempore tandem non aliquando intereat & conficiatur. Ob id eleganter ait Ovidius:

*Tempus edax rerum, tuq; invidiosa vetustas
Omnia destruitis, vitiataq; dentibus a vi
Paulatim lenta consumitis omnia morte.*

Admonemur etiam hac Hierographia, ne corporis, animi, aut fortunæ bonis superbiāmus; ut enim tempore perficitur corporis forma, agilitas, valetudo, eloquentia, ars, scientia & reliqua; ita etiam à tempore paulatim eadem conficiuntur, tandemque morte intereunt. Fortunæ similiter bona, ut, vel data, vel non data occasione sæpe adveniunt; ita facilè iterum inopinatò auferuntur. Propterea tempori fidere sapientis non est; omnia enim mutat, ut inquit Claudianus:

- - - - *Quid non longa valebit
Permutare dies?*

Narratur, Anaxagoram percunctanti, an Lampaseni montes aliquando mare futuri essent? respondisse; ita sane, nisi tempus defecerit. Nostro sane ævo, ante paucissimos annos, mons maximus in Insulis Fortunatis una nocte ex plano enatus est, ac prope Puteolos alius. Tempore itaque mira rerum fit vicissitudo, ac omnia paulatim mutantur.


XIV. HIEROGRAPHIA.

QVI IUDICATIS TERRAM DILIGITE IUSTITIAM.

Admonentur hoc Symbolo Reges, Principes, ac Iudices, ut diligant iustitiam, ac Glyphe, ut administrent tum poenâ, quam clava significat; tum æquitate, quam bilanx: Non enim omnia iusta æqua sunt; *sapè enim summum ius summa injuria est.* Quid enim si lex lata sit, eum, qui citatus certo tempore non comparet, causam amittere; isque venire non meminerit, ac iurejurando se oblitum fuisse testari velit; æquumne est, ut centum millium florenorum causam amittat? Iniquum profectò videtur; cum scilicet legislator non obliviosos, aut certis impedimentis impeditos; sed contumaces, ac qui cum possent venire, nolunt, ut adversario molestiam faciant, causamque protrahant, tam graviter puniri velit: Multâ tamen arbitrariâ hujusmodi negligentiam castigari æquum est. Ad æquitatem verò
su-

supremi iudices & à quibus nulla amplius est appellatio, instituti sunt. Hi secundum æquitatem judicare debent, ac potius secundum legum mentem, quam verba: Æquum enim præstari est quodam iusto, ac alicujus iusti correctivum; cum emendet legem secundum naturam circumstantiarum. Propterea qui hoc agunt, ac iustum non exactè in deteriore exequuntur partem, æqui & boni dicuntur, ac perfectè iusti sunt; Est enim iustitiæ perfectus habitus æquitas. Ut autem æquitas iudicibus convenit; ita etiam clava, seu pœna, quæ malos ac sceleratos coercet, abigit, aut è medio tollit; ut boni & probi jucundè ac tuto vivant: Hic enim finis omnis iustitiæ, & propter hunc Reges & Principes à Deo instituti sunt. Nihil propterea magis laudari potest in Principe, quam si iustitiam diligat, ipse quemet studiosè administret, aut ab aliis, si periculum veter, administrari curet. Administret ipse, si cuius aures præbeat: Hac enim humanitate nihil aptius, ut subditorum amorem sibi conciliet, ac iustitiam conservet, esse potest; ita enim quæcunque in Regno injustè geruntur, & qui mali, iniusti ac improbi ministri sint, facile ab ipso deteguntur. Ubi improbi ac avari iustitiæ præsumt, ibi venalis est iustitia, ibique viduæ, pupilli, ac qui se tueri non possunt, prædæ sunt. Ubi boni, ibi floret iustitia, ac probi miseræque personæ securam & beatam vitam degunt, Principesque, quia sitierunt iustitiam, æternam beatitudinem consequuntur.

*Hercules II. Dux Ferrariae, Modenae et Chiartres. IIII.
March. Estensis.*



XV. HIEROGRAPHIA.

DEVS FORTITVDO MEA.

Pro Hieroglypto fortitudinis hic Divi Georgii figura exhibetur, qui Dei instantu ejusque fortitudine munitus, Draconem illum Anglicum, qui divam Margaretam devoraturus erat, interfecit. Fortitudinem in se agnoscit Mysta, eamque non suam, sed numinis esse, præ profiteatur; ut Esaias: DEVS MEVS FACTVS EST FORTITVDO MEA: Virtus enim est fortitudo, ac virtus omnis à Deo. Hic autem non solum bellica fortitudo, quâ victoriam Dei auxilio adipiscimur, intelligitur; sed etiam ea, quâ Mundam, Sathanam, omniaque vitia superamus; quam si Dei beneficio obtinemus tum verè profiteri possumus, nos vires, valetudinem, divitias, honores, opes ac delicias contemnere; eaque, quæ iis contraria sunt, pro nihilo ducere, nec multitudinis opinione, nec dolore, nec paupertate terreri. Sed non solum hæc omnia contemnere satis est; verum & omnibus modis ad virtutem tendere, ut fortes simus, debemus: Inquit enim Ambrosius, in duobus fortitudinem consistere animi: Primo, ut exteriora corporis pro minimis habeamus, & quasi superflua, despicienda magis, quam experenda ducamus: Secundo, ut ea, quæ summa sunt, omnesque res, in quibus est honestas, præclara animi intentione, usque ad effectum persequamur. Dei itaque au-

xilio fortes nulla pericula , nullos dolores , ne mortem quidem extimescimus , ac ita animum componimus, affectusque domamus , ut in nullo flagitii genus, quod Deum offendat, incidamus. Hæc vera est fortitudo, quæ non nostra, sed Dei est, & quam Deus per nos exercet, aut ejus beneficio exercemus.

XVI. HIEROGRAPHIA.

VRGET MAIORA.

Quis hac Hierographia magnanimitatem hujus Herculis non agnoscit , dum exemplo Rhinocerotis se MAJORA URGERE Symbolo asserit? Rhinoceros equidem non minora animalia, sed elephantem hostem se longè majorem & omnium quadrupedum maximum aggreditur. Habet Rhinoceros in naso & supra dorsum cornu, quo ad saxa limato , præparat se pugnæ, ac ventrem elephanti , quem scit molliorem, petit; tantique animi fertur, ut à pugna nunquam nisi victor recedat. Cure durissima & crassissima est armatus, ut non facile ab elephante vulnerari possit. Quemadmodum autem Rhinoceros minora quævis animalia contemnit , ac victoriam, quam ab illis referre posset, sibi potius ignominiosam , quam gloriosam putat; sic magnanimus iste Dux, sibi non res exiguas , faciles & leves urgendas ; sed magnas , difficiles & arduas, ut majorem gloriam consequi posset, proposuit.

XVII. HIE-

*Renata, Nups Regis Galliae, uxor Herculis II.
Ducis Ferrariae.*



Alphonfus II. Dux Ferrariae. Modenae et Regii ultimus.

XVII. HIEROGRAPHIA.

VNA FVIT


Quia ab una arbore duo rami ablati, terræque inserti in duas arbores abeunt; hinc rectè Renata Herculi matrimonii fœdere juncta, quod duæ manus se mutuo ac ramusculos complemententes indicant, marito progeniem & sobolem promittit. Nihil enim optabilius Principi, quam ut legitimam prolem regni hæredem habeat; nihilque mulieri amabilius & gratius, quam ut conjugii suo sobolem ferat. Vt autem arbor, à qua ramusculi ablati sunt, VNA FVIT, ac ramusculi terræ inserti, multiplicantur; ita etiam fœmina conjugii beneficio multiplicatur. Divinam autem & conjugalem esse conjunctionem, demonstrant manus è nubibus porrectæ: Fœlicem autem futuram sobolem, significant oleæ vel lauri ramuli, qui pacem & victoriam in Regno seu Imperio (quod corona notatur) promittunt.



XVIII. HIEROGRAPHIA.

EXCELSÆ FIRMITVDINI.

Alphonſus Dux Ferrariæ ab anno ætatis decimo quarto hac Hierographia uſus dicitur, cauſamque dediffe præceptores, qui, cum illum optima indole, ac ad virtutes natum animadverterent, ſæpè inculcabant, ne unquam hanc indolem & ad virtutes propenſionem mutari aut extingui, ut Principibus contingere ſolet, pateretur. Hi enim optimè educati, virtutibusque omnibus ornat, cum primum florem ætatis attigerunt, aut ad gubernacula rerum vocati ſunt, effrenes quaſi facti, virtutes in vitia mutant; ac qui prius mites, crudeles; qui liberales, avari; qui æqui, iniqui; qui caſti, in omne libidinum genus proſuſi; qui modeſti, ſcurræ; qui affabiles, difficiles & moroſi ſiunt. Vt itaque Alphonſus oſtenderet ſe perpetuò conſtantem fore, ac indolem geniumque ad virtutes ſtimulantem ſe non derelicturum, EXCELSÆ FIRMITVDINIS figuram columnam conſtantiaſ imaginem pro Hieroglypto edidit.



Caesar Dux Modenae Regii et Carpi VI. Marchio Estensis etc.



XIX. HIEROGRAPHIA.

OBSTANTIA NVBILA SOLVET.

Putant aliqui Cæsarem hunc, cum adolescens adhuc esset, illustrissimam quandam virginem amasse, quâ cum potiri ob multa impedimenta non posset, istam Hierographiam excogitasse, ut, tempus aliquando fore, quo discussis impedimentis omnibus Amasiâ suâ potiri posset, significaret. Verum augustius mihi videtur hæc Hierographia interpretanda: Vt enim Sol ineffabili vi, potentia, ac calore, nubes, qui conspectum illius nobis intercipiunt, solvit ac consumit; ita etiam authorem istius Hierographiæ in vero & æterno Sole Deo Opt. Max. eam habere animi fiduciam, quod ille, quæcunque obsunt, ne ad felicitatis ac beatitudinis culmen pervenire possit, facile dissolvat. Potest etiam stemmati aut familiæ applicari; quæ cum antiquissima & illustrissima Solis instar sit, quævis, à quibus labe-
factari ac opprimi posset, facile delebit, ac
quasi in nihilum, ut Sol nubes,
rediget.



XX. HIEROGRAPHIA.

HESPERVS VNVS LVCESSET.

Navis mari, ventis ac tenebris concredita animum & negotia Ducis periculis non levibus exposita indicat. Consolatur tamen se Dux neque desperat, quin ad foelicem portum sit adventura; cum ait, HESPERVS VNVS LVCESSET, id est; stella aliqua major; ejus enim lumine, licet exiguo, optatum portum navis consequetur. Admonemur itaque hac Hierographia, ne in periculis constituti desperemus, sed in Deo speremus. Facile enim, si vel minima divini auxilii lux affulserit, liberamur. Quamdiu meliora speramus, tamdiu levius ferimus pericula. Spes enim sperantes alit, ac speratis sperans ut præsentibus fruatur.



Ioannes Franciscus Gonsaga Dñs Mantuæ et Primus Marchio.



Ludovicus Gonsaga Marchio Mantuæ Secundus.



I. HIEROGRAPHIA DUCUM ET MARCHIONUM MANTUÆ.

AD NOS LAUDIS AMOR.

CAPREOLUS in cacumine rupis se ostendat; animal quod inter rupes degit, ac summa semper appetit loca, tanta saltandi peritia, dexteritate ac securitate præditum, ut in planitiem vix palmâ majorem saltare præceps absque periculo audeat; quam enim cum pedum ungibus apprehendit, ibi etiam se sistere potest. Quemadmodum itaque hoc animal, nullo præcipitii metu, semper altiora & summa petit, donec ulterius non possit, ita illustrissimus iste Vir Joannes indicare hac Hierographia voluit, se virtutem, quâ solâ vera laus comparatur, semper amare, tantique facere, ut difficillima quæque illius gratiâ, ac ad eam consequendam aggredi velit.



II. HIE-

II. HIEROGRAPHIA.

EX GLACIE CRISTALLVS EVASIT.

De se procul dubio Ludovicus Gonziga loquitur, dum ait, EX GLACIE CRISTALLVS EVASIT; ac à cristalli origine Hierographiam deduxit. Putant enim authores nonnulli glaciem diu in frigidissimis montibus reservatam tandem in cristallum abire, ac cristallum prius aquam fuisse. Verum omnino falluntur, nunquam enim aqua in cristallum mutari potest, absque tamen aqua non generatur; solvi enim terræ tenuissima portio cum aqua debet, quæ recedente aqua, tum primum in cristallum concrevit. Si cristallus ex aqua congelata constaret, igne solveretur, (quæ enim frigore concreverunt, calore solvuntur, ac aqueæ partes igne consumerentur) quod non fit experiēti. Igne enim crematus calcem, seu terram, & sal, cujus spiritus beneficio coagulatus fuit, ostendit. Verum non refert, quid hac de re vulgares authores censeant; cum constet, Illustrissimum D. Ludovicum hac Hierographia ostendere, nihil esse tam imbecillum, ignobile & pusillum; quin tandem studio, diligentia & industria illustre, firmum magnumque evadat:

Ac proinde se illustriorem, omnibusque
virtutibus orationem suis
futurum.

Fridericus Gonzaga, Marchio. Mantue III.



*Franciscus Gonzaga Marchio
Mantue III Generalis supremi Venetorum Reipub.*

III. HIEROGRAPHIA.

SOLVS INDEFICIENS.

In rebus humanis nihil est perfectum, nihilque completum, nemo etiam tam fœlix, aut beatus, cui non aliquid desit & quem non premat molestia aliqua. Si animum spectes, sæpe illi, quibus valetudo, neque externa bona desunt, curis, tristitia, anxietate, aliisque animi affectibus cruciantur, ac virtutibus animique quiete carent. Quibus animus compositus est, fortunæ bonis, vel bona valetudine plerumque carent. Ac qui divitiis aliisque externis gaudent, bona multo-ries valetudo & virtus deficit: nunquam enim hac in vita quis ita fœlix fuit, ut si aliis nihil illi deesse videretur, sibi tamen nihil deficere assereret. Hinc rectè Ovidius:

*Ultima semper
Exspectanda dies hominis, disique beatus
Ante obitum nemo, supremaq; funera debet.*

Et Cic. Tuscul. Quæst. Qui beatus est, non intelligo quid requirat, ut sit beatior; si est enim quiddam quod desit, ne beatus quidem est. Hæc perpendens Mystra Solem Hieroglypho exhibuit, ac illum SOLVM INDEFICIENTEM scribit: Verè profectò; utpote qui neque motu, neque lumine, neque calore unquam defecisse deprehensus


hensus fuit. Per tot enim secula, tam citato motu, quem mens humana concipere non potest, indefessus semper permansit, ac per tantum spacii intervallum lumen perpetuo idem nobis indeficiens communicavit, mirique suo calore nos fovit. Et quamvis hæc omnia huic nostro visibili Soli convenient; voluit tamen mysticè Hierographiæ author Symbolo æternum illum Solem, Trinitatem videlicet, intelligi, qui SOLVS INDEFICIENS & beatus est; quemque ipse, ut etiam beatus & indeficiens fiat, sibi pro rerum omnium scopo sanctè proposuit.

IV. HIEROGRAPHIA.

DOMINE PROBASTI ME ET COGNOVISTI SESSIONEM MEAM.

Depictus hîc est farnus probatorius incensus, cui catinus (quem Spagii tigillum vocant) virgulis aureis plenus impositus est, ut ostendatur, aurum examini & depurationi esse commissum: Aurum enim igne vehementi probatur, ac si adulteratum sit, facîle exemplum dignoscitur: Prius tamen ingenti igne cruciari debet; nisi enim prorsus ignitum fuerit, non liquefcit; liquefactum autem, ac in virgas projectum, tum demum quanti valeat manifestum fit; colores siquidem & fucos adulterinos ignis consumit. Ut itaque aurum igne diu vexari, antequam valor ipsius innotescat nobisque sit in precio, debet

debet ; ita etiam viri boni Deoque grati multis
sæpe à Deo calamitatibus affliguntur , ut illu-
stiores Deoque chariores fiant. Hunc divinæ
probationis modum in se Dux iste agnovit, pro-
pter adversa, quæ perpeffus fuit, ac auri igniti in-
star magna animi fortitudine constanter pertulit.
Ob id ait ; DOMINE PROBASTI ME ET
COGNOVISTI SESSIONEM MEAM. Ses-
sione, quam furnus probatorius indicat , Mar-
chionatus dignitatem & locum ad quem à Deo
vocatus fuit, intelligit, quem se, ut vocatio
postulat, bene regere, demonstrare
velle videtur.



*Franciscus Gonzaga Marchio Mantue
III Generalis supr: Venetor. Reipub:*



*Isabella Paleologa, Marchionissa: Mant:
uxor Francisci March.*

V. HIEROGRAPHIA.

DOMINE PROBASTI ME ET COGNOVISTI ME.

Reperitur hîc Hierographia superior, sed omisso probationis furno, ac in Symbolo sessionis vocabulo; ita ut non ad locum, sed ad se tantum referri velit Hierographiam author. Aurum itaque iterum tigillo impositum igne substrato probari ostenditur. Auri probandi modi varii sunt: Probatum enim Lydio affricatum lapidi; verum incerta & fallax hæc probatio, quod superficies tantum examini subjiçiat: Probatum etiam aqua ex halinitro & vitriolo distillata, huic enim injectum, ac post aliquod tempus exemptum, si pristinum pondus servaverit, adulteratum non fuit: Per ignem facilius probatur; stibio enim commixtum, ac in pyramidem projectum, si pondus amiserit, purum nunc, non antea fuit: Exactissime autem cemento regali (quod ex pulveris plumbi uncia, sulphuris vivi, salis petrae, singulorum semuncia, arsenici crudi, salis communis binis unciiis constat) probatur; eo enim omnis fucus tollitur, ac purum-purumque redditur; hiq; duo postremi per ignem probandi modi veri sunt. Si enim stibium ac cementum tulerit aurum, defæcatum ac obrutum dici potest. Ut itaq; ignis aurum, ita Deus, num illi fidamus, in eo spem ponamus, ac virtutes amemus, iisque ornati simus, variis nos calamitatibus probat

bat; quas si sustinemus patienter, tum demum nos probatos, puros ac putos, æternæque beatitudini compotes fore, scire possumus. Hanc probationem, Jobi instar, à Deo institutam Marchio iste se tulisse, hac Hierographia non minus, quam priori, ostendere voluit.

VI HIEROGRAPHIA.

VNUM SVFFICIT IN TENEBRIS.

Christianis mos est, cum anniversarios Salvatoris nostri crucifixi luctus, ejusque diei, qua passus & mortuus est, memoriam celebrant, tredecim candelas sub crepusculum, eo, quo cernuntur in Hieroglypto, modo constitutas, incendere. Hæ duodecim Apostolos & beatam Virginem numero referunt, ac etsi omnes simul ardeant primo, paulatim tamen postea singulæ exstinguuntur, donec omnium suprema sola luceat, quæ sola tenebris depellendis sufficit: quia habitus privationem tollit. Tenebræ enim nihil aliud quam lucis sunt privatio, ac lux nihil aliud, quam vita corporum quatenus visibilia sunt, aut lucentis corporis in objectis corporibus spiritualis præsentia ac idea, quatenus visus objectum est, sensu potius, quam definitione aut ratione nobis nota. Nemo enim mortalium veram lucis essentiam comprehendere animo potest; imo nec, an substantia, an qualitas; & si substantia, an corporea an incorporea sit, intelligere

ligere valet. Ocu'is nihil notius luce : ejus enim beneficio cuncta apparent & perspicua omnia sunt , ac calores actum recipiunt : ut non absurdè Aristoteles lucem actum esse perspicui, quatenus perspicuum, definierit. Isabella Palæologa Græca ex prosapia Imperatorum Constantinopolitanorum, propter Turcarum tyrannidem tam diu in tenebris latuit, donec Francisci Marchionis conjux esset : cujus unius & solius luce, si se ereptam è tenebris agnoscat, ac sibi solam lucem sufficere, ut omnes animi molestias, anxietates, omniaque perpeffa mala obliteret ac exstinguat, quis illi vitio vertere potest, imo non laudet potius ? Mulieris enim lux vir est, à quo ornamentum & dignitatem adipiscitur. Sed & nonnulli arbitrantur, illam hac Hierographia usam, cum vidua esset, ac ab omnibus aulicis, uno excepto sene, defereretur: Cum enim filius ipsius amasiam nobilem conjugis loco secum circumveheret, ac omnes aulicos, (à quibus mater antea honorari solebat) ut amasix inservirent, in suas partes traheret; Vidua mater ab omnibus neglecta fuit, unusque tantum illi fidus adhebat senex, cujus fidem & lucem, ut sibi suffecisse, ac cæteros contempsisse ostenderet, verisimilè est hanc Hierographiam edidisse : Prudentius enim ac utilius hominis probi & fidi consuetudine uti licet, quam multorum : cum fides à multis raro servari, ab uno facillimè, possit.

*Fridericus Gonzag^{us} Dux Mantue I et Mar: Mont:
 Fer. General. Car: V Imp.*



Margareta Dux Mantue Friderici uxor.

VII. HIEROGRAPHIA.

A M O M O S.

Id est,

INNOCENS.

Pro innocentia testimonio exhibet Mysta hic adamantem in summitate montis constitutum, ac conspicuum facibusque illustratum. Adamas inter omnes gemmas colore omni vacat, ac transparens est aqua instar, puritatis sanè, bonæque conscientia index. Duritie & fortitudine nulli gemmarum cedit, ignis ferens injurias, è quo purior ac nitidior, depositis sordibus & nubiculis solet exire; ita ut rectè igne examinatus irreprehensibilis ac inculpatæ pulchritudinis dici possit. Ad ejus naturam alludit Mysta, cum se innocentem ac inculpatum Græco Symbolo ostendit: Habuit enim invidos complures, dum Caroli Quinti Summus belli Præfectus esset, hos facibus ignitis notare voluit. Vti enim ignis adamanti notam aut maculam inurere nullam potest, sed illum nitidiorem ac illustriorem reddit: ita nec invidi aut detractatores illum calumniis maculare vere possunt: Quia ἀμωμοσ, id est, sine macula, ac montis instar ipsius virtus ac innocentia ita firma ac omnibus conspicua est, ut invidorum ac momorum dentibus, tanquam facibus, potius illustretur, quam obscuretur.

VIII. HIEROGRAPHIA.

IN ÆTERNVM.

Dux manus dextræ è nubibus porrectæ nihil aliud, quam divinum ac conjugale fœdus, quod inter Margaretham & Fredericum ictum est, significat: Duabus enim dextris solent fœdera confirmari; conjugale verò fœdus ad mortem alterius conjugis tantum durare potest. Verum Margaretha IN ÆTERNVM fœdus manere, ac nunquam dissolvi cupit. Symbolum, IN ÆTERNVM, ne mortem quidem sui conjugis dissolvere vinculi & datæ fidei nexum posse, ostendit. Se itaque, si non corpore marito post mortem unita esse possit, animo tamen fore, neque unquam primam, quam illi dedit fidem, irritam secundis nuptiis facturam; hac enim ratione æternum fœdus servari dicitur. Egregiè sane, ac tanta Principe digna gnome, quæ conjugalis amoris vinculum nunquam dissolvi, sed IN ÆTERNVM permanere cupit.



*Franciscus Gonzaga Dux Mantuae Secundus
et Mar: Mont: Ferratis.*



IX. HIEROGRAPHIA.

QVOD HIC DEEST ME TOR-
QVET.

Stellio Lacertæ genus est, inde nomen habens, quod tergum & cauda stellis insignita sit. Venenosum est animal, ejusque naturæ, ut qui vinum, in quo extinctus fuerit, ebiberit, leprosus fiat. Vere cavernas relinquens, dum apricatur, solem continuò intuetur, ut nebulæ & humores oculis inhærentes, ac tenebris conquisiti discutiantur. Animalculum est quadrupes Salamandræ non dissimile, ac inter alia hoc peculiare habet, quod, ut cætera animalia Venerem cupiunt, illius stimulis neque crucietur, neque amoris conflictus sentiat. Ab hac ipsius natura Princeps Franciscus Symbolum accepit, dum ait: QVOD HIC DEEST, nempe amor, ME TORQVET: Fuit enim amore cujusdam virginis captus, quod quia se mirificè vexari sensit, appositè Stellionem, qui amoris molestiâ caret, pro Hieroglypto edidit. Quibus autem molestiis amantes torqueantur mortalium paucissimis ignotum est: Ait autem Plautus; *Credo ego amorem apud homines. carnicinam commentum, ita me amor lapsum animi ludificat, fugat, appetit, raptat, retinet, jactat, largitur, quod dat non dat, deludit, modo quod suavit, dissuadet, quod dissuasit, id ostentat.*

X. HIEROGRAPHIA.

VIAS TVAS DOMINE DEMON-
STRAMIHI.

Thobias junior cum jussu parentis, ad exigendam debitam pecuniam ei proficiscendum esset in Mediam, factus est illi divino instinctu itineris Dux Angelus Raphael. Dum itaque circa Tygrin flumen quiescerent, ac Thobias in flumine pedes lavare veller, piscis quidam horrendus in illum insiliens non levem illi timorem incussit: Verum Angelo jubente audacior factus in terram traxit, occidit, exenteravit, ac cor, jecur & fel servavit, ut corde carbonibus injecto dæmonia fugare, ac felle cœcitatē oculorum amovere posset, quod & postea factum fuit. Nam cum apud Raguelē manerent, cujus filia Sara septem viris (quos dæmon prima concubitus nocte interfecerat) frustra desponsata fuisset, Angeli consilio Thobias illam in uxorem petiit à patre obrinuitque, ac Dæmone abactō cordis fumo, illā cum altera parte omnium bonorum, quæ pater possidebat, potitus est. Hujusmodi itineris ducem, non est dubium, quin sibi hic Dux, qui adhuc cœlebs erat, dum hanc Hierographiam erigeret, optarit: quo juvante piam, omnibusque virtutibus ornatam uxorem, ut Sara fuit, nancisci posset. Hanc illius fuisse mentem, Symbolum, VIAS TVAS DOMINE

MONSTRA MIHI, confirmat: Scivit enim Dux, bonam, piam & probam uxorem non nisi à Domino, ut Thobia contigit, dari. Quam etiam postea continuis ad Deum fuis precibus obtinuit; Elisabetham nempe Austriacam Ferdinandi Imperatoris filiam, cujus pietas & virtus Solis instar totam Italiam illustravit. Potest etiam hæc Hierographia ad omnia alia negotia ac res quasvis agendas accommodari & applicari. Quis enim est tam impius, qui nesciat omnia Dei nutu regi, ac non velit à Deo rerum suarum foelicem successum dari.



Elisabetha Austriaca Ferdin. Imp. F. Ducis
Francisci Mantuae uxor.



Guilhelmus Gonzaga Dux Mantuae III. M.
Mont. Ferr. Eques Aur. Vell.

XI. HIEROGRAPHIA.

SPOLIAT MORS MVNERA NOSTRA.

Arbor hîc ostenditur frugifera, quam fulminis telum diffindit & enecat. Ait Symbolum : *SPOLIAT MORS MVNERA NOSTRA.* Myfticè hæc hominibus accommodantur : Ut enim fulmen florentem arborem sæpe exurit, ac ne fructus suos statuto à natura tempore exhibere possit, facit ; ita etiam mors excelsa, bonæque frugis ingenia plerumque immature, ne fructus & munera, quæ à numine obtinuerunt nobis vicissim communicare possint, ferit. Id certè viro omni humaniorum literarum genere cultissimo D. Jac. Typotio Belgæ, quondam Regis Sveciæ Consiliario intimo, Cæsarisque Rudolphi II. Historico, qui Symbolorum priora duo volumina sua isagoge illustravit, contigit : Hunc enim mors præcox, tabe consumptum, amicis, beneque illi volentibus ante senium abstulit. Habuit vir ille insignis cancellariæ aliquot volumina præ manibus, & quædam absolvit, quibus non solum Principum sui ævi statum fictis nominibus descripsit, sed etiam formulas literarum mandatorum & libellorum, quæ à Principibus vel Rebuspubl expediri solent. Poemata & epigrammata etiam nonnulla conscripsit, ac libellum de arte Hierographiæ, quem spero tandem in lucem proditurum, ac, etiam si mors Doct. ss. Typotium vitâ spoliarit, munera tamen illius nostra fore.

XII. HIE-

XII. HIEROGRAPHIA.

ΟΛΥΜΠΟΣ.

Mons hîc depingitur Olympus in tota Macēdonia & Græcia altissimus, cui superstructum est Mausoleum, quale Augustus Romæ habere solebat. In hujus cacumine altare fidei & fides coronata cernitur. Proculdubio mons animum hominis excelsa optantem designat; is enim si Olympum, hoc est cœlum, ac æternam beatitudinem cogitat ac cupit, fide imprimis instructus esse debet: fides enim fundamentum salutis est, sine qua impossibile est placere Deo. Ob hanc causam corona illi suprapingitur; ut demonstretur fidei præmium vel coronam Olympum esse, id est, cœlestem gloriam: Verum quia de fide aliis virtutibus carente & mortua hîc non agitur, arbores vivæ appictæ sunt. Fides enim fructibus, nempe charitate ac spe, ut Olympum consequatur, ornata esse debet: Nisi enim charitas adsit, quæ viæ instar sit, & spes, quæ viam, ut columnæ mausoleum, sustentet, non pervenietur ad montis jugum. Rectè itaque hîc Princeps viva fide, & quæ aliis virtutibus ornata est, se beatam vitam consequuturum credit.

*Leonora Austriaca, Ferd: Imp Filia Ducis
Guilhelmi Mantuae uxor.*



*Vincentius Gonzaga, Dux Mant III et
Montis Ferr. II, Eques Aur. Vell.*

XIII. HIEROGRAPHIA.

COSI MORIR MI PLACE.

Id est :

ITA MORI PLACET.

Elegans hæc Hierographia, ac probæ matrifamilias optimè conveniens, ut pote quæ amoris conjugalis vehementiam ejusque fidem testatur: ut enim ab hedera, quæ se fulcris & ramis sustinere non potest, arbor circumvolvitur, ac illius complexu tandem in tabem redigitur ac marcescit; ita Leonora Austriaca conjugii suo Guilhelmo unita, ac amoris in conjugem igne accensa, paulatimque tabescens, hujusmodi mortem sibi placere Symbolo Italico asserit: Nihil enim gratius amantibus esse solet, quam cum re amata fruuntur, potius in amplexu mori, quam ab ea divelli. Amor propterea inter conjuges laudatur, qui tam vehemens esse debet, ut semper simul vivere cupiant, & , si moriendum uni sit, alter commori optet.



XIV. HIE-

XIV. HIEROGRAPHIA.
SEMPER VIVA.

Vincentius Gonzaga, cum Ducis Parmensis sororem, virginem eximiam formam præditam in uxorem duxisset, neque eam proli ferendo idoneam nactus esset, ab ea separatus, alteramque ducens (si vulgi fama vera est) hanc Hierographiam, sinceri amoris testimonium, in illius memoriam edidisse fertur; quâ ostendere voluit; ut Luna semper lumine illustratur, licet id non semper appareat; ita virtutes, ideam ac formam prioris Amasiæ & conjugis, etiam si conspectu illius non amplius frui possit, animo suo firmiter inhærere, ut quasi SEMPER VIVA appareat. Vivunt enim amantes in alieno corpore, ac amatae formam, corpus, animumque in se ferunt, illiusque animi facultate, non sui reguntur. Hæc vis amoris; cujus etiam proprium est non latari, non gaudere, non bene valere, omnia fastidire, nisi adsit res amata, ac eâ frui liceat. Suscipit autem ideam veram, ac corpori amantis necit, ut speculo objecta oculus, animusque ab oculo attrahit, sibi unit, ac spirituum beneficio toti corpori communicat: Ut ob id non mirum sit, amantes solâ ideâ non contentos, sed diuturnum optare; neque quiescere, donec eo potiantur. Verum istius amoris gratiâ Ducem erexisse Hierographiam, verisimile non est, sed alterius divinioris, qui virtutem prosequitur, colit ac sibi uniri cupit: Quâ priorem conjugem ornata fuisse, nemini ignotum est.

Vincentius Gonzaga Dux Mantuae IIII. et Montis
Ferratis II. Eques Aurei Velleris



XV. HIEROGRAPHIA.

Φ Υ Σ Α.

Id est:

E L A T V S.

Videtur hîc Hierographiæ author quatuor elementa exhibere: Coronâ enim, quia herbis & floribus constar, terram, quæ illorum parens est, notat. Aquæ figura satis apparet. Aër, spiritus aut uentus, quia neque cerni, neque depingi potest, Græca dictione *φύμα*, id est, flatus, significatur. Sol suprema parte, quia caloris omnis fons est, ignem illum æthereum non male designat. Sed, quid Myſta velit quatuor elementis, difficulter assequi licet. Scitur omnia quatuor elementis constare: Scitur absque iis nihil vitam habere posse. Sed quid hinc sacri colligi potest? Non dubitandum, quin obscura hæc Hierographia aliquid majus præ se ferat, quam prima fronte apparet: Hoc nempe; ut Sol nobis conspicuus omnia suo motu, luce & calore regit, frontes herbasque virentes producit, tempestates marinas, ac ventorum tormina & procellas lumine ac præsentia suâ moderatur, compescit ac regit; ita Solem illum cœlestem nostra omnia negotia ad bonum finem dirigere, ac variis calamitatibus oppressos, fortunæque injuriis ac procellis jactatos ineffabili sua bonitate sublevare.

XVI. HIE-

XVI. HIEROGRAPHIA.

PROBASTI DOMINE.

A Francisco Gonzaga desumpta est hæc Hierographia, qui se fidelem Cæsari fuisse, ac omnes probationis modos (auri instar) sustinuisse, ostenderat: Conspicitur enim hîc furnus ignitus, ac tigillum auri virgulis plenum, ignique impositum. Fortè Princeps se à Cæsare nostro Rudolpho probatum variis modis, ac sincerum fidumque inventum, sibi ipsi gratulatur: Quid enim Principem magis decet, quam fides & boni conscia mens, quietis laudisque æternæ ac immortalis pabulum? Si divinis sacrisque accommodare Symbolum velimus; nihil profecto gratius, jucundius, acceptius, ac quod magis solatium præbeat, esse potest; quam habere, conscientia teste, firmam, Deum omnia prævidisse etiam in maximis periculis, fidem.



XVII. HIE.

*Vincentius Gonzaga Dux Mantuae III et Montis
Ferratis II. Eques Aurei Velleris*



XVIII. HIEROGRAPHIA.

A FVNDAMENTIS EREXIT.

Si quis hanc figuram diligenter contemplari velit, nullam esse Hierographiam deprehender, sed tantum exstructæ arcis à fundamentis memoriam. Quæcunque autem arx sit, legitime & ex arte constructam esse apparet: Hexagona enim est, sexque propugnaculis instructa, quæ ita ad lineas disponi solent, ut nusquam foris, ne uni hosti sit tutus locus. Facies etiam propugnaculorum ita duci debent, ut à multis locis defendi possint; ac axillæ propugnaculorum, ut vix foris & tantum ad faciei superficiem conspici possint. Hac enim ratione ordinatæ tutissimæ fiunt, ac hostibus metuendæ; quod non nisi maximo periculo arcem oppugnare possint. Arces ob quatuor causas exstruuntur: Primo, ut illi, ad quos imminet, ad quævis officia cogi possint, velint, nolint: Sed illæ struentem, vel ipsius statum diruunt, quia Tyrannidem inducunt nunquam durabilem. Secundo, ut tutus receptus, hoste provinciam vastante aut occupante, habeatur: Sed & hæ rarò utiles sunt; ob id, quod occupatis omnibus circum circa, tandem & illæ se dedere cogantur. Tertio exstruuntur arcæ, ut hostes circa limites provinciae hære cogantur, ibique detineantur, donec quæ ad illos repellendos necessaria sunt, parata esse possint.

Atque

Atque istæ necessariæ omniumque utilissimæ sunt, si circa præcipuas vias ac provinciæ introitus construuntur. Quarto struuntur arces, ut perfidi, aut ad jugum redacti in officio retineantur. Vtiles quidem illæ, si miles stationarius rectè se gerat, sed nequaquam si ferociat: captæ enim ab injuriâ passis rebellionis fiunt fulcrum, ac difficilè recuperantur. Qui metui nolunt, ac officiis captant subditos, arcibus opus non habent, cum amentur, ac ab amantibus non lædantur: Nemo enim, quem diligit, offendit.

XVIII. HIEROGRAPHIA.

S I C.

Lunæ jam primum crescentis apparet imago. Huic inscriptum Symbolum SIC, supple, illustrior crescam; ita ut singulæ literæ dictionem referant, si velis: Nos paucis ita exponimus; ut Luna paulatim crescit, SIC Dux iste Vincentius. Solidiora profectò ea rerum gubernacula, quæ paulatim excresecunt, quam quæ subito ad summum perveniunt. *Quod cito fit, cito perit*; ac præcocia quævis faciliè intereunt. Res magnæ & arduæ, ut durent, fundamentis egent firmitioribus. Crescunt interdum Principes ambitione, Tyrannide, avaritiâ aliisque vitiis, quæ effrenis illa libertas, ac suprema potestas à nemine, neque à propria conscientia coercita, parit. Verum

rum iste Princeps suis, se Lunæ modo paulatim illustriorem fore promittit: Luna enim lumine crescit, ac Solis beneficio. Quid igitur aliud notat Mysta? quam se virtutibus, ac potentia divini illius Solis, id est, numinis auxilio & ope, illustriorem semper fore, confidere, ac eo omnia sua dirigere, ut suorum omnium bono tale propositum feliciter ad optatum finem deducere possit.



*Petrus Aloysius Farnesius P.P. Pauli III. F.
Dux Parmæ Placentiæ et Castri*



*Octavius Farnesius Dux Placentiæ Parmæ et
Castri II. Marchio Novariæ.*



I. HIEROGRAPHIA DUCUM PARMENSIIUM.

S E S I B I.

QUis nesciat, arborem solitariam frondentem, florentem, fructumque ferentem, quam nullum animal accedere, aut conspiciere potest, sibi tantum, non aliis frondere, ac fructus ferre, & propterea nulli alteri animali utilem, nihilque habere in S E, quam quod SIBI sit, hoc est, esse possit. Ab istius exemplo Mysta contrarium elici vult; nempe, S E non fore instar arboris solitariæ, nec SIBI tantum, sed & aliis S E velle vivere: Non enim, inquit, nobis solum, sed & patriæ nati sumus, ac proinde ejus animi esse, quod omnibus animi, corporis ac fortunæ bonis Rempublicam, ac suos juvare velit. Dignum certè tanto Principe propositum, imo nulli magis quam Principi conveniens: Sunt enim non sibi, sed & aliis nati, ac ideo præfecti aliis, ut regant, justitiam administrent, fontes plectant, ac infontes tueantur. Sine his enim Principes non magis esse possunt, quam pastor sine ovibus: Sunt enim non sui, sed subditorum causa à Deo creati ac constituti. Si aliter sentiant, ac subditos spolient, non pastorum instar Duces, sed Tyranni luporum instar, qui non tondent, sed deglubunt pecus, dici debent & sunt.

II. HIEROGRAPHIA.

HIS ARTIBVS.

Hieroglypton clavam, tres globos ac gyrum ex filo ostendit. Instrumenta hæc sunt, quibus Theseus Minotaurum Labyrintho in Creta Insula inclusum, interemit: Filo enim inter eundem extenso Labyrinthi vias notavit, globis piceis Minotauri faucibus injectis morsus prohibuit, ac clavâ prostravit: ita, ut non solum vi, sed & arte hostem superaverit Symbolo, HIS ARTIBVS, Ducem etiam sibi proposuisse supremam virtutis militaris gloriam, dubium non est. Dicitur enim hanc Hierographiam, edidisse, dum in exercitiis militaribus in Flandria coram Carolo Quinto, Comite Egmondano, altero Minotauro illi dimicandum esset, quem non sola vi, quam clava indicat, sed prudentiâ, quam filum, & sagacitate seu ingenio, quod globi indicant, se superare posse confidebat: Istis enim tribus facile robustiores vincuntur: Majora sæpe stratagemata, quam vis, in rebus bellicis præstant. Potest hæc Hierographia generalius exponi; Ducem videlicet adversa omnia fortitudine, prudentiâ, ac ingenio superare velle: Fortitudine enim, ac ferendo patientes, adversa leviora facimus: Prudentia, ut minus noceant, nobisque utilia fiant, efficimus: Ac ingenio, quantum possumus, à nobis arcemus.

Octavius Farnesius Dux Placentie Parme et Castri II
Marcho Nouarie S. Rom: Eccles: Generalis.



III. HIEROGRAPHIA.

VIRTVTIS IMPERIO.

Nulla arx, castrum, aut turris tam munita, cuius porta virtuti non pateat: *In via enim virtuti nulla via*, tantaque est virtutis dignitas ac majestas, ut adversis rebus omnibus imperet, sibi que subjiciat. Ideo itaque Dux Octavius turrinam porta aperta figuravit, ac VIRTVTIS IMPERIO non malè aperiri Symbolo notat; quod se suis virtutibus, benevolentia, mansuetudine, comitate, liberalitate, magnanimitate ac justitia nemini invisum, sed omnibus gratum acceptumque fore, omniumque arcium, civitatum, ac ædium januas sibi patere sciat. Nam invisos tyrannos ac vitios deditos populus liber à finibus arcere, iisque fores præcludere; bonos è contra, virtutibusque ornatos apperere, ac ad se allicere solet: Hæc enim virtutis efficacia & vis est, ut non solum à bonis, sed etiam ab improbis ametur, desideretur & colatur.



IV. HIEROGRAPHIA.

NVBES EXCEDIT.

Hac Hierographia, quæ montem Olympum, ac Symbolon, NVBES EXCEDIT, continet, Dux iste ostendere voluit, se Philosophum & Christianum esse, tranquillitatemque animi sui tantam esse, ut nullis fortunæ procellis, vel injuriis, aut malevolorum hominum machinationibus perturbari, aut offendi queat: Olympus enim Macedoniæ mons hæc indicat, quia tantæ altitudinis est, ut NVBES, Lucano teste, (à quo Symbolum desumptum est) EXCEDAT, ac accolarum sacrificiis inserviat, qui quotannis jugum petunt, ac ibi sacrificant, victimisque exultis cineres explanant, figurasque & literas nonnullas iis inscribunt: Has quia elapso anno reversi illæsas, integrasque reperiunt, rectè nullum ibi ventum aut pluviam unquam esse, vel fuisse colligitur. Licet etiam Olympum pro animo Ducis accipere, qui mundana omnia spernens NVBES EXCEDIT, ac divina tantum æternaque appetit, ad quæ omnia sua dirigit. Verùm quid si juvenilius ista interpretari Dux velit, ac Hieroglypton cum Symbolo Olympiæ suæ applicarit? quam forma, elegantia, ac venustate reliquas suæ ætatis Veneres, (ut Olympus reliquos montes) excedere, atque ab omni infamia & periculo, ut ille à ventis nubibusque immunis est, securam esse, forsan ostendere voluit.

Alexander Farnesius Dux Placentie Parme et Castri III
Marchio Nouarie Eques Aur Vell: Gub: et Gener Belgv.



V. HIEROGRAPHIA.

PLACENTIA FLORET.

Lupa Romanam Coloniam indicat, quod Romani à Romulo, qui à Lupa educatus fuit, nomen habeant. Etsi autem nunc Romana Colonia non sit Placentia, sed proprium ac liberum habeat Principem, tamen antiquitus fuit. Ut itaque sub Romanis floruit; sic nunc sub isto Principe, quem corona indicat, florere cernitur. Appiæta enim florentia lilia conspiciuntur, quæ odoris suavitate, formæ elegantia, ac coloris sinceritate omnes alios flores antecellere videntur, Symbolum, quænam Colonia Romana floreat, indicat, videlicet Placentia. Latatur itaque hac Hierographia Princeps, quod sub ipsius imperio Placentia antiqua Romanorum Colonia non minùs quam olim floreat. Laude profecto dignus hic Princeps, cui populi placent commoda, ac qui suos potius quam se florere cupit: Ipsis enim benè habentibus aut florentibus, ille benè habet ac floret. Cum se solos florere volunt & putant Principes, specie florent, reipsa marcescunt; idque postea rerum pericula, quæ populi auxilia poscunt, dum nulla sunt, ostendunt.

VI. HIEROGRAPHIA.

PLACENTIA ROMANORVM COLONIA.

Præcedenti scholio diximus, Lupam Romanos, quod Romulus illorum author à lupa nutritus sit, indicare: Ejus effigies hic iterum exhi-

betur. Historia verò hæc est: Cum Amilius Numitorem fratrem, cui regnum legatum à patre fuerat, regno expulisset, ac stirpem ejus masculam interemisset, filiamque ejus Rheam Sylviam Vestalem virginem, ut spes partus perpetua virginitate illi adimeretur, fecisset; illa vi compressa, incerto patre, geminos edidit, qui ab Amilio in profluentem aquam mitti jubebantur. Verùm cum deferentes, in proxima alluvie pueris expositis, discederent, ac statim aqua recedens illos in sicco reliquisset, Lupa sitiens ad aquam venit, ac ad pueros vagientes deflexa submissas mammas illis præbebat, linguaque lambebat tantisper, donec Faustus pastor surreptos auferret, ac Laurentiæ uxori educandos daret. Istius Romanæ originis causa Lupa pingi solet, & Lupæ sculptura cum gemellis adhuc hodie in Capitolio ex Asphalto lapide conspicitur. Verùm non solum Lupa, sed Tyberis, quia Romam præterfluit, Romanos indicare solet. Ob id huic Hierographiæ appictus est cum sceptro, imperiū videlicet signo. Mulier autem erecta & galeata victoriam, aut Romanam civitatem, aut Coloniā ipsius indicare potest, quæ florere Placentiam, quod dextra manu lilium, ac sinistra cornucopiæ contineat, clarè ostendit. Si quis dubitet, Symbolum consulat; id enim figura, etsi non integris verbis, explicat.

*Raimundus Farnesius Dux Placentie Parme et Castri IIII
Marchio Nouarie Prefect. et General. S. Rom. Eccles.*



VII. HIEROGRAPHIA.

SECURITAS PLACENTIÆ ET
PARMÆ.


SECURITAS in Ægyptiorum Hieroglyphicis sella notari solebat, quod in ea membra delassata frui quiete possent: Securitas enim quies quædam animi est. Hic duplex sella spectatur, una cui virgo Securitas insidet, altera quæ ignem continet. Deinde virgo facem in manu habere cernitur, proculdubio ut ostendatur, quænam sit, aut in quo consistat SECURITAS PLACENTIÆ ET PARMÆ, ut Symbolum ait. Ignis itaque est, ac id quod ignis mysticè significat; Vigilantia nempe. Ut enim ignis tenebras insidiis plenas pellit, ac minus secura quæ sunt lumine suo secura & aperta facit; ita etiam Vigilantia: Hac siquidem civitates & arces ab hostium dolis ac irruptionibus defenduntur, ac securæ redduntur. Vbi nullæ sunt vigiliæ aut excubiæ, ibi facilè hostis vallum superat, ac munitiones etiam firmissimas occupat. Excubiæ vigilantissimorum militum poni debent, ut securi dormiant cives: Nisi fiat, nemini tuta dies aut nox est. Id clarè ostenditur anseribus, qui malè vigilante Romano milite in Capitolio contra Gallos, ipsi vigiles clangore alarumque strepitu hostem clam Capitolium ascendentem M. Manlio prodiderunt, ac rem

Ro-


Romanam ab imminente periculo liberarunt.
 Rectè itaque hoc loco ignis, id est Vigilantia,
 SECVRITAS PLACENTIÆ ET PARMÆ
 constituitur: Hæc enim non solum apertos
 hostes fallit, ac eorum conatus irritos reddit,
 sed etiam vicinos, qui per fas nefasque limites
 extendere, & omnia ad se rapere, nimia
 imperandi cupidine incensi, volunt,
 illudere potest.



*Fridericus Rouereus Urbini Dux I. Prefectus
et Generalis Urbis Romæ.*



*Guido Ubaldus Rouereus Feltrius I
Urbini et Soie Dux II. Prefec. Urb. Romæ.*



I. HIEROGRAPHIA DUCUM URBINI.

NON QVOVIS TEROR.

Sillex in medio, ac ignitabula tria circum-
posita in hac Hierographia cernuntur. Omnes
filici minantur ictus, sed ille NON QVO-
VIS (ut ait Symbolum) TERITVR: Quia
etiamsi allidatur, patiq; vehementer, dum ignem
excurit, videatur; tamen si ab ignitabulo ferreo
percutiatur, non teritur ipse, sed potius ferrum;
mollius enim silice est. Propterea ut patiat, ac
ignem generet & promat, ex chalybe fieri ignita-
bulum debet: Hujus enim duritiei cedit, ac ato-
mos ignitos percussus ejicit. Quomodo autem
ignis illifione illa generetur, difficile scitu est.
Ego & motum illum velocissimum, quo corpo-
ra dura alliduntur, & sulphur, tum chalybis soli-
dæ materiæ inhærens, & combustibile, causam
generationis ignis esse existimo: Motum enim
ignem ex materia inflammabili generare, docent
ligna in se mutuo affricta, quæ faciliè ignem con-
cipiunt, & duriores lapides molares terendi causa
adhibiti, qui in aquis scintillas ignis eiciunt. Re-
ctè itaque in Symbolo, se NON à QVOVIS
TERI, ait Mysta: Ferenda enim multa sunt in
hac vita, neque magnanimi est statim desponde-
re animum. Sive hostes, sive infortunia præ ma-
nibus sint, & nos non parum offenderint, resu-
mendus tamen animus, ac illata damna nihili fa-
cienda, vincendaque virtute fortuna est. Qui

hæc præstare potest, nihil in illum cadere poterit, à quo teratur aut miser fiat; animus enim est qui teritur, is si fortis & constans silicis instar sit, illæsus permanet, ac adversa, neque injucunda, neque gravia percipit.

II. HIEROGRAPHIA.

VIRTUS VNITA.

VIRTVTEM VNITAM fortiolem esse dispersa, vetus est Philosophorum sententia. Pro virtutis exemplo hîc Elephas depingitur, animal ut cæteris majus ita robustius. Cōspicitur hic fasciis ligatus, ut unio illa virium proculdubio significetur. Verùm, quid muscæ Elephantem vexantes novent, difficile conjectu: Nisi forte vires dispersas indicent. Nam innumeræ & separatæ, ut in Hieroglypto apparent, nihil præstare posse, nihilque virium habere, cuivis notum est. Mysticè autem hæc ita interpretari possunt: Principes nempe virosq; magnos, si subditos concordēs & unanimes habeant, majores habere vires, quam si discordes sint & non convenient, ac muscarum aut fucorum, id est, adversariorum & hostium fraudes, conatus & impetus facilius ferre posse. Sumpsit fortassis ideo hanc Hierographiam Princeps; ut studiosè suos concordēs semper servaret, eaq; ratione rerum ubertatem majorem, & Reip. suæ statū firmiorem consequeretur: *Concordiâ enim res parva crescunt, & discordia maxima dilabuntur.* Rato benè uniti bello superari, disjuncti facilimè possunt. Princeps qui facilè hostes superare vult, stratagemate illos disjungat, nulloque labore superabit.

III. HIE-

*Franciscus Maria Rouereus Urbini Dux
III. Generalis supremus Venet: Reip:*



*Laurentius Medicus Urbini Dux III.
nepos PP Clem VII Prefectus Urb: Rom:*

III. HIEROGRAPHIA.

NON DEGENER ADDAM.

Candela ardens depellit tenebras, & tanquam lucis parens innumeras alias accendere potest. Mystæ manus minores candelas comprehendens ait Symbolo : NON DEGENER ADDAM, supple, lucem. Candelæ parentes suos eleganter comparat, quod virtutibus suis tanquam luce totam Italiam illustrarint. Manu & candelis se, ac Symbolo animi propositum, seu gnomen norat. Nempe se non solum non degenerem parentibus fore, verum etiam illorum lumini ac virtutibus plus adjecturum, aut si fieri possit, illos se superaturum; ut verè dicere cum *Cicerone* possit, *praluxi meis maioribus*. Laude profecto dignum est maxima, hunc Principem & quosvis alios majores suos non solum æquare virtute, sed superare velle. Virtutis studium à Philosophis cæteris omnibus semper præpositum, ac in summo honore habitum fuit.



IV. HIEROGRAPHIA.

S E M P E R.

Annulus hîc adamante gemma ornatus depingitur. Huic tres pennæ, vel plumæ apponuntur. Pennæ haud dubio tres ipsius adamantis præcipuas qua'itates, aut dotes norant. Pulchritudinem scilicet, quâ eximiè nitet & micat: Fortitudinem, quâ igni & ferro resistit: Physicamque facultatem & virtutem, quâ terribilia, incubos, adulteria, phantasmata, ac insomnia arcerere creditur. Symbolum ait SEMPER: Ut itaque adamas his tribus ornatus dotibus SEMPER constanter permanet; ita etiam Myſta semper fortitudinem, ac patientiam ad ferenda mala & humanos casus; pulchritudinem & nitorem conscientiæ, quo Deo gratus esse, ac virtutem, quâ se suosque regere possit, sibi colendam & constanter servandam esse proposuit. Hac Hierographia multi ex Medicea familia dicuntur usi, pennasque variis coloribus depinxisse, videlicet viridi, albo ac rubro colore: Quibus multorum sententiâ, fides, spes, ac charitas notabantur: Fides albo, spes viridi, ac charitas rubeo. Ut hoc modo ostenderent, se istis virtutibus

SEMPER florere, Deum amare, ac
ejus regni illorum ope com-
potes fore.

Otto Antonius Rouereus Urbini Dux
 V Prefectus et Generalis Urb: Romę.



Guido Ubaldus II Rouereus Urbini Dux V.
 Pres Urb: Rom: Gener: sup: Ven: Reip:

V. HIEROGRAPHIA.

EA SOLA VOLVPTAS.

Bubo apud Romanos, teste Plinio, funebris & maximè ominosus, publicis præcipuè auspiciis deserta incolit, nec tantum desolata, sed diractiam & inaccessa: noctis monstrum, nec cantu aliquo vocalis, sed gemitu. Aridas arbores & exesos truncos amat, in quib. hære & latere die solet; nam lucem meridianam ferre non potest, aut aliarum avium societatem, quam fugit & odit, solam amans solitudinem. Trunco igitur insidet in hoc Hieroglypto, ut solitudinem designet, quam Mysta Symbolo sibi solam voluptati esse asserit. Sapienter profecto, si non quævis solitudo, sed ea tantum, quæ ab omnibus vanis ac mundanis turbis hominem liberat, ac solo Deo omnipotenti consecrat, vitiaque omnia & voluptates, mundique illecebras ac leviorum hominum conventus contemnit & deserit, intelligatur. Hæc enim solitudo merito sapienti sola voluptati esse debet, quod eâ ad vitam cœlestem detur aditus, quem mundana omnia præcludere solent.



VI. HIEROGRAPHIA.

ΦΙΑΑΡΕΤΟΤΑΤΩ.

Id est,

VIRTVTIS AMANTISSIMO.

Symbolum Græcum est, à duabus compositum dictionibus superlativi gradus: Latine VIRTVTIS AMANTISSIMO reddi optime potest. In Hieroglypto tres pyramides conspiciuntur aræ impositæ, affixæ aut superstructæ, quæ metas notant. Nam ad has tum Græci tum Romaniecurrere bigis quadrigis, aut etiam pedibus in Circis, quales complures Romæ fuerunt, solebant. Qui primi metas attingebant victores coronabantur, aut propositum consequebantur. Ut versus indicat:

Qui cupit optatam cursu contingere metam.

Hac itaque Hierographia ostendere Dux iste voluit, verum gloriæ præmium iis, qui virtutem sequuntur & amant, deberi; ac proinde se omni conatu tanquam ad metam propositam, eo omnia sua dirigere & disponere, ut virtute adepta, gloriam apud suos posterosque, ac immortalem vitam apud Deum consequi possit: Hæc enim veræ virtutis sunt præmia.

VII. HIE-

*Guido Ubaldo II Rector Urbini Dux
V. Pref. Urbis et Generatus Ven. Reip.*



*Julia Varana Ioan. Marie Gamerini
Ducis filia. Guido Ubaldi Duc. Uxor.*

VII. HIEROGRAPHIA.

MERITIS MINORA.

Dux iste Guido Vbaldus multos suæ ætatis Principes virtutis gloriâ, superasse, ac iustitiâ, comitate, omnique humanitatis & officiorum genere suos tanquam fratres & filios rexisse fertur. Eam laudem non solum domi, sed etiam foris & militiæ sibi peperisse dicitur: ubi fortitudo, magnanimitas, ac diligentia, (quæ præcipuè in militia requirantur) cæteris ipsius virtutibus præluxerunt. Non immerito itaque Ludovicus Dominicus, omni literarum genere ornatissimus, illi Hierographiam istam exstruxit: videlicet currum triumphalem spoliis repletum, ac coronâ laureâ ornatum: Quo curruum genere Romanorum Duces devictis hostibus in urbem albis equis tracti triumphantesque vehebantur; cum nullus honor major illis à Senatu Romano daretur. Hoc honore & majore ob virtutes ac merita, hunc Principem dignum fuisse, atque MERITIS MINORA omnia, quæ spectantur, sive spolia, sive coronam, sive currus & equorum majestatem consideres, esse, significare Guido Vbaldus voluit.

VIII. HIEROGRAPHIA.

ADVERGIS ADVERSA SOLATIO.

Rotæ hîc fortunæ conspicitur, adversis utrinque manibus aut brachiis comprehensâ. Symbolum ADVERGIS ADVERSA SOLATIO effe dicit. Id rectè figura explicat: Vix enim una manus & inferior stabilem & immobilem rotam continere, quin nutes in utramvis partem, potest. Verum si adversam rotæ partem altera manus contineat, jam quævis solatium habet, ac sine molestia quietam contineri posse, nemo dubitat. Sic in rebus adversis contingit: Dum enim fortunæ injuriis premimur, ac calamitatibus obruimur, facilius eas perferre possumus, si nos non solos, sed complures alios idem sufferre videmus. Nam

Solatium miseris, socios habere poenarum.

Si quis causam quaerat, hanc assero: quod dum alios simili modo opprimi, ac torqueri videmus, neque intrinsecus, quem ferunt dolorem, apparet; fortitudinem ac patientiam miramur, & iniuriæ dum patiendo conamur, occultam nostrum dolorem, animique anxietatem levamus & minuiamus. Verè itaque ADVER-

SIS ADVERSA esse SOLATIO dicitur.

*Laetitia Rouerea Principissa Urbini
Guidonbaldi Ducis filia.*



*Franciscus Maria II. Rouereus Urbini Dux
VI Prefectus Urbis Romæ.*

IX. HIEROGRAPHIA.

AD LACHRYMAS.

Sive hoc loco Draco, sive Basiliscus pro Hieroglypto exhibeatur, idem est; utrumque enim animal homini inimicum & venenatum est. Draco halitu: Basiliscus visu & sibilo necare dicitur. Verum num Basiliscus in rerum natura sit, multi dubitant. Narratur à gallo septennali gigni, ex ovo molli erumpere, aërem inficere, omneque animal sibilo interficere. Ad Draconis figuram propius accedere Hieroglypton videtur. Nam in Simplicium apud Rudolphum Imperatorem Secundum musæo exsiccatus non ab-
 similis conspicitur. Draco Sathanæ simulachrum hominis hostis gemit, ac AD LACHRYMAS venit, dum Deus, religio & pietas colitur. Quid mirum itaque hanc Laviniam tanti Principis filiam, sibi ipsi bonâ suâ conscientia gratulari, ac lætari, quod hostem suum Sathanam, ac ipsius rethnas & machinationes numinis auxilio superaverit, ac AD LACHRYMAS coegerit. Quod si invidos, malevolos ac detractores Draconis effigie notari velimus, ac Laviniam gaudere, quod non solum ab illis lædi non possit, sed quod sua fœlicitate illos AD LACHRYMAS & gemitus deducat; rectè etiam Hierographiam explicabimus: Nam mali & invidi aliorum fœlicitate lachrymantur, dolent & tabescunt, teste Horatio:

Invidus alterius rebus marcescit optimis.

Et ut ait Seneca; *Vtinam invidi oculos haberent in omnibus civitatibus, ut omnium foelicitatibus torquerentur: Nam quanta foelicitum sunt gaudia, tanti invidorum sunt gemitus. Idem alio loco: Nunquam melius torquebis invidos, quam virtuti & gloria serviendo. Eleganter itaque adversarios gementes, aut AD LACHRYMAS redactos, Hieroglypto expressit hac Principissa.*

X. HIEROGRAPHIA.

NON DEEST GENEROSO IN PECTORE VIRTUS.

Generositatis, ac magnanimitatis signum hunc esse Leonem, Symbolum & Leonis natura satis explicant: Illi enim praecipua generositas tunc, cum colla armosque vestiunt jubæ. Injurias acriter ulcisci solet: odore Pardi contum sentit in adultera, totique vi confurgit in penam: idcirco aut culpam flumine abluit, aut longius committatur. Generositati annumeretur, quod in supplices utatur clemenciâ, prostratis parcat, ac in viros prius, quam in foeminas fremat, ut infantes non nisi magna fame. Credit Libia, Plautio teste, intellectum ad eos pervenire precum: Hinc ipse narrat, captivam reducem multorum in sylvis imperum mitigasse alloquio, autamque fuisse dicere se foeminam profugam, infirmam, supplicem, animalis omnium generosissimi ceterisque imperantis, indignam ejus gloriâ prædam, ac his auditis, leonem discessisse, intacta mulie

muliere. Nos alio casu discessisse, nequaquam
 sermonem, quem nunquam audierat, multomi-
 nus didicerat, intellexisse, existimamus. Hoc
 verum narratur, quod vulneratus observatione
 mira percussorem noscat, & ad vindictam su-
 mendam inquantalibet multitudinis appetat. Da-
 tem hoc Hieroglypho illi in manu seu antecubito
 pede gladius, ut injurias ulcisci posse indicaretur.
 Appositè profecto: quia jam Franciscus Maria
 author Hierographiæ Cardinalis Papiensis
 Ravennæ propria manu propter gravissimas per-
 pellas ab illo injurias interfecerat: in cujus rei
 memoriam, ac ad retrendum inquietos & petu-
 lantes animos, hanc non Hierographiam, sed
 Mytographiam potius in lucem edidit, qua sibi
 non desse generosam pectus ad illas injurias
 ulciscendas ostendere voluit. Politicè
 optimè, sed non piè.



Franciscus Maria II. Rouereus Urbini Dux VI
Præfetus Urbis Romæ



XI. HIEROGRAPHIA.

INCLINATA RESVRGO.

Rem mirandam Aristoteles in septimo Problematum, & Plutarchus in septimo Symposiorum narrat: Si inquit supra palmæ arboris lignum magna pondera imponas, ac ram graviter urgeas oneresque, ut magnitudo oneris sustineri non queat, non tamen deorsum palma cedit, nec intra flectitur, sed adversus pondus resurgit & sursum nititur, recurvaturque. Propterea inquit Plutarchus in certaminibus palmam signum esse placuit victoriæ, quoniam ejusmodi est, ut urgentibus opprimentibusque non cedat. Ad hujus palmæ naturam respexit Jovius, dum huic Principi Hierographiam hanc exstruxit. Non quidem lignum exhibens (quod dignosci non potuisset) sed ipsius arboris figuram, quam divisam saxo oneravit, adjecto Symbolo, INCLINATA RESVRGO. Hac itaque Hierographia ostendere voluit; ut palma lignum onere pressum non solum non deprimitur, sed contra nititur, ac altius resurgit; ita etiam magnum foremque Ducis animum non solum fortunæ telis, aut oneribus, non opprimi, sed è contra altius elevari. Hoc enim proprium est fortis animi, adversa contemnere, ac ex iis secundas res elicere. Qui adversis non flectitur palmæ instar verè fortis est, ac ferendo onera sublevatur.

XII. HIEROGRAPHIA.

INCLINATA RESVRGO.

Præcedente in Hierographia altera pars arboris inclinatur, hæc palmæ tantum ramulus. Significatio prorsus eandem; de ligno (ut supra notavimus) non de ramis accipiendum Symbolum: Palmæ enim rami onerati nunquam resurgunt: Lignum oneratum non flectitur, sed contra nititur, ita ut cum pondere ascendere videatur. Dicitur Dux hanc & superiorem Hierographiam, Jovio inventore, erexisse tunc temporis, cum à Papa Leone ablatum Principatum iterum recuperaret, ac amicitiam inita cum Balionis, Julioque Cardinali de Medices (qui postea creatus fuit Papa Clemens Septimus) generalis Reipubl. Veneræ Præfectus eligeretur. Præfecturæ dignitatem, summo honore fœlicique fortuna, multis rebus domi militiæque benè gestis, ad funera usque servavit. Testatum itaque voluit hac Hierographia, se, etiamsi antea oppressus fortuna adversa fuerit, tamen non despondisse animum, sed erexisse, tandemque palmæ instar surrexisse, ac ad meliora venisse.



*Lucretia Estensis Ducissa Urbina
Francesca Maria uxor Alphon. Duc. Ferrar.*



*Vespasianus Gonzaga Dux Traietti
et Sabionede Eques Aurei Veller.*

XIII. HIEROGRAPHIA.

VT CRESCIT.

Palma arbor ad extremam fluminis ripam ex-
 crescit, ac à vento, ne in flumen dejiciatur, & à
 flumine, ne terra, cui radices infixæ sunt, ablata, in
 flumen incidat, periclitatur. Palmam jam sæpius
 victoriam significare diximus. Fluctus & venti
 fortunæ impetus notant. Ostendere itaque hæc
 Principissa velle viderur, crescente victoria etiam
 crescere hostes. Verum non de ea, quæ bellis
 comparari victoria solet, hîc agitur, sed de ea,
 quæ fœmineo sexui magis convenit rationis
 nempe. Quæ quo magis ætate crescit, ac vitiis
 dominari conatur, eo plures hostes nanciscitur,
 majusque præmium, si victoriam adipiscatur,
 meretur: Hæc enim humanæ naturæ conditio,
 ac is status est, ut ætate ad omne flagitii genus
 deteriores, nisi ratio effrenes affectus domet, red-
 damur. Si frenet ac domet, instarque palmæ
 istius tam periculoso loco expositæ, ventos ac
 flumina ferat; jam victoriæ non solum initium,
 sed finis est, ejusque præmium vita æterna, quæ
 illi tantum, qui legitimè certaverit, debetur.
 Eam sibi deberi hæc Principissa mysticè indica-
 re voluit, dum se, (ut in Hieroglypto palma im-
 mota & inconcussa stat) per totum vitæ curricu-
 lum, vitiis restitisse demonstrat.



I. HIEROGRAPHIA RELI- QVORVM, DVCVM, PRINCI- PVM & MARCHIONVM ITALIÆ.

DECVS ET TVTAMEN IN ARMIS.

A RMA quædam ad offendendum, quædam ad defendendum sunt. Animalibus iis, qui ex præda non vivunt, omnia ad tutandum se tantum producta videntur. Ea ita aptè composuit natura, ut non solum tutelæ causa, sed etiam ornamento & decori sint. Inter cætera animalia Histrix pilos gallinaceis pennis crassiores pedis longitudine, toto corpori ita insertos, ac variegatos, nunc nigro nunc albo colore habet, ut à nullo animali attingi, aut comprehendì possit; Imò ita dispositi sunt, ut si venantium diligentia in discrimen ponatur, à se satis procul, contracta cute, in adversarium pilos mucronatos ejaculari possit: Ita ut non solum decori & ornamento illi sint hujusmodi pili, sed etiam vice pilæ Romanæ, quæ quatuor cubitos longas in hostem initio conflictus jaci solebat. Ad istius animalis naturam alludit Mysta, ac generoso Principi necessaria arma me esse ostendit. Tū ut decus, rum etiā ut securitas status conservetur. Arma siquidem Principes decent, quod retinendæ justitiæ, ac pacis recuperandæ, conservandæque sint instrumenta: Sine his enim neque fontes puniri, neque insontes tuti esse possunt.

*Vespasianus Gonzaga Dux Traietti et Sabionede
Vice Rex Naurre Eques Aurei Velleris.*



II. HIEROGRAPHIA.

HIS IMPII TERRENTVR.

Fulminis jacula tria conspiciuntur, quæ Jupiter nequitia vindex emittere in sceleratos solet. Unum tangit, alterum urit, tertium findit. Ait Symbolum: HIS IMPII TERRENTVR: Et vere; quis enim non metuat numinis iram & ipsius sagittas, quæ incautum momento trahunt, cujusque ictus nullum scutum, aut parma excipere, aut illudere potest? Sive quis eum qui jaculatur, sive modum, quo ejaculantur, sive vim & materiam ipsorum perpendere velit, omnia terrore plena sunt. Numine enim ad vindictam parato in impios, quid impiis terribilius esse potest? Horrendo etiam illo sonitu & tonitru, quod fulmen sequi solet, quoque terra ipsa tremat, quidnam magis terrere possit haud video? Nisi forte vis, & materia ipsa, cui nihil pervium, quæ omnia dejicit, exurit, findit ac penetrat, præ cæteris omnibus metum, horrorem, ac terrorem sceleratis incuriat. Tanta enim fulguris ac jaculi illius vis indies conspicitur, ut vastissimas arbores dejiciat & findat, muros densissimos penetret; enses in vaginis, illæsa vagina, liquefaciat; belluas, homines occulto suo igne ac spiritu momento exurat, ac enecet; incendiis civitates vastet, atque quam plurima supra naturæ cursum efficiat. Interdum fulminis jaculo

lapis

lapis adjicitur, cunei aut securis instar gravissimus, durissimus, colore ex albedine fulco, ex quo ignis elicitur, Ceraunius à nonnullis appellatus. Hic vi dejectus, si muros penetrare mirum non est, cum B. salte durior sit: Foramen habet quasi manubrii inserendi causa factum fuisset. HIS itaque nummis armis IMPII proculdubio TERRENTVR, ut Symbolum ait, acut his, ita non minus pœnis, severisque legibus, quo mens Mystræ tendit. Ostendere enim vult, se justitiam colere, ac malos, impios, sceleratosque homines minis, pœnisque deterrere, atque ad officia cogere, ut probi tuto & quiete vivere possint Principe sane magnanimo dignum & non satis laudatum propositum.

III. HIEROGRAPHIA.

IVVAT EMPTA LABORE GLORIA.

Camelos inter armenta pascit oriens, quorum duo genera Bactriani & Arabici: Differunt, quod illi bina habent tubera in dorso; hi singula ac à nonnullis Dromedarii appellantur, quod celerius cæteris currant: talis hoc loco exhibetur. Camelus non ultra assuetum procedit spatium, nec plus instituto onere, quam commodè ferre possit, recipit. Sitim quattriduo tolerat, impleturque cum bibendi occasio est, & in præsens & in futurum, obculcatâ proculcatione prius aqua: alias
 potu

potu non gaudet. Tantæ celeritatis Dromedarius esse fertur, ut centum millia in uno die conficere possit. Inediam per deserta multis diebus ferre, ac tenui victu saturari potest; urticis præceteris libentissimè vescitur: Dum onera suscipit genua flectit, ac inflexus manet, donec quantum bajulare velit impositum fuerit, tum assurgit. Si nimium imponatur non surgit, sed volutatur, donec onere levetur. Ab ejus natura desumpta est hæc Hierographia: Ut enim Camelus dum longa itinera oneratus facere potest, copiosiori meliorique cibo alitur, ac non solum pro laboris præmio laudem, sed cibum consequitur: ita viri fortis gloria labore & periculis parata, (quæ propriâ, non aliena virtute, aut fortuna habetur) gratior ac majori præmio digna est. Vbi enim plus laboris, ibi plus meriti esse debet. Non malè itaque Symbolum JVVARE EMP TAM LABORE GLORIAM dicit. Juvat autem & pascit animum propriis laboribus adeptæ gloriæ recordatio. Inquit ille:

Quod fuit durum pati, meminisse dulce est.

& ait Æneas:

Forsan & hac olim meminisse juvat.



*Ferdinandus Gonzaga, Dux Medici Marchio Guastalla
Princeps Mantuae Eques Lupi Veneris Vice Rex Siciliae
Generalis Car. V. Imp. Gub. Med.*



IV. HIEROGRAPHIA.

VIVO O MORTO.

Id est,

VIVA AUT MORTUA.

Aquila avium omnium regina ac imperatrix præ cæteris avibus animosa est. Ob id ejus figura legionib. Romanorum prægestari pro signis militaribus solebat, & adhuc hodie imperatorum Romanorum scutis gentiliciis inseritur biceps. Notat autem hoc loco authorem Hierographiæ Ferdinandum Gonzagam Imperatoris nomine belligerantem; Quia verò ad arcem, in jugo montis constitutam dirigit volatum, & Symbolo ait: VIVO O MORTO, id est, viva aut mortua, (supple ad arcem perveniam) indicatur animus Ducis, qui arcem, quam obsidere conatur, aut scopum, quem coniequi sperat, se neglectis periculis omnibus, quæ in Hieroglyphe maris latitudine, montis altitudine, ac itineris longitudine significantur, se capere, aut mori velle, ostendit. Generosi enim ac magnanimi est, neque pericula, neque mortem metuere, ac vel vincere & optata adipisci, vel mori velle: Veræ fortitudinis & constantiæ signum. Cavere tamen Duces debent, ne dum constantia ac fortitudinem in rebus periculosis quærunt, in perniciam

naciam incident. Hæc enim sæpe constantiæ specie fallit, belli Ducibus imprimis vitanda. Dum enim iis consequendis student, quæ prudentum iudicio obtinere non possunt, multas rei benè gerendæ occasiones non solum amittunt, sed rem suam perdunt.

V. HIEROGRAPHIA.

SIC ALIAS DEVORAT VNA
MEAS.

Manipulus hic plumarum vel pennarum diversi generis avium conspicitur: Symbolum ait, unam, aquilæ nempe pennam, alias devorare. Scribitur enim à Plinio eam habere naturam pennam aquilæ, ut si inter aliarum avium pennas ponatur, illas consumat & ad tabem deducat. Multæ sunt hujusmodi etiam rerum inanimatarum antipathiæ, ita ut unum alterum non ferat. Filicis & arundinis tanta esse dicitur, ut si falx filice muniatur, & arundines ea secentur, nunquam postea renascantur. Magnetis etiam & alii tanta, ut eo inunctus vim suam trahendi ferrum plane amittat: Quorum omnium ratio homini plane abdita est. Pennis vel plumis olim galeæ Romanorum ornabantur, ut hosti majores & terribiliores apparerent, faciliusque victoriam obtinerent. Nunc ungari, quot Turcas interfecerunt, tot gruum pennas galeis, aut pileolis imponere solent, ita pennæ illis victoriæ signa sunt.

sunt. Fortassis ab istorum moribus Ferdinandus
Gonzaga Hieroglypton desumpsit, sibi que ap-
plicavit. Nam cum privatas, variasque contra
inimicos victorias obtinisset; indicare voluit
celebriorem unam, quam aquilæ bicipitis, Im-
peratoris videlicet nomine obtinuit, (illius
enim fuit supremus belli Dux) alias omnes
obscuras reddere, obliterare
ac extinguere.



*Cesar Gonzaga Dux Daviani March Gual-
talle Princeps Malphete*



*Ferdinandus Gonzaga Dux Daviani
Marchio Gualtalle Princeps Malph:*

VI. HIEROGRAPHIA.

HÆC EST SOLA NOSTRA GLORIA.

Nihil laudabilius Principi, quam vitia omnesque prauos animi affectus vincere, ac eos quibus à Deo præfectus est iusto & equo imperio regere. Victoriâ enim, quâ vitia animi superat & virtutem sequitur, subditis bono exemplo est, eosque ad simile virtutis studium incitat, provocatque Imperio vero iusto prauos à criminibus absterret, bonosque quietis amantes tuerur, illorumque vitam jucundam & securam facit. Quis itaque non laudet istius Cæsaris propositum, qui se victoriâ (quam palmæ ramus indicat) & sceptro (quod imperium notat) gloriari, Symbolo ostendit. Vera profecto victoriâ dominari affectibus, veraque gloria iustè æquè suis posse imperare. Qui vitis dediti sunt Principes & aulam similibus conspurcant, ac dignitatis decorem maculant. Nam ut ait ille: *Regis ad exemplum totus componitur orbis.* Qui imperio aut legibus non utuntur, ignavi sunt, malorum ac sceleratorum hominum falcrum, bonorum exitium, propriique status brevi collapsuri causa fiunt.

VII. HIEROGRAPHIA.

NEMO SINE TE.

Quia dum filius Dei Christus baptizaretur à beato Joanne in deserto, tertia persona Trinitatis Spiritus Sanctus columbæ figura apparuit, hinc solet à Christianis pictoribus columbæ imagine adhuc hodie persona illa divinitatis figurari ac depingi. Manus lumen à radiis illius Spiritus petens ipsum Ferdinandum Gonzagam auctorem Hierographiæ notat, qui fateatur absque Spiritu Sancto neminem lumen aliquod habere, aut consequi posse. Verè profectò: Nam de externo hoc & visibili lumine hic non agitur; sed de interno intellectus; qui nisi ab hoc divino lumine illustretur, tenebris obruitur, nihilque agnoscere, quod autem animæ facit, potest. Piè itaque hic Pater ipsius numinis illius vim, ac sine ipso neminem aliquid efficere, quod sibi vel aliis emolumentum esse possit, agnoscit.



*Hippolita Ganzaga Principissa Melphetæ Ferdinandi
Ducis filia.*



VIII. HIEROGRAPHIA.

PAR VBIQUE POTESTAS.

Cernitur hic Cerberus Thyphone & Echidna natus, inferorum canis triceps, ante fores Plutonis. Is ingredientibus blanditur; sed ingressos ab egressu altissimis maximèque horrendis latratibus deterrendo prohibet. Diana venationis Dea, Virginum decus, castitatisque imago, & Sol Dianam illustrans hoc loco etiam conspicitur. Hoc Hieroglypto satis obscuro existimo Hippolitam castitatem profiteri voluisse: Nam ut Cerberus Plutonis ostium optimè contra egressuros custodit, ac Dianam blanditiis ad se pellicere conatur, ita illa se corpus ab omnibus illecebris, ac vitiorum blanditiis, Satanæque tentationibus immaculatum conservare, PARI VBIQUE POTESTATE, posse, ostendit. Proinde quantum valet Cerberus ad alliciendum tantum se ad repellendum & resistendum Solis radiis, hoc est divino juvante auxilio, valere. Id enim si menti affuissent, facile Satanæ blanditiæ & irritamenta superantur, irritaque redduntur, & castitas inviolata servatur. Narratur de Eusebio Episcopo & martyre, quod virginitatem ab ineunte ætate sollicitè custoditam, Deo protegent nullius infidiis amittere potuerit. Mulier enim quædam forma illius capta, cum ad ipsum impudenter irumpere vellet, cubiculum aditu aperto, intra-

re non potuit, & culpæ conscia, ac terrore simul perculsa, ante januam, excitato Episcopo, crimen confitendo veniam impetravit. Ita DEI auxilio miraculosè castitatem servavit.

IX HIEROGRAPHIA.

VIRTUTIS FORMÆQUE PRÆVIA.

Exhibetur hîc Aurora, Solis & Lunæ soror, quæ præcedenti Hieroglypto describuntur. Dicitur Aurora Solis prævia, quod Sol eam brevi sequatur. Huic digitos roseos tribuit Homerus, propter colorem subrubentem, quo cælum tingit. Vehitur aurea sede à Pegaso equo alato & cœlesti. Hoc Hieroglypto Principissa vigilantiam & diligentiam describere videtur: Diligentia enim nota alatus equus Pegasus, non solum pernici cursu, sed & volatu est. Vigilantiæ signum gallus ad rhedam trahendam adhibitus, & mulier facem manu præ se ferens notare potest. Utræque virtuti veræ comparandæ necessaria, tanquam viæ, ut aurora Solis prævia est. Virtutis enim habitus absque assiduq̃ exercitio, summaque diligentia, propter naturæ ad improba propensionem non acquiritur. Huic vigilantia connecti debet, cum neutra absque altera aliquid possit: Vigilantiâ enim præcaventur pericula, quæ virtutis exercitia impediunt & remorantur, ac diligentia virtutis actiones in habitum transeunt.

*Julius Cesar Gonzaga S. Rom. Im. Princeps
et Bozoli Dñs: S. Marti:*



*Pyrrus Gonzaga S. Romani Imperij
Princeps Dñs: S. Martini.*

X. HIEROGRAPHIA.

FRUSTRATA NON DESINAM.

Arbor in hoc Hieroglypto fulminis telo fracta ac amputata cernitur: Volans aquila supra dejectæ arboris ramos quiescere, aut nidificare cupit, sed non potest: Dolet itaque fortunam suam, ac ait; FRUSTRATA, videlicet requie, NON DESINAM, donec alias arbores, aut mihi convenientem locum inveniam. Aquila, ut avium princeps est, ita Principem istum notat, qui etiamsi animi sui proposito optatus eventus non respondeat, se tamen animum propterea non despondere, sed quidvis tentare velle, ut tandem, quod cupit, consequatur, ostendere vult. Qua in re constantia ipsius summopere laudanda est; in rebus enim arduis & magnis, etiamsi initio sæpe frustremur desiderato rei aliqujus eventu: non tamen propterea desinere, sed perseverare patiando & agendo debemus: Sæpe enim una horula occasionem rei gerendæ præbet, quam alias magno labore assequi non possumus. Quin etiam & labor ipse *improbis omnia vincit*: Nec est vir fortis ac strenuus, qui laborem fugit, & cui non crescit animus ipsa rerum difficultate. Perseverandum itaque patientia & labore, ut optata, aquilæ exemplo, (quæ in prædam semel intenta, eam, donec rapiat, non relinquit) consequamur.

XI. HIEROGRAPHIA.

FESTINATA MINVNTVR.

Nihil verius, quam in rebus omnibus festinationem plurimum nocere: In consiliis enim rerum publicarum festinatio nimia arduarum ac gravium rerum pericula non satis examinat, ac ponderat. Hinc fit plerumque præter opinionem res malè geri, ac Reipub. statum labefactari & ruere. In actionibus humanis perturbat mentem & præcipitat: ut in rebus bellicis sæpe contingit, in quibus nimia festinatio integros interdum exercitus perdit, cum sine ordine & tumultuariè acies instruitur, aut fuga, vix viso hoste, capitur. Ne itaque damnum aliquod festinatio inducat, admonere nos Philosophi solent aureâ sententiâ; **FESTINA LENTE**, ut festinatio maturo consilio ac circumspecta actione coerceatur. Quo pacto autem **FESTINATA MINVANTVR**, ut Symbolum asserit, clarum non est; Videtur tamen Pigmeus, ac arbuscula id explicare, nam Pigmeus citius aliis hominibus excrescit, minoremque aliis staturam habet. Stirpes etiam, arbusculæ ac herbæ, quo citius excrescunt, eo etiam minores sunt. Arbores, ut quercus, tilia & nux, quo tardius crescunt, eo majores evadunt. Voluit itaque hac Hierographia indicare Mysta, majora semper esse ea, quæ paulatim con-
queruntur, quam quæ festinanter. Proinde ho-
nores

nones festinanter acquisitos longè minores iis,
 qui paulatim, arborum excelsarum instar radices
 magnas & firmas egerunt. Tales enim, quia ba-
 sin habent, semper augentur, & non facile ruunt;
 & è contra, qui cito homini adveniunt raro au-
 geri diu solent: *Quod enim cito fit, cito perit:*
 & quod radice firma caret, facile
 evellitur.



*Horatius Gonzaga S.R. Imp: Princ:
Marchia Soluarini Princeps: Max: Imp:*



*Andreas Gonzaga Marchio Guastalæ
etc filius Ferdinandi Marchio.*

XII. HIEROGRAPHIA.

HIS DEVS OTIA FECIT.

Horatius ist. Gonzaga, cum Cæsari Maximiliano in rebus bellicis diu inservivisset, ac ad gravio-rem ætatem pervenisset, rebusque gerendis non amplius aptus sibi propter senectutem videretur, dicitur tunc hanc Hierographiam edidisse, quâ exhibet partem navis, rotam unam, ac coronam, quæ utrumque complectitur. Symbolo Hieroglypton satis explicatur: Nam navis parte, se mari; ac rotâ, se terrâ Imperatori ita fideliter inservivisse, ut lauream illam appictam coronam, id est, æternam laudem & gloriam meritus fuerit, ostendere voluit. Verum ut neq; pars navis utilis amplius ad navigandum, neque una rota ad vehendum alicujus commodo inservire potest; ita nec se ætate gravem amplius posse, proinde emeritum esse, Deique voluntate, qui omnibus rebus & laboribus finem tandem imponit, neque supra vires ac ætatem quicquam fieri permittit, sibi jam quiescendum & otian- dum esse: Natura enim & Deus senibus otia non voluntaria, sed necessaria facit.

XIII. HIEROGRAPHIA.

QUI VIVENS LÆDIT, MORTE
MEDETUR.

Scorpius depingitur, animal exiguum, vix ma-
jus ipsa figura, quâ hîc exprimitur, plerumque
ex atro colore rubescit, multoties albicat, vire-

scit, aliisque coloribus ad flavedinem tendit. Venenatum animal est, in cauda habens venenum; ibi enim aculeum habet, ac exiguum sacculum, cui humor aliquis inest virosus & exitialis, ex hoc aculeus humectatur. Signa à scorpione icti hæc sunt, locus inflammatur, indurescit, tenditur, rubescit; nunc excalescit, nunc friger, dolor acerbus, aliquando remittens, hæc signa sequuntur sudores, horrores, tremores, ac extremarum partium frigora, capilli, eriguntur ac icti per totum corpus se acubus pungi videntur. Remedium mali est, necare vel eundem, vel alium scorpionem, ac vulnèri imponere, aut exurere, cineresque agro bibendos propinare. Hac enim ratione facile restituitur sanitati ictus. Celebratur etiam cinis scorpionis ad urinæ difficultates & calculum, quem frangere potus putatur: Ita **QUI VIVENS LÆDIT MORTE ME DETVR.** Ab hujus natura accepit Symbolum Andreas Gonzaga, ac ostendere voluit, sibi stare sententiam, illum interficere velle, à quo laderetur, ut ejus morte læsionis dolorem ac vindictæ cupiditatem minueret & tolleret. Generosum propositum, sed non adeo pium: Bonum enim Christianum decet injurias illatas perferre, numinique solo vindictam relinquere. Nisi forte Mysta admonere voluerit hac Hierographia eos quos læsit, ne sese ulciscerentur; tandem enim morte, vel sua, vel illorum, læsionis dolorem periturum. Hæc si mens mystæ sit, laude dignus est.

*Ludovicus Gonzaga S. Rom. Imp. Prin :
Marchio Castilionis Dns Castri Inuge*



*Aloysius Gonzaga S. R. Imp. Prin :
Marchio Castilionis et Soluarini.*

XIV. HIEROGRAPHIA.

IL MIÒ SPERAR, id est, SPES MEA.

Speramus sæpe alta & magna, quæ difficulter vel nunquam assequi possumus; Tale quid istum Ducem sperasse, pinus excelsa præ cæteris arbor denotat. Sive verò virginis aut mulieris cuiuspiam mutuum amorem, sive aliud quippiam sperarit, parum interest. Sed conjugalem amorem & castum sperasse, Petrarchæ versus, ex quibus Hierographia desumpta est, ostendunt. Ait enim Italicè:

*Allor, che fulminato è morte giacque
il mio perar, che troppo alto montava.*

Quia verò propter Amasiæ dignitatem, majestatemque, aut aliam causam spe sua cecidit, fulmen pinum sagittâ triplici, tangente, urente, ac secante dejicientem, Hieroglypto exhibet: significans, ut pinus fracta à fulgure est, ita etiam spem omnem intercisam, ac numinis voluntate, in cujus manu omnia nostra sunt, ablatam ac extinctam.

XV. HIEROGRAPHIA.

PVR CHE NE GODAN GLI OCCHI, AR-
DEN LE PIVME.

Id est:

MODO FRVANTVR OCVLV, ARDEANT
PLVMÆ.

Amantes quia non semper habent occasio-
nem, quâ con. mode amasiis suis amons vehe-
men-

mentiam significare possint, Mystographias invenerunt, quibus paucis figuris eleganter & artificiosè ea, quæ vix multis verbis effari & dici possunt, ostendunt; uti hac elegantissima Hierographia perspicitur & Symbolo (MODO FRVANTVR OCULI, ARDEANT PLV-MÆ) intelligitur. Ad amores enim si accommodetur Hieroglypton; aquila amantis animum excelsa petere, atque Solem, id est, Amasiam intueri, cujus conspectu delectatur & pascitur, significat. Nam Symbolum aquilam, (id est, amantem:) plumarum exustionem, (id est, quævis pericula,) modo illâ frui possit, contemnere, indicat. Ad virtutes verò si aptare Hierographiam placuerit, eleganter, ac aptè id fiet: Juvenis enim & generosus fuit iste Princeps, cum Hierographiam hanc erigeret, ac amans gloriæ, quæ ex studiis, ac iis, quæ Principi conveniunt, comparatur. Hunc itaque amorem, quo se nihil mali vereri, ne mortem quidem, modo mentis oculis, scientiarum, ac artium lucem Apollinem, ac gloriæ splendorem intueri, eoque frui possit, demonstrare voluit. Potest & Theologicè & piè hæc Hierographia exponi: nempe mentem hominis neglectis omnibus terrenis corporisque deliciis, aquilæ instar jugiter non nisi cœlestia, ac quæ Dei sunt contemplari, ac ita ejus amore teneri, ut omnia contemnat, deferat, & valetudinis jacturam potius faciat, quam interitû & assiduo illius conspectu careat.

Carthus Gonzaga S. Rom. Imp. Princeps Marchio Castilionis etc.



Sigismundus Gonzaga S. Rom. Imperij Princeps.

XVI. HIEROGRAPHIA.

SIC QUIESCO.

Phoca seu vitulus marinus, amphibium animal ac pilosum, dum dormit tauri mugitum emulatur, catulos pecorum instar lactat, ac à duodecima die in mare defert; dicitur humanas voces intelligere, ac vocatus se sistere. Alæ ipsius capiti suppositæ somnum provocant: oculi colores mutant, ut hyenæ. Hoc præcipuum habet, quod à fulmine nunquam tangatur. Ob id Augustus Cæsar cingulo ex ipsius corio aut pelle cinctus esse solebat. Dum mare aut cælum turbatur, scopulo innixus, tum cæli, tum maris procellas negligens, profundo somno dormitat, neque facile expergiscitur. Ab hac ipsius natura Hierographia hæc desumpta videtur: Quâ Myſta, ut vitulus marinus à fulminis ictu tactus, ac à maris procellis illæsus benè quiescit; ita se à fortunæ aut inimicorum minis vexatum, propter conscientiæ securitatem, animique magnitudinem, non perturbari, sed composito quietoque esse animo, demonstrare voluit. Hoc sensu elegans profecto hæc est Hierographia: Nihil enim homini foelicius hac in vita esse potest, quam ut ab adversis non facile perturbetur, animumve dejici patiatur, sed firmum ac quietum semper habeat.

XVII. HIEROGRAPHIA.

COSI VIVO, id est: SIC VIVO.

Ut animalia, arbores, plantæ, ac cætera omnia Solis beneficio vivunt, qui tanquam parens rerum

rum

rum omnium & proximum divinæ virtutis instrumentum, cuncta animalia & stirpes generat, auget, nutrit, fovet ac conservat; ita Sigismundus iste Gonzaga hac Hierographia se Amasiæ suæ, tanquam Solis conspectu, ac familiaritate solummodo vivere posse, significare voluit. Ea enim vis est amoris, ut amans rem amatam tam diu aspicere, donec ea potiatur, desideret; ac vitam nullam extra illius complexum, aut conspectum jucundum putet: propterea quod amantes re amata jungi cupiant: Cujus causam expressit Cato Major: *Amantis videlicet animum in alieno corpore vivere, ac animam illic potius esse ubi amat, quam ubi animat; corpusq; ob id iterum sibi animam amata corpori connexam amando repossidere.* Difficulter enim absque anima corpus verâ vitâ vivere potest, quia vegetatur tantum, ac SIC, ut plantæ Solis radiis illustratæ vivunt, VIVIT. Potest in hac Hierographia Sol æternum Solem designare, cujus amore author se solum vivere, designare voluit, proinde mundanas pompas, corporis delicias, divitiasque contemnere, ac tantum vacare, operamque dare puritati spiritus & contemplationi amorique Creatoris, exemplo Patrum Anachotitarum, qui carne & mundo mortui soli Deo vivebant. Sanctum profecto & pium tale est propositum. Gloriam & honores, quæ virtutibus comparantur, si quis velit Sole designari, non aberrabit: Laudandi enim sunt Principes, qui hujusmodi sibi scopos proponunt, ac virtute potius, quam vitiis vivere volunt.

Alexander Gonzaga S. Rom. Imp.
Princeps Pincerna Rodulphi Imp.



Franciscus Gonzaga S. Rom. Imp. Prin-
ceps March: Castilionis Dñs Castregnedi.

XVIII. HIEROGRAPHIA.

CROCODILLI LACHRYMÆ.

Crocodillum habet Nilus quadrupes malum, & terra pariter ac flumine infestum; Superiorem maxillam habet mobilem, ac pectinatum stipante se dentium serie; morfu terribile est: magnitudinæ excedit plerumque duo de viginti cubitos. Parit ova quanta anseres, nec aliud animal ex minori origine in maiorem excrescit magnitudinem. Unguibus armatus est contra omnes ictus cute invicta. Die in terra agit, noctu in aqua, teporis utrumque ratione. Cibo satur piscium, os aperit, ut à trochilo avium regulo dentes & gingivæ expurgentur, qui os subiens scabendi dulcedine in somnum crocodillum provocat, quem somno pressum conspicatus ichneumon, per patentes fauces, ut telum aliquod immissus, alvum, ac crocodillum interficit. Dum homines non procul à littore animadvertit, vagitum ac ploratum pueri æmulatur; ac incautos, auxilium ferre ejulanti volentes, rapit devoratque: Hinc natum adagium. CROCODILLI LACHRYMÆ, in fictos amicos, qui amicitiam simulant, ut noceant. Ab hac crocodilli natura verisimile est Principem illum sumpsisse hanc Hierographiam, ac demonstrare velle, se fictis amicis neque fidere, neque credere velle. *Fide, inquit ille, sed cui vix* Sapiens & prudens vir cum


cum fidus sit & fidelis, nemini facile ficit. *Qui facile fedit, facile decipitur*, ac hostibus occultis se ipsum prodit.

XIX. HIEROGRAPHIA.


VIRTUTI TROPHÆA NOVA NON DEGENERADAM.

A Paulo Jovio fuit hæc Hierographia primo inventa Domino Andreæ filio Ferdinandi Gonzagæ: Is enim cum in flore ætatis egregiam ad virtutes natam indolem ostenderet, ac optimam de se unicuique spem faceret, & propterea turmæ æquitum præfectus esset: rogavit Jovium, ut Hierographiam aliquam vexillo militari inscribendam illi quæreret: Qui Parmam aut scutum rotundum illi invenit, in cujus medio Virtus, laureâ coronâ coronata cernitur. Cingitur parma fimbriâ, cui insunt quatuor circuli, singulis quadrantibus respondentes. In primo tigtillum auro plenum, ac igni expositum, cum Symbolo, *Probasti me Domine*, continetur, qua Hierographia Franciscus avus istius paternus inter-dum usus fuit. In secundo circulo Olympus cum altari fidei est, eaque fuit Ferdinandi Ducis patrii istius Hierographia. In tertio avi materni Andreæ Capuani Ducis Thermolensis Hierographia exhibetur, ea fasciculo ex pilis constabat, adjecto Symbolo, *Fortibus non deerunt*. In quarto verò circulo Patris sui Symbolum (*Nec spe,*

pe, nec meru) est. Circa parmae extremitates in orbem Symbolum additur. VIRTVTI TROPHAEA NOVA NON DEGENER AD-DAM. Quo Symbolo manifestè indicare & ille & hic Princeps, qui eandem majorum suorum Hierographiam sumpsit, cupit, etiam se majorum virtutes æmulari non solum, sed etiam superare, imo nova trophæa majorum victoriis, suo labore, virtute & industria addere velle.



Alphonſus ⁊ Carrettus Marchio Vicarij Savona
et Clauſang Vicarius pꝛeſbys. Rotm.



XX. HIEROGRAPHIA.

VTROQUE CLARESCERE PVL-
CHRVM.

In hac Hierographia gladius bellum significat, oleæ ramulus, qui ensẽ circumvoluit, pacem. Olea Minervæ sacra erat, neque accendebatur in sacris, ac prima in certamine Minervæ ac Neptuni edita fuit Sine istius ramis non mittebantur Romanorum legati pacis obtinendæ gratiâ. Fuit etiam in sacris literis signum reconciliationis & fœderis, dum columba ejus ramulos ad arcam Noë tulit. Apud Athenienses victores oleæ ramis olim coronabantur, sed postmodum potius pacis, quam victoriæ signum fuit. Symbolum habet, VTROQUE CLARESCERE PVLCHRVM; videlicet pace & bello. Verè profecto! decet enim Principem in utroque esse versatum, atque utrumque statum tueri, ut clarus fiat. Clarefcit pace Princeps, cum bonas condit leges, justitiam sine delectu personarum administrat, ac æquitati & commodo Reipublicæ potius, quam proprio studet, eaque tempestivè curat, quæ belli tempore necessaria sunt: Tempore enim pacis cogitandum est de bello. Multi profectò Principes & Respub. in hoc peccant, quod ea, quæ tempore belli requiruntur, differant donec illud præ foribus sit: Quo tempore multitudine negotiorum obruti,

nihil

nihil rectè peragere possunt. Tempore pacis muniendæ arces, arma præparanda, pecunia colligenda, & militum delectus habendus, ut urgente necessitate in promptu haberi & esse omnia possiat. Qui hæc negligit de statu se periclitari sciat, hostibusque prædæ esse. Bello clarescit Princeps, cum id prudenter delectis ac expertis militibus & ducibus non æmulis, non avaris, neque pertinacibus gerit; sed iis, qui rationem, consiliaq; se sequuntur, ac nihil non præmeditatum aggrediuntur, & in rebus gerendis audaces, alacres, prompti, ac circumspecti sunt, minimaq; quæque suspecta habent, ac ita se muniunt, ut nullis dolis, aut fraudibus inimicorum circumveniri possint. Hanc prudentiam, cum bellum geritur, victoria sequitur, ac Princeps hæc illustris redditur. PVLCHRVM itaque esse rectè hic Princeps statuit, bello & pace CLARESCERE.

XXI. HIEROGRAPHIA.

POTIVS MORI, QVAM ABSTINERE.

Vespertilio avicula muris instar, sola inter volucres dentes, sola mammas habet, sola animal parit & lacte nutrit, solaque pennis & plumis caret, telam habens pro alis, diem ac solis lucem ferre non valens ob visus debilitatem. Lucem tamen aut faciem si nocte viderit, non abstinet, quin eam volando sectetur, ac attingat, etiam si exurat.

exurat. Ab hac ejus natura Hieroglypton desumptum videtur: in quo sol, lucis omnis parens, conspicitur, ac Vespertilio sub ipso volitans, ejusque lucem appetens. Vespertilione Princepsse, ac Sole forassis amasiam suam intelligit, cujus forma ac venustate fruitur, ac ita delectatur, ut potius mori, quam abstinere ejus conspectu & consuetudine velit: Cupiunt enim potius decies mori amantes (ut Horatius in Odis canit) quam re amata carere. Potest etiam ita interpretari hæc Hierographia, ut propositum Principis fuerit non amplius latere, sed illustrem aliquam gloriam virtute consequi, aut mori velle: Magni enim viri gloriam vitæ periculo emere solent. Quamobrem ait in Symbolo, se POTIVS MORI, QVAM ABSTINERE à gloriæ, ac honoris desiderio, cupere.



*Ioannes Carrettus Marchio Finary etc.
Vicarius ppetuus S.R. Impery.*



*Alexander Carrettus S.R. om. Imp:
Princ Marchio Finary Saoune Clauesanæ.*

HIEROGRAPHIA
XXII. HIEROGRAPHIA.
AD MELIORA.

Ut equus, omneque ferè animantis genus, dum herbis pascitur, ac pabulatur, ulterius semper progreditur, ac meliores herbas quærit; ita generosus animus prælenti fortuna, aut bonis, quæ ad manum sunt, contentus esse non debet; sed perpetuo AD MELIORA tendere; donec tandem ad id perveniat, quo melius haberi nihil possint, numen videlicet: Ad hoc enim sapientis est sua dirigere. Id si quis obtineat, satiatur, neque alio amplius indiget pabulo: Ad hoc respexisse Principem non est dubium; nam in mundanis rebus satietas nulla, neque finis desiderii est. Omnes tamen actiones humanæ, propter finem aliquem, qui appetitur, instituuntur. Gloria, honor, divitiæ & similia appetuntur quidem, sed non propter se, sed propter alium finem; Non quiescit enim in illis humanus animus. Finis hic à Philosophis foelicitas appellatur, quam quia perfectam nemo in hac vita habere potest, sequitur æternam esse, cujus gratia homo ipse creatus fuit. Hæc meta Mystæ, ac Christiani hominis esse debet: Quæ currenti ac petenti, tanquam rerum omnium optimum, dabitur.

XXIII. HIEROGRAPHIA.
VI ET RELIGIONE.

Poëtæ, ac authores, qui *Herculis* historiam narrant, etiam *Hydræ* describunt: Dicitur enim
in

in Lerneæ palude vixisse serpens multorum capitum illius naturæ, ut si unum caput absunderetur, ejus loco complura alia renascerentur; quodque cum Hercules rescivisset, eo profectum fuisse, ac ferro & igne oppugnatâ belluâ, eam tandem trucidasse, ac interemisse. Hac belluâ, seu Hydra, verisimilè est, authorem significare populum velle, quia multis multorum capitum bellua dicitur: Id enim satis explicare Symbolum videtur: Nam nulla re melius quam vi & religione regitur populus. Vi mali ac Deorum contemptores, religione boni in officio retinentur, quæ ubi semel animos hominum occupaverit, probitatis & virtutis fit fundamentum, ac vita ipsa difficilius auferri & deleri potest. Principes itaque necessario religionem in regno servari curent, hæc enim si nutet & vacillet, neque floreat, jam bonis exitium imminere, ac status ruinam præ foribus esse, non dubitent: Virrus enim & probitas solæ sunt, quæ statum conservant, & hæ religionis soboles Vi & armis etsi mali cohiberi possint interdum, ac urendo & secando, ut Hercules Hydram superavit, compesci; id tamen cum summo sit periculo; quod uno ablato capite, plura nonnunquam hydræ instar renascantur. Rectè itaque utrumque modum, ut populi furorem & impetum domet, VIM ET RELIGIONEM, iste Dux sibi servandum proposuit.

Alfonso II Carrettus S. Rom. Imp. Princeps et Vicarius Mar-
chionatus Savonis Chavesane et Finari Comitatus clastigii Dns. Calizani
Vallis Charcherari Stellanelli etc.



XXIV. HIEROGRAPHIA.

PROBANTVR FORTES IMPETV.

Cuivis notum est, vires fortes non cognosci, nisi dum imperuntur, aut probantur : ut nec prudentes, nisi aliquando periculis objecti, illa vitarent. Virtus enim quævis objectum quoddam habet, circa quod versatur & cujus ratione virtus est. Fortitudo contraria & adversa quævis pro objecto habet. Hæc si quis ferre, vel remove possit, fortis est & dicitur. Dum, cum adversis luctatur, ac illorum impetus sustinet, illisque se opponit, probari dicitur : Si vel agendo superet, vel patiando non frangatur ipsius animus, fortis viri nomen meretur. Alphonsus iste Marchio Finariæ, quia ab Hispanis obsessus in arce quadam, illorum vim sustinuit, præsens Hieroglyphon, in quo arx in rupe ædificata, & à ventis, marique impetita cernitur, descripsit. Ut enim arx rupi superædificata firmissimum fundamentum habere creditur, ac à marinis fluctibus, aquarumque inundationibus, ventorumque procellis oppugnata & impetita, omnem illorum injuriam absque noxa perfert, rectè hinc probata dici, ac firma haberi debet : Ita etiam iste Dux, qui hostium & fortunæ conatus pertulit ac superavit, rectè se probatum & proinde fortem esse, gloriari hac Hierographia potest. PRO-

RANTVR enim FORTES IMPETV.

XXV. HIEROGRAPHIA.

NEC ICTV, NEC IGNE.

Constantiæ & fortitudinis exemplum hîc exhibetur adamante gemma, in jugo monticuli constituta, quæ mallei quemvis ictum sustinere puratur, sed falso experiēti. Valeat tamen fabula pro Symbolo, quia vulgo ita creditur: Igne tamen non frangi, aut defœdari, certissimum est. In jugo montis constituitur, ut omnium oculis authoris constantia & fortitudo exponatur. Constantiæ ac fortitudinis profecto est, ictum & ignem ferre, hoc est, quosvis fortunæ imperus. *Est enim fortitudo, definiente Cicerone, scientia perferendarum rerum, vel affectio animi in patiendo & perferendo summa legi sine timore:* Vir enim fortis ne suppliciis quidem movetur, ac ea, quæ eximia plerisque & præclara videntur, parva ducit, rationeque stabili firmaque contemnit; eaque, quæ videntur acerba, ita fert, ut nihil à statu naturæ discedat, nihil à dignitate sapientis, robustum magnæque constantiæ animum præ se ferens & ostendens. Hujusmodi constantiæ & fortitudinis propositum hic Princeps contra fortunæ injurias & hostes, à quibus quotidie oppugnatus fuit, hac Hierographia ostendere voluit.

*Sfortia Andreas Carrettus. S. Rom. Imp:
Princeps et vicar. March. Finary ultimus.*



*Marcus Antonius Carrettus Princeps Melpi,
Classis maritimae praefectus Reg: Hisp: .*

XXVI. HIEROGRAPHIA.

VIRTUTEM EXTENDERE FACTIS.

Manus dextri brachii armati gladium flammis ignito mucrone continere conspicitur, adjecta gnome; VIRTUTEM EXTENDERE FACTIS. Virtutem bellicam hîc intelligere Mystam, non solum brachii armatura, sed & gladius ipse notat. Stat itaque illi sententia, se huic virtuti operam dare velle, quæ rebus bellicis comparatur, ac non voluntate solummodo eam, sed factis extendere velle. Vehementia desiderii flammeo illo mucrone designatur. Ignis siquidem & flamma, ut ardorem habent, ita animi & cupiditatis ardorem rectè notare possunt. Romani etiam dum cum hoste congressuri essent, ut pugnae ardens desiderium ostenderent, gladios in scuto verberabant, concussioneque fragorem ingentem, ac motu gladii micantes fulgores, ignis instar, in hostes jacere videbantur. Non malè itaque Symbolum Hieroglypto convenit: Cum virtus bellica non nisi gladio ignito, hoc est vi, ac animi ardore, diligentiaque obtineatur.

XXVII. HIEROGRAPHIA.

SOLATUR CONSCIENTIA ET FINIS.

Leo hoc loco caudam elevatam habens, ac diademate ornatus, animum Principis notat. Hoc enim proprium leoni, ut, cum maximè animosus est, caudam sursum erigat. Animum itaque generosum Principis SOLATUR CONSCIENTIA ET FINIS, ut Symbolum declarat. Conscientia rectæ voluntatis maxima consolatio est rerum incommodarum, ac bonæ actæ vitæ; multorumque benefactorum recordatio jucundissima est. Solatur nos conscientia bona propter finem. Si enim nullius mali aut peccati nobis conscii simus, non solum securè & jucundè vivimus, sed æternam gloriam finem ultimum, qui ab homine desiderari possit, nos consecuturos scimus. Si bonam conscientiam non habeamus, angimur, tristamur, ac conscientia stimulis ita agitatur, ut nihil nobis lætum, jucundum & gratum sit. Nulla enim pœna gravior malâ conscientia, quæ audacissimum timidissimum; jucundissimum tristissimum facit. Ejus vim apprimè explicat Juvenalis:

cor tamen hos tu

*Evasisse putes, quos dixi? conscia facti
Mens habet attonitos, & surdo verberare cadit,
Occultum quatiente animo tortore flagellum:
Pœna autem vehemens, ac nullo savior illis,*

Quas & Seditius gravis invenit ac Rhadamantus,

Nocte dieque suum gestare in pectore testem.

Plautus in *Mustellaria* ait: *Nihil est miserius quam animus hominis conscius.* Finis enim hunc Principem solatur, nempe vita æterna, quia omnes ærumnas, calamitates, mortisque angustias obliterat, ac exstinguit sua dulcedine. Hæc si non speraretur, bestiis homo longè miserior esset, quod negotiis, studiis, paupertate, servitute, mortisque timore angatur; bestię verò hominum omnium ignaræ securè ac liberè vivant.

Vere itaque SOLATVR CONSCIEN-
TIA ET FINIS.



*Marcus Antonius Carrettus-Princeps Melphe
Classis maritimę prefectus Reg: Hispā:*



*Vicarius Doria Principissa Melphe,
M. Antony uxor.*

XXVIII. HIEROGRAPHIA.

ERIT ALTERA MERCES.

Hæc Præfecti classis maritimæ Regis Hispaniarum Hierographia elegans est, quod verum generosi & boni Præfecti officium indicet. Palmæ enim ramus victoriam, & Cupressi mortem significat. Quæ duo fidus belli Dux sibi proponere debet, vincere vel mori. Palmam victoriam significare nemini dubium, & sæpius expositum est. Cupressum verò mortem, non ita constat: Cupressus arbor est procera, rectaque, ramos in summitate tantum habens, foliis virens perpetuis, conos gerit laceris æmulos, solidiores tamen compactioresque, resinam fundit liquidam odore non ingrato, rami suavissimi sunt odoris; quamobrem olim rogos ex iis struebatur; ut nempe odoris suavitas fœtorem cadaveris velaret & tegeret. Ab hoc ipsius usu in Hieroglypto rogos, aut mortem notat. Rectè itaque sculptura fortissimi viri gnomen explicat. Ducis enim strenui & fortis officium est, omnium rerum terribilissimum, mortem non metuere, & vel victoriam, vel occubitus sibi proponere. Non potest enim militi & Duci mors majori gloria contingere, quam si fideliter suo fungendo muneri occumbat. Turpè videtur militiæ deditum extra militiam mori, & mercede altera, quæ victoria vel mors est, ut Symbolum ait, carere.

XXIX. HIEROGRAPHIA.

VIDET ET VOLAT.

Cernitur hîc orbis figura cum Zodiaco, cui sol circa polos asculptus est; in orbe volitat aquila, à sinistris linceum apparet caput, à dexteris aquilæ ala, & circa alterum polum cauda aquilæ apparet. Septus est etiam orbis coronâ laurea. Solem videre & lustrare omnia, volare, ac volatui velociorem habere motum; aquilam solem videre & intueri continuo absque visus iactura posse, ac volatu superare alias aves, cui vis notum est. Linceos oculos acutè cernere dubium nemini, hinc enim fabella, illorum aciem muros penetrare. Sed ad quid tam multa in Hieroglypho? Existimo profecto Principissam istam solem maritum suum, ejusque intuitu & consortio in hoc orbe nihil esse posse gratius, designare velle. Ut enim aquila solem semper intuetur, ac in altum volatu ejus consortium quærere videtur; ita etiam proba uxor solem suum, id est, maritum semper præ oculis habere, ac sequi debet. Corona enim mulieris vir est. Viceversa, ut dum aquila solem intuetur, ac ad illum tendere videtur, sol in aquilam visum, seu radios dirigit, eamque fovet, ac ad se tepore allicit; ita vir fidam uxorem omni beneficii & humanitatis genere tractare, ac in sui amorem trahere debet: Hac enim ratione fœlix redditur conjugium. Ostenditur itaque hac Hierographia Uxoris erga virum & Viri erga uxorem officium; qui non minus illius, quam illa ipsius curam habere debet.

*Joannes Iordanus Ursinus Dux Tag Ilicozæ
Marchio Mortare*



*Paulus Iordanus Ursinus Romanus Dux
Brachianum Vice Rex Siciliæ*

XXX. HIEROGRAPHIA.

MELIORA QVÆRO.

Neminem latet bovem, dum pascitur, progrediendo paulatim ulterius meliores semper herbas pabuli gratiâ quærere ac eligere, & nunquam una statione contentum esse, nisi satur sit. Ab hoc ipsius pabulandi modo sumpsit hanc Hierographiam Princeps: quâ ostendere vult, se indies MELIORA QVÆRERE. Verum, quod quærît, non corporis nutrimentum & satietas est, sed animæ, quæ virtutibus tamdiu pascitur, perfectiores & meliores semper quærens, donec saturetur, ac summum illud bonum, verum omnis appetitus finem ac scopum, consequatur. Hoc enim obtento, saturatur anima, neque meliora amplius oprare, aut habere potest. Si per meliora ista, quæ se quærere Symbolo Princeps dicit, honores & gloriam quis intelligere velit, non male Hierographiam exponet. Solent enim Principes, ac viri magni raro præfenti fortuna esse contenti, semper enim ad summa quædam, ac ut cæteros gloriâ, honore & potentia superent, contendunt: Cum hac ratione se illustres & fœlices, quod multis scilicet benefacere possint, & à multis venerentur, & colantur, esse arbitrantur.

XXXI. HIEROGRAPHIA.

PATIENTIA IN ADVERSIS.

Seipsum consolatur hic Princeps, dum à filio carceri inclusus detineretur. Consolationis testem voluit esse hanc Hierographiam, cujus Hieroglypton compedes & vincula, quibus ligatus

tus fuit, adjuncta securi, ostendunt. Securi procul dubio significare voluit, se ad mortem paratum esse, neque eam metuere. Magna hæc Principis fortitudo & patientia in adversis. Durum fuit à filio tanta pericula, tantasque injurias ferre: Verum hæc omnia constans & fortis illius animus contempsit & pertulit, donec iterum pristinae libertati restitueretur. Simile fortitudinis specimen nobis exhibuit Annitius Boëtius, consul Romanus, ab Imperatore vinculis & carcere inclusus, quod Arrii de Trinitate sententiam sequi nollet. Hic, cum primo dignitate summa ablata, carceri mancipatus esset, satis molli animo fuit, postea tamen cum se recolligeret, ita se firmavit, ut magnum constantiae & patientiae posteris non solum exemplum, sed solatii genus ediderit. Conscripsit enim in carcere libellum de Consolatione Philosophiae. Quo certè libello nullus illi, qui adversis premitur, utilior, majorique solatio esse potest. In eo vitam nostram theatri instar esse, & quaecunque magna videntur, ad tempus tantum & in certum durare, vanitateque plena esse omnia, & tandem relinquenda, aliamque personam (ut in Comœdiis) finito actu esse subeundam, longè à priori diversam, ostenditur: Summum illud bonum, verum gaudium, immensas delicias, æternamque beatitudinem, quâ majus nihil esse potest, tantum post mortem, non hîc in vita dari: Proinde adversa omnia & mortem ipsam jucundo & læto animo, tanquã future beatitudinis initia, esse perferenda.

Virginus Ursinus Pauli Iordani F. Dux Braccianum



Virginus Ursinus Dux Celsi Dns Martricæ

XXXII. HIEROGRAPHIA.

RERVM VICISSITVDO.


Non solum illi Heroes & Principes laudandi sunt, qui sibi egregia & magna proponunt, eaque Symbolis indicant: Verum etiam qui se ipsos gnome aliqua admonent, ac præ oculis varios rerum humanarum casus, rerumque vicissitudines constituunt; ut hac ratione memores sui sint, neque superbiant, neque sese præter modum extollant: Sæpe enim qui Reges & Principes fuerunt, privati & servi facti sunt. Sic Cyrus Persarum Rex ab Alexandro Magno, Bajazetes Turca à Tamerlano, ac Mythridates à Romanis, capti fuerunt; sæpè etiam ditissimi pauperrimi evadunt; foelicissimi miserrimi: ita ut verum sit, quod à Græco Comico dicitur: *Βίβαιοιο'υδ'εν εν βία δοκει πίκαι*, id est, stabile videtur habere nostra vita nihil, omniumque rerum vicissitudo est. Ut enim in rota aquaria, quam Hieroglypton exhibet, amphoræ, aut vascula, quæ plena fuerunt, mox aquâ vacua redduntur, ac quæ in summitate rotæ fuerunt, brevi ad ima perveniunt: ita etiam cuilibet, ut nunc à fortuna elevetur, nunc deprimatur, nunc dicitur, nunc spolietur, contingit. Vidit exemplum fortunæ iste Princeps in parente, qui cum summo loco diu fuisset, tandem carceris misérias experiri, & rerum vicissitudinem pati coactus fuit.

XXXIII. HIEROGRAPHIA.

RESPICE FINEM.

Imperia omnia (quæ corona indicantur) licet magnis laboribus , multoque sanguine sint conquisita, ut Romanorum, ac Alexandri Magni Monarchia, nunquam tamen perpetua sunt, aut tanta, ut per totum orbem se extendant. Plerumque enim uti crescunt, ita vicissim decrescunt ac pereunt. Vi sæpe conqueruntur, ac conservantur, & vi iterum, aut seditione, dum justitiæ, aut æquitati locus nullus datur, ruunt. Quicunque itaque Principes ambitione reguntur, & perpetuo augere imperia, vel regna sua dolo, vel vi volunt, hîc admonentur, ut **RESPICIAN T FINEM**, ac intelligant, etiam si totum orbem occuparint; nihil præter inanem quandam dominii ideam, absque corporis vel animi fructu, tantoque emptam sanguine, brevique interituram habere: Ubi enim Romanorum imperium tot gentium sanguine? Ubi Alexandri, tot Regum copiis deletis partum? Ad pristinum statum iterum rediit, ac ex uno denuo diversa Imperia facta sunt; ita ut frustra tantum sanguinis in gratiam unius ambitiosi, ac regere volentis Principis effusum fuerit. Rectè itaque admonentur Principes Symbolo, ut in hoc mundi Theatro **RESPICIAN T FINEM**, quod nullum Imperium stabile & perpetuum sit, ac proinde
illo =

illorum labores inutiles esse, generique humano nocivos, dum propter ambitionem, regnandique cupiditatem multum sanguinis humani frustra effundi deber. Frenent itaque hoc imperandi desiderium, ac humano sanguini parcant, mortem, Imperii, totiusque mundanæ machinæ brevi interituræ respiciant finem. Id si fecerint, non curis se solum magnis, sed etiam periculis multis levabunt, ac ut coronam cœlestem obtinere possint, se magnis idoneos facient.



*Ludovicus Ursinus Dux Celsi Dominus Matrice
fil. Virgine.*



*Camillus Ursinus Princeps Nole et
Fulghiani General. Prefec. Venet. Reip.*

XXXIV. HIEROGRAPHIA.

CONTRARIA IVVAT.

Ignis ardens à vento plerumque augetur & ardentior redditur, etsi ventus contrarius quodammodo igni videatur; refrigerat enim & ignem exiguum extinguit. Quod autem ignis ardorem ventus juvet, licet ipsi contrarius videatur, hoc propter motum, quem in igne velociores afflatu excitat, contingit. Hac enim ratione fuligo citius pellitur, ac materia citius consumitur; quæ omnia spiritum ignis subtiliorem reddunt, ignisque vehementiam augent. Mista hac Hierographia intelligi vult: Neminem rebus contrariis, vel adversis facile perturbari debere; Vtpote quæ etsi sæpe multum obesse videntur, sæpe tamen juvent, hominemque prudentiorem efficiant; non solum, ut majora damna & pericula evitare possit, quia (ut inquit Poëta) *Piscator ictus sapiet*, sed etiam, ut illata sibi utilia, ac perferendo dulcia faciat: *gaudet enim patientia durus*. Quin etiam ad hoc interdum adversa valent, ut hominis virtutem propalent, ac ipsius constantia & fortitudo conspicua fiat. Quod, dum fit, rectè juvari contrariis dicere possumus, consequitur enim gloriam, honorem & laudem propter virtutem, quibus vix aliud homini majus contingere potest.

XXXV. HIEROGRAPHIA.

NIL MOROR IGNAVOS.

Mulier hæc alata diligentiam significat, igna-

viæ contrariam, quæ Symbolo ait: NIL MOROR IGNAVOS. Diligentia virtus est Principi non solum conveniens, sed & utilis, tum domi, tum militiæ. Domi, ut justitia benè administraretur, pauperes non opprimantur à potentioribus, ac potentes à plebe, fontes plectantur, seditiones, quæ pullulant, statim capitibus punitis deprimantur, ac omnia, quæ ad Reipubl. conservationem spectant, accuratè præscribantur & serventur. Militiæ, ut maturè arma, commeatus, milites & munitiones procurentur. Sicut enim ignavia Reipubl. statum perdit, ita diligentia erigit, victoriæque causa est. Nulla enim in re utilitas diligentia citius, quam in bello, conspicitur. Id testatur C. Neronis contra Asdrubalem exemplum. Cum enim potentissimo Asdrubal exercitu in Italiam venisset, ac illi objiceretur Livius consul, numero militum impar: C. Nero relictis castris milite exhaustis, prope Annibalis castra, magnis itineribus nocte dieque, magnaue militum diligentia & labore, qui vix, quantum satis ad naturale desiderium corporum esset, quieti dabant, tandem ad castra Livii prope Senam, noctu tessera accepta, inscio Asdrubale & Hannibale pervenit, sequentique die pugna commissa, quod Asdrubal geminatum exercitum ignoraret, ac errore pauciores hostes putaret, victus est. Qui error, Livio teste, si pugna protractâ, tum ab Hannibale, tum ab Asdrubale detectus fuisset, victoriam Romanis abstulisset. Tantum potest in re militari diligentia.

Nicolaus Ursinus Nola et Pithigliani Princeps Generalis Praefectus Senensis, Florentini Populi Xysti Innocenti, Alexandri VI. Pont. Max. Ferdin. Alphonsi II. Neapoli Regi demum Venetorum Reipub. :



XXXVI. HIEROGRAPHIA.

SAUCIAT ET DEFENDIT.

Millus hîc exhibetur ferreis Clavis extrorsum acumine prominentibus, qui colla canum non solum defendit, ut gnome asserit, verum etiam invadentes alios canes sauciat. Qua Hierographia ostendere hic Princeps vult, se contra omnes suos hostes & inimicos tam benè munitum esse, ut si necesse fuerit, etiam eos offendere defensionis legitimæ causa possit. Idque rectè; non potest enim Princeps bello laceffitur se benè defendere, nisi data occasione oppugnet hostem, illique rationes nocendi præscindat & auferat. Qui enim tantum defensionis studet, solumque defensivum, ut ajunt, bellum gerit, multis incommodis se afficit, suosque prædæ inimicis obijcit, nullamque victoriam habere potest aliam, quam ut hostis laceffere desinat & quiescat: Qui vero offendere studet, non solum se defendit, suosque; sed victoriam insignem superato hoste habere potest. Vt itaque canis millo & scutum & telum habet, ita & hic Princeps armis suis se tuetur & hostem oppugnat.

XXXVII. HIEROGRAPHIA.

VIGILIIS ET MODERATIONE.

Vigilias noctua significat, quod noctu vigilet;
cum

cum enim dies est, in truncis arborum, aut speculuncis latitat. Frenum moderationem notat, eo siquidem equi moderantur, hominique obsequiosi redduntur. Vtrumque certanti necessarium est, siue spirituale certamen, siue mundanum suscipiatur. In spirituali certamine vigiliis impeditur Sathan, aut Diabolus, ne incautum obruat, & priusquam ad defensionem paratus sit, necet. Propterea dicit Christus: *Vigilate & orate, ut non veniatis in tentationem.* Moderatione verò reguntur animi affectus, ne Sathanæ delicias & illecebras sequantur, ac equi effrenis instar, hominem perdant. In mundano certamine contra hostem, vel contra fortunam, aliaque adversa, quæ contingere Principi possunt, non minus **VIGILIIS ET MODERATIONE** opus est, ut status servetur. Vigiliis; ut hostis præcaveri, antequam accedat, ac fortunæ insultus prohiberi, antequam præsto sint, seditionesque in Republica impediri, priusquam capita habeant, possint: Moderatione, ut hostis non tumultuariè, sed sapienter arceatur, ac fortunæ insultus, qui præmanibus sunt, prudenter declinentur, seditionesque ac seditionum in Republica capita legibus tanquam frenis coerceatur: Hæc enim si Princeps in statu suo servaverit, ac **VIGILIIS ET MODERATIONE** populum suum rexerit, firmum ac stabile habebit Imperium.

*Fabritius Columna Dux Paliani Marchio
Tagliacozæ General' S.R.Eccles:*



*Prosper Columna Dux Paliani et Tagliacozæ
Gener: Impre Car: V Imp p Ital,*

XXXVIII. HIEROGRAPHIA.

INCULPATA TUTELA.

Grus accipitrem necat, quæ alias ab accipitre rapi, ac interim victus gratiâ solet. Verum non facile accipiter gruem superare & vincere potest, quia dorsum rostro ita munit grus, ut dum gruem rapere vult accipiter, ventrem in rostrum coniciat ac se ipsum interficiat. Ita in hoc Hieroglypto superatus & interemptus à grue se defendente accipiter cernitur; idque jure, cum vim vi repellere liceat, & omnis, quæ pro vita cum adversarii damno aut nece tutela instituitur, inculpata & justa sit. Quilibet enim, suam vitam si alterius vitæ præferat, id quod naturæ debet, conservationem videlicet sui ipsius, persolvit. Ac dignior is, (qui non ultro se in periculum coniecit) vitâ censendus est, illo, qui naturæ opus perdere voluit. Excellens enim & admirandum naturæ opus est humanum corpus, tanto artificio constructum, torque annis educatum; ac is morte dignus, qui id naturæ artificium delere conatur. Princeps itaque, dum hostes suos quibuscunque potest modis se delere velle, ne ab illis deleatur, hac Hierographia ostendit, neque imprudens, neque injustus videtur.

XXXIX. HIEROGRAPHIA.

INGENIO EXTERIOR FUNERA
DIGNA ME.

Narrat Jovius, quod Prosper Columna jam
senex

senex amoribus fuerit deditus, (etiamſi Poëta id ſenibus dedecori eſſe velit, dum canit :

Turpe ſenex miles, turpe ſenilis amor.)

ac ſcribit, amaſſe illuſtrem fœminam, quæ illi mutuum amorem reddebat; quem cum ille tegere & honeſtum haberi vellet; ſemel ſecum familiarem quendam, ſed humili loco natum nobilem, ut fœminæ pudicos mores videret, adduxiſſe: Qui fœminæ (ut ſolent inſtabiles & in-
conſtantes eſſe, ac novis rebus delectari) ita placuit, ut gratiam & copiam ſui illi fecerit: Quod, cum ſummo animi dolore percepiffet Proſper, taurum Perilli pro Hieroglypto; adjecto Symbolo: **INGENIO EXPERIOR FVNERA DIGNA MEO**, elegit; ut oſtenderet ſe flammis amoris exuri, ac mali ſui ſe cauſam eſſe, quod amaſiæ ſuæ alium adduxiſſet procum: ac eundem errorem commiſiſſe, quem Perillus olim commiſerat, dum proprii interitus cauſa eſſet. Perillus enim Tyranno Phalari invenerat modum, quo homines ingenti cruciata interfici abſque aſtantium commiſeratione poſſent: Taurum nempe æneū, cui incluſus homo, ſubſtrato igne, non ejulantis vel morientis hominis vocem, ſed bovis mugitum ederet. Verum Phalaris, miratus artificis ingenium, illum tauro includi juſſit, ac ignem ſubſterni; ita miſer Perillus mugiens proprio invento & horribili mortis genere periit.

*Pyrrus Columna Maritima Martiane
Tribunus militum Caroli V Imper.*



Pompeius Columna Dux Pakani et Taghiacora.

XL. HIEROGRAPHIA.

NE PER PIOGGIO, NE PER VENTO.

Id est:

NEQVE PLUVIA, NEQVE VENTO.

Turris aut ædificium supra rupem exstructum animum Principis indicat, qui, ut turris neque à vento, neque à pluvia concuti, ac dejici potest, ita nec ille à rebus adversis. Constans enim est ac firmus, ut nullo fortunæ, aut adversitatis relo immutari, aut convelli possit. Quicumque hujusmodi constantiæ propositum sibi proponit Princeps, laude dignus est. Nihil enim Heroi magis conveniens, quam fortunæ impetus negligere, invictum se præbere, quævis perferre, ac ostendere animum omni fortuna, etiam adversa, esse majorem, & fortunam potius animo, quam animum fortunæ parere. Id certè Martyres complures, qui sanguinem pro Christi fide fuderunt, ac veras calamitates, pariaque tormenta pertulerunt, testantur. In ferendis enim tormentis & torturis etiam delicatæ virgunculæ tam constantes nonnullæ fuerunt, ut non tormentis affligi, sed deliciis frui, ac stupentibus tyrannis, suaves illis viderentur. Quis hic non animadvertit, quod talem animum infractum, magnum & omnia vincentem se habere hic Princeps

hac Hierographia ostendere

voluit.

XLI. HIEROGRAPHIA.

NIL LINQUERE IN AUSUM.

Pompejus Columna duplici Hieroglypto, navicula, homineque volante, ostendit, se NIL LINQUERE IN AUSUM velle, etiam si vitæ periculum subeundum sit. Magni enim animi est, magna etiam cum periculo tentare, & nihil inausum, aut intentatum relinquere. Sic Icarus tentavit avium volatum æmulari, verum Solis ardore cereis alis liquefactis, in præceps delapsus, interiit. Simili modo navibus Oceanus præternavigatur & superatur, remotissimæque novi orbis regiones deteguntur, licet non absque multorum jactura & exitio. Hæc si ab audentibus instituta non fuisset navigatio, occidentis & orientis divitiæ adhuc sepultæ, nobisque ignoræ laterent. Americus Vesputius vir magnus & perpetua memoria dignissimus, primus ausus fuit Oceanum præternavigare, ac primus extremas incognitasque orbis partes detexit. Istorum duorum, instar omnium, exemplo, Pompeius magni sui animi institutum demonstrare voluit, ac nihil tam arduum, tam difficile esse, unde sibi nomen & gloriam comparare possit, quin hoc etiam cum vitæ periculo & dispendio tentare & aggredi audeat. In rebus enim arduis & magnis sæpe voluisse, ac voluntas laudanda est, etsi optatus effectus voluntati non respondeat. Qui nihil audent & tentant, raro ad magna perveniunt, ac fortunæ beneficio fruuntur. *Audaces fortuna juvat, timidoque repellit*, ac nunquam periculum sine periculo vincitur.

XLII. HIE-

*Mutius Columna Marchio Mortaræ
Generalis et Vexillifer S. Rom: Eccles:*



*Jeromius Columna Dux Padani etc
Generalis regis Ferdinandi Aragon*

XLII. HIEROGRAPHIA.

FORTIA FACERE ET PATI ROMANUM EST.

C. Mutius adolescens nobilis Romanus, cum Porsena Hetruscorum Rex Romam obsideret, Senatus Romani consensu in castra Hetruscorum se contulit, ac in confertissima turba prope regium tribunal constitit. Ibi cū stipendium militibus daretur, & scriba cum Rege sedens pari fere ornatu multa ageret, eumque milites vulgo adirent; timens sciscitari uter Porsena esset, ne ignorando Regem semetipse aperiret quis esset, scribam pro Rege obtruncat. Eum statim regii satellites comprehensum ante tribunal Regis sistunt. Tum Mutius, Romanus sum inquit civis, C. Mutium vocant, hostis hostem occidere volui, nec ad mortem minus animi est, quam ad cædem fuit, & FACERE ET PATI FORTIA ROMANUM EST. Cum Rex irâ incensus, periculoque conterritus, circumdari ignes minitabundus juberet, nisi insidias illi structas proderet. En tibi, inquit, ut sentias quam vile corpus iis sit, qui magnam gloriam perunt, dexteramque manum accenso ad sacrificium foculo injicit, quam cum velut alienato à sensu torreret animo, attonitus miraculo Rex cum à sede sua profiliisset, amoverique ab altaribus juvenem, jussisset: Tu verò abi, inquit, in te magis, quam


quam in me hostilia ausus; juberem mactæ virtute esse, si pro mea patria ista virtus staret. Tum Mutius quasi remunerans meritum: Quandoquidem, inquit, est apud re virtuti honos, ut beneficio tuleris à me, quod minis nequisti, trecenti conjuravimus Principes juventutis Romanæ, ut in te hac via grassaremur, mea prima sors fuit, cæteri ut sors ceciderit, quo te opportunum fortuna dederit, suo quisque tempore aderunt. Hujus periculi casus Porſenam moverat, ut ultro Romanis pacis condiciones offerret. Ab hoc C. Mutii factò sumpta Hierographia: Cernitur enim dextra manus cum gladio igne torrerì, ac dictum Mutii Symbolum est. Mutium Romanum Mutius Columna sibi imitandum in rebus bellicis proposuit: idque non male, quod equitum præfectus industria & audacia, ad res feliciter gerendas opus habeat.

XLIII. HIEROGRAPHIA.

CONTEMNIT TVTA PROCELLAS.

Familia Columnensis in parmis gentiliciis solet pro signo militari habere antiquitus Sirenem. Est autem Siren monstrum marinum superiori parte virginis forma, inferiori piscis. Poëtæ tres fuisse fingunt, ac Acheloi filias. Quæ melodiâ, cantusq; suavitate nautas cum ad se pellexissent, tandem undis obruebant ac interimebant: Hæ, ut in undis & procellis, tanquam in naturali do-

micilio, tutæ vivunt, ac propterea procellas omnes, marisque tempestates, contemnunt; ita etiam Princeps iste Sirenis figura & Symbolo ostendit, se adversa omnia contemnere, ac virtutibus suis ita fidere, ut non dubitet, se illis omnia adversa & contraria facile superaturum: virtus enim adversa non timet, quia ex iis facile eluctatur. Idque tum maxime verum est, cum quis jam multoties adversa pertulit, ac iis ferendis ita obduruit, ut jam quodam modo in naturam & habitum transierint. Tum enim vix sentiuntur, ac perinde negliguntur & contemnuntur, tanquam ea quæ nocere aut affligere amplius non possunt.



*Sarra Columna Dux Pat: et Taglia
coza Generali: Alphonsi Regis Neap:*



*Stepanus Columna Dux Pakiani Gene-
ralis Alph: iun reg: Neap: et Arag:*

XLIV. HIEROGRAPHIA.

ADIMITQVE INGRATA REFVLGENS.

Vt Luna à nubibus recta paulatim discussis nubibus iterum refulget: Ita etiam viri illustris, rerumque benè gestarum gloria clari, fama si ab inimicorum calumniis, vel convitiis obscuratur, ac ad aliquod tempus obnubiletur; tandem virtutis insita vi ac tempore, inimicorum, adversariorumque machinationibus depulsis iterum refulget & in pristinum statum restituitur. Id sibi futurum virtuti confidens Princeps, qui eo tempore, quo hanc Hierographiam edidit, ab adversariis multa passus fuit, pollicetur. Virtus enim & tempus, quantumvis deprimatur ac occultetur fama, eam tandem in lucem protrahunt, & quod verè in se continet, bonum sit vel malum, propalant. Ob id rectè veritas temporis filia appellatur, quod nihil latere sinat, sed quævis in lucem proferat. Admonemur itaque hac Hierographia, ne diffamati, aut rebus adversis pressi desperemus, quod tempore tandem mala omnia finiantur; ac Deus Opt Max. si interdum nos adversis affligat, illa iterum sua bonitate adimat, tandemque radiis benignitatis nobis refulgens donis innumeris nos ditet, ac malorum passorum memoriam jucundam faciat.

XLV. HIEROGRAPHIA.

PARCE PIAS SCELERARE MANVS.

Accipiter hîc depingitur. Accipitrum genera varia & distinctio generum ex aviditate, alii

non

non nisi ex terra rapiunt avem , alii non nisi circa arbores volitantem , alii sedentem in sublimi , aliqui volantem in aperto. Ita & columbæ novere ex iis pericula, visoque confidunt, vel subvolant, contra naturam ejus auxiliantes sibi. Regia est avis accipiter, animosa, robur ejus in pectore, unguibus & rostro, quo prædæ cerebrum statim transverberat. Si prædam impetitam arripere non potest, indignatur, ac vix eo die ad dominum redit. In hac Hierographia accipiter Lusciniam devoraturus rapit; illa supplex laudat accipitrem, ac pium, qui trux est, vocat, admonetque ne pias manus sceleret. Verisimile est, Myrtam admonere velle eos, qui potentiorum injuriis expositi sunt, ut dissimulent, bona verba dent, ac supplices tempori cedant, donec ira & indignatio potentum frangatur, aut extinguatur. Lex in aulis Principum, ubi potentes, etiamsi injurii ac injusti sint, respici ac coli volunt, utilissima, imo necessaria. Hanc qui non servat, neque injurias & despectum sui ferre tantisper, ac magnatibus adulari, vel jocis placere potest, superet licet eruditione & probitate quemvis, nunquam emerget. Non doctos, non probos, non pios vult aula, sed fictos, qui probitatem in lingua & fronte ferunt, ac potentibus ad nutum omniaque obsequia præsto sunt. Hinc versiculus: *Qui vult esse pius, exeat aula.* Qui itaque in aula manere vult, Lusciniam imitetur, oppressus facile eluctabitur, nihilque, ut ad summa perveniat, illi invium erit.

*Ascanius Columna Dux Paliani et
Tagliacozze Marchio Mortare.*



*Joannes Caraffa Dux Paliani Marchio
Cane Com. Mortore, nep. P. P. pauli.*

XLVI. HIEROGRAPHIA.

ME TVIS ORNARI.

Pyramidem, aut obeliscum constantiam designare, jam sæpius explicatum est. Ornatur pyramis vineâ & coronâ. Vineâ, quæ fructum suavissimum, hominique maxime salutarem proferret, ubertatem, rerumque affluentiam designat, qua Mysta, obelisco notatus, se à domino, cui fideliter inservivit, donatum agnoscit & gloriatur. Coronâ honorem, gloriam & dignitatem, quam itidem domini munificentiam adeptus est quaque ornatur, significat. Quibus omnibus ut nihil potest homini in præmium fidelitatis majus tribui, ita etiam nihil decentius, quam tale beneficium agnoscere, ac si non factis, saltem verbis, testimoniis, & monumentis, se gratum posteris ostendere, quod aptè profecto hac Hierographia Mysta, qui se ornari domini sui beneficiis confitetur, declarat.



XLVII. HIEROGRAPHIA.

OMNES SVB IVGO MEO.

Eleganter Princeps iste Symbolo ait ; OMNES SVB IVGO MEO : Quis enim dubitat , sub Solis jugo omnia non solum inferiora , sed etiam superiora esse . Sol enim lucem suam stellis omnibus præbet , radiisque inferiora omnia illuminat , ac calore ita fovet , ut sine illo neque animalia , neque plantæ vivere , neque mineralia & metallica formam aliquam consequi possint : Calor enim movet cuncta & in actum redigit , illoque deficiente omnia intereunt , quiescunt & horridam plane faciem nanciscuntur : Id hyems , illæque mundi plagæ , quæ arctico polo viciniores sunt , ostendunt . Vt itaque sub Solis jugo omnia sunt , ac ab ipso , tanquam proximioris numinis instrumento , quod sint , habeant : Ita Mystra indicare voluit , se Solis instar suos simili modo sub jugo habere velle , ac jugum suum non minus , quam Solis , suave fore , coque vitam omnemque commodam vivendi rationem habituros : Hujusmodi propositum Principes decet . Qui enim jugum , quo excarnificent , expilent , ac abigant subditos , proponunt ac instituunt , non Principes , sed Tyranni sunt , digni ut diis manibus sacrificentur . Bonum itaque jugum hic Princeps Sole , à quo omne bonum manat , demonstrare voluit .

Marcus Antonius Columna Dux Palani et Tagliaco-
re Eques Aurei Velleris Vice Rex Sicil.



XLVIII. HIEROGRAPHIA.

SEMPER PERVICAX.

Princeps iste hanc Hierographiam exhibuit, dum bellum Veronense gereretur; defendebat enim Veronam contra Gallorum, Venetorumque impetus, qui duplici exercitu illam obfederant. Cernitur toga vel talaris tunica inter ignis flammæ illæsa permanere, quia ex albestino, aut amiantho lapide conflata est. Scinditur enim aut finditur in filamenta lapis, certoque artificio netur, deinde textitur, ut vestes & linthea ex eo conficiantur; quæ, cum squalida, aut sordida fuerit, in ignem & flammæ projiciuntur, aut detinentur, ut mündentur, nitidæque, sordiumque expertia fiant. Non consumitur enim ab igne, quia lapis iste omnes ignis non solum injurias perfert, sed exustus mundatur. Ut itaque Amianthus lapis SEMPER in igne PERVICAX, id est, constans manet; ita Mysta, se contra omnes hostium conatus, semper constantem fuisse, hac Hierographia ostendere voluit.

XLIX. HIEROGRAPHIA.

NATVRA DICTANTE FEROR.

Quæcunque in hac Hierographia apparent, NATVRA DICTANTE FERVNTVR: Sed ab oriente in occidentem, aut si mavis proprio & naturali motu, ab occidente in orientem. Nubes venti afflatum sequuntur. Mare naturali suo motu lunæ motum sequitur, & flores sursum feruntur. Ciconia etiam NATVRA DICTANTE semper altiora petit, ac nubes superare nititur. Propterea hanc in Symbolo loqui, & Mystæ locum supplere, existimandum est. Ut enim Ciconia maria transvolat, ac montium omnium juga & nubes volatu superat, ac ad sublimia tendit; ita etiam Mysta se ejusdem indolis esse, clare demonstrat: & proinde se non exilibus humilibusque esse contentum, sed NATVRA DICTANTE ad altiora, ut iis potiatur, FERRI, siue ea sint mundana, ut honos, gloria & virtus, quæ cæteris rebus omnibus præferuntur; siue cœlestia, ut æterna fœlicitas, ac Sol ille æternus Deus, ad quem absque virtute non datur accessus. Ad hunc enim Solem qui NATVRA DICTANTE fertur, beatus verè dici potest, pauci enim propter primi parentis lapsum ad illum Solem, summum illud bonum, plures ad malum feruntur. Numini acceptum ferendum est, si quid boni appetimus & consequimur.

L. HIE.

*Felice Ursina Columna Ducissa Paliani,
et Tagliacore M. An: uxor:*



*M. Antonius Columna iunior Dux Paliani et
Tagliacore.*

L. HIEROGRAPHIA.

OPES NON ANIMVM.

Fuit hæc Hierographia primùm inventa ab Ersilia Cortese de Monti nobilissima fœmina, quia proci, quos repudiarat multis cladibus ipsius bona, ut ulciscerentur, affecerant. Ab hac proculdubio desumpsit hæc Principissa hanc Hierographiam, quæ fortassis opum fortunæque jacturam, alterius instar, passa fuit. Ostendit itaque animi constantiam & fortitudinem, ac se nulla fortunæ calamitate, impetu, aut insultu commoveri, aut frangi; sed animum invictum possidere: quia etsi incendio omnia delerentur, tamen **O P E S** tantum, **N O N** **A N I M V M** exureretur: Hic enim superstes & firmus infœlicia fœlicia efficere, ac res amissas perditasque arte, industria ac prudentia recuperare, omniaque in pristinum statum reducere potest. Sequi videtur hoc casu Biantis dictum: qui incensâ patriâ admonitus, seu increparus, quod nihil suorum bonorum ex incendio secum efferret, ut cæteri; respondisse dicitur: Omnia mecum porto: animum intelligebat variis virtutibus, artibus, ac scientiis instructum suppellectili ac pecuniis præferendum, quo non solum præsentis fortunæ injurias se superare, sed ita rem suam instituere posse confidebat, ne in posterum egeret. Hærent enim in præcordiis ve-

ra bona. vivoque nihil eripitur possessori, sed ne mortuo quidem, in anima siquidem sunt, quo nec fortunæ, nec mortis potentia se porrigit. Vera bona & virtutes non delentur fortunæ telis, nec igne extinguuntur; imo potius augentur & clariores fiunt. Vt enim Solis splendor post tenebras, ac discussis nebulis vivacior apparet; ita & virtus calamitate obscurata, tandemque depulsa, clarior elucescit. Premitur non opprimitur virtus, ac quo magis deprimitur, eo fortius exsurgit.


LI. HIEROGRAPHIA.

SEMPER IMMOTA.

Diversam à patre & matre Hierographiam edidit M. Antonius Columna Junior, sed eodem sensu: Vt enim quercus, arbor durissima & robustissima, omni ventorum generi sese opponit, ac semper immota manet, ita Principum & Heroorum animi nullis fortunæ telis cedere debere, ostendit. Frangi levi fortunæ adversæ afflatu animum muliebres est & viro indignum. Fortis vir non solum adversa non metuere, sed ne mortem quidem, debet: ut Socrates, qui Platone teste in Apologia, morti adjudicatus, propter Philosophiæ sinceram professionem, ad iudicem conversus ait: Equidem vos omnes singulari quadam benevolentia complector; parendum tamen potius duco Deo immortalis, quam vobis.

Itaque

Itaque quam diu & spirabo & potero, nunquam
Philosophiæ curam abjiciam: nec vos admo-
nendi, modoque ac more meo adhortandi ad
virtutem, quemcunque nactus fuero occasio-
nem omitam. Hujusmodi fortitudinis exem-
pla apud Christianos eorum, qui pro fide sangui-
nem effuderunt, multa exstant: imò & tenellæ
virgines, ut S. Catharina, Apollonia ac aliæ in-
numeræ, non solum mortem non timuerunt,
sed summas delicias in pœnis crudelissimis &
atrocissima morte se percepisse, sæpe
spectantibus demon-
strarunt.



*Jeronima Aragonia Ducissa Paliani, et
Tagliacozæ M. Antiun, uxor.*



*Antonius Medices Princps Calgestrani
Ed. Franc. Mag. Duc. Hetr.*

LII. HIEROGRAPHIA.

VNA FVIT.

Mulierum & virginum Hierographicae inventiones plerunque virorum ingenii acumine & elegantia superant, ut præcedentes complures examinatae & hæc facile ostendunt. Nec mirum, cum foeminae ingenium à durioribus negotiis, civilibus curis, ac gravioribus studiis solutum, amoribus animique affectibus totum incumbere possit. Hæc certe, si quæ alia, mihi ingeniosa videtur: Inquit Symbolum, VNA FVIT, nempe candela ardens, id est anima, vita una, imo humanum corpusculum unum ardens & vivens amore oprati sponsi: Quid enim aliud corpus virginis amore ardens, quam candela ardens? Candelæ vita ignis & ardor est: Virginis amantis vita amor sponsi aut sponsus ipse; neque enim vivit aliter, quam in amati corpore. Sed postquam virgo sponsum consecuta est, & conjux facta, jam duæ candelæ vinculo apparent ligatae, ac simul mutuo amore flagrant, duplicatoque lumine se mutuo juvantes, aliosque illustrantes. Tum gaudent se binas & junctas, quæ antea solæ fuerunt, non solum ut sibi prodesse & lucere, sed etiam aliis possint. Hoc gaudium hac Hierographia propalare Principissa Hieronyma voluit.

LIII. HIEROGRAPHIA.

T A N D E M.

Procera arbor, quam Hieroglypton exhibet, patrem, propago filium authorem Hierographiæ designat. Symbolum, TANDEM, mentem Mystæ etiam uno vocabulo satis explicat. Cernitur arbusculæ propago à majoris radice expululans, quæ TANDEM excrescet, ac majori similis fiet: Hæc enim arborum natura & proprietates, ut quæ à radicibus ejiciuntur germina, in ejusdem generis arbores excrescant. Promittit itaque Antonius iste filius, se patri similem TANDEM fore, virtutibus nempe, omnibusque animi, quibus ille pollebat, dotibus. Neque enim aliud laudaretur propositum, cum virtutes, non vitia majorum imitanda sint. Quam fuerit autem pater vir omni virtutum genere clarus, neminem latet. Hunc quod filius sibi imitandum proponat, ac se similem parenti fore promittat, jure laudandus erit: Majorum enim virtutes æmulari ægregium, superare gloriosum, ac utrumque non laude sola, sed corona dignum immortalis.



*Ionues Maria Varanus I et ultmus Dux Camerini
gener. PP Leonis X*



*Ioannes Fernesius Dux Casbi et Camerini Gener. regis
Francis. Galliar*

LIV. HIEROGRAPHIA.

FONTES DERIVAVNT.

Ex Symbolo & figura facilè colligitur, Principem hunc vivos & perennes aliquot fontes in aquæ ductum aliquem derivasse Reipubl. juvandæ causâ, ac in perpetuum præstiti officii memoriam hanc Hierographiam posteris reliquisse. Prudentes sunt illi Principes, qui multorum commoda quærunt, ac ea construunt, quæ non sibi solis voluptati, sed & populo universo utilia sunt. Inter hæc aquæ ductus præcipuum locum habere debet; profunt enim in civitatibus ad extinguenda incendia, ad rem domesticam & culinariam, ad varias opificum officinas, ad molendina & alia innumera, sine quibus incommodè vivitur, nullaque est civitas, etiamsi flumine careat, quinque arte aquæ ductum exstructum habere possit, sed magistratuum ignorantia aut negligentia tantum beneficium sæpe omittitur. Vbi flumen nullum est, ex ædium stillicidiis collecta totius anni aqua, aquæ ductus sufficere potest, si artificiosè construatur: Verum ubi politici non sunt, frustra non consue-
ta aut nova proponuntur. Multi malunt
glandibus, quam tritico
vesci.

LV. HIEROGRAPHIA.

FLAVESCENT.

Maturitas perfecta frumenti Symbolo promittitur : Spectantur enim quatuor frumenti manipuli, qui aeri expositi aliquot diebus flavescent, ac frumentum spicis inclusum, terreoque humore adhuc humidum, plenam maturitatem adipiscitur. Non dubium est, quin Mysta, si dum Hierographiam ederet ætate junior fuerit, ac propterea ad res gerendas non satis adhuc idoneus, brevi ætatis & iudicii maturitatem sibi fore Symbolo suis promiserit. Verum si ætatis ratione hæc Hierographia constituta non fuerit, aliquid magni Mysta præ manibus, ac in promptu habuit, quod quidem nondum perfectum & absolutum, brevi tamen fore, spondet: ac proinde moram rei certæ & venturæ æquo animo tolerandam esse. Vt enim frumentum in manipulos congestum non statim in horreum deportari debet, sed primum Soli exponi, ut siccatum, horreisque ingestum, non facile putrefiat & corrumpatur, ita res utiles, necessariae & magnæ antequam occasio se offerat, expediri & præcipitari non debent. Mora quippe adjuncta, paulatim ita expediendæ sunt, ut foelicem sortiantur eventum : Tempus enim quævis negotia maturat, ac rebus gerendis opportunitatem præbet.

Bertoldus Farnesius, Dux Camerini et Castri.



Carolus Spinellus Dux Seminarie.

LVI. HIEROGRAPHIA.

VNDIQUE FRVSTRA.

Turris ex quadrato lapide in mari vel flumine exstructa est; hanc undique ventorum afflant procellæ, sed frustra. Turris Ducem, ejusque animum notat: Venti & undæ adversarios, ac hostili quævis. Ut itaque turris firmā VNDIQUE FRVSTRA impeditur, ac dejici non potest; ita Dux iste, se non solum forti animo esse, profiretur, nullasque fortunæ vel adversariorum minas & insultus extimescere; sed etiam tam firma basi inniti, ut nullo fortunæ impulsu, nullisque adversariorum arietibus concuti, aut convelli possit. Basis autem bona conscientia & virtus est: Bona siquidem conscientia adversa non timeret, ne mortem quidem, quam beatam fore, & adversitatum omnium finem agnoscit, vitamque jucundam & lætam, ut mala, tristem facit.

*Si rectè facies, hic murus alienus esto,
Nil conscire sibi, nulla pallescere culpa.*

Statius:

*Invigilant animo, scelerisque parati:
Supplicium exercent cura Tunc plurima versat
Pessimus in dubiis timor.*

Virtutis etiam ea vis est, ut non solum externorum hostium vim repellere & illudere, eorumque conatus frustraneos facere possit; sed etiam, ut internos illos hostes, id est, vitiorum impetus, animique pravos affectus, iram, avaritiam, invidia-

diam, libidinem, ambitionem, superbiam, gulam
ac ignaviam domet, frenet ac vincat.

LVII. HIEROGRAPHIA.

EX VULNERE VIGOR.

Antiqua Gnome est : *Virescit vulnere vir-
tus.* Ab hac Symbolum desumptum videtur,
eodem fere sensu. Quercus virtutem significat,
constantiam imprimis & fortitudinem, quia à
nullis procellis, aut tempestatibus facile dejici
potest. Securis verò, qua vulneratur, hostes, ini-
micos, ac res adversas designat. Ut itaque secu-
ris quercui vehementius adacta eandem vulne-
rat, ac à vulneris & fissuræ vi aut vigore ita de-
rinetur, ut vix & non sine magna vi abstrahi pos-
sit; ita iste Princeps, si ab hostibus, vel rebus ad-
versis laceffit, aut læsus fuerit, non solum se
non abjicere ac minuere animum, sed potius re-
tinere ac augere, ostendere vult. Ut optime
hac ratione EX VULNERE, seu incommodo
illato, VIGOR prodire, dici possit. Hoc enim
proprium viri fortis & magnanimi est, ut læso,
aut pressò crescat animus, ac illatum incommo-
dum evincere & depellere, vel patiando,
vel obstando fortiter, co-
netur.

Carolus Spinellus Dux Seminarie .



*Ferdinandus Dux Calabriae Vice Rex
Valentiae Frid Regis Neapoli filius*

HIEROGRAPHIA
LVIII. HIEROGRAPHIA.
NONDUM IN AVGE.

Oibis, quo Sol defertur, non est orbi terrarum concentricus: Hinc fit, Solem interdum remotiorem, interdum propiorem terræ esse. Cum longissimè à terra distat, IN AVGE esse dicimus. In hac Hierographia, neque IN AVGE, neque in opposito augis est, sed in medio itinere movens se, & tendens versus augem. Carolus Spinellus primus author istius Hierographiæ, quæ & nunc tota familia utitur (& Illustriss. & Reverendiss. apud suam Sac. Cæs. Majestatem Rudolphum II. Imperatorem gloriosissimum, nuncius Apostolicus) indicare voluit: se nondum desiderata & optata attigisse: Quæ autem ista fuerint, difficile est conjectu. Possunt enim amores, honores, divitiæ ac æterna desiderari. Amores à junioribus & solutis voluptatis causâ: honores & divitiæ à viris, ut aliis benefaciant: ac æterna ab utrisque, si sapiunt, appeti solent. Carolum istum in rebus bellicis Carolo Quinto & Regi Philippo Hispaniarum inservivisse fidelissimè, ac magno cum successu, testantur Historiæ. Alii etiam complures istius familiæ, qui eadem Hierographia usi sunt & adhuc utuntur, non minus virtute rebusque bellicis gloria & honore clari & illustres sunt, ita ut nihil amplius illos desiderare posse, quis arbitretur. Verum ea est magni excelsique animi, & veri Principis indoles, isque genius, ut semper altiora petat, majoraque cupiat, ac nunquam extremum fœlicitatis culmen se assecutum putet. Laudandus profecto,

magnique faciendus is appetitus, si virtutes sectetur: hoc enim illa tandem comprehenditur ac tenetur, tenentemque æterna mercede satiat.

LIX. HIEROGRAPHIA.

CAVTIVS.

Circumferit secum domicilium, scutum, ac sepulchrum limax: Dum nimis confidenter repit, & sub scuto, aut testudine sua non latitat, sagitta feritur, quæ in hoc Hieroglypto humeris infixa apparet. Symbolum ait CAVTIVS incedendum fuisse. Quicumque enim hostes, vel adversa timet, ita se munire, ac ita prudenter se gerere debet, ut prævisa jacula evitentur, ne feriant. Pericula etiam semel suscepta erudiunt, ac prudentiores faciunt. Fuit iste Princeps ab Hispanis incarceratus, quod cum Rege Galliæ, dum Navarram recuperare ab Iberis vellet, pactum secretum habuisset, ac ad Regem, redeunte in Galliam exercitu, fugam instituisset. Ictus itaque adversâ fortunâ & captus, non facile fidendum, ac prudentius & cautius eum, qui liber est, & alicujus partes sequi vult, quid agat, examinare debere, hac Hierographia ostendit. Lex hæc prudenti viro præ oculis perpetuo sit: Periculosa scilicet omnia circumspectè & non nisi omnibus modis, quibus damnum inferri possit, examinatis agenda esse. Vigiles enim ut velis, & prævideas cuncta, vix adhuc tamen illæsus evades. Ut tutius evadas, quæ contingere possint, futura statuito, ac iis, ne fiant, actus & consilia selectiora obijcito ita CAVTIVS tua institues, pericula vitabis & prudens eris.

*Franciscus Baucius Dux Andri Generalis
Venotorum Republicæ.*



Ioannes Fridericus Dux Andri etc.

DVCVM PRINC. MARCH. ITAL.

LX. HIEROGRAPHIA.

SEMPER ARDENTIVS.

Aquilæ quia proprium est altissimè præ cæteris avibus volare, propterea in Hieroglyphicis excelsas animi cogitationes notare solet. Potest itaque rectè aquila Mystam, seu authorem Hierographiæ, designare, ac serpens, qui pectus aquilæ verberat, amasiam. Ex Symbolo autem **SEMPER ARDENTIVS**, dignoscitur serpentem esse, qui à se verberatum, siti insatiabili cruciat, ac ita efficit, ut quo plus bibat, ardentius potum appetat. Similis sitis in amore animadvertitur: qui enim formosæ fœminæ aut puellæ amore captus est, quo plus eam contemplatur, **SEMPER ARDENTIVS**, majorique contemplandi desiderio afficitur & tenerur. Ea enim amoris vis est, ut amans nunquam visu amicæ satietur, sed **SEMPER ARDENTIVS** intueri cupiat, donec illa fruatur, ac uniatur.

LXI. HIEROGRAPHIA.

NON COECA CONDEMVR IN ALVO.

Equum Trojanum Hieroglypton refert, cuius historia Sex. Æneidos à Virgilio recitatur. Is Græcorum dolo Trojæ capiendæ causâ constructus erat. Obsederant enim decennii spacio Trojam Græci, ac cum se capere urbem posse desperarent, ad fraudes & dolos conversi, equum immensæ magnitudinis construxerunt, intra concavum ac militibus tantum repletum. Hoc

HIEROGRAPHIA

in castris relicto, castra ipsi deseruere, ac ad Tenedum Insulam non procul inde distantem se receperunt, paucis circa equum relictis, qui nunciarent Trojanis, Minervæ sacris occupatâ urbe dedicatum fuisse, ac propterea optimum fore, si tantum Deæ oblatum munus in urbem illâsum ad Deæ delubra deferretur. Trojani machinam admirari, ac religione commoti, cum per portas non possent, dirutis civitatis muris, viam equo fecerunt, ac in civitatem traxerunt. Id cum Græci audissent, statutâ horâ ad mœnia properarunt, ac equo inclusi pactum facinus cum adventantibus sociis aggressi, similiter tumultum non levem equo egressi in civitate excitatarunt; ita ut tandem urbe, Trojanis expulsis, potirentur. Ad hanc historiam alludit Myſta, dum ait: **NON COECA CONDEMVR IN ALVO.** Quo Symbolo indicare vult, se non dolo & fraude, sed virtute hostes suos superare velle. Generosa mercede Gnome: Animus enim magnus non rectè & clanculum, sed apertè inimicis nocere cupit, ut illi, se non fortunâ, sed virtute superari, sentiant, ac virtus inimici dolorem augeat. Cum itaque se ulcisci cupit Myſta, palam id facit, ut inimicis, si impar sit, majorem dolorem, quod se vicissim ulcisci non possit, & hostem, à quo injuria illata est, noscat, in punitumque sinere cogatur, habeat. Hæc sunt animi magni indicia, leonisque non vulpeculæ naturam ostentant.

Fridericus Dux Montis Alti.



Andreas Mathews Aquanina Dux Adriæ.

LXII. HIEROGRAPHIA.

PRVDENS SIMPLICITAS.

Inter ea quæ vitam beatiorē efficiunt, Mar-
 tialis prudentem simplicitatem enarrat. Inde
 Symbolum desumptum est. Simplicitatē pru-
 dentis Hieroglypton columba est, abieti arbori
 rectæ, quæ nullis tecta est ramis, insidens. Pru-
 dentia columbæ colligitur ex eo, quod excelsæ
 arbori infideat, alis ad volatum extensis, ut acci-
 pitrem facilius & procul conspiciere, ac ipsius do-
 los, technas & pericula fugiendo & avolando il-
 ludere extemplo possit. Columbæ verò simpli-
 citas tum arboris rectitudine, qua propriâ naturâ
 sursum ignis instar absque ulla curvatura tendit,
 tum eo ipso, quod columna detecta sedeat, signa-
 tur. PRVDENS enim SIMPLICITAS non
 cadit, nisi in eum, qui rectus & apertus, id est,
 non rectus est. Talem proculdubio hic Princeps
 se esse profiteri hac Hierographia voluit: Verum
 veri Principis signum: Qui enim simulare co-
 gitur, & apertus esse non potest, is neque regnat,
 neque regnare scit. Non regnat, quia volunta-
 tem ad quævis imperia liberam non habet; nam
 ab eo stringitur, quod simulationem postulat.
 Regnare nescit: quia id, quod stringit volunta-
 tem, amovere ac tollere non potest. Qui simu-
 lare coguntur, plerunque Tyranni sunt, quia si-
 mulant, ut decipiant, seditionem effugiant, ac
 suos


suos sub jugum pedetentim redigant. Si recti & aperti essent, boni Principes essent, ac non, nisi quod æquum & justum est, peterent, ad quæ simulatione nulla opus est. Hujusmodi quivis bonus facile concedit Principi, ac ratione regnanti libenter paret, quod hac ratione non bonis, qui lege opus non habent, sed malis imperet, qui, ut boni defendantur, beateque vivant, coercendi sunt.

LXIII. HIEROGRAPHIA.

QVID IN ARIDO?

Nullum est animal, quod extra naturalem vitæ sibi commodum locum bene vivere possit: Piscibus aqua, quadrupedibus terra & avibus aer, ut suum victum & pabulum habeant, convenit: Quæ si mutes & pisces in aere, aves in aquis vivere velis, naturam ipsam auferes, & non vitam, sed interitum omnibus procurabis. Ita enim Deus Opt. Max. aptè inferia hæc omnia constituit, cumque sensum animalibus dedit, ut unumquodque non solum quis locus illi, ut diu vivere possit, conveniat, sed etiam qui cibus, qui potus, sentiat, quem si mutet, vel interit, vel ægram & molestam trahit vitam. Hæc Cete, vel aliud monstrum marinum habes: quod quantam vim in mari habeat, nemini ignotum est: Sæpe enim maximas naves invertit, unico ictu sternit, undisque obruit. Sed QVID, ut inquit Sym-

Symbolum IN ARIDO: supple, potest: Nihil profecto: Dum enim ad litus excurrit, ac intempestivè aquis destituitur, immoritur jacet, brevique moritur. Nihil itaque in arido, ne vivere quidem, potest. Dux iste Adriæ, ad familiæ nomen alludit Hieroglypto; ac ut Cete absque aqua viva diu durare non potest; ita nec Ducatum suum; (quem Cete figura notare vult) sine ipso, aut ipsius familia, (quæ instar aquæ vivæ eundem alit, fovet, omnibusque beneficiis, quæ ad ipsius conservationem conveniunt ac cumulat) stare ac florere diu non posse, hac Hierographia ostendit.



Andreas Capuani Dux Iernochis Generalis
P.P. Iuly. III.



Jacobus Boncompagnus Dux Sorę filius PP
Gregory XIII.

LXIV. HIEROGRAPHIA.

FORTIBVS NON DEERVNT,

Manipulus hîc cernitur missilium hastarum, quas Romani pila vocabant. Erat autem longitudo ligni ferè tria cubita, quibus singulis aptabatur telum ferreum hamatum, longitudine par ipsi ligno, cujus nexus tam validè firmabatur, ut non prius devinctio illa inter utendum solveretur, quam ipsum ferrum defringeretur. Hastatorum Principum & triariorum apud Romanos erant arma ista missilia, quibus scuta & loricas sæpè transverberabant, hostium scutis si hærebant, illa reddebant inutilia; cum semilanceis hodiernis comparari possunt, nisi quod graviores sint & mitti non possint. Mystra hanc Hierographiam ad terrendos hostes & adversarios elegisse videtur: Ostendit enim sibi, tanquam viro forti, neque arma defutura, ut vim vi repellat, ac illatas injurias ulciscatur; FORTIBVS enim NON DESVNT arma & jacula, cum sæpe viri fortis & gravis oratio armorum vices suppleat, hostiumque conatus supprimat & impediat. Admonere etiam hac Hierographia Princeps velle videtur, ne temerè subditi, etsi inermes, vexentur & ad seditiones compellantur, quod fortibus nunquam desint arma & furor arma ministret, Helvetiorum exemplo, qui cum equis & armis carerent, lanceis, hastisque Principes & nobilitatem expulerunt, ac se in libertatem restituerunt.

LXV. HIE-

LXV. HIEROGRAPHIA.

SEMEL IN ÆTERNVM.

Volitat in sublime aquila, ac Solem intuetur, quem SEMEL intueri, ac IN ÆTERNVM, ut Symbolum ait, cupit, hoc est, semel & semper: Non enim, cum aspicere incepit, intermitti aspectum, sed permanere perpetuo vult: Aquilæ natura, ut aliquoties diximus; ea est, quod omnes aves volatu superet, Solemque illæsa oculorum acie, intueri possit. Ob quam causam exclusos & adultiores pullos probat; quorum si visum hebetari, aut offendi Solis radiis percipit, tanquam adulterinos è nido, ut alimento indignos, præcipitat. Aquila in hac Hierographia Ducem notat, qui Solis id est, adamatæ Amasiæ suæ splendore semper frui desiderat. Hoc enim commune omnibus amanti bus est, ut nunquam aspectu Amasiæ satientur, sed perpetuo sibi præsentem optent. Theologicè etiam possumus Hierographiam explicare: Ducis nempe animum amore divino capi, Dei que conspectum & unionem SEMEL IN ÆTERNVM expetere; ut aquila visibilis Solis splendore semper delectari cupit: Quo sensu elegans & pia est Hierographia, id proponens, quod omibus, qui æterno Sole frui volunt, per necessarium est. Nisi enim quis

DEVM Opt Max. amet ex toto corde,
nunquam illi unietur.

LXVI. HIE-

*Isabella Rouera S. feuerina Principissa
Bisignani . . .*



*Nicolaus Bernardinus S. feuerinaudi Scanderbegi
Princeps Bisignani*

LXVI. HIEROGRAPHIA.

NON SAN QVESTI OCCHI MEI
VOLGER SE ALTRUI.

Inquit Italicè : Non possunt oculi mei alio se vertere : Non mirum , tanta enim est Solis pulchritudo , tam gratus calor , ut flosculi omnes , ac inter cæteros ocellus , seu garyophyllus , (ab oculis enim nomen habet) Solis aspectum sequatur , ac illi faciem opponat. Lætantur enim omnes flosculi Solis aspectu , tum quod ab ejus radiis illustrentur , ac pulchritudo eorum conspicua reddatur , tum quod illius calore foveantur , nutriantur & excrecant. Flosculorum exemplo hæc Principissa testatur amoris conjugalis vehementiam , ac se Solis , id est mariti consuetudine & conspectu ita delectari (utpote cujus beneficio vitam & dignitatem habeat) ut nullius alterius rationem ullam habere possit. Mulieris enim probæ officium est , viri mores sequi , illosque sibi à Deo pro lege constitutos existimare ac observare , si foelicem cum marito hîc & post obitum vitam degere velit. Quæ viro autem obsequiosa non est , sibi infelicem vitam facit , rem familiarem pessumdat , prolem malis exemplis educat , ac animæ suæ jacturam facit. Rectè itaque & prudenter hæc Principissa maritum solum amat ac colit , aliorumque virorum conspectum negligit & contemnit.


LXVII. HIE-

LXVII. HIEROGRAPHIA.


HIS PERFUSA.

Cernitur hic concha margaritifera unionem dorso ferens, scopulo innixa, Soli, rorique maritimo sese exponens. Symbolum ait, HIS PERFUSA. A Plinii & vulgari hominum opinione desumpta videtur Hierographia: Scribit enim Plinius, certo anni tempore conchas luxuriare, ac maritimum rorem, veluti maritum sitire, cujus desiderio hiant, & cum maximè lunares liquantur, oscitatione quadam haurire humorem cupitum; sic concipere, gravidasque fieri, ac pro qualitate roris accepti, ac cœli serenitate, pulchras fieri. Cœli enim, Solisque majorem illis esse, quam maris, societatem: Turbido cœlo turbidas, ac claro claras fieri, sanosque partus multiplici constare cute. Hæc Plinii & vulgi opinio. Ego ex conchis uniones exemi complures, ac deprehendi illos in animalis corpore nasci; ex eo humore, ex quo testa ipsius conchæ excrescit. Humor enim testæ adhærens siccescit paulatim & induratur, ac non nisi certo tempore ab animali eructatur. Hinc fit conchas multiplici constare cute; dum humor enim ille ab animali morbofo expelli non potest & in corpore detinetur, siccescit, ac adjecta sæpius nova cute excrescit, & in unionem abit, non secus ac in hominum vesica lapides generantur. Dignoscuntur

tur extrinsecus conchæ quæ margaritas profe-
runt: Cum enim pulchræ extrinsecus, & bene
formatæ sunt, margaritis carent, dum tuberosæ,
inæquales, ac morbosæ quodammodo sunt,
uniones habent. Parum refert, quod vulgarem
hac de re opinionem Myſta ſequutus ſit, dum-
modo Hierographiæ genuinus ſenſus innote-
ſcat: Ut enim, unionem parvum & vilem So-
lis & roris beneficio crefcere, augeri & pulchri-
tudinem, caloremque maximum acquirere, pu-
tat; ita ſe, quem propter ætatem juvenilem
unioni exiguo comparat, tandem ætate & an-
nis (quos Sol deſcribit) auctum, bonaque edu-
catione, virtutibusque, tanquam rore perfuſum,
virum excellentem, magnique pretii fore, pro-
mittit. Eleganter profecto! Uniones enim,
ut corpore, ſplendore ac puritate; ita
etiam pretio crefcunt.



*Constantia Sfortia Ducissa Soror Jacobi Bon-
compagne uxor.*



*Flavins Dux Atri tribunus militum Reg: Philippi
in Regno Neapol.*

LXVIII. HIEROGRAPHIA.

CANDOR ILLÆSVS.

Vespertiliones hîc inimicos & invidos norant:
Olor Principissam. Vespertilio neque quadru-
pes, neque avis est, utriusque tamen naturæ parti-
ceps: Pedes enim habet ac dentes, ut aliæ qua-
drupedes, pennis verò plumisque caret: Lucem
Solis non fert, propterea vesperi tantum mem-
branis, non alis, ut avis, volitat. Cygnus albedine
& candore cæteras aves superat, Apollini sacer,
à quo divinationem habere videtur: Nam præ-
videns quid in morte sit boni, cum cantu & vo-
luptate moritur. Musarum etiam ob cantum ales
dicitur, ac boni semper est ominis, Ennio teste:
cum ait,

*Cygnus in auspiciis semper latissimus ales;
Hunc optant nauta, quia non se mergit in
undis.*

Vt vero eximius candor Cygni à vespertinis
tenebris obscurari non potest, multoque minus à
circumvolitantibus vespertilionibus; ita & istius
Principissæ animi candor contra perversorum &
invidorum hominum technas illæsus permanet,
neque injuriis aut calumniis offendi, aut lædi po-
test. Magni profectò animi indicium est, inju-
rias & calumnias contemnere, ac innocentia

scuto excipere, vindictamque Deo soli relinquere: Narratur de Julio Cæsare, quod nullarum rerum oblivio, quam injuriarum, illum capere poterat, ob quam causam à multis olim Philosophis laudatus fuit & pro magnanimo habitus. Nunc nobiles viri si inultas injurias relinquunt, se pro abjectis haberi opinantur: Tanta est hujus seculi in dijudicandis rebus veris à falsis caligo. Verum hæc Principissa hac Hierographia, se præstantius hac de re habere judicium, ostendit.

LXIX. HIEROGRAPHIA.

QUIS NOSTROS EXPIET IGNES.

Non dubium est, quin iste Dux, dum ait, **QUIS NOSTROS EXPIET IGNES**, amoris ignes & flammæ intelligat, ac amicæ suæ ingeniosè hac Hierographia significet, (cum fortassis aliis rationibus præclusa illi sit via) quam vehementer illius amore flagret, quantisque flammis, quas ne Oceanus quidem extinguere possit, ardeat. Comparat enim amoris vehementiam Æthnæ, aut Heclæ montis flammis, quæ perennes & perpetuæ, neque ab imbre, neque mari, aut fluvio extinguere possunt, tantaque vi saxa ingentia eructant, ut ad aliquot miliaria ignis vi projiciantur. Eleganter! vix enim amoris igne & flammis aliæ majores esse possunt: Vt pote quæ microcosmum consumunt, in talem

redi-

redigunt, ac plane exurunt: Primum enim amantes tristes, abjecti animi, ac pallentes fiunt, longisque suspiriis vitam trahunt, tandemque paulatim miseram vitam agunt, ac extabescunt. Id apud Plautum testatur adolescens, dum ait :

*Iactor, crucior, agitor, stimuler, versor in amoris
Rota miser, exanimor, feror, differor, distrahor,
Diripior, ita nullā mentē animi habeo, ubi sum,
Ibi non sum, ubi non sum, ibi est animus.*

Complures, ut has animi anxietates, amorisque flammās effugerent, sibi ipsis carnifices fuerunt. Sic Medea se ipsam in ignem coniecit; ac Iphis puer se suspendit, cum Anaxareten puellam incredibili amore persequeretur, & Cephalus, ob amorem Piarolæ Deginiti filiae, ex saxo se praecipitavit. Quis istos negat maximis flammis exuri, cum sola mors, omnium rerum inducens oblivionem, illas expiare possit.



*Irena Castriota Principissa Bisignani Nicolai
uxor.*



*Antonius Castriotus Dux Ferdinandus Marchio
Trigalde Neg Scanderbeg.*

LXX. HIEROGRAPHIA.

CHE MI PVO FAR DI VERA GLO-
RIA LIETA.

Id est,

QVI ME POTES T VERA GLORIA
FOELICEM FACERE.

Sol se inspicientem aquilam potest verâ gloriâ
foelicem facere, ut Symbolum Italicè ait. Vera
gloria hîc est ea, quam virtus & bonarum actio-
num merita pariunt, ac Sol cœlestis & summus
visibilis Solis genitor tribuit. Animus itaque no-
bilissimę hujus fœminæ summopere laudandus,
quod semper Deum contemplari, ac ad illum se
vertere, utpote qui omnes mentis tenebras illu-
strare & illuminare, illamque solam lætam effice-
re potest, velit. Quod si quis per Solem mari-
tum intelligere cupit, non malè exponet Hiero-
graphiam: fuit enim mariti amantissima, qui,
cum in Hispaniam profectus fuisset, hanc illi
Hierographiam misisse dicitur, ut ostenderet, se
absque ipsius copiâ & præsentiâ, verum gaudium
nullum habere posse. Fuit illa filia Ducis S. Pe-
tri in Galatina, ex nobilissima Epirotarum fami-
lia, quam Castriotam, aut Scanderbeccam fami-
liam vocant. Quæ ferè totæ Albaniz tam diu
imperaverat, donec Amurathes Imp. Turcarum
occupatâ Macedoniâ, obsidum loco Joannis


Castrioti filios ad se vocatos veneno necasset, minori natu Georgio excepto, quem prius à Christianis baptisatum circumcidi iussit, ac Scanderbeg, id est Alexandrum Principem, appellavit: Beg enim Principem significat. Is; cum ad vigesimum ætatis annum pervenisset, multa pro Turca bella fœlicissimè gessit, summusque totius militiæ præfectus ab eo constitutus fuit. Postea tamen, quod à suis nimis magni fieret, pœnituit Turcam promotionis, ac rationes, quibus interfici commodè posset, quæsiuit. Id cum intellexisset Alexander, data opportunitate, in Epyrum avitum regnum se recepit, ac manu militum collecta sibi iterum paternum regnum recuperavit, multisque Turcarum millibus stratis & fuis, multis annis & quam diu vixit contra Turcarum vires defendit & tenuit.

LXXI. HIEROGRAPHIA.

JVVAT AER ET IMPER.

Qui aliquando maria transnavigarunt, proculdubio observarunt, venti, aut aëris impellentis beneficio, dum à velis sistitur, ac excipitur, totam navem, cui adhærent vela, vi illius propelli ac citissimè moveri: deinde hunc motum augeri, vehementioremque fieri, si vela aquâ perfundantur, propterea, quod ab aqua obstructis veliporis aut foraminulis, aëris aut venti nihil velum transire, possit: JVVAT itaque, ut Symbolum

lum ait, AER ET IMBER navis motum. Navis Principem notat, qui scopum propositum consequi cupiens, faterur, absque cœlesti auxilio se consequi non posse, & proindè manifestè imploratam numinis opem (qua ducitur & pelli-
tur, ut eo facilius optatum propositi sui portum, aut scopum consequatur) in se percipere. Ve-
nim enim navis absque vento progredi non potest, eo-
que adjuta, pluviaque velis perfusis, facillimè
cursum perficit; ita etiam absque Dei auxilio
(quod vento & imbre significatur) nihil possu-
mus. Vbi itaque id nobis opitulatur, omnia nos
posse, & quæ fieri non posse videntur, credimus.
Rectè ergò conatibus suis adjungit hic Prin-
ceps divinam opem, quæ petenti cuivis faci-
lè præsto est, ac difficillima quæque
facillima facit.



Joan Alphonfus Dux Ferdinandus etc



*Alphonfus Picolominens Dux
Malphincos Pr. II Pont. Max.*

LXXII. HIEROGRAPHIA.

HEBETAT ET ACVIT.

Saxi & rupis ea est natura, ut ferrum & malleum hebetet & acuat, prout ille, qui malleum regit, cum rupi adhibet: Si enim planè in faciem & ad angulos rectos, ut Geometræ loquuntur, saxum verberet, hebetabitur proculdubio: Si vero aliter, ut acutum angulum faciat cum rupe, quo minorem, eo magis & facilius malleus acuetur. Vir Principem, malleus populum notat. Qui Reipub. præsumt Principes, ac plebem regunt, si omnia planè & apertè agant, legesque novas patriis contrarias promulgent, stricteque observari velint, aut populum tributis, aliisve incommodis absque ulla simulatione & necessitate onerent, aut premant, sæpe imperium hebetant, in periculum conjiciunt, invalidumque ac debile reddunt. E contra, si populum blandè regant, ac humaniter tractent, statum & imperium non hebetant, sed aciunt, id est, firmum reddunt, ut postea tanto melius quævis incommoda superare possint. Hoc verorum Principum, qui amore suorum regnum stabiliunt, ac publicæ utilitati student; illud Tyrannorum (qui suis exosi prima data rebellandi occasione omnem imperandi vim amittunt) officium & munus est. Hanc regendæ Reipublicæ rationem significare hunc Principem voluisse, verisimile est; nisi fortassis

rupe adversa quævis, quæ animum & hebetant, id est, offendunt; & acuunt, id est, prudentiorem efficiunt, intelligi voluerit. Adversa enim omnia dum damnum inferunt, aut animum premunt, prudentiorem hominem faciunt. Hinc proverbium: *Piscator ictus sapiet.*

LXXIII. HIEROGRAPHIA.

NON VEGO VNDE ESCA.

Id est:

nescio quæ exhibo.

Myſta hic Labyrinthum exhibet pro Hieroglypto: Fuerunt autem Labyrinthi duo, unus in Ægypto, alter in Creta. Labyrinthus Pyramides operum mirabilitate superabat: Huic enim duodecim erant aulæ tecto coopertæ, portas invicem habentes oppositas, quarum sex in Boream spectabant, sex Notum respiciebant; unus erat murus exterior, qui illas intra se continebat. Domicilia interius erant duplicia, alia quidem superteranea, alia sublimia, & numero quidem ad tria millia. Ad hujus Labyrinthi imitationem Labyrinthus in Creta à Dædalo exstructus fuit, in quem includebantur juvenes tributum nomine ad Regem Minoem missi, qui à Minotauro vorari putabantur: Verum cum Theseus eo navigasset, ab Ariadne Minois filia Dædali inventionem edoctus fuit, quo pacto cæso Minotauro (quod mon-

monstrum fuit quadrupes, capite & brachiis humanis, Centauri instar) ab inextricabili viarum errore se expediret, ac ad ingressum, fili ductu reverteretur. Ostendit hoc Hieroglypto Mysta: Vt illi, qui Labyrintho intus intrusi erant, propter multifarias vias egressum reperire non poterant, tandemque à Minotauro devorabantur, neque aliter quam Thesei filo spes exitus dabatur; ita etiam se in hoc mundi theatrum ad publicam functionem & Principatum à Deo vocatum, tot negotiis, curis, sollicitudinibus & tricis implicatum esse, ut nesciat quomodo se extricet. Difficultates has non solum gubernacula & res publicæ, sed etiam privatæ augent, dum Sathan alter Minotaurus, viriorum multitudine & mundanis illecebris implicatos, quærat, ut devoret. His omnibus simul qui detinetur, verè in Labyrintho est, nullusque illi egressus patet, nisi Thesei filo utatur, ac illud tanquam itineris ducem sequatur, id est, Dei præcepta & leges observer: His enim facilè Minotaurum cædet, & erronciis viis relictis veram capeffet, tandemque Labyrintho egressus æternæ libertatis domicilium ingreditur.



*Ludovicus Piccolominens Dux Malthe
nepos Fr III Pont Maxim*



Merionima Columna Ducassa Montis Leonis

LXXIV. HIEROGRAPHIA.

EX BELLO QUIES.

Vt ex oleæ arboris, pacem designantis, ramis, in circumvolventis rotæ brachia incidentibus, contraq; motum rotæ luctantibus, rotæ tandem quies oritur; ita EX BELLO QUIES nascitur. Omne enim bellum instituitur, vel ut ibi quies fiat, ubi geritur, vel ut alio in loco. Sæpè enim foris bellū geritur, ut domi quies & pax sit. Id qui faciunt Principes, vel Respublicæ, non parum sapiunt. Hac enim ratione non solum stabile fundamentum statui suo ponunt, dum pax & quies omnium rerum affluentiam & divitias ad se pro futuro belli nervo trahant; sed hostes debilitant, & ne suam provinciam aggrediantur, impediunt. Quibus & id foris gerentibus bellum contingit, quod perdere provincias suas non possint, alienas vero conquerere, & plerumque hostium agros vastando, & prædas agendo, illorum sumptibus bella gerant. Sic tandem misso in Africam Scipione cum exercitu, Italiam ab Annibale & bello liberarunt, & quies domi externo bello inducta est prudenti senatus consilio. Interdum domi bellum geritur, quod civile dicitur, cæteris periculosius & diuturnius: Hujus etiam finis quies & Reipubl. tranquillitas statuitur. Oritur enim propter oppressionem Principis, Optimatum, vel plebis, qui sese in pristinum libertatis statum restituere, ut quietè & securè vivant; cupiunt.

cupiunt. Qui bellum ambitionis causa gerunt, ut aliis imperent, Alexandri Magni exemplo, illi, etiam si ex bellis bella serere & quærere, nullamque quietem pascere videantur, tamen pacificum regnum, omnibus sub jugum redactis, quibus pro libitu imperare possint, sibi proponunt, Ita ut nec hoc modo Symbolum à vero declinet, EX BELLO scilicet quietem nasci. Omnia siquidem bella propter finem aliquem instituuntur, qui alius à bello est, & quicumque is sit, absque bello est, id est, belli finis seu quies.

LXXV. HIEROGRAPHIA.

OBVIIS VLNIS.

A se elapsam alioque delatam fortunam muliercula *Μετανοία*, Occasionis aut Poenitentiae filia, tumulo insidens, expansis & OBVIIS expectat VLNIS: Non enim semper adversa est fortuna, neque perpetuo contraria manet: sed aliquando mutat faciem, ac iterum affabiliorem se ostendit & redit vultu. Hanc revertentem diligenter observare convenit, ac OBVIIS VLNIS ejus ducem occasionem, quæ hic depingitur, excipere: Mulier enim rotæ insidens volubili, novaculam manu prehensens, talosque alata, passos habens crines, anteriore capitis parte pilosa, ac occipitio calva, non fortuna, sed ejus dux occasio est, à Poëtis Dea vocata, ac à Phidia excellentissimo sculptore primum è marmore delineata, quæ Ausonii carmine interrogata, eidemque respon-

respondens, se ipsam graphicè depingit in Epigrammate, cum inquit :

*Cujus opus? Phidia, qui signum Palladis ejus,
 Quique Ionem fecit, tertia palma ego sum:
 Sum Dea qua raro, & paucis occasio nota.
 Quid rota insistis? stare loco nequeo.
 Quid talaria habes? volucris sum, Mercuriusq;
 Fortunare solet, trado ego cui volui.
 Crine tegis faciem? cognosci nolo. Sed heus tu;
 Occipiti calvo es! ne tenar fugiens.
 Qua tibi juncta comes; dicat tibi: dic rogo qua sis?
 Sum Dea, cui nomen nec Cicero ipse dedit.
 Sum Dea, qua facti, non factique exigo pœnas;
 Nempe ut pœniteat, sic Metanœa vocor.
 Tu modo dic quid agat tecū? Si quando volavi,
 Hæc manet, hanc retinent, quos ego praterii.
 Tu quoq; dū rogitas, dum percunctando moraris
 Elapsū dices me tibi de manibus.*

Hoc carmine & Hieroglypto eleganter natura & vis occasionis exprimitur: Rota enim volubilis inconstantiam illius, ac capilli anteriores, prehensuque faciles, occasionem oblatam mox retinendam esse, indicant. Quippe quæ semel elapsa, non facile iterum prehendi (ut calvities demonstrat) potest. Nam novacula omnis generis moræ & impedimenta resecantur; ita ut non facile semel negligentia amissa iterum haberi possit, sed ejus loco Metanœa, vel pœnitentia. Occasionis observandæ curam ac diligentiam summam habuisse hanc Principissam, Symbolum

lum indicat. Quia fortassis nimis leviter aliquando fortunæ, ac occasionis, rationem habuerat: Ob id documentum dans, & sibi, & iis, quibus fortuna interdum arrisit, quo pacto, si iterum arideat, ejus oblatam occasionem OBVIIS VLNIS amplecti debeant: Qui enim datam occasionem, cum ad manus est, negligunt, tarde vel nunquam eam recuperant, ac calamitatibus, aliisque adversis pressi, imprudentiæ suæ pœnas dant. Tritum est adagium; *Vnumquemque sua fortuna esse fabrum*, & verè: illi nempe qui occasionem observant & captant: Multi enim, etsi tam benigna fortuna est, ut obviam ire, ac ad foelicia quævis invitare, & non petita ultro offerre, videatur; si tamen negligitur, ac beneficii occasio evanescat, non facile postea benignitate affulget; sed Metanœam, id est, pœnitentiam, ejusque pedissequas, dolorem, & mœstitiam, in suo loco relinquit. Prudentes itaque sunt, qui oblatas occasiones emergendi, beneque vivendi, etsi exiguæ primo videantur, arripiunt; paulatim enim, basi constituta, facilè ad majora pervenitur. Qui enim parva contemnit, majoribus vix dignus est, & raro per saltum absque gradibus ad altiora & sublimia datur aditus. OBVIIS itaque VLNIS quæcunque spem meliorem spondent, istius Principissæ consilio, amplectenda sunt.

*Andreas Doria ab Auria et Melphi Princeps
Admiratus et Generalis Caroli V Imper*



LXXVI HIEROGRAPHIA.

NON DORMIT, QUI CVSTODIT.

In triremibus & munitionibus sæpe, quibus custodiendi munus incumbit, dormiunt, hoc est, custodias ipsis creditas negligunt; ita ut propterea in hostium potestatem veniant, resque gravissimas & maximas perdant. Ut ante paucos annos Turcis contigit, qui campana tormentaria, perfractis civitatis Januis, circumventi à Rudolphi Cæsaris militibus, ad unum omnes, occupata civitate, cæsi sunt. Simile nuper iis, qui Albam regalem custodiebant, accidit: Hi enim neglecta palude, ac ea parte civitatis, quæ paludem respiciebat, à transeunte paludis vadum milite Cæsareo, intercepti fuerunt, urbeque capta, trucidari. Isti omnes, etiam si custodes fuerint, dormierunt, hoc est, male, negligenter & sine fructu custodierunt. Mysta, qui triremium Caroli Quinti Imperatoris summus præfectus fuit, hujusmodi custodes Symbolo intelligi non vult, sed verum Custodem Deum, cujus custodia sua omnia commisit, dum Tuncranam expeditionem aggrediretur. Hunc enim scivit pro grege suo semper vigilare, ac nunquam, ut alios custodes, dormire; de quibus inquirunt Sacrae literæ: *Frustra vigilant, qui custodiunt civitatem, nisi Dominus custodierit illam.* Indicare itaque voluit Mysta, se omnem spem salutis in

DEO

Deo ponere, eumque pro se vigilare, ac triremium suarum fidem custodem in expeditione Tunetana fore.

LXXVII. HIEROGRAPHIA.

VIAS TVAS DOMINE DEMONSTRAMMI.

Andreas Doria, dum triremen pro Imperatore Carolo Quinto ad expeditionem regni Tunetani ædificasset, triremi hanc Hierographiam appingi iussit: Quæ manifestè significat, se quemadmodum tres Magi Regesve Orientales stellâ divinâ ducti sunt Bethlehemum, etiam hujusmodi itineris Ducem implorare, atque ab eo auxilium petere, ut hostes superare possit. Id enim te à stella ejaculata apertè ostendunt. Sapienter exercituum Duces Deum pro duce & adiutore cupiunt; quia is omnium exercituum Dux Supremus victoriam, cui vult largitur, cum omnes victoriæ occasiones in ipsius sint manu. Nam mare ventos & meteora regit, ac cor hominis vel audax, vel pavidum reddit, ut parva manu vincantur hostes. Sic Judæi exiguis copiis, Dei que auxilio audaces facti, Holofernis numerosum exercitum, panico pavore consternatum fuderunt. Tantum potest hac in re numen.

LXXVIII. HIE.

Felice San Severina Ducissa Gruvinæ etc



*Zenobia Caretta Doria Principissa Melitæ et. March
de Ithons Andree Doriæ uxor.*

LXXVIII. HIEROGRAPHIA.

ILLE MEOS.

Virgilianum est Symbolum, ac Didonis, quæ perpetuam post obitum mariti viduitatem se servaturam jurabat, verba, cum ait;

*Ille meos, primus qui me sibi junxit, amores
Abstulit, ille habeat secum, servetq; sepulchro.*

Hieroglypton Symbolo responderet; cernitur enim turtur exsiccato insidens arboris ramo, qui conjugii fœdera ita servat, ut post obitum conjugis, aut paris superstes, nunquam conjugii societatem, aut parem, amplius quærat: post defuncti enim mortem perpetuo luget, omnesque delicias fugit, neque viridibus arborum ramis amplius, sed exsuccis, aridisque tantum insidet. Hæc Principissa, Ducis Bisignani filia, turturis exemplum secuta est; marito enim defuncto, ipsa florente ætate vidua superstes lugubris semper mansit, seseque ab hominum consortio segregavit. Domi etiam perpetuo occlusa, Vestalis virginis instar, ac à vino abstinens, studiisque divinis & moralibus dedita, remansit. Nullas nuptias à Principibus expetitas inire unquam voluit. Justitiæ imprimis, ut subditis benè administraretur, operam dedit: in pauperes & virgines, quas suis expensis elocabat, satis liberalis, tandem,


tandem ut fidelitatem in maritum & continentiam ostenderet, hanc Hierographiam edidit,

LXXIX. HIEROGRAPHIA.


CELERITATE ET MORA.

Ala orbi applicata celeritatem, ac testudo, in adversam ejus partem repens, moram designat: aquila orbem sustinens utrumque; quantum enim alis festinare cupit, tantum orbis pondere impeditur. Symbolum istud in libris hisce frequens, differente Hieroglypto, intellectu non difficile. Hic vero videtur indicare res graves & politicas, quæ ad orbis imperium spectant, neque cito neque tarde geri debere, sed instituto prius consilio, quod moram aliquam poscit: Eo præhabito, celeriter, quod conclusum est, expediendum; alias morâ peccatur & celeritate. Mora in rebus bellicis maxime nocere potest; Si enim Rex procul ab exercitu sit, ac consilia ad eum, priusquam quid geratur; deferri debeant; sæpe rei gerendæ non solum occasio amittitur, sed etiam res gerenda perditur. Hoc incommodum ut Romani vitarent, Dictatorem creabant, per quem summa erat statuendi & imperandi potestas. Idem ægrotis accidit, dum morbus sedem figit, priusquam Medicus vocetur, & quid agendum sit consultum fuerit. Celeritas absque consilio & electione ejus quod optimum est instituta nocet, quia neque perpendit, neque præcavet,

caver, quæ acceleranti obvenire possunt, pericu-
la. Rectè itaque hæc Principissa CELERITA-
TE ET MORA, id est, prudentiâ negotium
quodvis geri debere, testatur. Idque verum est,
non solum in iis, quæ viro tantum conveniunt,
ut declaratum est, sed etiam quæ fœminæ. Nam
ad viri ferocis affectus compescendos, ejusque
compescendum animum, resque O Economicas
rectè ac dextrè à fœmina gubernandas, non
minus quàm in cæteris celeritate
& mora opus est.



*Iohannes Andreas Doria iunior ab Auria et Melfi
Princeps Adm. Reg. His.*



*Peretta Cybo Caretta Doria Principissa Melfi uxor
Andree Doria etc*

LXXX. HIEROGRAPHIA.


OMNIA FORTVNÆ COMMITTO.

Quis dubitat hunc Principem, dum se tiremi & mari committit, omnia fortunæ committere? Externa enim bona, quæ nobis nostra videntur, revera nostra non sunt, sed tantum interna, animi nempe & corporis. Ob id Bias, dum patriam egrederetur, interrogatus; cur nullam, ut alii, suppellectilem secum ferret? Respondit: omnia mea mecum porto. Sapienter: Nihil enim nostrum est, nisi id, quod à nobis auferri nullo modo potest. Hunc Princeps imitatus, dum se Cæsaris dominique sui causâ mari committit, inquit; OMNIA FORTUNÆ COMMITTO: Reliqua enim bona externa, quæ possidentur, etiam si ad aliorum manus perveniant, non tamen ideo intereunt, aut fortunæ casus patiuntur. Solus constans homo is est, qui fortunæ insultus perferre cogitur & potest. Is si se periculis committat, ut fidelitatem, quam suo domino debet, testetur, rectè, omnia sua fortunæ committere, asseverat: Nihil enim vita est majus, quàm qui pro domino suo exponit, verè se fidelem esse, ut hic Princeps, Symbolo jactare & gloriari potest.

LXXXI. HIEROGRAPHIA.

IN MORA ET VELOCITATE.

Mora testudine, velocitas navi, & utrumque crescente arbore significatur. IN MORA ET VELOCITATE rerum gerendarum foelicitatem consistere, multis Hierographiis ostensum est: Quicumque enim MORA & VELOCITATE negotia, vel publica, vel privata, agere sibi proponit, prudens est, neque facile errat, aut periculum vel damnum incurrit. Nam mora perpendit pericula, eaque præcavet, & velocitas, antequam quid aliud intercedat, negotium perficit: Multa enim, ut inquit ille, cadunt infra calicem supremaque labra, ac cunctatione res bene perpensæ & deliberatæ sæpe fructu carent, optatumque scopum non attingunt.



*Ioannes Bentinotus Princeps Bononię & Ro-
manę Imperij Vicarius*



*Augustinus de Lando Vallis Terre Princeps Bardi
Marchio et Complanus Com*

LXXXII HIEROGRAPHIA.

MI TROVO IN ALTO MARSEN-
ZA GOVERNO.

Inquit Symbolum : Me in alto mari absque gubernaculo perspicio. Hieroglypton cymbam fluctibus jactatam absque gubernaculo continet. Voluit proculdubio Mysta ostendere, se in multis & maximis periculis versari, neque omni ablatο auxilio scire, quomodo emergere possit. Ut tamen cymba fortunæ commissa interdum à fluctibus ad litrus projicitur, ac pellitur; ita se non despondere animum, sed fortunæ ita confidere, quod speret, se ab illa amissum illius beneficio iterum consecuturum. Fortis enim animi est, dum adversa urgent & præ manibus sunt, iis non succumbere; sed contra niti ardentius, ac ærumnarum finem sibi brevi polliceri. Tum, quod rei melioris spes dolorem minuat; tum quod nullum onus tam grave à numine inferatur, quod non ferat hominis natura; quæ patiēdo exercitata fortitudinis habitum inducit, ac hominem immortalitati consecrat.

LXXXIII. HIEROGRAPHIA.

SI TE FATA VOCANT.

Ramus aureus Vigilianus hic exhibetur, omnium, quæ optari possunt, scopus & fœlicitas ipsa.

ipsa. Hanc cum Æneas quæreret, ac omni studio prosequeretur, tunc responsum Sibyllæ accepit, neque virtute, neque vi hunc obtineri, sed fato; cum ait,

Si te fata vocant, alias non viribus ullis,

Nec etiam duro poteris convellere ferro.

Aureus enim ramus, quo honores, divitiæ, victoria, & quicquid desiderari potest, significatur; neque vi, neque ferro abscinditur, aut amputatur, sed fato, id est, Dei providentia, obtinetur: Vim enim inferenti sæpe resistit, ut demulcenti sese ultro carpendum obtrudit, si fata velint, hoc est, divina annuat voluntas: Fatum enim Christianis nullum, nisi si connectio & ordo rerum à causis necessariis, vel contingentibus, manans, numini solo nota, fatum vocetur. Hanc Christiani fati necessitatem agnovit Mysta, qui sibi omnia foelicia, divini numinis ope, ac victoriam contra hostes, quos complures habuit, citra labores pollicetur. Frustraneus enim labor & inutiles curæ sunt, quæ adversus divinitus ordinatam rerum seriem instituuntur. Reprehendendi itaque, qui fata cogere volunt, ac præ aliis Chimiæ, qui aureum illum ramum, aureos proferentem fructus, quem lapidem Philosophorum appellant, tot laboribus, vigiliis & impensis, ut Cræso ditiores fiant, quærant: Avaris enim, quique immensas divitias, tanquam foelicitatis scopum, sibi proponunt, ut neque potentibus ramum istum ne attingere quidem datur. Imo conatus temeritatem sæpe pœnis expiare debent,

dum post immensa studia, ac profusas facultates, senilem ætatem pauperie, morbis, ærumnis ac calamitatibus transigere coguntur: A fumis enim metallorum, ac mineralium, aliarumque materiæ exhalationibus, quæ horrendum foetorem expirant, non parum corpus labefactatur: Eo enim stultitiæ ventum est, ut aureum illum ramum excrementis, aliisque detestandis rebus, quæ lethalem odorem spirant, elicere conentur. Multi naturam non ferre, ut auri semen habeant, & momento in igne aurum generari possit, autumant. Alii è contra, quia metallorum simplex admodum est generatio, ac in terris ex materiis aliquibus aptis & commixtis, agentis vi aurum generatur; extra terræ venas eodem modo generari naturæ opera & artificio materias idoneas tantum conjungente, putant. Hi nocte dieque student, laborant, vigilant, sumptibus non parcunt, ac nihil intentatum relinquunt, ut voti compotes fiant; sed frustra plerumque, quod illis solum aureum hunc ramum carpere liceat, quos fata vocarunt, ac quibus Deus tantum beneficium largitur, ac mentis oculos aperit, ut naturam ducem sequantur, ac rejectis minus idoneis & sordidis, prolificum semen ab aureo ramo, si aurum gignere velint, elicere aptis instrumentis, aquisve solventibus ejusdem naturæ, ex quibus ramus intrinsecè constat, conentur. Veram instrumenti materiam, quam omnia metalla in se continent, pauci norunt. Philosophi Chymici unanimiter omnes

ita describunt, quod unicuique quotidie ob oculos sit, apud quemvis hominem inveniatur, in viis calcetur pedibus, vilissimi sit, ac interdum causa immensi pretii, lapis sit & non lapis, in se contineat omnes colores, in sterquiliniis inveniatur: Terra sit adami, & chaos; quia continet in se quatuor elementa actu, ignem, qui cauterii instar urit, aquam veram, lutum, seu terram veram, ac spiritum: Sal etiam ab illis dicitur, & verè salis speciem non solum habet, sed est. Aqua etiam permanens vocatur, quia ignis injurias perfert, neque ab eo consumitur, sed purior redditur. Multi putant ænigmaticè, figurativè, aut allegoricè has notas dari, sed decipiuntur: Nisi enim quis materiam præ manibus habeat, de qua omnia ista verè dici possint, frustra laborabit. Hæc enim materia clavis est, quâ janua horti auriferi aperitur, ac aqua aureum ramum solvens præparatur: Illa ab eadem radice cum aqua solvente & aureo ramo manavit. Verum ut Mysta ait, nemo fructum carpet, nisi quem fata vocarint. Hæc in gratiam Chymicorum, qui auri sacra fame tenentur paulo uberius, ut tandem satiari possint, tractavi.



*Claudius de Lando Vallis terre Princ II Bardo
Marchio et Compl Comes.*



*Fridericus de Lando Vallis terre Princ III Bardo
Marchio et Compl Comes*

LXXXIV. HIEROGRAPHIA.

VLTIMVS ARDOR.

Princeps iste, cum multa ab inimicis suis per-
 pessus, bonisque fere omnibus spoliatus esset, u-
 naque tantum ditio etiam ab inimicis lacessita
 illi superesset, nullibique fere tutus vivere posset,
 hanc Hierographiam in lucem emisit, quâ se
 nudum, trabibus ardentibus insistentem, ac sa-
 gittam fractam manu tenentem, exhibet: Sic
 enim se omnibus ditionibus denudatum ac spo-
 liatum, teloque fracto se sub nullius tutela secu-
 rē vivere posse & quodammodo defensionem in-
 eptum esse, ac jam ultimum ignis ardorem, id
 est, extremum interitum expectare, ostendit.
 Vulgo nota hujus Principis adversa fortuna &
 causę illius, quas hīc detegere nolo, sufficiat le-
 ctori Hierographiæ expositio.

LXXXV. HIEROGRAPHIA.

ATTAMEN CONSTANS.

Obeliscus à fluctibus, ventis, ac fulminis telis
 oppugnatur, ATTAMEN non dejicitur, sed
 CONSTANS manet, ac in signum victoriæ
 laureâ coronâ coronatur Obeliscus Myrtam no-
 tat, qui variis fortunæ casibus agitur, ejusque
 tela perpassus, nihilominus non solum magni

animi constantiâ & fortitudine quævis discrimina pertulit, ac nullum pusilli animi indicium ostendit; sed etiam illæsus hætenus constitit, Susannæ exemplo, quæ à senib. falso adulterii accusata, ac in summum vitæ periculum conjecta, Deo Opt. Max. & innocentiae propriæ testimonio confidens, ac extremam ignominiam, crudelissimumque mortis genus expectans tandem divino per Daniele judicio ab ignominia & periculo liberata fuit, ac de accusatoribus triumphavit, & in eos talionis legem, mortisque supplicium transtulit. Nihil sane prudentius, quam adversa ferre, despicere, nihilque facere, ac ita animum semper promptum, instructumque habere, ut numquid mali, aut boni illi contingat, id neque animus ipse, multo minus alius quispiam percipere possit: Si enim mala contingat, speranda meliora, si bona, metuenda adversa, judice Horatio:

*Sperat infestis, metuit secundis
Alteram sortem benè preparatum
Pectus.*

Ita quasi ponderibus inæqualibus inæquales lances ad æquilibrium rediguntur, & quod uni deest prudentiâ suppletur, quod alteri superfluum est, virtute demitur.

*Ferdinandus San Severinus Princeps Salerni Gene-
ralis Caroli V Imper.*



*Felix Princeps Salerni Generalis reg Arago-
nie et Neapoli.*

LXXXVI. HIEROGRAPHIA.

OFFICIUM NATURA DOCET.

Ferdinandus Princeps Salernitanus cum à Marchione Vastensi admoneretur, ut Senæ delicias, ubi gubernatoris munereungebatur, relinqueret, ac secum ad bellum Pedemontanum profisceretur, respondebat; spiritum quidem promptum esse, carnemque non infirmam, sed à nemine conductum esse, alludens ad Evangelii verba: *Nemo nos conduxit*. Quod responsum cum audivisset Marchio, illum Magistrum supremum eclerum equitum ad bellum Pedemontanum creavit. Ad quam expeditionem cum posceret Hierographiam à Jovio vexillis militaribus impingendam, & Marchio magistro equitum audaciam, liberalitatem ac vigilantiam convenire diceret. Jovius Marchioni respondit: illum neque liberalitatis, neque audaciæ, quod prius sc. illas virtutes à Marchione didicisset, neque etiam vigilantia commoneandum esse, quia cõsueverat quotidie ante lucem surgere, tum ut cito à lecto se liberaret, tum ut venationibus operam daret. Quia tamen vigilantia partim hostium doli & machinationes illuduntur, ac eadem in insidias perducuntur & circumveniuntur, hinc rectè Jovius illi in vigilantia notam gruem exhibuit, quæ Hieroglypton constituit, ac altero pede elevato lapillum continet. Grues namque, NATURA

DO-

DOCENTE, dum maria transvolitant, ut Plinius refert, lapillos pedibus tenent, ut somnum impedian; si enim jam dormituriant, ac somnus irrepat, resolutis pedum nervis, decidit in aquam lapis, ac strepitu somnum solvit, gruesque vigilantes iterum reddit. Ut gruibus hæc à natura documenta data sunt; ita hujus Principis NATURA ad vigilias propensa OFFICIUM DO-CET.

LXXXVIII. HIEROGRAPHIA.


AMOR ADDIDIT.

Mora in Hieroglyphicis plerumque testudine signatur, quod lentum sit animal proprio domicilio, scutoq; satis cōpacto & gravi tectum, quo à natura ita armatum est, ut inter rupes, ubi commoratur, tuto degere possit. Verū alata & in aere volitans conspicitur; mirum sane spectaculum: sed non mirum, si quis Symb. intelligat, amorem addidisse alas. Magna siquidem amoris vis est, qui sæpe ea, quæ difficillima, & fieri non posse, videntur, facillima facit. Idque verum, si quis rerum terrenarum amore, siue cœlestium capiat. Rerum terrestrium amor multiplex, alius corporum, alius rerum externarum, alius earum, quæ ad ornatum animi spectant. Quid corporum aut carnis amor possit, & quanta pericula superet, ut re amata potiatur, cuius facile notum est. Quas difficultates divitiarum amor aggreditur

diatur & conficiat, testatur versus :

*Per mare per terras currit mercator ad Indos,
Pauperiem fugiens.*

Gloriæ, doctrinæ & virtutum amor, non minus cæteris alatus est; labores enim maximos & graves minimos & leves, ut optatis fruatur, efficit. Verum præ cæteris amor ille, qui terrestria omnia despicit, ac cœlestia tantum cupit, is divini amoris alis adjutus ac instructus, compos desiderii tandem fit; Iis namque sublevatus in cœleste regnum, immensis hinc, distans intervallis, defertur.



Ioannes Petrus Caraffa Princeps Stigliani



Ioannes Caracciolus Princeps Melfi.

LXXXVIII. HIEROGRAPHIA.

SI PERDIDISSEM, VNA SOLA
MIHI REDOLERET.

Manipulum florum Hieroglypton exhibet : Flores existimo ditiones, arces, aut civitates, quas Princeps habeat, significare : quarum singulæ, Symbolo innuente, tanti sunt momenti, ut omnibus amissis, una sola superstes, ad beatè, commodèque vivendum, huic Principi sufficere possit, ac proinde avaritiæ ac ambitioni se nequaquam deditum esse. Avaris enim & ambitiosis nihil sufficit, cum semper egeant, ac semper aliquid desit. Vt ob id verè pauperes & miseri dici possint, etiamsi aliis immensas habere divitias, aut magnis ornati dignitatibus videantur. Nemo siquidem, nisi indigentiae ratione & eorum quæ desunt respectu, pauper & miser est : Avaris autem ac ambitiosis innumera perpetuo deesse notissimum est. Dum enim ædes habent prædia cupiunt, dum prædiapagos dū pagos civitates, dum civitates provincias, tandemq; regna & imperia desiderant. Ita ut nunquam expleri eorum cupiditas & ambitio possit, ac semper, ut optata consequantur, se excarnificent. Inter hos, qui proprium defraudant genium, nec iis, quæ corpus, ut benè valeat, poscit, utuntur, hi omnium sunt miserrimi, pauperissimi ac imprudentissimi, quod aliis, non sibi, bona cumulent Si in-

terro-

terroges, cur vigilant, laborent, curis se angant,
 necessaria corpori detrahant, fœnore conscientiam
 gravent, ac injustè aliena ad se rapiant, cum
 jam fortassis parum vitæ supersit? Respondent,
 se necessitati providere, ac liberis omnia quærere.
 Si iterum roges an velint, ut liberi utantur &
 fruantur à se partis divitiis? annuunt: Sed im-
 prudenter, quod scilicet ut liberis voluptatis oc-
 casiones dent, ac genio, voluptatique ad libitum
 indulgere possint, ipsi se crucient, gravissimaque
 peccata committant. Si bonum est uti divitiis,
 tu ipse illis utare potius, quam alii, ac liberis so-
 lummodo tantum relinque, quantum, si frugi es-
 se velint, illis ad acquirendum & vivendum suf-
 ficiat. Si multa liberis reliqueris perdent se & sua,
 neque comparandis ad vitam necessariis dabunt
 operam: Si verò parum reliqueris, ac bonæ fue-
 rint indolis, non deerunt emergendi & acquiren-
 di occasiones, si mali, ac prodigi, indigni divitiis
 & te illorum causa tantos labores suscepisse. Ut
 autem privato avaritia turpis est, ita Principi,
 aut potenti sordidissima, quod illius causa & om-
 nium odia incurrat, nemo illi bene velit, ne-
 mo officium præstet, ac quilibet illum, tanquam
 generi humano inutile & noxium pecus, excre-
 tur. E contra nihil potenti vel Principi laudabi-
 lius liberalitate, quâ bene de se meritos beare
 potest & debet: Ipsa etiam liberalitas per se ju-
 cundissima est ei, à quo exercetur: Amicos e-
 nim parit, homines ad omnia officia paratissimos
 facit, ac sui studiosum maximo gaudio & hono-
 ribus

ribus afficit: Vix enim gratus quicquam esse potest, quam multis posse benefacere, ac multorum animos possidere, qui facillè liberalitate emuntur. Hæc omnia hunc Principem diligenter perpendisse non est dubium, ac propterea Symbolo dixisse: SI PERDIDISSEM, supple fere omnes, UNA SOLA MIHI REDOLERET: id est, sufficeret ad beatè commodèque vivendum. Homini enim avaro, vel ambizioso pauca sufficiunt, ut commodè ac honestè vivat. Si autem quis floribus amicitias, vel amicos intelligere velit, non malè Hierographiam interpretabitur. Fortassis enim Princeps, dum fortuna secunda ipsi erat, multos, ut fieri solet, amicos habuit, qui, dum vela vertere fortunam animadverterent, inconstantia signa, parumque fidelis amicitia notas, uno excepto (qui cæteris constantior fuit,) dederunt. Hunc unum sibi fidem si celebret & colat, aliisque omnibus amissis præferat, ac sibi redolere aut placere asserat, mirum non est. Cum paucorum, quam multorum amicitia firmior ac sincerior sit: Imo, Aristotele teste, vix integra inter plures, quam duos, consistere potest amicitia, quod amantis cor neque dividi, neque pluribus, sed uni soli tantum integrum dari possit.



LXXXIX. HIEROGRAPHIA.

CONFICERE EST ANIMVS.

Quid face ardenti indicetur, difficile hoc est conjectu; forte autem Myſta hoſtem aliquem habuit ſummo loco conſtitutum, facisque ardentis inſtar omnibus publico aliquo munere conſpicuum, quem, quia hoc loco indignum putavit, & ob privata odia etiam de loco dejicere & planè conficere ſibi propoſuit, non ſecus ac gladius hic facem amputare velle videtur. Sed ſi forte indignum videatur, hunc Principem parum Chriſtianum habere propoſitum, tunc poterit Hieroglypton commodius de publicis & non privatis hoſtibus intelligi, quos igne & gladio CONFICERE ILLI EST ANIMVS. Face enim, id eſt, igne, ac gladio hoſtes terrentur & conficiuntur. Quicumq; enim bonâ gerendi belli cauſam habet, is prudenter facit, ſi hoſtes gladio ac ferro adoriatur, inſequatur & conficiat. Qui enim parcit hoſtibus, ac non ſatis ſeverè bellum gerit, ac cum conficiendi datur occaſio, illos non conficit, hic ſerpentem alit in ſinu, qui reſumptis viribus hoſti ſuo non parcet, ſed crudeliùs acceptum dedecus & cladem vindicabit, ac reſpondet. Id, teſte Livio, Sabiniſ contigit: Cum enim Romanos exercitus duos conſulares in furculas traxiſſent, jamque ſaltibus, anguſtiſque locorum occupatis, Romanis neque fugiendi, neque

que pugnandi daretur locus, & victi omnes deleri absque gladio possent: Sabinis tunc in tam lætis rebus non suppetebat consilium, ac neque dimittere Romanos liberos, neque penitus perdere, volebant, sed tantum sub jugum missos cum ignominia domum mittebant. Quamobrem domum reversi Romani, resumpto in Sabinos bello, eos, a quibus deleri omnes poterant, debellarunt, sibi que subjecerunt, ita ut Sabini meritis imprudentiæ pœnas dederint: Moniti enim erant prius, ut vel liberos dimitterent Romanos, hacque benevolentia perpetuam amicitiam stabilirent, vel omnes conficerent, quod intra centum annos vix se iterum restituere possent: Verum Sabini contrario consilio ignominiosè Romanos dimiserunt, quo neque amicos fecerunt, neque inimicos sustulerunt.

Prudentius itaque est conficere
hostem.

Julius Cybo Marchio Massæ Dux Cararie



Franciscus Cybo Mataspina Marchio Massæ

XC. HIEROGRAPHIA.

Bon Gut in Besser

Id est,

DE BONO IN MELIUS.

DE BONO IN MELIUS, inquit Symbolum: Hieroglypton depingitur vase ardente; ut itaque vas & præcipue pice oblitum ac illinitum, dum cæpit ardere paulatim, vehementius ardet; ita illius exemplo Princeps indicare vult, se virtutis desiderio inflammari, ac indies virtutibus Principe viro dignis ita proficere velle, ut postea ignis instar omnibus illustris & conspicuus fiat. Quemadmodum enim ignis tenebras omnes depellit, seque conspicuum per densissimas tenebras facit; ita virtus vitia omnia delet, aliisque rebus omnibus præluet. Virtutes autem Principe viro dignæ præcipuæ sunt, justitia, liberalitas & fortitudo. Justitiâ Princeps unicuique suum tribuit, probos tuetur, improbos punit, ac leges æquas condit. Liberalitate bene meritos remuneratur, miseros juvat, ac subditorum benevolentiam sibi conciliat. Fortitudine adversa perfert, hostes, ac difficillima quæque superat. His virtutibus Principes seipsos exercere debent, ut DE BONO IN MELIUS proficiant, ac tandem habitum virtutis sibi comparent.

XCI. HIEROGRAPHIA.

DI BEN IN MEGLIO,

Id est,

DE BONO IN MELIUS.

Eadem Hierographia, cum proximè præcedente, sed alterius Principis : Fuit enim iste Comes Anguillaræ, ac se non minus virtutis desiderio inflammari, quam prædecessores, & quotidie in melius proficere velle, ostendere voluit: Quod etiam revera præstitit, nam virtutis amator, illustriumque familiarum cultor fuit: Imprimis autem familiam Mediceam conjugis gratiâ coluit: Habuit enim uxorem Magdalenam, Laurentii Medicei filiam, sororem Joannis Medicei Cardinalis, qui postea Papa Leo decimus vocatus fuit. Filius istius Francisci à Leone decimo Cardinalis creatus fuit. Cum autem Papa illi Cardinaliatus dignitatem largiretur, ac coccineum illi imponeret pileum, hæc verba dixisse ferrur. *Innocentius Cybus mihi dedit, nunc autem Innocentio Cybo restituo.* Quibus verbis innuebat, se illius familiæ favore & opera ad dignitatem illam pervenisse, ac jam acceptam gratiam agnoscere & reddere.

*Albericus Cybo Malaspina S Rom Imper Princeps
et Masse March Cararie*



Id est :

IN CVBO GRATITVDO.

IN CVBO, inquit Mystographus, GRATITVDO: Græcum est Symbolum, cujus vocabulum *cubo*, responderet familię cognomini Cybo, licet illud aliter Latinè pronuntietur, Græcè enim per ypsilon scribitur. Symbolum luculenter testatur familiam hanc Græcam fuisse, uti etiam tota Hierographia, quæ olim ab Arone Cybo nummo expressa edita fuit, cum Neapolitanis, Renato Andagavenſi tenente regnum, in subsidium instructo navali exercitu & comeatu venisset. Origo autem hujus Hierographiæ à quodam viro Græco illustri est, qui, dum Paleologi imperium orientis tenerent, Genuam habitatum venit: Eo enim tempore Genuenses Peram, Tyrum, Prolomaidem, Nigropontum, Pontum, Cyprum, Tauricam Cherlonesum, aliasque innumeras provincias sub imperio habebant. Ex iis complures familiæ nobilissimæ Genuam se conferebant, ob urbis elegantiam, splendorem, gentisque humanitatem. Inter cæteras autem nobilissimas familias, quæ eo venerunt, hæc etiam fuit, quæ à cubo nomen retinuit, quæque postea in varias Europæ partes se transfudit, ac ad Pontificatum pervenit. In Hieroglypho cubus spectatur, ac ciconia illi insitens, gratitudinis nota. Ciconia enim parentes suos (beneficiorū acceptorum non immemor) senescen-

tes alit & nutrit, ac hospiti, à quo commorationis & nidificandi beneficium accipit, veris præsentis delitias annuntiat, quod Zodiaco designatur. Ut itaque ciconia grata est benefactori, ita Myſta, ejus exemplo, se benè meritis non minus gratum esse velle & fore ostendit.


XCIII. HIEROGRAPHIA.

ALIIS SPRETIS TE SOLAM.

In hoc Hieroglypto multæ stellæ circumcirca, templumque, in cujus medio candela ardet, conspicitur: Ad hanc proculdubio Myſta Symbolum dirigit, dum ait: *ALIIS SPRETIS TE SOLAM*, supple, cupio, sequor, veneror ac adoro. Verum quid templo & candelâ notetur, de eo dubitari potest. Ego Ecclesiam veram & Catholicam (quandoquidem Hieroglypto Ecclesiæ vel templi forma exhibetur) quæ candelæ, vel facis instar, aliis stellis omnibus, id est, falsis opinionibus & hæresibus præluceat, significari puto; Cum hac enim comparatæ instar stellarum sunt, quæ videntur quidem, sed nullam à se lucem mittunt. Hanc Ecclesiam Catholicam & Apostolicam qui sequitur, is non errat, quia columna & firmamentum veritatis est, ex unione fidelium constans, ac per varias orbis partes dispersa. Hoc proprium ejus est, Hilario teste, ut, dum persequuta est, tunc floreat; dum opprimitur, crescat; dum contemnitur, proficiat; dum læditur, vincat; dum arguitur, intelligat; ac tunc stet, cum superari videtur. Hanc Myſta Ecclesiâ, cæteris spretis, sequendam sibi rectè proposuit.

XCIV. HIE-

*Albericus Cybo Malaspina & Romā Imp Princ
et Massæ March Carariæ*



Philippus de Lanoi Princeps Sulmonæ Eques Aureæ Velleris.

XCIV HIEROGRAPHIA.

ΚΑΙ ΕΧΟΜΕΝ ΕΝ ΚΥΒΩ,

Id est:

ET HABEMVS IN CVBO.

Latine ait Symbolum, ET HABEMVS IN CVBO, alludens ad nomen familiæ: Cubus Geometris corpus est sex superficierum, ad angulos rectos, quos ortogonios vocant, constitutarum, Latinis vero tessera dicitur. Quidnam igitur in cubo est? Puto Mystam significare constantiam velle, qua majorum & antecessorum virtutes imitari velit. Cubi enim constitutio talis est, ut positus aut jactus, dum resederit, non facile ab externa aliqua re dimoveatur, sedemve variet, aut mutet. Hunc ciconia gratitudinis index, quod parentes decrepitos alar, & hospiti suo ver prænnunciet, pedibus insistit: Gratitudinem sibi Mysta etiam perpetuo, ciconiæ exemplo, colendam proponit. Vtræque virtutes Principibus viris maximo non solum ornamento, sed & emolumento: Constantiâ enim superantur difficillima. Gratitudine omnium nobis subjiciuntur ac devinciuntur animi, ac utraque virtute honor, gloria, divitiæ & potentia acquiruntur. Zodiacus porro Hieroglypti, quia Solis via est, tempus designat, quod ciconia, ut migret, advocetque, observare, si veris vel autumnii nuncia esse velit, cogitur.

XCV. HIE-

XCV. HIEROGRAPHIA.

IOVO DIETRO, A QVEL CHE
ME ARDE.

Cernitur in hac Hierographia candela ardens, ac tinea, vel blata potius ad candelæ lucem volitans, adjuncto Symbolo Italico, quod Latine ita redditur: ME QVOD VRIT, INSE- QVOR. Verisimile est, hunc Principem virginem, aut mulierem quandam deperisse, ipsiusque aspectu carere non potuisse, ac propterea hisce flammis flagrantem, proprii cruciatus sibi ipsi causam dedisse: Hæc enim amoris vis est, ut quo propius rem amatam accedat amans, hinc majori rei amatæ desiderio, ut ea potiatur, flagret: Sique potiri ea fas non detur, amoris igne exardeat, consumatur ac tabescat, sibi que ipsi necis causa fiat. Hunc animi sui affectum & cruciatum Mystra amasiæ hac Hierographia indicare voluit. Possumus aliter etiam explicare, ac Principis istius fidelitatem blattâ demonstrare: Inservivit enim Philippo Hispaniarum Regi fidelissimè, suoque damno ac incommodo communi aulicorum fortunâ; quæ talis sæpe est, ut quo fidelius Principi suo inserviunt, ac quo magis illis sunt familiares, eo etiam citius illorum indignationem ob minima peccata incurrant, ac se ipsos, dum frui Principis familiaritate volunt, præcipitent, perdantque; ut blatta, quæ dum luci nimis se fidit, ab ea exurit. In aulis itaque tutius est non nimis prope Principis intueri faciem.

*Leonora Doria della Noia Principissa Sulmona
Philip: uxor.*



Constantia Carretta Principissa Sulmona etc

XCVI. HIEROGRAPHIA.

ALTA ALATIS PATENT.

Jobates, cum Bellerophonem innocentem interficere jussus fuisset, id facere noluit, sed pœnæ loco periculum imperavit Bellerophonti, ut Chymeram occideret. Erat autem Chymera animal, quod flammæ evomebat, adeo terribile, ut cum eo pugnantem nihil aliud quam præsens exitium præsto esse videretur. Proxima enim quæque comburebat, igne devastabat, pecoraque interficiebat. Verum Dii, cognitâ Bellerophontis innocentiam, ejus miserti, Pegasus alatum equum, natum è Neptuno & Medusa, velut alii maluerunt, è sanguine Medusæ, dum ejus caput à Perseo cederetur, illi dederunt. Quo victus Bellerophon Chymeram occidit, ac innocentiam ejus cognitam à Jobate, regni successor declaratus fuit. Sed Bellerophon (quale est ingenium plerumque mortalium) tanta rerum felicitate nimium elatus, in cœlum quoque ascendere insidens Pegaso voluit. Verum tantam arrogantiam Jupiter deprimendam esse ratus, æstrum equo immisit, ut Bellerophon in terram præceps deturbaretur, ac Pegasus nunc in sublimi, nunc circa terram per aëra volans, in cœlum tandem rediret. Quem cum vidisset Aurora, impetravit à Jove, ut ab eo vecta quotidianum cursum conficeret. Ad fabulosam hæc Poëtarum historiam, quæ ab Hesiodo describitur, spectat Mistra, dum animum suum alta & sublimia petere, Pegasi exemplo & figura

ostendere voluit. Animus enim hominis verè alatus est, cum cœlos omnes & quicquid in toto universo est penetrare & superare momento possit. Huic nihil occultum, abditum & occlusum est, sed omnia patent: Hujus beneficio non solum Planetarum & Orbis motus, magnitudo & distantia, investigatur & percipitur; sed etiam quæ supra firmamentum sunt, ac æternam & beatam, teste Aristotele, degunt vitam, intelliguntur & cognoscuntur. Rectè itaque Symbolum ait, ALTA ALATIS PATENT.

XCVII. HIEROGRAPHIA.

NEC CITRA, NEC ULTRA.

Metas multi antiqui authores existimant pyramidis formâ fuisse, planaue superficie: verum errant, cum turbinis instar fuerint, Plinio teste, *Lib. 2. Nat. Histor. cap. X.* ubi scribit, noctem nihil aliud esse, quam terræ umbram, figuram autem umbræ similem metæ, ac turbini inverso, cujus figura semper in mucronem desinat. Turbo autem seu trocus rotundum est & pueris notum instrumentum, Virgilio teste:

*Ceu quondâ torto volitans sub verbere turbo,
Quem pueri magno in gyro vacua atria circâ
Intenti ludo exercent.*

Metæ tres quadrato lapidi, ac mucronibus illorum ova imponi solebant, quæ Castoris & Pollucis ova repræsentabant. Ita aptabantur, ut auferi secundum certantium ac currentium leges

leges possent. Hujusmodi metas duas Hieroglyphon habet : tres enim turbines , qui lapidi impositi sunt, pro una meta accipiuntur ab authoribus , uni ascriptum est , NEC CITRA ; alteri, NEC VLTRA. Quibus indicare hæc Principissa voluit, cuius matronæ nihil magis in rebus omnibus convenire, quam mediocritatem: Hæc enim virtutis meta est, hanc si excefferis , in vitium rues, si non assequutus fueris, peccabis: virtus enim, ut vulgo dicitur, in medio consistit, & verè res ita se habet. Nam inter prodigalitatem & avaritiam virtus est liberalitas; inter temeritatem & timiditatem fortitudo; inter sorditiam & pusillitatem magnificentia; inter superbiam & pusillanimitatem magnanimitas; inter animi abjectionem & ambitionem modestia; inter iracundiam & stoliditatem mansuetudo; inter placidum & contentiosum animi affectum affabilitas medium tenet; inter jactantiam & mendacium veritas , ac inter rusticitatem & scurrilitatem comitas : ita ut in rebus omnibus mediocritas, quæ & locum & personam & tempus ad occasionem rei gerendæ observat, virtutem pariat :

Hanc itaque eleganter hæc Principissa sibi proposuit.



Aristotile Stagiritta Princeps Philosophorum



*Bonifacius II S Rom Imper Princeps et Vicar March
Montis Fer V*

XCVIII. HIEROGRAPHIA.

ΑΡΙΣΤΕΙΑ,

Id est:

STRENUITAS.

Hanc Hierographiam ab Aristotele, summo Philosopho & primo naturæ interprete inventam esse, vix credo; aliquid tamen figura antiquitatis præ se fert, ac ex antiquis Ægyptiorum Hieroglyphicis desumpta videtur. Symbolum, quidnam figura significet, indicat: Græcè ait; ΑΡΙΣΤΕΙΑ, *id est*; STRENUITAS, fuit fortassis aliquando strenuitatis Glypton, propter adjunctos pedibus duos venaticos canes, quorum strenuitas, dum in venatione officio suo strenuè perfunguntur, nota est. Strenuitas porro circa res gerendas versatur; quæ, si diligenter magno animo, neglectoque omni periculo & mora gerantur, strenuè geri dicuntur. Hac virtute Aristoteles valuit, dum tam strenuè Philosophiæ, omnibusque scientiis operam dedit; ut non immerito tot coronas, quot figura continet, consecutus & meritis fuerit. Discipulus etiam ipsius Alexander Magnus eadem virtute ornatus fuit, ejusque beneficio multa regna acquisivit, & coronas adeptus est, quæ strenuitatem, tanquam umbra corpus, sequuntur. Suprema vero, ac capiti imminens Hieroglypti corona, *αἰσῶν*, id est, optimum & summum illud bonum designat, quod

quod Aristoteles agnovit ac coluit, quilibetque Christianus summo studio, ac strenuè, ut id adipiscatur, persequi debet.


XCIX. HIEROGRAPHIA.

CAVTIVS.


Bonifacius iste, dum cum hostibus configere deberet, & nimis properans in tentorio galeam, quâ caput semper pugnaturus munire solebat, reliquisset, detectoque capite nudus cum suis in medios hostes irruisset, vulnus in capite satis periculosum dicitur accepisse. Quia vero periculum averti galeâ potuisset, propterea se in posterum CAVTIVS ac prudentius vitæ corporisque rationem habiturum, hac Hierographia, (in qua galea cum Symbolo, CAVTIVS, depingitur) ostendit: Proprio enim periculo quis prudentior fit, hinc proverbium: *Piscator ictus sapit*. Qui suo periculo non sapit, stolidus est, aut imprudens, omnibusque injuriis, periculis & damnis exponitur: Prudentia enim circa pericula versatur, ac is, qui ea quantum potest vitat, prudens dicitur; neque enim omnia & quævis vitari possunt. Quæ verò præter opinionem incidunt, prudentiæ habitum non tollunt, cum illa consilio & electione præhabita, ejus quod optimum factu est, definiatur, etiamsi effectus infelix & non prævisus sequatur: Hæc enim rerum, circa quas versatur prudentia, natura est, ut

casu

casu & propter rei alterius interventum sæpe
mutentur. Consilium, ejusque anima recta ratio,
rerumque discursus prudentiam, non eventus
facit: Multa enim prudenter, tum in rerum gu-
bernaculis, tum in rebus bellicis sæpe instituun-
tur, quæ tamen foelici carent exitu, non consilii,
sed rerum incidentium vitio. Hæc vulgus la-
tent, quod ex rerum eventu consilia ponderat,
ac mala omnia illa, quæ optato fine carent, ju-
dicat. Sapientes viri aliter sentiunt, ac consilium,
non eventum perpendunt. Phocion, cum Athe-
nienses rem aliter, quam ipse suaserat, prosperè
administressent, adeo perseverans consilii sui
propugnator extitit, ut in concione, lætari qui-
dem se successu eorum, sed consilium tamen
suum aliquanto melius fuisse, diceret: Non
enim damnavit, quod rectè factum viderat;
(quia, quod alius male consuluerat, bene
gesserant) foelicius illud existimans,
hoc sapientius.



Gulhelmus III Longospada Mar. Montis Ferratis
VIII



Bonifacius III Marchio Montis Ferratis IX

C. HIEROGRAPHIA.

VTRVM QVE.

Nuda Muliercula utramque arborem & aridam & siccam arripit, ac ab utraque, ne vacillet, aut decidat, sustentatur. Verisimile est Mystam mulierculâ se, vel statum suum, indicare, quem talem esse vult, ut non solum à potentibus, sed etiam à plebe sustentetur. Ubi enim harmonia hæc in Republica est, ut Princeps æqualitatem Geometricam inter suos conservet, plebique, quæ plebi, Optimatibus, quæ Optimatibus conveniunt, relinquat, ab utrisque fulcitur tunc imperium, securèque regnat, neque facillè tumultus, aut Reipublicæ mutatio fit, quæ sequi solet, dum altera pars negligitur, alteraque nimis colitur: Tum enim, neglecta, floccique habita libertate, omnia in Republica sursum deorsum moventur, ut pristinum statum, & antiquam libertatem reciperent. Potest etiam muliercula nuda mentem, seu animum Principis, ejusque virtutem, constantiam, seu fortitudinem, qua VTRVM-QVE, id est, malam & bonam fortunam æque ferre potest, indicare: Id enim constantis, fortisque animi officium & munus est, teste Horatio, cum inquit;

- - - - Fortissimus ille est,

Qui promptus metuenda pati, &c.

Et Cicero Lib. 2. de Oratore: Magna laus &
ad.

*admirabilis videri solet, tulisse casus sapienter
adversos, non fractum esse adversâ fortunâ, reti-
nuisse in rebus asperis dignitatem. Ut autem qui
magno animo est atque forti, omnia quæ cadere
in hominem possunt, despicit & pro nihilo pu-
tat; ita & is, qui rebus secundis non insolescit:
Vir enim fortis & constans ea, quæ eximia ple-
risque & præclara videntur, parva ducere, ratio-
neque stabili & firma contemnere debet, & ea,
quæ videntur acerba, ita ferre, ut nihil à statu na-
turæ, nihil à dignitate sapientis decedat. Hinc in-
quit Horatius:*

*Rebus angustis animosus, atque
Fortis appare, sapienter idem,
Contrahes, vento nimium secundo,
Turgida vela.*


Hæc itaque qui facere potest, verè ille fortis
& magni animi est.

CI. HIEROGRAPHIA.


HIS ARTIBVS.

Hieroglypton arcum, pharetram ac clavam
exhibet, quæ militaria sunt arma. His, tanquam
artis militaris instrumentis, Gnome testante,
Myſta se gloriam & laudem quærere velle vide-
tur. Ut enim olim arma tractare artis erat, ac
Romani sæpe arte militari potius, quam vi &
potentia hostium longè numerosiores exercitus
fuderunt, ac superarunt, atque ita laudem & glo-
riam

riam immortalem sibi pepererunt; ita & hodie armorum dextra aptaque tractatio artis esse statuitur, illique, qui ea regere, beneque tractare possunt, non infimam laudem & gloriam consequuntur, longeque maiorem merentur, si Rempubicam, patriamve defendant, maximamque, si ab hostibus liberent. Hanc artem qui novit, suorumque commodo exercet, statuâ dignus est, ut immortalitati consecratur, posterisque bono exemplo sit. Tales complures apud Romanos, nostroque ævo iis, qui hanc artem calaverunt & fœliciter exercuerunt, extractæ fuerunt. HIS itaque instrumentis, seu ARTIBVS militaribus, Mystra sibi laudem & gloriam parere voluit.



Anna Marchionissa Montis Ferratis Bonifacy uxor



Guillelmus V Marcho Montis Ferratis X

CII. HIEROGRAPHIA.

FIDES MAIORA FACIT.

Inter Hierographias insignem præ aliis ingenii dexteritatem fœminarum ostendere videntur. Hæc profecto, si quæ alia, non parum elegans est, quâ discrimen ponitur inter ea, quæ à natura sola, ac quæ numinis ope fiunt. Spectatur enim aridus olivæ arboris ramus, sacraque columba ramusculum rostro arripiens, ac folia viridia suo attactu inde producens. Sacræ Columbæ figurâ Spiritus sanctus, tertia Trinitatis Persona, designari solet, quod olim Columbæ forma apparuerit. Hunc non solum majora facere, quam natura potest, cuius Christiano constat: Sed etiam eum (ut Mystæ sensum explicem) qui illi ita firmiter fidit, ut credat ipsius opem sibi non defuturam, si quid natura majus rentet, non errabit. Hujusmodi confidentia & FIDES sepè MAJORA FACIT, quam natura ipsa: teste ipso Salvatore, qui ait: *Si fidem habueris ut montes transferas, transferentur.* Sic Anna in senectute, ac extra concipiendi ætatem provecta, fidens Deo concepit & peperit: Thobias similiter Saræ (licet septem mariti priores periissent) divino auxilio fidens se credidit, ac nihil incommodi passus fuit. Quantum autem possit fides ea, in qua divinum auxilium non apparet, & quam sæpe talia, quæ rerum naturalium vires superare videntur.

videntur, efficiant, Philosophis ac Medicis constet, qui hujusmodi fidem cum imaginatione confundunt, atque in morbis & prægnantibus præcipuè elucet. Non raro enim propter ægroti in medicum, vel pharmacum fiduciam morbus superatur & depellitur. Fiducia enim vel fides cordis spiritus & sanguinem movet, agitatque, ac motione illius calorem nativum sopitum, ac nimia quiete marcescentem excitat, qui recuperandæ sanitatis fundamentum esse potest. Prægnantes etiam quid fide & imaginatione in fœtum possint, cui fructus appetitos, in eam corporis partem, quam volunt, insculpunt, vulgo notum est. Itaque propositum hujus Principissæ est, Deo Opt. Max. fidere, & omnia sua committere; quod ea quæ fieri non posse, ac præter naturam videntur, illius ope, quæ steriles fœcundas efficere, & majora quam natura facere possit, perficiantur.

CIII. HIEROGRAPHIA.

VNDIQUE FRVSTRA.

Pyramides in Ægypto Regum pecunias ostentabant, ac illarum ædificatio instituebatur, ne pecunia ad successores, aut insidiantes & æmulos perveniret, neve plebs ociosa esset. Præcipuæ tres fuerunt, quæ orbem implevere famâ, sitæ inter Memphim oppidum (nunc Alcairum vocatum) & Delta Insulam, à Nilo minus quatuor

tuor millia passuum, à Memphi sex: ad vicum
 Busirin Pyramidem maximam trecenta sexagin-
 ta hominum millia annis viginti construxisse,
 produntur, atque in raphanos & allium, ac cepas
 mille octoginta talenta dicuntur operariis ero-
 gata. Amplissima octo jugera obtinet soli, qua-
 drata, cujus unum latus habet octingentos & o-
 ctoginta tres pedes. Multi putant monumenti
 & sepulchri causâ fuisse extructas, utque eorum,
 quorum jussu extructæ sunt, æterna esset memo-
 ria; quemadmodum illæ æternæ, nulloque se-
 culo perire, aut destrui posse, videntur. Tanta
 enim lapidum moles, cui accedit forma in mu-
 cronem assurgens, seipsam proprio pondere su-
 stinet, ac neque extra machinam ullo vento, aut
 procella concuti, multo minus dejici potest. A
 Pyramidis itaque firmitate & constantia Mysta
 Hieroglypton desumfit, ac Pyramidis instar, quæ
 neque ab aquis, neque ventis concuti, aut dejici
 potest, sic se à nullis adversitatibus, aut hostibus
 frangi posse, sed semper animum constantem
 habiturum, ostendit. Proinde omnes hostium
 & inimicorum insultus & imperus frustraneos
 fore, ut Pyramis in figura V N D I Q V E
 F R V S T R A à vento & mari
 impetitur.

Bonifaciu III^m Marchio Montis Ferralis XI



Gudhelmus VI^m Marchio Montis Ferratis XII

CIV. HIEROGRAPHIA.

IN HOC SIGNO VINCES.

Nicephorus narrat, Constantinum Magnum in bello contra Byzantinos, cum jam bis victus esset, signum crucis in cœlo hac inscriptione vidisse: IN HOC SIGNO VINCES HOSTES OMNES, idque postridie sic accidisse ac eum in bello contra Schytas tertio crucem illam vidisse. Ab hac Historia, verisimile est, Principem istum Hierographiam hanc sumpsisse. Utpote qui auxilium hujus signi, divina ope juvante, in rebus adversis, vel hostium oppugnatione, sensit. Nec mirum, cum hoc signo inferorum Princeps cum omnibus suis infernalibus devictus sit, genusque humanum ab ipsius iugo liberatum. Hoc signum Ægyptii, inter Hieroglyphicos characteres, pro signo vitæ futuræ habuerunt, cujus rationem nullam sciebant, quam quod certum aliquod divinum mysterium in hoc signo latere crederent. Character illius pectori Dei Serapidis erat insculptus. Isidoro etiam referente, antiqui, cum numerum eorum, qui cæsi, vel salvati in bello essent, notarent, mortuos literâ Θ figurabant, & superstites literâ T. Athonius Pedianus narrat, olim cum è judiciis venirent accusati, damnatos literâ Θ, & absolutos literâ T fuisse notatos. Est itaque crucis signum salutare, victoriæque, ac liberationis nota: ut Moïsis exemplo comprobatur, qui Judæos victo-

S

res

res effecit, quamdiu in monte DEUM invocans brachiis extensis crucis figuram faceret: Nam cum primum remitterent se brachia, ac figura illa crucis amitteretur, Judæi ab hostibus superabantur. Rectè itaque ait Mysta, IN HOC, nempe crucis signo, nos VINCERE.

CV. HIEROGRAPHIA.

VNITA VALENT.

Vt singula hastilia facilè frangis, conjuncta non potes; ita dissidentes facilè superantur, concordēs non facile: Cum virtus unita fortior sit, ut inquit Aristoteles, dispersa, sive agat, sive patiat. Hic patiēdo hastilia, vel sagittæ junctæ fortiores sunt una, quod vires numero augeantur: Nisi enim ut patiens augeatur, ita proportionē agens augeatur, non cedit patiens, sed fortius resistit, sic etiam patiens minus resistit, si agens numero crescat. Istorum exemplo Mysta se concordiam quærere suorum, quibus unitus quævis obstacula depellere posse facillime, nihilque tam arduum & difficilè esse, quod superare non possit, ostendere voluit: Concordiam enim Princeps qui in regno conservat, firmam basim regni habet, viresque multiplices, neque facile ipsius status concuti potest. Quia concordia etiam res parvæ crescunt, ut discordia maximæ dilabuntur.

Ioannes Iustus Marchio Montis Ferratis ultimus XIII



*Alphonsus Marchio Estensis Dominus Montecchi
Fr. Duc. Hercul. II. Forra*

CVI. HIEROGRAPHIA.

FIDE ET PATIENTIA.

Fidelissimum homini animal canis est, sæpe adversus latrones pro domino pugnasse, & in Epyro agnitum in conventu percussorem domini latratu & laniatu accusasse, ut scelus fateri coactus fuerit, constat. Garamantum Regem canes ab exilio reduxere, præliati contra resistentes, constat. Canis, Jasone Lycio interfecto, cibum capere noluit, inediaque consumptus est: sed super omnia actis populi Romani testatum, Appio Junio & P. Silio Coss. cum animadverteretur ex causâ Neronis Germanici filii in T. Sabinum, canem illius nec à carcere abigi potuisse, nec à corpore recessisse, mæstos edentem ululatus, magnâ populi Romani coronâ circumstante, ex qua cum quidam ei cibum objecisset, ad os defuncti tulisse. Innatavit idem, cadavere in Tyberim abjecto, sustentare conatus, effusa multitudine ad spectandum animalis fidem concurrente. Patientia canis non minor præcedentibus exemplis, dum inediam vigilando, ac excubias ad domini corpus agendo pertulit, quam Hieroglypto ipso confirmatur: Indies enim cathenis alligatus servitutem æquo animo fert, ut propterea nihil de fide ipsius decedat. Ubi etiam adversus dominum quid deliquerit, castigationem & verbera fert tam patienter, ut quam primum dominum blandientem perceperit, statim injuriæ acceptæ immemor etiam adblandiatur. Nostro æ-

vo contigisse narratur, crudelem dominum, ut canis sui in se fidelitatem & patientiam ostenderet, ad se vocatum gladio pedes omnes amputasse, ac gementem & jacentem canem, abjecto gladio, ad se vocasse, qui ad dominum repens caudâ illi adblanditus fuit, acceptæ cladis immemor, magna adstantium commiseratione & in facinoris authorem odio. Hujus animalis exemplo Princeps FIDEM ET PATIENTIAM sibi colendam rectè & prudenter proponit; illa enim vinculum est, quo Reipublicæ status connectitur & conservatur; hæc modus & ratio, quâ incommoda feruntur, donec occasio & opportunitas rei bene & tuto gerendæ sese offerat.

CVII. HIEROGRAPHIA.

TORTO ET FORZA.

Id est,

INIVRIA ET VIS.

Symbolum istud Italicum non aptè Latinè ita reddi potest, ut duplicè, quemadmodum Italicè, sensum habeat. TORTO Italicè significat curvum & injustum, curvaturam ostendit funis, ac vim, quæ fune fieri potest: non tamen curvaturam significari vult Mysta, sed injustum, vel injuriam, quod idem vocabulum TORTO significat, ut videlicet fune, seu vinculis ostendat, multis injuriam & vim fieri; quam quia fortassis ipse innocens perpeffus est, Hierographia hac posteritati notam facere voluit.

S 3

CVIII. HIE-

*Franciscus Estensis Marchio Massæ et Tadulæ Com:
Anellini Fr. D. Her: Eor:*



*Antonius Caraffa Marchio Mirabelli et Comes
Bagui. Negos. P.P. Pauli III.*

CVIII. HIEROGRAPHIA.

DVX IN HOSTES PARITER ET
CLYPEVS.

Duces, qui manipulis militarib. præficiuntur, gregarios milites præcedunt, si illos in hostes ducere velint; utque ordine & loco, ita etiam animi fortitudine: Sic enim gregariis clypei, aut scuti, loco sunt, hoc est, primos hostium insultus & impetus excipiunt & sustinent. Hæc Hieroglypton ipsum satis explicat: Aquila enim avium regina ducem ac clypeum Symbolicè designat, quia adversus avium impetus pectoris robore & viribus munita est. Huic se comparat rectè Mylta, dum ad invadendos hostes pro suis se semper paratum, ac si ab hostibus oppugnetur, se illorum insultus suscipere pro suorum tutela, & clypei, seu scuti instar, illis esse velle, ostendit. Laudandum certè in Principe propositum, cum non ob alium finem à Deo creati & ad imperiū sedem evecti sint Principes, quam ut hostes oppugnent, suos defendant, ac justè regant. Pius & bonus Princeps officium suum, ut hic, intelligit, ac DVX IN HOSTES PARITER ET CLYPEVS pro gregariis & subditis est.


CIX. HIEROGRAPHIA.

DVM SPIRO, SPERO.

Fortuna instabilis raro eadem apparet facie; dum arridet, sæpè fallit, dum truci intuetur vultu, beneficiis interdum decipit: Chameleonte itaque mirabilior. Quis tamen horridam faciem extimescat, quæ facile benigna fit? Quis non speret, dum spirat, mutabilem mutaturam ingenium? Ævi tempus longum est, si non cito, sat cito, modo faciem mutet. Interea spes alit afflictum & ærumnæ devorantur alacriori animo, donec sperata prius affulgeant. Id boni spes adfert, quod sperans spe pascatur, ac speratis fere, ut præsentibus, fruatur, & nisi ea aleretur vita, animantibus aliis miserior homo esset. Miser itaque homo est, sed miseram vitam spes nutrit: Hinc Mysta, DVM SPIRO, SPERO, Sed quid sperat? Mali in bonum cumulationem, aut quod ruinam & exitium minitabatur, hoc pristinum statum & vitam recuperaturum. Rectè quidem anguis exemplo, qui dissectus, adjunctis rursus partibus, iterum coalescere & jam egressuram vitam retinere fabulosè putatur. Ostendit itaque Mysta se virum, quodque non despondeat, quassatum fortunæ injuriis animum brevi pristinae foelicitati restitutum iri. Ea quippe rerum vicissitudo, ut calamitatibus & adversis foelicia ac secunda quævis succedant: Speremus ergo, dum spiramus.

CX. HIE.

*Hercules Malaspina Marchio Ornatu supremo.
Capitan-Reipub. Genuens.*



Antonius Carraciolus Marchio Vici.

CX. HIEROGRAPHIA.

MIHI MEDELAM.

Gesticulationibus humanos actus imitatur simia, ut divinos Sathan; illa, ut placeat homini; hic, ut decipiat, & quod Dei est Deo auferat, ac ad se transferat: Coli enim vult ut Deus, non quod commodi inde habeat quicquam, sed quod Deo aliter nocere (si noxa est, Majestatem, quæ offendi non potest, laceſſere, ac ab ea clientes alienare) nequeat. Verum mali genii ingenium proximi calamitatibus exultat, & dum illius fœlicitatem impedit, pœnarum socios, ac in quos ſævire poſſit, conquirat. Ut mali aliorum fœlicitate marceſcunt, infœlicitate pingueſcunt; ſic etiam Sathan, eſſi corpore careat; nam & animus paſcitur, & beatitudinis inediâ torquetur, ac tabeſcit. Vicerat prius ſimia fraude, ac technis primum parentem, ſerpentis ſcilicet facie; verum vides in Hieroglypto à leone ſuperari: Hic eſt leo de tribu Juda: Sed gnome, MIHI MEDELAM, convenire non videtur, neque enim medelâ indiguit? proſecto ſui (qui ipſius ſunt membra) indiguerunt. Imò ut ad Myſtam hæc transferantur; Myſtæ generoſus animus ſimiae infernalis illecebras, præſtigias, ac tentationes, dum contemnit & ſuperat, ipſam ſternere, ac ſibi victoriâ medelam facere, rectè dici poſteſt. Si maioris Leonem Principem eſſe & Simiam adulatorem,

rem, non repugno, aptè enim quadrabit Gnome Hieroglypto. Simia hero grata est, dum gravioribus pressum negotiis ipsum ridere facit: Canis & equus utiliores quidem Patrifamilias, ille ut custodiat, hic ut onera ferat, aut trahat, sed citra splendorem & cum despectu; cum voluptatem herus imprudens sæpe utilitati præferat. In aulis adulatores, gerrones, parasiti, ac hujusmodi facis homines, aut Simiæ potius, dum voluptati sunt Principi & in pretio, gravissimo morbo laborat Princeps & tali, ut de statu periclitetur, ni ocyus sibi medelam adhibeat, ac hujusmodi simias abigat. Cum febricitat leo, simiæ sanguine sibi medetur: Cur id non imitetur Princeps, dum salus Reipubl. suæ ab actâ veritate periclitatur: Ejus enim inopia laborant Principes, ac id unum deest, nempe, qui verum dicat; dum nemo ex animi sui sententia dicat & suadeat, ac adulandi certamen sit unum amicorum & aulicorum omnium officium. Si bellum gerat, adultores contemnunt hostem, ac illius successus fœlices cœlant, viresque sui Principis majores, quam sint, celebrant. Hinc stulta securitas neque prospicit futuris, neque præsentī occasione, ut hostem arceat, vel vincat, utitur: Imo negligentia victoriam hosti sæpe parit. Faciat itaque sibi medelam Princeps, ac adultores, parasitos & gerrones abigat, eosque apud se retineat, qui virtutibus & genere nobiles veritatem colunt, ac quid verè in regno geratur, fortunatum sit, ne ne, explicant: Sic
S. S. enim

enim tempestivè admonitus, occurrere malo, antequam radices agat, poterit. Imo & prædicare majora adversa omnia Principi, quam sunt, consultum erit; ita quippe majori diligentia, quam opus sit, illis occurreretur, ac imminencia mala securius depellentur. Sed aula assentationibus, raro veritate ali cupit. Hinc fit, tot rei gerendæ bonas occasiones sæpe amitti, nec prius Réipubl. vel aulæ vitia corrigi, quam Princeps ipse manum & medelam adhibear, leonis exemplo.

CXI. HIEROGRAPHIA.

SEMPER ADAMAS.

Maximum inter gemmas pretium habet adamas, diu non, nisi regibus & iis admodum paucis cognitus: Veteres eum in Æthiopum tantum metallis inveniri existimavere, inter delubrum Mercurii, atque insulam Meroen. Genera ejus sex, Indici, non in auro nascentis, sed quadam crysalli cognatione; siquidem & colore translucido non differt & laterum sexangulo levore, turbinatus in mucronem, aut duabus contrariis partibus, quem magis miremur, si duo turbines latissimis suis partibus jungantur; magnitudine verò etiam avellanæ nuclei. Similis est huic quidem Arabicus, minor tamen, similiter & nascens. Incudibus hi deprehenduntur ita respuentes ictum, ut ferrum utrinque dis-

sul-

sulter, incudesque etiam ipsi dissiliant. Quippe duritiâ inenarrabilis est, simulque ignium victrix naturâ & nunquam incalescens. Unde & nomen, *indomita vis*, Græca interpretatione accipit. Unum ex iis vocant Cenchron, quod est milii magnitudine. Alterum Macedonicum in Philippico auro repertum, & hic est cucumeris semini par. Post hos Cyprius vocatur, in Cypro repertus, vergens in æreum colorem, sed in medicina efficacissimus. Post hunc est Siderites, ferrei splendoris, pondere cæteros antecedens, sed natura dissimilis; nam & ictibus frangitur, & alio adamante perforrari potest, quod & Cyprio evenit: breviterque, ut degeneres, nominis tamen auctoritatem habent. Hactenus Plinius de adamante, ex quo colligere licet, nostro ævo vix veros illos, qui & igni & ferro resistunt, adamantes haberi. Omnes enim malleo facillimè franguntur, ut pulvis celandis aliis gemmis usui sit: Igne etiam in cineres nostrates non difficulter rediguntur. Mystra Indicum, qui ferrum & ignem fert, exhibet; ut generosi animi sui fortitudinem & constantiam indicet, qua res adversas absque noxa & incommodo ferre potest.



*Ioannes Iacobus Medicus Marchio Marignani
Generalis Caroli V Imperatoris*



CXII. HIEROGRAPHIA.

CVSTODI DOMINE VIGILAN-
TES.

Hæc Hierographia intellectu difficilis non est : Conspicitur enim navis vento agitata in alto mari, ac non procul à scopulis, quos navis præfectus ut evitet, circa gubernaculum vigilat, numinisque auxilium implorat, absque cujus ope raro hujusmodi pericula vitantur. Navis Mystæ personam refert, qui multa pericula & adversa perpeffus numinis ope indiguit, numinisque beneficio adjutus tandem omnia superavit & ad magna evectus est. Prudentes illi, qui dum adversis premuntur, numinis auxilium implorant: raro enim fallit, quin adjuvet. *Orate*, inquit enim Christus, & *dabitur vobis*. Tanta enim est Patris cœlestis benignitas, ut roganti nihil denegeret, & plerumque petitis majora tribuat. Principem hunc præter multorum opinionem ad summa pervenisse numinis voluntate, ejusque prius postulata ope, nemini dubium esse,

Symbolo ac eventu id attestantibus, debet.

CXIII. HIEROGRAPHIA.

AGITO.

Imperantis est Symbolum : Sed quid imperat? Lusorios obeliscos in tabula positos cædi vult, ut vincatur. Obeliscis proculdubio Mystra inimicos, vel obstacula illa, quæ, ut non ad scopum sibi propositum pervenire possit, impediunt, significat. Hos cædi, hoc est, è medio auferri vult. Magnanimi est, neque furtim, neque clanculum adversarios suos adoriri, sed aperto Marte: Hoc modo si vincantur, laus manet apud victorem, ac victi æquiori animo infortunium ferunt, victorique fidelius parent. Prudentis etiam est, omnia ea, quæ conatibus obstant, amovere, ut facilius desiderata & optata obtineri possint: Medicorum exemplo, qui dum aliquem ad pristinum valerudinis statum reducere cupiunt, primum ea, quæ naturam impediunt, quominus medicamento adjuta morbum depellere posset, auferunt, ac tum demum morbo auferendo & depellendo pharmaca adhibent, remoris enim impedimentis facilè natura morbis medetur, medicamenta in actum redigit, illorumque ope adjuta morbum vincit.

*Iohannes Iacobus Medicus Marchio Marignani Generalis
Caroli Imperatoris*



CXIV HIEROGRAPHIA.

PERCVSSVS ELEVOR.

Magna pila ventosa, aut vento plenus coriaceus globus, qui in altum percuti à certantibus solet adjunctis brachialibus, quibus in altum pelitur, hîc exhibetur. Pila hæc id habet, ut quia levissima est, ventoque constricto tumida, duraque, dum percutitur à duriori corpore, alte elevetur. Illius instar Myſta se ab invidis, ac fortunę telis percussum, non deprimi, sed magis elevari, asserit: idque omnibus viris fortibus, magnoque animo præditis commune est, adversis enim non franguntur & corruunt, sed firmiores redduntur, magisque elevantur, id est, majores dignitates, melioremque fortunam consequuntur. Cui istius Principis vita nota est, ille etiam scit, quid ab inimicis perpeſsus, quibusque postea honoribus affectus fuerit; sed hujus loci non est ista recensere.

CXV. HIEROGRAPHIA.

TODO ES VIENTO,

Id est:

TOTVM VENTVS EST.

Describuntur iterum pilæ ventosæ, adjecta syringa & folle, quibus ventus pilis inflari solet, addito Symb. Hispanico, TODO ES VIENTO, id est, TOTVM VENTVS EST. Hac Hierographia Princeps ad summa (dum maxime

me inimici eum opprimere studerent) euectus, mundanum omnem honorem & potentiam vanam, pilæque ventosæ instar inanem esse, nihilque præter ostentationem quandam habere, ostendere voluit. Egregia profecto similitudo: Nam ut pila hæc magna & dura, ac in altum percussa, multis admirationi est; examinata vero inanis, levis, ac vento tantum repleta deprehenditur, risumque monet; ita res, quæ multis permagnæ, ut honores summi & dignitates videntur, si penitus inspiciantur & perpendantur, vanitate plenissimæ & neque corpori, neque animæ utiles, sed potius illorum carnificinæ deprehenduntur. Quantam enim servitutem corpori inducant dignitates, dum curam adipiscendarum divitiarum, sine quibus servari non possunt, poscunt, & curam curandæ valetudinis, libertatemque faciendi, vel ruri, vel domi, quod velis, vel quibus delecteris, impediunt, cuius notum est. Dignitate tanquam aureâ catenâ homo perpetuo ligatur, facultateque vivendi, ut velit, privatur, ac dignitatis, honorumque mancipium fit. Animæ saluti honores raro utiles sunt, quod superbiendi, ac vitiorum multorum præbeant occasiones, quibus si maculetur anima, neque mundetur, æternis pœnis cruciatur. Rectè itaque Mystra mundana hæc omnia, quantum vis magna & sublimia videantur, vanissima, ventoque similia esse, agnoscit. Is enim pilas magnas & turgidas, durasque facit, attamen nihilo ita proximus est, ut emissus neque conspici, neque comprehendendi possit.

*Ioannes Paulus Sfortia Marchio Caracato Frater Dux
Francisci Mediolani*



CXVI. HIEROGRAPHIA.

QUIS DICERE FALSVM AVDEAT.

Vt nemo visu præditus ortum solis, ac illius lucem inficiari potest; ita vir probus & pius ea, quæ vera sunt, negare neque debet, neque potest: Veritas enim Solis instar est, quam hac Hierographia Mytha se profiteri Solis imagine & Symbolo ostendit: Sol enim illius est Hieroglyphicon; quia solus & unus est, ut veritas: duplicia namque & multiplicia veritati contraria & mendacia sunt. Veritatis cultor imprimis. T. Pomponius eques Romanus fuit, qui mendacium nec ipse dicebat, nec pati poterat, quapropter omnes ei res suas amici curandas certatim dabant, consiliumque ab eo de Republica, deque rebus magnis petebant. Vt itaque veritatis laus & utilitas magna; ita mendacii vituperium ingens, cui & id accedit, ut qui eo delectatur vir probus esse non possit, qui execratur bonus sit, teste Comico:

Ἐὐδὲ δὲ μισοῖ τις σόφους καὶ χεῖρον.

Id est: Mendacium odit, qui vir est frugi & sapit.

Mendacium etiam raro prodesse, sæpius obesse solet. Nam mendaces id lucrantur, ut cum vera dicunt, iis non credatur, & si commercia exerceant, nunquam emergere & rem facere possint: Nemo enim mendaci fidit. Fide autem amissa & elusa, quia ex alienis ac creditis bonis decerpenti fructus tollitur occasio, omnes facultates, ac fundamentum divitiarum, vitæque sustentandæ ratio corruunt; ut mercatoribus & Principibus, qui alieno ære plerumq; mercari & bella gerere debent, notum est.

CXVII. HIE-

CXVII. HIEROGRAPHIA.

SIC ITUR AD ASTRA.

Arcus extensus cum sagitta in cœlos destinata in Hieroglypto conspicitur, quæ si emittatur, ut figura ostendit, sursum fertur & ad astra tendit. Hujus exemplo Mysta & se, & quemvis ad astra ire, i. e. extremum beatitudinis scopū adire posse, significat. Vt autem in arcu vis requiritur, quo jaculum, seu sagitta emittitur, & sagitta sic concinnari debet, ut facile sursum ferri possit, ita etiam animus hominis vim, studium & diligentiam requirit, ut ad sublimia & divina pellatur, ac summi boni compos fiat. Ipse deniq; animus ita compositus esse debet, ut à ceteris adjutus cœlestia facile assequatur. Regnum enim cœlorū, ut inquit Hierographus, vim patitur & violenti rapiunt illud: Quæ autē ista sint, arcus & sagittæ forma ostendit. Imprimis enim basi & fundamento opus est, cui sagitta innititur, videl. chorda & arcus: Deinde vis humana, quæ arcum & chordam ita extendat & diducat, ut spes sit, scopum propositum attingi posse, requiritur: ac postremo sagittā alis & mucrone instructam esse oportet, ut facile optatum scopū feriat. Vt vero ista desiderantur, si quis sagittā in sublime emittere velit, ita istorū exemplo tria, si animus cœlestia petere velit, videl. fides spes & charitas sunt necessaria: Fides enim fundamentum salutis est & arcu ac sagitta designatur. Spes ipsorum extensione. Charitas verò alis, & mucrone ipsius sagittæ, quæ animum hominis levem & penetrantem facit, ut facile cœlestia adire & assequi possit.

CXVIII. HIE-

*Violante Bentinoglia Sfortia Marchionissa Caruaty
Ioan Pauli uxor.*



CXVIII. HIEROGRAPHIA.

**SOLA NON SOLA REPRÆ-
SENTO.**

Duabus istis candelis ardentibus, non est dubium, quin hæc Principissa, & se, & maritum notare voluerit, ac serpente, qui candelabrum utruinque complectitur, prudentiam, quâ inter conjuges vinculum conjugii regitur, atque conservatur. Id dum fit, fides ab utroque servatur, ac conjugii fœlicitas & amor, ignis & flammæ instar, lucet, ut quilibet conjugum solus quidem sit, non tamen videatur, ut Symbolum ait, SOLA NON SOLA REPRÆSENTO, supple. lumen: Quemadmodum enim duarum candelarum lux ita confunditur & unitur, ut etsi uniusque candelæ sola sit, tamen non appareat, sed una lux tantum; ita in conjugio, cuilibet conjugum solus, si persona, non solus, si animus, qui in alterius conjugis corpore vivit, spectetur, est. Voluit itaque hæc Principissa ostendere, se non solum propter conjugalem amorem vivere beneficio matiti, sed etiam maritum ita animo suo inhærere, ut absens tamen semper præsens sit, atque hoc modo se nunquam solam esse.

CXIX. HIE-

CXIX. HIEROGRAPHIA.

NIL AMABILIVS.

Vt animalibus nihil Sole amabilius, non solum propter calorem, quo fovet cuncta, sed propter lucem, qua omnia conspicua suis coloribus illustrat & exornat; absque luce enim color nullus est, nullaque rerum in hoc orbe pulchritudo; ita probæ matrifamilias nihil amabilius viro suo, à quo fovetur, defenditur & ornatur: Mulieris enim decus & ornamentum vir est, ac omnis viri dignitas per conjugale vinculum uxori communicatur. Quo fortassis hæc Principissa respexit; nisi illam censeamus Symbolo voluisse, NIL æterno illo & invisibili Sole esse AMABILIVS; hac enim ratione Hierographicè interpretabimur sculpturam & benè; cum nihil eo Sole possit esse amabilius, à quo creati sumus, cujus beneficio animam adepti sumus, vivimus, intelligimus, ac æternæ beatitudinis capaces sumus: Quis enim id, à quo omnia bona & æterna consequuntur, & quod omni pulchro pulchrius, ac omnis pulchritudinis parens & principium est, non amet. Postremo, si Sole veritatem designare voluerit Principissa, eleganter Solis, qui unus est, ut veritas, figurâ usa est. Veritate autem, quæ Deus ipse est, NIL esse AMABILIVS, cuilibet notum est & proinde laude digni, qui eam observant, colunt, ac venerantur.

T

CXX. HIE-

*Mutius Sfortia Marchio Carauaty filius Ioanni
Pauli.*



*Constantia Columna Sfortia Marchionissa Caraua-
ty Muti uxor.*

CXX. HIEROGRAPHIA.

NON TALI AVXILIO.

Æthnam montem in Sicilia & Heclam in Islandia perpetuos emovere ignes sulphureos, ac circum circa omnia exurere, cuius notum est. Ut autem nulli imbres, nullæque pluvix ignes istos extinguere possunt; ita Mystra ostendere voluit hac Hierographia, se etiam igne uri, qui tali, ac vulgari auxilio non tollitur. Existimo autem hunc Principem flammam amoris intelligere, quæ medullas exurunt, hominemque interdum ad insaniam, vel tabem, redigunt, ac id speciale habent, ut quo magis regantur, eo magis ardeant, Ovidio teste, cum inquit:

Quod magis tegitur, tectus magis aestuat ignis.
Et alibi:

- - - - *Quis enim benè calat amorem?*

Eminet indicio prodita flamma suo.

Exemplum vehementis amoris narrat Valerius Max. Seleuci nempe Regis filium Antiochum novercæ Stratonices amore correptum, ad extremum decubuisse & moribundum jam Erisistrati medici prudentiâ amorem erga Stratonicem deprehensum fuisse: quod, cum illa ingrederetur cubiculum, rubore perfunderetur & cum egrederetur, iterum pallefceret, anhelitus & pulsus fieret mutatio; ac propterea à patre concessâ Stratonice filium fuisse valetudini restitutum. Fortassis Princeps conjugis suæ amore

se ita flagrare, nullaque alia re, quam ipsius copiâ & præsentîâ, flammâs extinguî posse, ostendere voluit.

CXXI. HIEROGRAPHIA.

HIS SVFFVLTA.

Respondet hâc Hierographiâ uxor marito, ac ut ille priori Hierographia absque uxore vivere non posse; ita, nec se absque marito vitam conservare posse, ostendit: Refert enim arbor Principissam & Sol maritum: ut enim arbor virere & vivere, nisi à Solis radiis illustretur & foveatur, non potest; ita nec illa, nisi indies viri præsentîâ fruatur: Hæc enim conjugalis amoris verum fundamentum & pabulum est, sine quo lugent & tabescunt veri amantes. Conjugalis amoris exemplum præ cæteris præbuit Hipocratea, Mithridatæ Regis Ponti uxor: Mariti enim causâ præcipuum formæ suæ decorem in habitum virilem convertit: Tonsis enim capillis, equo & armis se assuefecit, quo facilius laboribus & periculis mariti interesset. Quin etiam victum à C. Pompeio, per efferatas gentes fugientem, animo pariter & corpore infatigabili sequuta est: Cujus tanta fides asperarum & difficilem rerum Mithridatis maximum solatium & jucundissimum lenimentum fuit, teste Val. Maximo.

CXXII. HIE-

Philippus de Croic Marchio Arecotæ



*Andreas Sforza Marthio Pallavicini Generulus Vene-
torum Reip.*

CXXII. HIEROGRAPHIA.

PRÆ NIMIO PONDERE.

Ut equi rhedam, præter modum oneratam, trahere non possunt, & PRÆ NIMIO PONDERE procedere ulterius impediuntur; ita Principes viri gubernaculis rerum præfecti, si multitudine negotiorum obtruantur, & impares tantæ moli regendæ sint (nisi à consiliariis & adjutoribus juventur) rerum processus intercipitur, quiescit & sistitur, pacisque tempore bonus Reipublicæ status paulatim tabescit, ac exstinguitur, bellicque tempore occasiones rerum bene gerendarum amittuntur. Fortassis hanc Hierographiam eo tempore, cum Dux Albanus Belgii Præfectus, ac rerum Belgicarum status periculosissimus esset, Princeps iste edidit. Tunc enim hic Dux nullum publicum munus suscepit. Nam rerum gerendarum magnitudine deterrius, ac metuens, ne PRÆ NIMIO PONDERE succumberet, privatam vitam sapienter egir, ac solus & unus ferè sano illo consilio ex antiquis Belgarum familiis superstes remansit, reliquis omnibus bellis & aliis calamitatibus exstinctis. Dum bello intestino laborat patria, nihil prudentius quiete. Quia cujuscunque defendes causam, alteri injuriam facere videris, ac in Reipublicæ, cujus & tu membrum cum illis, quos oppugnas, es, tanquam in propria rues viscera. Vir bonus in bello civili neutri parti adhæret, quod utriusque causa, & bona, & mala sit, ac proinde dubiam causam defendere viri boni non sit officium.


CXXIII. HIE-

CXXIII. HIEROGRAPHIA.

IMMOBILIS.

Verè IMMOBILIS est pyramis, seu obeliscus, etsi alas addideris, ut in Hierographia. Obeliscus à pyramide non differt figurâ, sed structurâ, quod ex uno lapide obeliscus, pyramis ex pluribus constructa sit. Utraque constantiam designat, quam Principes plerumque profitentur: Nihil enim elegantius Principi constantiâ, ut nihil turpius levitate. Constantia circa res arduas & aduersas versatur, quibus cedere viro constanti non licet, sed contra stare & obistere; inde enim nomen habet constantia. Qui hac virtute præditus est, hic nullo malo opprimi planè potest. Nam pressa latitat quidem aliquamdiu virtus, ut ignis sub cineribus; verum non exstinguitur, sed dimotis impedimentis, recentique accedente rerum gerendarum occasione, iterum luculentius, ut ignis remotis cineribus, refulget, assurgit & emicat. Verum discrimen faciendum inter constantiam & pertinaciam; illa enim virtus, hæc vitium est: Constantia in rebus laudabilibus & quæ virtutis aliquid continent; pertinacia in rebus malis, aut vitiis exercetur.

Guilhelmus Marchio Turre-Maioris etc.



*Hippolita Carretta Marchionis Guilhelmi Turre
Maioris uxor.*

CXXIV. HIEROGRAPHIA.


SIC MVTOR AD ILLAM.

De uxore loquitur Sol, id est, maritus Princeps, qui se Solis figurâ denotat: est enim Uxor vir Solis instar, cum ab illo illustretur & ornatur, ut à Sole inferiora hæc omnia. Inquit autem Symbolum: SIC MVTOR AD ILLAM. Sed quænam quæso mutatio Solem subit, cum semper uniusmodi, eadem luce, eadem pulchritudine, eodemque motu appareat? Mutatur sanè non sibi, sed nobis, dum Luna inter nostrum & illius corpus interponitur; tum enim Ecclipsin patitur, & figura orbicularis in lunarem mutatur; id conjunctione Lunæ & Solis, alias non fit. Voluit itaque Mystra indicare, se amore conjugali ita teneri, ut sibi conscius atque plius non sit, dumque præsentia & copia conjugis suæ fruitur, ita mutari, ut vitâ, animoque suo in ipsius corpus translato, ecclipsin patiatur, præstinamque formam non retineat: vulgare enim est, amantes in aliorum corpore animum, non in suo habere. Id ut in solutis conjugio vituperio dignum; ita in conjugibus summopere laudandum est.

CXXV. HIEROGRAPHIA.

ME TVIS ORNARI.

Vt Luna lucem à Sole habet, ejusque beneficio illustratur, nobisque conspicua fit; ita uxor & materfamilias à viri consortio, illiusque dignitatibus ornatur & illustratur. Hoc beneficium se à viro habere, hæc Principissa agnoscit Symbolo, ME TVIS ORNARI. Sibi enim gratulatur, quod illius societate & dignitate, tanquam solaribus radiis ornetur & illustretur. Mulieris siquidem ornamentum vir est, qui si improbus & frugi non sit, vitium omne cum muliere communicat, illamque suis vitiis quasi infamem reddit; ut è contra virtutibus illustrem, si illis ipsa careat. Celebretur itaque hæc Principissa, quæ se viri encomiis ornari fatetur.



Hypolita Fiaramonda, Marchionissa Scaldisole



Ioannes Baptista Azzia Marchio Terræ

CXXVI. HIEROGRAPHIA.

ITA ET VIRTUS.

Vt Laurus inter iratos leones in hac Hierographia conspicitur, ac illorum iras non persentiscit; ita & virtus inter Tyrannos floret, neque illorum rabiem percipit. Id Lucretiæ castitas invicta docuit, quæ vitium corpori illatum propria nece expiavit, ne virtutis famâ ante mortem destitueretur; mansit enim animo casto, donec exspiravit, & scelus in se commissum majori virtute, quam fœmineus sexus fert, delevit. Forte Marchionissa lauri exemplo, se perpetuo virtutibus Heroinis dignis, ac præcipuè castitate florere velle, neque procorum, malevolorum & potentiorum adulationes, minas, aut iras metuere, ostendere conatur. Est enim castitas inter alias virtutes matronis maximum & præcipuum ornamentum, quâ si destituantur, omnes aliæ virtutes defœdantur & vitiorum potius vices subeunt. Una & sola castitas reliqua matronarum vitia regit, obliterat & ex vitio virtutem facere videtur. Livia, Augusti Cæsaris uxor, cum nudos homines, qui facti erant obviam, aspexisset & ideo à nonnullis damnaretur, dixit eos matronis honestis & continentibus nihil à statuis differre; cor enim hominis pudici rerum impudicarum aspectu, malisque cogitationibus non tangi.

CXXVII. HIEROGRAPHIA.

PRIVS MORI, QVAM FIDEM
FALLERE.

Coronam spineam duę utrinque manus com-
prehendunt, in cujus medio rosa constituitur.
Duę manus fidem datam notant, corona diffi-
cultates, ærumnas & molestias, quę fidem ser-
vantibus nonnunquam contingunt, ac rosa bo-
num nomen & laudem, quam iis qui fidem ser-
vant, consequuntur, ostendunt: Vt enim ex
spinis rosa, flos pulcherrimus, ac odore suavissi-
mus, provenit; ita ex difficultatibus, quę pro-
pter fidei cultum incidunt, plerunque, vel honor,
vel emolumentum, vel memoria æterna prove-
nit. Fides duplex est, Theologica & Politica.
Theologica, quam Deo debemus & in fonte
Baptismi datis vadibus promissimus, servamus &
colimus, ac mortem potius subimus (Marty-
rum multorum exemplo) quam illam fallamus.
Politica fide Rempublicam, ac rem familiarem
conservamus & augemus: Si enim Respublica
propter hostium, aut vicinorum potentiam, pe-
richitetur, pax offerri & obrineri facile potest,
dummodo hostes sciant petentes fidem non
fallere: Quia certa pax & lucrosa dubiæ victo-
riæ hostibus est utilior, ac præferenda. Si
Rempublicam augere est animus, nihil ad id
optinendum fide utilius. Nam pace & libertate
promissa vicinis, vel hostibus, fideque reli-
giosè servata, voluntariè & libenter paretur.

Ro-

Romanis maximum telum fides fuit, quo plures pace, quam bello, gentes ab illis fuerunt devictæ. Quanti autem momenti ad rem familiarem servandam & augendam sit fides, imprimis mercatoribus notum est, qui omnibus facultatibus destituti, facilè rursus ditescunt, si, mercibus illorum fidei creditis, eas solummodo divendant & fidem servant. Hac enim ratione plura illis creduntur, ac illi ex alina re lucrum & divitias capiunt, atque non solum sua conservant, sed & augent. Quivis etiam illis, quos fidem servaturos non dubitat, ociosas pecunias libenter mutuo dat. Fidem verò non servanti quia nemo credit, is nunquam emergere (si pauper sit) & rem familiarem augere poterit, quod scilicet pecuniis, divitiarum acquirendarum organis, ac mediis destituatur. Potius itaque moriendum, quam fidem fallere.



Ioannes Petrus Marchio Polignani



Paganus Doria Marchio Generalis Regis Hispaniarum

CXXVIII HIEROGRAPHIA.

INOPEM ME COPIA FACIT.

Cum Tantalus Deos lauto excepisset convivio, inter cæteros cibos Pelopen filium ad epularum magnificentiam illis apposuit. Verum Dii factum & facinus male ferentes, pristinae vitæ puerum restituerunt, ac Tantalum ad inferos damnarunt, ubi perpetua siti, etiamsi semper in aqua sit, ac usque ad mentum assurgat, cruciatur. Nam quoties labris eam attingere conatur, statim refugit. Ab hujus historia Hieroglypton desumptum videtur, sed prorsus alio sensu, ut Symbolum declarat. Nam figura humana linguam exercens Principem, honorem & gloriam sitientem & appetentem (nequaquam ob delicta commissa furiis infernalibus agitarum) indicat: verum ob occasionum (quæ gloriam & honorem parere possunt) multitudinem, quæ sese quotidie offerunt, ita angit, ut nesciens, quamnam præ cæteris eligat, nullam acceptet; ac ita ob copiam inopiâ explendi desiderii laborare. Id enim familiare viris magnis, multisque virtutibus præditis, est, ut plures dignitates simul illis offerantur, ac copia impediti nullas acceptent, amantium exemplo, qui dum se multas in potestate habere fœminas putant, non faciliè ex iis unam, anxii quænam aliis præferenda sit, sibi uxorem eligant. Optionis enim libertas electionem tardat, ac tollit. Forte Princeps ita hanc Hierographiam intelligi voluit; sed sæpe difficile est Principum cogitata assequi.

CXXIX. HIEROGRAPHIA.

AVNQVE OS PESE.


Id est,

ETIAMSI ILLI DISPLICEAT.

Vt Sol, etiamsi nubibus illius aspectus prohibeatur, nihilominus lucem suam per illas nobis transmittit, propter eximium & incomparabilem splendorem; ita viri magni & boni, etiamsi invidi & improbi obstant, tamen possunt favore, benevolentia, ac facultatibus cuivis benefacere: Omne enim bonum sui communicativum. Qui aliis servire, aut prodesse absque damno possunt, ac id non faciunt, pro viris bonis habendi non sunt: Vt nec illi, qui merita non compensant, nihilque gratis faciunt, quos pro sordidis, avaris & sceleratis habere oportet: Boni enim, Solis instar, etiamsi invidis id displiceat, semper ad officia prompti sunt, ac ut unicuique, dum datur occasio, benefaciant. Talem se Symbolo Hispanico, AVNQVE OS PESE, id est, ETIAMSI ILLI DISPLICEAT, profitetur esse Mysta: Cum nihil laudabilius sit, quam Principem esse liberalem, beneficum, ac ad juvandum paratum: Hac enim ratione populi benevolentiam sibi conciliat, statum suum securum facit, inimicos latentes perturbat, abigitque, ac ad quietè vivendum occasionem præbet.

CXXX. HIE-

Guilhelmus Malatesta Marchio Terrasanæ



Leonora Malaspina Marchionissa Terrasanæ

CXXX. HIEROGRAPHIA.

FVLMINAT HIC BELLO.

Ad bella benè, foeliciterque gerenda requiruntur, dexteritas, prudentia, ardor animi & arma. Hæc quatuor perbellè Hieroglypto demonstrantur: Dexteritas enim, quæ experientiâ comparatur, annulo designatur, quem gladii mucrone nonnisi sæpius expertus & dexter suscipere potest. Prudentiam, sine qua bellum felici successu caret, serpens gladium obrepens denotat. Animi ardorem & voluntatem, quo bella geruntur, ignis significat. Ac gladius, brachiumque armatum arma, quibus bella geri debent. Quicumque igitur his quatuor instructus est, HIC verè FVLMINAT BELLO, præcipuè autem, cui ardor animi magnus: Hic enim igne & gladio nihil invium finit, ac intactum, sed quævis fulminis instar sternit. An se talem, aut alium describat Myſta, incertum est, lectoris itaque iudicio id relinquendum puto.

CXXXI. HIEROGRAPHIA.

SPLENDOR VANE SCENS.

Vt candelæ flamma & splendor à levissimo aflatu & humore extinguitur, ac evanescit; ita quicquid in hoc orbe splendidum, egregium & pul-

pulchrum videtur : Sive enim quis formam, ætatis florem, corporis vires & sanitatem intueatur, hæc profecto citissimè transeunt : Pauci enim anni & momento morbus, aut casus aliquis humanus hæc adimunt. Si verò quis magnificentiam, divitias, honores, dignitates, clientum & subditorum numerum, fastum mundanum, ac rerum affluentiam, qua potentes & Principes præ aliis splendere solent, inspiciat; hæc omnia non minus quam priora levi fortunæ adversæ afflatu, vel morte pereunt & delentur : ita ut splendidissima quæque vana omnia deprehendantur, ac indigna sint, ut in iis fœlicitas aliqua constituatur. Id dum perspexisset Sapiens, exclamabat : *Vanitas vanitatum & universa vanitas & afflictio spiritus.* Et Esaias : *Omnis caro est fœnum, & omnis gloria ejus tanquam flos agri; Exsiccatur est fœnum, & cecidit flos, & omnis gloria ejus.* Hanc rerum mundanarum vanitatem hæc Principissa cognoscens & pertæsa, numinisque amore flagrans, Hierographiam hanc edidit, amicis & posteris iudicium hac de re suum relinquens.



Marcellus Pignonius Marchio Rutoli



Ferdinandus Caraffa Mar Sancti Lucidi

CXXXII. HIEROGRAPHIA.

H A V D A L I T E R.

Inter augustas arbores Palma etiam censetur, quod ea victores & in urbem ingredientibus Imperatores triumphantes, in signum victoriæ, ornarentur ac coronarentur. Distinctio inter palmas sexus est, ac femellæ appetitus masculi tam vehemens, ut si non procul absit, ad illum ramos & folia inclinet, soloque afflatu & odore, aut pulvere foliorum ejus aspersa, fructus producat: Sola plantata sterilis manet. Hoc etiam peculiare habet palma, ut phœnicis avis instar, dum senio, aut alio casu interierit, iterum à seipsa renascatur, ac perpetuitatem obtineat. Deinde ut fructus non circa medios ramos, sed in summitate producat, ac eo loci, ubi à Sole foveri, ac calefieri possit. Nam dum Solis aspectu & radiis privatur, nullos edit fructus. Huc respicere Mysta videtur, dum ait Symbolo: se H A V D A L I T E R fructus facere: Sole enim DEUM Opt. Max. intelligi vult, ad quem mentem, ac omnes animi vires, ut ejus ope & auxilio aliquid boni proferre possit, dirigit: Absque enim illius radiis & benevolo aspectu vix aliquid frugiferum effici potest, cum ille omnis boni parens sit, ac nostra indoles primorum parentum culpa iravitiata, ut illius gratiâ destituta, nullos utiles virtutum fructus gignere & producere possit. Propositum itaque hujus Principis sanctissimum, ac verè Hierographicum est.

CXXXIII. HIE-

Princeps, dum juvenis in aula Caroli Quinti Imperatoris educaretur, animique & corporis donis excelleret, armisque & literis operam daret, hanc Hierographiam invenit, in qua spectatur Lotus, herba florens, fluminiq̃ue innatans, ac ad Solem se gyrans. Herba à Theophrasto, ac Plinio, describitur, Euphratique fluvio innasci dicitur, idque proprii habere, ut cum Sol oritur, ac Hemispherium ascendit, paulatim ex aquis prorumpat, seque ita elevet, ut cum Sol meridianam attingerit lineam, erecta stet, apertis floribus, iterumque occasum petente Sole, sequendo paulatim occidat; donec post Solis occasum ita se aquis altè immergat, ut amplius, ne manibus quidem, comprehendi possit. Ab admiranda hujus herbæ historia Mystra Hierographiam desumpsit, qua ostendit, quemadmodum Lotus herba Solem perpetuo sequitur & absque ipsius radiis neque se erigere, neque florere potest, sed aquis immersa lanhuet, ac ut mortua latitat; ita nec se vivere absq̃ue amariæ conspectu posse, illoque privatus lachrymis, variisque animi anxietatibus, tanquam undis fluentibus, obrui, vitamque infœlicem, ac morti similem agere, donec DIVA LVX iterum affulgeat. Potest etiam Theologicè interpretari Hierographia, mentem videlicet & animum hominis gratiâ divinâ affulgente florere, ac mundanas omnes tempestates superare.

Robertus Marchio Pallavicini vicarius Imperij
et p Longobardia general



Camilla Pallavicina Marchionissa uxor Roberti
Marchionis

CXXXIV. HIEROGRAPHIA.

IMMERGAR AVT EMERGAM.

Præcipitem se nudus homo dat ex scopulo in Oceanum & ait; IMMERGAR AVT EMERGAM. Similem aleam se Myſta ſubire velle docet: Quisquis enim in Republica verſari & rebus præfici vult, huic neceſſe eſt, ut multa adoriatur, tentet & audeat, quæ periculis non vacant, ac iis ſe committat: hæc enim ſi ſuperaverit, tandem non minimam laudem conſequitur. Qui nihil tentare, audet, ac audendo gloriam ſibi comparare negligit, raro emergit, aut ex privato loco ad publicum evehitur. Audendum, ut fortuna ſequatur; audaces enim juvat, timidoſque repellit. Indignus bona videtur, qui adverſam nunquam ſenſit. Adverſam paſſo, ſecunda dulcior eſt, teſte Ænea apud Virgilium, cum inquit:

- - - *revocate animos, mœſtumque timorem
Mittite; forſan & hæc olim meminiffe juvabit.*

Ea enim natura boni eſt, ut neque intelligatur, neque cognoſcatur, niſi ejus contrarium malum in ſenſum aliquando inciderit. Laudanda itaque Myſtæ voluntas, quod tentare in rebus arduis fortunam, ac illi ſe committere, gravioris & utilioris rei obtinendæ cauſa voluerit. Id in rebus bellicis sæpe contingit, ubi, ut ait Horatius:

*Concurritur hora momento,
Cito mors venit, aut victoria lata.*

Verum ea pericula, quæ omni spe emergendi carent, laudem non pariunt, sed tantum, quæ cum iudicio & spe salutis suscipiuntur; illa enim temerarium faciunt, hæc fortem.

CXXXV. HIEROGRAPHIA.

OGNI BELLEZA A FINE.

Id est,

OMNIS PVLCHRITVDO FINEM
HABET.

Cariophyllus flos depingitur, qui cæteros omnes, non solum forma, coloribus, ac pulchritudine vincit; verum etiam odore, unde nomen habet. Olet enim Indicum Cariophyllum, cujus, priusquam se aperiat, formam reddit. Herba veteribus incognita, à recentioribus verò tunica veronica & superbia appellatur, quod floris elegantia alios flores omnes contempnui habeat: Celebratur florum cum saccharo exstructum ad pestis contagia, ac cordis passiones, quibus cum vino, aut aceto, sumptum mirificè medetur. Ut porro in Hieroglypto testudo, animal vile & tardum, caulem floris morfu fauciat, ac mox floris inde manat interitus; ita vilissimum & minimum quid pulchritudinem & splendorem rerum magnarum minuere, ac delere potest: OMNIS enim PVLCHRITVDO FINEM HABET, ut inquit Symbolum. Nulla autem pulchritudo
(de

(de qua Camilla dicere videtur) citius perit,
quam mulieris , teste Ouidio, cum ait :

*Quam cito, me miserum, laxantur corpora rugis,
Et perit, innitido qui fuit ore, color.*

Formæ inconstantiam flos iste eleganter ex-
primit : Dum enim restudo cariophylli floris
caulem morsu sauciat illius paulatim promovet
inreritum, ut

Florem decoris singuli carpunt dies.

Ac canente Ouidio :

*Forma bonum fragile est, quantumque accedit
ad omnes,*

Fit minor & spacio carpitur ipsa suo.

Nec semper viola, nec semper lilia florent,

Et riget amissa spina relicta rosa.

Et tibi jam venient cani formosè capilli :

Iam venient ruga, qua tibi corpus arent.

Iam mollire animū, qui duret & adstrue formā,

Solus ad extremos permanet ille roges.

Nec levis ingenuas pectus coluisse per artes

Cura sit & linguas edidicisse duas.

Admonemur itaque Hierographia , ne cor-
poris, aut animi donis , multo minus externis,
tam facile interituris , superbiamus.

*Hermetas Marchio Soncini et Comes
a Stampa*



CXXXVI. HIEROGRAPHIA.

NEC SORTE, NEC FATO.

Laurus triumphis olim dicata fuit, gratissima domibus, Janitrix Cæsarum, Pontificumque, quæ sola & domos exornabat & ante limina excubabat. Hujus plures sunt species: Quæ olim regia, vel angusta appellabatur, amplissima est arbore & folio, baccis gustatu non asperis. Romanis præcipuè lætitiæ, victoriarumque nuncia addebatur literis, ut & militum lanceis, pilisque, fasces Imperatorum decorabat & in gremio Jovis Opt. Max. deponebatur, quoties lætitiâ novam victoria adferebat. Hoc peculiare habere scribitur, quod fulmine non iciatur, ac gestantem ramos, ne lædatur ab ictu, defendat. Ut itaque Laurus nativa facultate se contra fulminis impetum tueretur, ita Mystra virtutibus suis confidens, NEC SORTE, NEC FATO, se cedere velle, ostendere conatur: Fortunam enim virtus ferendo, ac fatum prudentia avertendo, vincit superatque. Utrumque maximi in rebus humanis momenti esse putatur. Verum tale, ut altero posito, alterum non esse videatur. Si enim fortuito quævis homini contingere statuatur, fatalis omnis necessitas excluditur: Si vero fato & necessario, tanquam à Diis prævisa, & præscripta; omnis fortuna tunc excludetur, ac voluntas homini adimitur. Verum


hoc quia rationi contrarium, & quilibet in se falsum agnoscit, moderatè de fortuna & fato censendum, ac complura homini accidere, quorum ipsemet causa est; unde adagium: *Vnusquisque faber sua fortuna*. Nonnulla naturæ certa lege advenire, quæ nec homo vitare, nec depellere potest, ut mors, quæ olim fati necessitate & Parcarum statuto sic fieri dicebantur. Nam antiqui existimarunt, animalia, plantas, ædificia ac civitates, aliaque infinita, non solum proprium habere genium, à quo gubernarentur, sed etiam sub fati ac Parcarum potestate esse sita, ita ut quoties aliquid nasceretur, illi post aliquod tempus ordine fati, ferro, igne, aqua, vel ægritudine, aliove mortis genere, esset pereundum. Quam necessitatem nulla ratione, nullaque hominis prudentiâ devitari posse existimabant. Imo & Diis ipsis dominari fatum & Parcas Herodoto teste, putabant. Christiani divinam providentiam quæ supra fatum est & futura omnia in æternitate sine tempore & tanquam præsentia intuetur, agnoscunt. Hæc libertatem hominis non adimit, sed quidnam libertas aget, & libere eliger, antequam fiat, ineffabili modo & facultate prævidet,

CXXXVII. HIEROGRAPHIA.

MUTUA FOECUNDITAS.

Principes Hermes cum Ecclesiastico statui se per aliquot tempus consecrasset, ac interea familiar

liæ stirps paulatim deficeret, relicto cœlibatu, matrimonium contraxit, cujus ut causam ostenderet, ac conjugii ad res humanas perpetuandas necessitatem & utilitatem, hanc Hierographiam edidit. Dum cœlebs & solus viveret, posteritati & naturæ nullum sui fructum relinquere poterat; conjugio vero initio, quia indubia prolis & posteritatis spes præ manibus est, eam commodè Hieroglypto, duabus nempe palmis, confirmat: Palma enim sexu distinguitur, ac femella nunquam fructus producit, nisi vicinum habeat marem & ejus halitu & expiratione, vel aurâ, concipiat, fructumque ferat. Auram deferre ventus potest. Si proximus sit mas, ad illum fœtus avida se inclinât, ut attingat & voti compos fiat; alias ejus pulvere aspersa, quæ nunquam fructum ferret, (ut à multis observatum est) fœcunda efficitur.



Petrus Franciscus de Malaspina Marchio Aedifi-
ciorum



Ioannes Baptista Castaldus Marchio Mortare
Gener. Ferd. Imp. p. Transilvania.

CXXXVIII. HIEROGRAPHIA.

INTREPIDA FIDES.

Intrepidam esse canum erga dominum fidem, nemo est qui nesciat, cum multis ea exemplis ab Historicis petitis comprobetur. Nam sæpè adversus latrones pro domino pugnasle constat, confectoque plagis, à corpore non recessisse, ac volucres, ferasque abegisse. Colophonii itemque Castabalenses cohortes canum habuisse dicuntur, quæ primum dimicabant in acie, ac nunquam pugnam detrectabant. Hæc enim fidissima auxilia, nec stipendiorum indigentia. Canes defenderunt, Cimbris cæsis, domus eorum plaustris impositas. Canis Hircanus accenso Regis Lyfimachi rogo, iniecit se flammæ, similiterque Hieronis Regis. Ab hac animalis intrepida fide Hierographia hæc haud dubiè desumpta est, quâ Mystra demonstrare cupit, se perpetuo fidum suis & vocationi suæ esse, ac omnia pericula lubenter subire velle, ut de fide ipsius constet; imo mortem potius, quam datam fidem non servare, subire paratum esse. Virtus hæc, ut omni laude digna ira servanti utilissima; fidelis enim quavis fortunâ extinctus propemodum, facile tamen reviviscit, ac pristinum vitæ splendorem recuperat, dum amici fidelem virum auxiliis libenter adjuvent, ut simili casu & infortunio laceratis illis vicissim beneficii accepti memor opem

V s

ferat

ferat. Id noverat Plautus in *Asinaria*, qui fidem servandam ei, qui integer manere vult, suadet:

Eidem homini si quid rectè curatum velis,

Mandes mori i se misere mavolet;

Quam non perfectū reddat, quod promiserit.

Tanti fiebat olim apud Romanos fides, ut moriendum potius, quam fidem non servandam, putarent.

CXXXIX HIEROGRAPHIA.

LIBERALITATE ET MORA.

Tigrin Hircani & Indi ferunt animal velocitatis tremendæ: torus enim foetus, qui semper numerosus est, ab insidiante rapitur equo insidente quam maximè veloci: at ubi vacuum cubile repetit, fœra fertur præceps, odore vestigans: raptor, appropinquante fremitu fera, abjicit unum è catulis: tollit illa morsu, & pondere etiam ocior acta, remeat, iterumque sequitur, ac subinde, donec in navim regresso raptor; illa sæviat in littore. Si per mare effugium non datur, constituit in via raptor plurium facierum specula, non plana, sed paulum convexa, ut minores ferâ ideæ catulorum similes reddantur. Has fera intuita, dum catulos arbitratur, ac sedulo unguibus à speculis eximere conatur, moram trahit, intereaque effugit raptor, feramque illudir. Ita fit, feram & LIBERTATE raptoris ET MORA deceptam, foetus jacturam facere.

re. Istius exemplo exercituum summi Imperatores sciunt sæpissimè hostes etiam ferocissimos, ac strenuissimos stratagemate aliquo militari citius, quam magna vi, superare. Inter quæ profecto pecuniis, ad conatus hostium impediendos, nihil fere est accommodatius. His enim si, ut ajunt, asinus oneretur, facilè mœnia transvolabit, ac obsidentibus viam in urbem faciet. Tanta enim est pecuniæ vis, propter cupientium aviditatem, ut nihil tam arduum, nihil tam difficile sit, quod non leve & facile reddat. Huic si militum Duces parcere nolunt, facilè compotes voti redduntur, ac victoriam liberalitate & largitionibus emunt. Alterum stratagma mora est, qua hostium impetus spe alicujus boni retardantur & tempus insidianti datur, ut ea, quæ ad obtinendam victoriam necessaria sunt, tempestivè curare possit, aut si in periculo sit, elabendi tempus habeat. His itaque duobus, LIBERALITATE ET MORA, Mystra se ferocissimos quosvis rectè domare & cicurare velle proponit: Liberalitas enim animum officiis ad mutua officia invitat & cogit, ac mora ferocem animum tempore molliorem reddit.



*Io: Iacobus Truultius March: Viceueni Francie
Tribunus ac prefect: militum in Italia*



*Theodorüs Truultius March: Picchitoni Prefectus
militum Regis Francie*

CXL. HIEROGRAPHIA.

NON CEDIT UMBRA SOLI.

Inrer præcipuos sui temporis Duces haud dubiè Joannes Jacobus Triultius, tum authoritate, tum prudentiâ, ac rei militaris peritiâ, clarus fuit. Is dum ambitionem Ludovici Sfortiæ, qui Decatum Mediolanensem nepoti, ac legitimo successori auferre, ac sub se redigere volebat, animadverteret; ipsius amicitiam reliquit, ac iniquitatem ægre ferens, ac detestatus, partes Regis Arragonii secutus est, qui tunc temporis se ob eandem causam hostem Ludovici esse palam ostenderat. Cum verò omnibus notum esse cuperet, se non minus aptum esse ad regendam provinciam Ludovico, Hierographiam hanc exhibuit, quâ quadrato marmori stilus ferreus infixus est, ac Soli oppositus, ut umbram faciat; antiquæ Triulsiæ familiæ signum, adjecto Symbolo: NON CEDIT UMBRA SOLI. Quibus significatur; ut currentem Solem umbra perpetuo sequitur, nec illi cedit; ita hunc Principem nec Duci Ludovico cedere ulla in re velle & debere, nec ad gubernacula rerum gerendarum minus idoneum esse, minusque juris quam Ducem Ludovicum habere. Generosi profecto animi signum est pupillis, ac iis, qui defendere se non possunt, illatas injurias ulcisci, miserorumque oppressores execrari, ac hostium loco persequi.

CXLI. HIEROGRAPHIA.

ME TVIS ADHÆRERE RAMIS.

Inter viros bonos nihil laudabilius est, quam ut eos, à quibus beneficia accipimus, magnificiamus & vicissim mutuis officiis colamus beneficiorumque acceptorum illis nos memores esse, ostendamus. Id Theodorus Triultius Regis Franciæ militum Præfectus sibi faciendum esse existimavit, ac propterea Hieroglypto ostendere voluit; ut vinea sine alterius arboris fulcramento, cui adhæreat, neque crescere neque bonos fructus producere potest; ita nec se boni quippiam præstare, imo ne vivere absque Regis favore, ac benevolentia posse: Gratulatur enim sibi, dum Symbolo ait: ME TVIS ADHÆRERE RAMIS, supple, utile est; quia sine his vita nulla est & si qua alibi vita conceditur, effœta, inutilis & sine fructu est. Hac Hierographia Mystra gratitudinem magnam benefactori ac patrono ostendit: Cui vix aliquid gratius, quam beneficii accepti recognitio & memoria esse solet. Beneficium enim acceptum qui agnoscit, is agnitione id rependere, & compensare danti videtur, propter obligationem, quam agnitio parit, & officia, quæ ipsam, ut umbra sequuntur.

Sigismundus Malatesta Arimini Princeps Pandulphi filius



Robertus Malatesta Arimini Princeps Sigismandi filius

CXLII. HIEROGRAPHIA.

HIS GRAVIORA.

Celebratur ab Historicis C. Mutii facinus: qui cum Porsenam Regem ac Romanorum hostem trucidare vellet errore Scribam pro Rege interfecit, captusque à regiis satellitibus, ac igne ut combureretur exstructo, ultro dextram, qua erraverat, igne cremavit Regique, agere & pati fortia Romanum esse, effatus est. Verum Rex juvenis virtutem admiratus, ac facinoris miraculo attonitus, similesque complures in illius necem conspirasse intelligens, Mutio ad suos redire jussu, pacem cum Romanis sancivit. Mystra autem hîc, graviora se pro iis, quibus fidem & vitam debet, tolerare, quam C. Mutius perpeffus fuerit, velle Symbolo, HIS GRAVIORA, promittit. Patria autem, parentes & amici, ea sunt, quibus vita & fides debetur, ac pro quibus pericula quævis subire & mortem oppetere, clarum & gloriosum est. Patriam qui negligit, ac contra hostes non ruetur, ingratus erga eam & eos qui illum aluerunt ac indignus, ut ab illa sustentetur, ejusque fruatur donis & fructibus est. Qui verò eam destruere conatur, lacerat, aut oppugnat, ut omni ærumnarum & calamitatum genere obruatur dignissimus. Singulare in patriam fidei extat Codri Regis Atheniensis exemplum, qui vitam, ut patriam salvaret, profudit: Cum enim
ingenti

ingenti exercitu Attica regio ferro ignique vastaretur, diffidentiâ humani auxilio ad Apollinis Oraculum Legatos misit, sciscitatum, quonam modo tam grave bellum discuti posset, quod respondit: Ita illi finem fore, si ipse hostili manu occidisset; quod quidem, non solum totis Atheniensium castris, sed etiam contrariis, percrebuit. Eoque factum est, ut ediceretur, nequis Codri corpus vulneraret. Id postquam cognovit, depositis insignibus imperii, familiarem cultum induit, ac palantium globo sese objecit, unumque ex his falce percussum, in cædem suam compulit. Cujus interitu, ne Athenienses occiderent, effectum est. Myta, ut se gratissimum erga patriam ostendere, non solum dexteram, sed vitam offert, quâ nihil neque gravius, neque majus quid dare possumus.

CXLI. HIEROGRAPHIA.

OMNIA FORTVNÆ COMMITTO.


Fortuna, penes quam omnes humanæ vitæ mutationes, omneque facultatum, honorum, amicitiarum & commodorum arbitrium esse creditur, Oceani filia ab Homero statuitur, ante quem incognita prorsus fuit, nullumque nomen obtinuit. Hanc putant res humanas sursum ac deorsum subvertere pro suo arbitrio, in singulos homines jus habere, civitates, regna, amicitias evertere, cum libuerit, eversa & jacentia demum erigere,

erigere, opulentia, hominumque frequentia & florentissima efficere. Quare si quid prosperum, si quid ex voto, siquid foelix ex obscuris causis eveniat, aut contra siquid turbulentum, molestum, calamitosum contingat, id totum fortunæ tribuitur, ita sola rerum domina existimata fuit, ac vitam mortalium illius ludum esse, multi crediderunt. Fortunæ signum primus Bupalus apud Smyrneos effinxit, ejusque capiti poculum imposuit, ac alteri manui cornu Amaltheæ. Deinde Archilochus dextra flammam, ac sinistra manu aquam gestantem effinxit, ut foelicitatem donare & calamitates asferre significaretur. Postea à Poëtis rotæ Oceano innatanti, adjecto velo, insistere sangebatur, ut hac ratione nullam stabilitatem habere, ac levissimo vento moveri, locumque mutare, ostenderetur. Huic Mysta se omnia sua committere Symbolo asserit. Forte imprudenter: Quis enim prudens rei instantissimæ sua omnia committit. Respondeo verò Mystam Christianum esse, qui fortunam non agnoscit, sed eum, qui cuncta gubernat, ac sine cujus scitu & voluntate ne capillus capitis decedit. Huic dum fortunæ se committere sua dicit, verè, sanctè & prudenter committit: Is enim Fortunam, si qua est, regit, ac unicuique foelicia, vel infœlicia, ineffabili suâ providentiâ & bonitate prout saluti expedire judicat, tribuit: Multis enim bona fortuna, ut aliis benefaciant & benefaciendo æterna bona mereantur, datur; multis

multis mala, ut crimina doloribus, ac anxietatibus expient, expiarique compores regni cœlestis fiant. Hæc qui meditatur ritè Mystæ exemplo, curis nullis se cruciabit, sed Deo Opt. Max. sua commendans, adversa non solum facillimè, sed animo modesto & hilari, tanquam ad æternam beatitudinem facilius obtinendam data calcaria & subsidia, feret.



Virginia Savella Vitella Marchionessa Andriote.



Olympia Ursina Cesi Marchionissa Moticelli.

CXLIV. HIEROGRAPHIA.

NON DEFICIT ALTER.

Fœdera & olim & nunc datis utrinque dexte-
ris contrahuntur, ac firman-
tur, ac is mos in con-
jugiis celebrandis observatur;
in quibus fidei cultus non solum
utilissimus, sed etiam sanctissi-
mus est. Utilissimus, quia eo
conjuges fœlicem & beatam
vitam, mutuo animorum consensu,
ac prolium deliciis, degunt.
Sanctissimus, quia matrimonii
fœdus Sacramento, ac Deo teste,
firmatum est; quod qui violat,
is in conjugem sceleratus, in Deum
impius, gehennæque dignus
est cruciatibus. Conjugale fœdus
frangentem leges Imperatoriæ &
Civiles capite plectunt, ac in
Rebus publicis bene constitutis
similis pœna passim statuitur.
Hæc itaque Principissa, cum
fœdus conjugale injisset, indicare
voluit hac Hierographia, neque
mariti erga se mutuam fide-
litatem deficere, neque minus
conjugalem fidem, quam se, servare.
Cum conjux vero amore con-
jugalia fœdera servat & NON
DEFICIT ALTER conjugum,
fœlix tunc & suave conjugium
est. Contra, dum deficit alter
conjugum, infœlicissimum, ac
orci faucibus pejus fit, propter
jurgia, rixas & zelotypiam,
quæ inde oriuntur & rem
familiarem perdunt: Ubi enim
mutuus neque amor, neque fidei
conjugalis cultus est, concordia
in discordiam mutatur, res fami-

liares negliguntur, dissipantur & tandem planè intereunt. *Concordiâ enim res parva crescunt, discordiâ maxima dilabuntur.* Rectè itaque sibi gratulatur Principissa, quod fide & amore non deficiat maritus.

CXLV. HIEROGRAPHIA.

DEORSUM NVNQVAM.

Ignis ea natura est, ut deorsum nunquam, sursum semper tendat. Causam Philosophi putant, quod supra aerem ignis locus sit, ac elementum quodvis quietem quærat, ac nusquam, quam in proprio & naturali suo loco, quiescere possit. Ob hanc causam terrestria & gravia universi centrum petunt, ac sursum nunquam, deorsum semper feruntur: Ibi enim naturaliter quiescunt, etiam si à nullo re alia sustententur. Sic terræ totus globus centro innititur universi, neq; ulla re fulcitur. Ut autem ignis, quo magis augetur, altius flamas emmittit; ita amor conjugalis: Nam incrementum capiens ignis ardore & flammis crescit, neque ab ignis ingenita natura degenerat, ut diminuat, aut decrescat. Quod autem de fœdere conjugali sacro & cœlesti intelligenda sit Hierographia, manus se mutuo complectentes & è nubibus, ac cœlo porrectæ significant. Proposuit enim Olympia, non solum marito datam fidem servare, sed etiam amorem erga maritum, tanquam fidei vinculum, indies augere, ac majorem

jorem facere velle Hoc Mystæ propositum laudem non parvam meretur, cum nihil laudabilius sit matronis, quam fidem marito promissam colere, sinceroque amore firmare, quem obsequia & officia viro præstita pariunt, iis enim ad mutuam fidem & amorem cogitur: Qui enim amatur, vix non potest redamare, hinc vulgare:

- - - - ut ameris amabilis esto;
Obsequium amicos parit, &c.



Porta Ceri Angulari Cesi Marchionissa Riani



Clelia Farnesi Cesarina Marchionissa Civitatis noue

CXLVI HIEROGRAPHIA.

VTRVMQVE


Vnâ figurâ hæc Principissa & Palladem & Junonem exhibet. Pallade virtus, Junone majestas, dignitasque significatur. Quæ duo, si prudentiâ (quam anguis hastam obrepens notat) regantur, ac exerceantur, mirum in modum Principem conveniunt. Virtute enim hominum animi ad amorem incitantur, cum nemo non (licet iniquus) virtutem, ac qui virtute præditus sit, amet. Majestate vero, seu dignitate populi ingenia cicurantur, ac ad obsequia flectuntur; ita ut ultro iis, quos se præstantiores, ac in dignitate constitutos sciunt, libenter pareant, ac eos venerentur. Amorem itaque & obsequium suorum sibi parere virtute & majestate hæc Principissa prudenter voluit: His enim stabile Reipubl fundamentum ponitur, ac Principis persona ornatur, ut amicis & subditis admirationi, hostibus vero terrori sit. VTRVMQVE igitur, & Palladem, quæ artium, ac virtutum Dea à Poëtis statuitur, & Junonem, quæ Jovis conjunx, omniumque Dearum Regina est, hæc Principissa refert: Virtutibus enim ita ornata fuit, ut aliis exemplar virtutis esset: Majestas etiam personæ tam augusta, ut majori loco & dignitate digna visa fuerit.

CXLVII. HIEROGRAPHIA.

VOLENTE.

Non est dubium , quin hac Hierographia Fortunæ imago depingatur, quod volubili spheræ insideat, velumque manibus vento agitatum contineat. Hâc enim formâ in veterum monumentis figurari solebat. Quid autem velit Gnome, V O L E N T E , ingeniosus facilè assequi potest : Sperantis enim & expectantis est , ut propterea V O L E N T E , videlicet fortuna, Mystra sibi fœlicem rei alicujus jam selectæ eventum promittat. Non tamen eo fine, ut propterea Fortunam causam quandam Divinam humano intellectui occultam , à qua omnes effectus fortuiti fiunt , ex Stoicorum sententia statuat : Nihil enim aliud est, quam actio aliqua secundum electionem procedens, quam consequitur finis aliquis, non intentus & raro contingens, sed quod illius, qui fortunam regit & cui nihil fortuitum est , operâ & auxilio hæc Principissa, se desideratorum & optatorum compotem fore, ostendere cuivis velit. Deo enim , qui omnium præscius est , & ipsius actioni, qua cum omnibus causis particularibus concurrit, nihil est fortuitum, aut casuale. Nam casus à fortuna differunt, cum casus tantum sit causa per accidens , in his, quæ propter finem eorum, quæ raro contingunt, eveniunt : Fortuna verò in his , quæ propter finem

nem, secundum electionem : Qua ratione intelligitur, in bruta non fortunam, sed casum tantum cadere posse. Fatum verò quia aliqui cum fortuna confundunt, ab ea, definitione ipsius posita & intellecta, facile distinguitur. Est autem, Boethio teste, fatum inhærens mobilibus dispositio, secundum quam divina providentia suis quæque nectit ordinibus. Idque fit, ut propterea rebus omnibus necessitatem non imponat : Deus enim ad effectus contingentes causas præordinavit contingentes, ad necessarias necessarios : ita ut quamque causam agere secundum modum suæ naturæ & effectus pariter suæ naturæ provenire permittat.



Petrus Medicus filius Magni Ducis Cosimi Aetruriae



Petrus Medicus filius Laurenty Ducis Urbini

CXLVIII. HIEROGRAPHIA.

SEMPER.

Falco annulum adamante ornatum unguibus continet, adjecto Symbolo, SEMPER: His omnibus simul Mysta se constantem & invictum, adamantis instar, esse & constantiam Heroibus, virisque generosis maximè convenire, indicare voluit. Falcone enim generosam pectoris sui indolem Mysticè significat, cum falco cæteras aves fere omnes animi magnitudine superet. Id enim proprii habet, dum in subvolantem prædam impetum fecit, ac eam non rapuit, ut sibi ipsi indignabundus ob errorem commissum, se præda indignum censeat, neque eam amplius persequatur. De adamante vulgaris opinio est, neque malleo, neque igni cedere, utrumque tamen falsum est. Nam adamas malleo in pulverem redigitur, ac unguibus humanis absque alicujus instrumenti ope peculiari artificio teritur, ac confringitur. Hinc falsæ opinioni, tanquam veræ, nititur Hierographia, qua Mysta invictum sibi animum, tum contra fortunæ procellas, tum contra hostes & adversarios esse, palam ostendere voluit. Qui plura de adamante habere vult, legat priores Hierographias.

CXLIX. HIEROGRAPHIA.


IN VIRIDI TENERAS EXVRIT
FLAMMA MEDULLAS.


Amatoria hæc est. Hierographia, ab Angelo Politiano, Iovio teste, inventa, ac huic Principi juveni dicata, qua testari Princeps amari suæ amoris vehementiam, ac quo pacto amoris flammis, nondum succi plenum, ac ad virile robur perductum corpus consumatur, atque tabescat, voluit. Magna siquidem vis amoris est & tanta, ut non solum ad tabem, sed sæpe ad rabiem & insaniam perducatur amantes. Cur autem tam sævis symptomatis afficiantur, difficile scitu est. Existimo propter appetitus & imaginationis in rem amaram perpetuam intentionem, facultatum cerebri instrumenta, quorum beneficio imaginatio exercetur, debilitari, ac, iis debilitatis, non sufficere ad alia munia rationis exercenda; quod cum fit, insania, vel furor, vel delirium præ manibus est: fitque intrinsecis sensibus vehementi intentione, quod extrinsecis vehementioribus objectis. Observamus enim, luce Solis diutius inspecta, non solum visum hebetari, sed Solis speciem præ oculis versari atque tormentorum boatu surditatem & perpetuum aurium tinnium inducit. Tabes autem vel marcor inducitur amantibus, quia spiritus omnes nobiliores corporis jugiter cogitatione rei amari occupati


cupati à coctione , digestionē & assimila-
tione partium nutriendarum divertuntur , sine
quibus corpus neque conservari in suo statu, ne-
que ali potest. Non mirum est itaque, Myrtam
cavere, se amorum ignibus exuri, licet juvenis
adhuc sit & propter virilem ætatem fortius amo-
ri, lignorum viridium instar, resistere deberet:

Tantam enim erga amasiam suam amoris
vehementiam ostendere voluit, ut re-
sisti non possit.

FINIS.







SPECIAL 85B
26619

GETTY CENTER LIBRARY

